

EVERHARDI BRONCHORSTII
DAVENTRIENSIS IC.

Centuriæ II.

MISCELLANEARVM

IVRIS CONTROVERSIARVM,

SIVE

ENANTIOΦΑΝΩΝ.

ET

CONCILIATIONES EORVNDEN.

AB AVTHORE

*Jam denuò recognita, & amplius quam tertia parte
aucta & locupletata.*



LVG DVNI BATAVORVM,
Ex officinâ IACOBI MARCI,

Typographi Collegij Ill. Ordinum

c l o l o c x x l.

ENANTIOΦΑΝΩΝ,³

SEV

MISCELLANÆARVM ASSERTIONVM CONTRO- VERSARVM IVRIS CENTVRIÆ PRIMÆ.

ASSERTIO I.

*Princeps jus alicui quæsitum sine causa auferre
non potest.*



VÉRITUR aut princeps ex certâ scientiâ & plenitudine potestatis possit jus alicui quæsitum vel bona & facultates alicuius subditi auferre. Et verior est sententia, Principi id non licere, idque ex vulgata juris regula *l. id quod nostrum ff. de R. I. E. idem sententia confirmatur per l. 2. 3. & 7. C. de prec. Imp. off. l. ult. C. si contra jus vel vul. pub. l. 10. C. de SS.*

Eccles. l. ult. C. de loca. prad. civil. lib. 11. c. 1. de natur. feud. l. quod semel. ff. de decret. ab ord. sac. l. 5 §. in fi. ff. de iniur. Præterea hæc sententia confirmatur testimonio sacræ Scripturæ. Sic enim Naboth iuste fecisse dicitur, quod Regi Achabo vineam suam emere volenti concedere noluerit. Nam Rex contra legem Dei hoc postulabat, qua cavebatur, ut agri & possessiones in Israëlítico populo, iusta distributione divisæ manerent in cuiusque familia. *1. Reg. 21.*

Tria argumenta contra hanc decisionem adferuntur. Primum est *ex l. 2. C. de crim. sacrileg.* ubi dicitur sacrilegii instar esse, disputare de principali iudicio. Resp. Illa lex ita accipienda est, quod disputare de principis voluntate & iudicio non oportet, si forte elegit aliquem ad aliquod munus, qui videtur esse indignus, attamen de potestate principis disputare non est prohibendum. Præterea illa lex non decidit, quæ sit potestas Principis in privatorum seu subditorum bonis & facultatibus transferendis, sed tantum de honoribus & muneribus publicis distribuendis tractat, & de magistratibus eligendis agit: quorum cura & potestas ad solum Principem spectat. *l. 1. ff. ad L. iul. amb.*

A 2

Secundum

Secundum argumentum deproinitur ex *l. i. ff. de Const. princ.* ubi dicitur, quod principi placuit legis habet vigorem; Itaque principis voluntas præ ratione est, & legis habet vigorem. Resp. Eatenus principis voluntas est sequenda, quatenus legibus, naturæ, & rectæ rationi non repugnat. Atqui contrarium est juri gentium, quo dominia rerum sunt distincta, dominium alicui legitime testamento vel contractu quæsitum, sine iusta causa auferre. *l. ex hoc jure ff. de just. & jur.*

Tertium argumentum tale est. Princeps dicitur dominus totius mundi, & lex maris, id est totius orbem terrarum legibus suis regit & gubernat, *l. de precatio. ff. ad l. Rhod. de ja. l. bene à Zenone C. de quad. prescri.* Ergo res privatis & subditis sine causa auferre potest. Resp. Imperator est mundi dominus quantum ad jurisdictionem & protectionem, non quantum ad dominium rerum privatarum. Pulchre *Seneca*, Omnia princeps possidet imperio, at singuli dominio. Confirmat hanc sententiam pluribus argumentis, legibus & rationibus *Fachin. lib. 8. Controvers. c. 63.* Porro superior decisio cum tali restrictione est temperanda, quod Princeps possit ex causa publicæ utilitatis vel necessitatis, privatis jus suum auferre. Sic potest Princeps domum subditi, civitatis mœnibus nimis vicinam, unde vel incendium vel hostiles insidiæ metuentur, jubere demoliri, item suburbia destruere, ne hostis eò se recipiat, denique fundum urbi propinquum pro dilatandis fossis aut pomeriis civitatis, aut extruendis propugnaculis occupare per *l. si quando. l. adificia. C. de oper. publ.* Quo tamen casu Princeps auferens rem privati, tenetur ad solutionem justipretii. *l. venditor. §. si constat. ff. Com. prad. l. 2. C. in qu. cau. f. rvi pro pram. libert. accip.* Vide *Gail. lib. 2. Obl. c. 55.*

Quartò & vltimò opponitur. *l. 2. §. si quis à Principe ff. Ne qu. in lo. pub.* ubi dicitur, Principem posse concedere, ut quis cum privati alicuius incommodo in publico ædificet. Respondeo. Hoc intelligendum est, cum Princeps id facit ob iustas causas. Nam sine iusta causa non debet, nec solet Princeps aliquid concedere, ex quo alter lædatur. Vide latius de hoc quæstione. *Menoch. de arbit. iud. cent. 1. quæst. 48.*

ASSERTIO II.

*Princeps ex contractibus cum suis subditis
initis obligatur.*

PRINCEPS pacta & contractus cum subditis initos servare tenetur, et iisque efficaciter obligatur. *tex. sunt in l. Cesar. ff. de publica. & c. i. extra de probat.* Hanc sententiam defendunt *Bart. ad l. digna vox C. de legib. & Vvesemb. in parat.*

in parat. ff. de const. princ. Porro tenetur princeps ex contractibus cum subditis initis, non solum naturaliter, sed etiam civiliter & efficaciter: ne alioquin omni commercio exuatur, nullis cum eo contrahere volentibus, utpote manentibus, ne fidem semel datam violet. Constant namque contractus Arithmetica proportionem, quæ in commutatione commerciorum æqualitatem planè exigit, neque considerat an aliquis rex vel subditus sit, dives vel pauper, sed vult omnes contractus vitrò citroque obligare æqualiter, & ideo contractus non debent claudicare. l. Labeo. 19. ff. de V. S. l. cum emptor. ff. de rescind. vend. Quinimò princeps quo major & potentior est subditis, eò plenius & efficacius ad fidem in conventionibus seruandam adstringitur. Nihil enim est, quod lumine clariore præfulgeat, quam recta fides in principe. l. inter claras C. de sum. trin. & fidei cathol. Eandem sententiam consummat l. pen. C. de dona. int. vi. & vx. vbi dicitur, quod contractus qui celebrantur cum Principe vel Imperatore, habent vim Legis. Hinc. Bald. in c. 1. de natu. sen. Celestinum quintum Pontificem incertitæ arguit, qui mane beneficia dabat, & vesperi reuocabat, & dicit eum fuisse vnum pecus. Pæct. rea omnes contractus qui à Principe ineuntur, habent naturam bonæ fidei Bald. ad c. 1. §. si quis. nu. de pac. Const. Inde refert Sueton. in vita Augusti, cum Pop. Romanus promissam liberalitatem congiarij reposceret, Augustum respondisse, se bonæ fidei esse.

Sed vehementer obstat l. princeps, ff. de legib. vbi statuitur, quod princeps solutus est legibus. Ergo neque pactis aut conventionibus cum suis subditis initis stare tenetur. Resp. Non omnibus legibus solutus est princeps, sed tantum legibus civilibus vel potius solennibus, quæ videlicet respiciunt solennia iudiciorum, contractuum, vel testamentorum l. omnium 19. C. de testa l. adoptio. 38. ff. de adopt. l. qui in prouincia 57. ff. de ritu. Verum legibus naturæ & juris gentium princeps non est exemptus. l. 2. §. 1. ff. de rebus eo. qui sub iur. l. digna vox. C. de legib. Ergo & pacta seruire tenetur, quia pacta & contractus sunt jure gentium introducta §. penult. Inst. lib. 1. tit. 2. l. ex hoc iure. ff. de iust. & iur. Licet itaque Princeps solutus sit legibus, non tamen dictamine rationis naturalis, & lege naturæ, quia & Princeps est animal politicum, & rationis particeps Bald. ad l. 2. C. de fern. & aqu. Nec quicquam magis convenit æquitati naturali, quam ea quæ inter contrahentes placuerint, seruare: l. 1. ff. de pact. quia alioquin graue est, fidem fallere. l. 1. ff. de c. nst. pecu.

Secundò aduersatur decisioni l. penult. C. de donat. inter vir. & vx. vbi expressè sancitur contractus vel donationes principis vicem legis obtinere. Vnde colligi videbatur principem ex suis contractibus non obligari, quia cui potestas est condendæ legis, ejus est & abrogandæ. arg. l. quod iussit. 14. ff. de re

jud. Resp. quod ibi dicitur, contractus principis vim legis obtinere; hoc ita intelligendum est, quod sicut contractus principis, ita & testamentum pro iusto & legitimo habeatur, etiam si princeps in his non observaverit omnes solennitates à legibus requisitas. Hinc licet donationes inter virum & uxorem jure civili non valeant, tamen valent inter principem & Augustam. Similiter & donatio à principe facta, licet excedat summam 500. aureorum, tamen valet absque infirmatione. Ita erudite & eleganter tradit *Cujas. lib. obs. 26. c. 35.* Vide latius & plenius de hac questione differentem *Sichar. ad Lex imperfecto 3. C. de testam. Petr. Gregor. lib. 7. de Repub. c. ult. num. 27. & 28.*

ASSERTIO ILL.

Rescripto Principis potest alicui concedi dilatio temporalis, peremptoria verò exceptio concedi aut remitti non potest.

PRINCEPS potest rescripto suo alicui concedere exceptionem seu dilationem temporalem, at verò exceptionem peremptoriam, quæ jus alterius partis omnino tollit & infringit, concedere nequit. *tex. est. in l. 2. C. de precib. imp. off.* Exemplum prioris partis est, si quando princeps concedat alicui debitori ceno inducias quinquennales, ne interea à creditoribus conveniatur, & ut ipacium aliquod habeat ad pecunias comparandas, quod princeps licite facere potest. *tex. sunt in l. universa. C. de precib. imp. off. l. ult. C. qui bo. ced. poss.* Ratio decidendi prioris partis est, quia hæ dilationes conceduntur sine gravi dispendio adversæ partis, in mora enim modici temporis non solet magnum esse damnum. *l. si debitori 20. ff. de judic.* & quod differatur, non aufferitur. Ratio decisionis posterioris partis est, quia princeps non potest ius vel dominium alicui privato quasitum auferre, nisi ex iusta causa, & propter utilitatem publicam, quo tamen casu debet illi iustum & solutum precium offerre. *l. item verberatum 15. §. 1. ff. de rei vend. l. venditor 13. §. 1. ff. Com. pred. Castren. ad d. l. 2.* Ad hæc princeps non potest in gravem alterius injuriam beneficia alicui concedere *l. cum avus, & ibi Gloss. C. de emanc. libe.*

Sed vehementer obstat huic decisioni *l. si à re. C. de pact. int. empt. & vend.* ubi pactum erat interpositum inter venditorem & emptorem, ut si venditor intra certum tempus offerat precium emptori, quod tunc res esset inempta; in hoc

hoc casu deciditur dilationem huic pacto adjectam non posse remitti rescripto principis. Ergo dilatoria exceptio rescripto principis concedi aut remitti nequit. Resp. In specie istius legis, venditor qui postulat sibi post diem constitutum licere pretium offerre emtori, hoc agit, ut sibi venditionem semel contractam rescindere liceat, quo casu non dilatoriam, sed peremptoriam exceptionem sibi remitti postulat, quia offerendo pretium post tempus in pacto venditioni adjecto expressum, vult à tota venditione recedere. Ita respondet Cujat. lib. obs. 2. c. 10. Anto. Fab. in error. pragmat. decade 25. erro. 3.

Secundò quaeritur *l. militem C. de procur.* ubi statuitur, quod exceptio dilatoria, qua miles repellì potest à munere procuratoris, non potest tolli rescripto Principis. Resp. Ideo hæc procuratoria exceptio rescripto Principis remitti non potest, quia repugnât utilitati publicæ, ut miles sit procurator, primò quia hoc modo ab armorum occupatione milites avocantur, deinde milites constituti procuratores, propter armorum atrocitatem, & minarum terrores essent infesti & iniqui adversariis *l. milites 13. & l. ult. C. locat.*

ASSERTIO IV.

Instè & Licitè Christianis servos habere conceditur.

QUOD Christianis licitum sit habere & possidere servos, evidenter probatur ex primâ origine & institutione servitutis. Originem autem suam & initium servitus ex bellis accepit. Nam cum olim Imperatori exercitus liceret hostes in iusto & legitimo bello captos jure belli occidere, summa humanitate introductum est, ut quos occidere licebat, eos captivos tenere, & servituti vel ministerio suo subijcere possent, ut operis eorum vterentur. *S. 1. Instit. de ju. perso. l. pupillus 239. S. servorum ff. de V. S.* Hinc servi à servando dicti sunt, quia imperatores captivos vendere, ac per hoc servare, nec occidere solent. *l. 4. S. ult. ff. de stat. ho.* Quin & jure diuino licitum fuit servos in dominio & potestate suâ tenere & possidere. Nam *Exodi 21. vers. 2. & 7.* traditur, quod licuit homini seipsum & liberos vendere, atque in servitutem detrudere, cum ad paupertatem esset redactus: quò loco adjiciuntur *vers. 2.* Si quis emerit servum Hebræum sex annis serviet domino suo, septimo autem anno egredietur liber gratis Idem confirmatur *Levit. 25. vers. 39.* ubi admittitur sui ipsius venditio propter inopiam. Sic Egyptii vendunt se Regi Pharaoni ob extremam famis necessitatem, totosque se illius potestati & dominio seuilli, jure proprietatis subijciunt. *Genes. 47.* Huc accedunt exempla veteris & novi testamenti, quæ ostendunt servos etiam licitè à dominis

minis fuiffè poffeffos, ficut de *Agar* ancilla *Genef. 13.* legitur, & de *Onesimo* fcrvo in epiftola Pauli ad *Philemonem* oftenditur.

Obijcitur primò huic decifioni, quod feruitus eft contraria legi naturæ, ideoque tanquam repugnans juri naturali improbanda cenfetur. Quod probatur ex eo, quod omnes homines ab initio & jure naturali liberi funt conditi. *l. manumiffiones 4. ff. de juft. & j.* Secundò confirmatur hoc ex definitione feruitutis tradita in *l. 4. ff. de flat. ho.* ubi feruitus definitur, quod fit conftitutio juris gentium, qua quis dominio alieno contra naturam fubjicitur.

Secundò aduerfatur locus *Deutero. 5.* ubi Deus præcepit Ifraëlitis, vt domini feruos fuos feptimo anno, poftquam fex annos feruierint, manumittant, & libertati reftituant. Ergo non voluit effe feruos feu mancipia. Ad primam objecti. refpondetur, quod feruitus contraria fit humanæ naturæ, integræ quidem, fed non lèpæ & peccatis corruptæ: Nam propter intratabilitatem & malitiam hominum coercendam feruitus eft introducta, tanquam iufta pœna peccati, ut hoc fieno & jugo feruitutis improbi homines bello jufto & legitimo devicti, & in poteftatem hoftium redacti coercerentur. Imò mifericordia & humanitas magna fuit eos feruare, & clementi feruitui fubjicere, quos jure belli occidere licebat.

Secundæ objectioni refpondetur, quod cum apud ludæos ferui dominis fuus per feptennium operas & feruitia exhibuiffent, Deus conceffit illis hoc beneficium, ut tot annorum feruitia tanquam mercedem feu compensationem datæ libertatis domino imputarent. Porro ferui illi apud ludæos non tanquam ferui, fed potius ut mercenarij habebantur, & à dominis fujs detinebantur; qui operas fuas pro mercede dominis folent elocare. Neque licebat dominis feruos diutius tractare, & inhumaniter aut inclementer eis imperare fultu & dominatu fuperbo. *Leuitici 25. verf. 39.* Vide latius differtentem de hac propofitione, quod Chriftianis feruos juftè retinere & poffidere liceat. Martyrem in *loc. com. claf. 4. cap. 19. Vrijm. lib. 2.* exerceat theologiarum, quæftione 54. & 55. ubi omninò hanc fententiam defendunt & amplectuntur. Poftremò notandum, quod (vt quidam opinantur) primam originem feruitutis ab ebrietate accepit. Sic enim Ambrofius in libro de *Elia & jrjunio c. 5.* fcriptum reliquit. Manebat antequam vinum inueniretur, omnibus inconcufla libertas, nemo fciebat à confoite naturæ fuæ obfequia feruitutis exigere. Non effet hodie ferutus, fi ebrietas non fuiffet. Vide *Arift. lib. 1. Polit. c. 3. & 4.* & ibidem annotationes Giphani, vbi multis folidis argumentis & rationibus probat, quod inter Chriftianos licita & permiffa fit feruitus, vbi notat etiam ad reprimendas feditiones utiliffimam effe feruitutem, quarum feditionum caula plerumque folet effe alienum

alienum & inopia. Sic & traditur optimum fuisse consilium Moyſis, vt qui inopia laborarent, vel ære alieno premerentur, nè res novas moliantur creditoribus vel ſerviando ſatisfaciant ad tempus, vel in perpetuum, pro debiti magnitudine.

ASSERTIO V.

Riparum uſus publicus eſt, ſed proprietas illarum eorum eſt, quorum prædiis hærent.

RIPARVM uſus publicus eſt jure gentium, ſicut fluminis: vt naves ad eas appellere, ſunc æ arboribus ibi natis religare, onus aliquod in his reponere cuilibet liberum ſit. At proprietas earum eſt illorum, qui propè ripas prædia poſſident. *l. riparum. ff. de rerum diviſ. §. riparum. Inſtit. eo.* Hinc cuius in ripa ædificare non licet, & qui in ripa fluminis ædificat, id non facit ſuum, ſed ædificium domino ripæ cedit, cujus eſt ſolum. *l. qui autem 14. ff. de acq. rer. do.*

Sed obijcitur huic deciſioni, quod proprietas riparum videtur potius dicenda nullius eſſe, ſicut ipſius fluminis & littorum. Quod probatur hoc argumento. Cuius juris eſt totum, eius juris ſunt & ſingulæ eius partes. At ripa fluminis pars eſt. Itaque ſi flumen ita publicum eſt, ut nullius ſit in bonis, eodem jure & ripam haberi necèſſe eſt. Reſp. Ripa non eſt pars fluminis, ſed tantum diſtat à flumine, quantum continens à contento, ripa enim eſt id quod flumen continet. Atqui continens non eſt pars ejus, quod continetur, ſed continens & contentum ſunt inter ſe relata, quorum unum nunquam poteſt eſſe alterum.

Secundo opponitur *l. penult. §. 1. ff. de acq. rer. do. & l. 3. ff. de flumin.* ubi ripæ publicæ dicuntur. Reſp. Ripæ dicuntur publicæ, propter uſum, qui eſt publicus, ſed proprietas riparum eſt privatorum, qui propè ripas prædia poſſident. Hinc etiam arbores, quæ in ripa fluminis naſcuntur, privatis dominis vicinis acquiruntur, quia naſcuntur ex corpore priv. to, de minimis enim ſoli ripæ privatum eſt, & proprium vicinorum dominorum, qui propè ripas prædia poſſident. *l. ergo 30. §. 1. ff. de acq. rer. do.* Ideo autem proprietas riparum privata eſt, quia hoc naturalis æquitas exigit. Cum enim accolæ riparum cogantur eas munire, æquum etiam eſt pro impenſis & laboribus, vt proprietas riparum ad illos pertineat: quia qui ſentit onus, ſentire debet & commodum.

Tertiò adverſatur, quod ripæ ſunt ſimiles littoribus. Ergo ſicut littora quoad proprietatem ſunt nullius in bonis *§. littorum, Inſtit. de R. D.* eodem

B

modo

modo ripæ jure gentium dicentur esse nullius, etiam quoad proprietatem. Resp. Non idem sunt ripæ in flumine, quod littora in mari: Nam littora quotidianis accessibus occupantur à mari, eique subijciuntur, ut quæ subjacet mari terra vel arena, ideoque occupatum sequitur conditionem occupantis *l. penultim. ff. de R. D.* At ripæ non tenentur à flumine, sed continent flumen, ideoque cum ripæ non sint fluminis partes, neque teneantur à flumine, non censentur eiusdem conditionis esse, cujus est ipsum flumen. Ex his rectè concluditur proprietatem riparum illorum esse, qui prope ripas prædia possident. Ita erudite docet Donel. *lib. 4. com. jur. cap. 3.*

ASSERTIO VI.

Pœna capitis in eos constituta est, qui muros civitatis transcenderint.

HÆc decisio apertè comprobatur in *l. ultim. ff. de rerum divisi. §. sancta Inst. eo. l. 3. §. in bello ff. de re milit.* Quibus in locis unanimiter traditur, quod qui muros urbis violaverint, siue murum civitatis vel vallum scalis admotis, vel alia ratione transcenderint, capite puniantur. Additurque ratio, quod apud Romanos alia via quam per portas urbem ingredi vel egredi, hostile & abominandum visum fuit.

Sed huic conclusioni videtur repugnare allegata *l. ultim. ff. de rer. divisi.* in qua hoc non de qualibet urbe statuitur, sed tantum alleritur obtinere in urbe Roma. Quod confirmatur exemplo, ibi subiecto, nam inquit, & Romuli frater Remus ob id occisus traditur, quod urbem Romam transcendere voluerit. teste etiam poëta Lucano, dum ita canit: Fraternali primi maduerunt sanguine muri. Ex quo colligit *Bart. in d. l. ult.* quod qui alterius civitatis muros transcenderit, non capitali pœna sit afficiendus, sed alia extraordinaria & mitiori pœna pro iudicis arbitrio. Quod & conuincitur per *l. 2. & 3. ff. ne qu. in loc. sac.* ubi simpliciter prohibetur, ne quid in muris vel portis civitatis committatur, unde damnum aut incommodum aliquod civitati irrogetur, nulla tamen certa pœna ibi exprimitur. At verò quoties leges aliquid sub pœna interdiciunt, nec tamen certam pœnam exprimunt, tunc ea pœna committitur iudicis arbitrio. *l. 1. §. expilatores ff. de effracto. & expil. l. bodie. ff. de pœn. l. 3. §. pœna. ff. stellion. Gloss. in l. 3. C. de SS. Eccles.*

Resp. pœna capitis constituta est in eos, qui muros urbis Romæ violaverint, aut transcenderint. Quod subiectum Romuli & Remi exemplum in *d. l. ult. ff. de rer. divisi.* manifestè declarat. In alterius verò civitatis muros violato-

violatoribus hæc communior & receptior est DD. sententia, quod extra ordinem pœna arbitraria puniantur, puta relegatione vel carcere d. 1. 2. & 3. ff. ne qu. in loc. sacro. Ita notat Boër. decis. 232. Menoch. de arbitrar. judic. quæst. cas. 483. num. 6. Si tamen delictum sit atrox & enorme, hoc est, si hostili animo aliqui muros transcenderint, pœna capitalis seu mortis infligi poterit. l. ult. ff. Ad l. Iul. majest. Et hæc est communis DD. distinctio referente Sneiderw. ad §. sanctæ Inst. de rer. divis.

Secundò in contrarium adfertur locus ex 9. cap. Actor. vers. 25. & 2. ad Corinth. c. xi. vers. penultim. & ult. ubi discipuli Christi Paulum Apostolum dimiserunt nocturnè in sportâ per muros ciuitatis Damasci. Quod tamen licitè factum non esse forsitan quis objiciat, quia sancti sunt muri & portæ ciuitatis, unde eos transcendere non videtur Paulo fuisse licitum. Resp. Considerandus est finis, cur pœna interposita leges vetent muros ciuitatis transcendere. Quod idèò factum est, ne vrbes sint expositæ latrociniiis, sed ut tuti sint ciues à prodicionibus & insultibus hostium. Atqui cessat illa ratio, quoties de liberando homine innocente agitur. Itaque non minus licuit fidelibus Paulum in sportâ dimittere è mœnibus ciuitatis, quam licebit civi privato muros transilire, ut subitum hostis incursum ab vrbe repellat. Quod & Cicero rectè definit, dum inquit. Etiam si lex peregrinum arceat à muri accessu, minimè tamen peccare eum, qui murum conscenderit seruandæ ciuitatis causa. Nam leges semper ad æquitatem sunt flectendæ, & mens ac ratio, quæ est anima legis, imprimè est attendenda, quæ in hac lege ea potissimum & principaliter fuit, vt ab hostili incursum & violenta oppugnatione ciuitates tutæ atque inuiolatæ conseruarentur. Plura alia ad hanc assertionem pertinentia scribunt Decian. in tract. crim. lib. 7. c. 36. Petr. Gregor. lib. 55. syntagm. jur. cap. 7. num. 7.

ASSERTIO VII.

Merum Imperium est habere gladij potestatem, ad animaduertendum in facinorosos homines.

CONTROVERTITVR ab interpretibus, an hæc sit vera definitio meri Imperij, quæ tradita extat in l. 3. ff. de iurisd. an verò exemplum tantum aliquod meri imperij ibi proponatur. Et verior est sententia, merum imperium in d. l. 3. definiti, non verò tantum exemplum aliquod proponi. Idque ex eo apertè patet, quod Iurisconsultus vsus est verbis denotantibus definitionem meri imperij, non exemplum aliquod referentibus: Sic enim inquit, Merum imperium est gladii potestas, &c.

Sed obijcit quod multa alia sunt meri imperij, præter gladii potestatem, puta damnatio in metallum, de portatio, bonorum confiscatio, relegatio. *l. illucis §. qui vniuersas ff. de offic. pref.* quæ tamen verbis definitionis non continentur. Ideoque hæc definitio est angustior suo definito, cum alia meri imperij membra, seu partes ejus potestatis non comprehendat. Resp. Hæc definitio de imperio est à potiori & digniori parte iurii imperij, quæ est gladii potestas, definitiones autem & denominationes à potiore rei parte desumi debent. Gladii verò appellatione comprehenditur quælibet alia grauior facinororum coercitio, & quæcunque pænæ, qua vita, libertas, vel civitas alicui eripitur, veluti damnatio in metallum, de portatio, & bonorum confiscatio, & quæcunque publici iudicii exercitio. *l. 1. ff. de offic. ejus cui mand. est iurisd. l. scient. ff. de offic. proconsul. l. nemo potest. ff. de R. I.* Sic rectè dicimus magistratum habere jus gladii, cui merum imperium competit. *l. 1. C. Theod. Ne sine prim. i. ius. cert. iud. consil. liceat.* vbi dicitur, præses in illos gladii sui jus & seueritatis exerceat, in quos statim stringi ferrum iura præcipiunt. Idem confirmat Capitolinus in Gordiano hoc testimonio. Gordiano proconsuli Africæ filius à senatu legatus datus est cum gladii potestate. Per eminentiam ergo gladii potestas summa pars est meri imperij, & significat omnem aliam grauiorum criminum coercitionem, veluti damnationem in metallum, de portationem, bonorum publicationem, aliisque atrociores animaduersiones. *l. si quid erit, ff. de offic. proconsul. Palsbrè Cujus lib. 21. obs. c. 30.*

Secundò aduersatur *l. aut damnum. §. 1. ff. de pæn.* vbi dicitur, cum aliquis damnatur, ut gladio in eum animaduertatur, gladio tantum in eum animaduerti oportet, non verò seculi, fuste, aut laqueo. ergo gladii potestas non accipitur generaliter pro omni atrociori animaduersione, seu qualibet vitæ ademptione. Resp. Hoc fit ideo, quia iudex ibi sententiâ complexus est pœnam gladii, sententiâ autem certa esse debet. *§. curare. Inst. de actio.*

Tertio aduersatur, quod multa alia sunt meri imperij, quæ tamen hac definitione seu gladii potestate non continentur, vti sunt leges condere, creare tabelliones, & spurijs legitimare. Resp. Hæc non pertinent ad merum imperium, quod magistratibus maioribus concessum est, sed ad regalia & iura principis; quæ principi sunt reseruata, in signum supremæ potestatis seu præeminentiæ. Sic leges condere non est meri imperij, sed principalis auctoritatis lege Regi principi concessæ, in signum præminentie *l. 1. ff. de Consil. princip.* cujus hodie solius est iura condere. *l. vltim. C. de leg.* Ita tradit Coras. *l. 3. ff. de iurisd. Fachin. lib. 9. controvers. c. 94.* Itaque potestas condendi Leges non pertinet ad merum imperium, sed potius ad regalia Principibus reseruata in signum supremæ potestatis pertinere dicitur. *l. vlt. C. de legib. l. 1. ff. de consil. princ. c. 1. Quæ sint regalia in vlt. feud.*

Scd

Sed e contra videtur quod potestas condendi leges sit meri imperij. *per l. nulli. C. de sent. & interlo. omn. iud.* vbi dicitur, quod qui non potest statuere, non potest relegare. Ergo videtur, quod facultas condendi leges referenda sit ad merum imperium. Resp. Quod condere statuta possint & ij, qui non habent merum imperium. Nam & populi subditi alterius imperio possunt facere statuta, quæ in loco statuentium servari debent, propter generalitatem verborum in *l. omnes populi. ff. de iust. & iur.* vbi dicitur, quod quisque populus sibi ius constituere potest. Vide plene de hac questione, an Legem concedere sit meri imperij, differentem *Fachin. lib. 13. contro. c. 22.*

ASSERTIO VIII.

Non omnibus magistratibus omnes partes meri imperij tribute sunt.

NON omnes partes meri imperij princeps dedit magistratibus, sed certas quasdam partes concecit, quasdam sibi referuavit. Probat hanc decisio in *l. aut damnum 8. §. 1. ff. de pæn.* ubi inquit Ulpianus, sed animaduerti gladio, oportet non securi, fuste, aut telo, vel alio modo: proinde nec liberam mortis facultatem ius concedendi præsidēs habent. Diui tamen fratres rescripserunt, permittentes liberam mortis facultatem. Idem confirmat §. præfecto, eiusdem legis. Præfecto plane competere ius damnandi in metallum ex epistola Diui Severi exprimitur. Deinde id comprobatur *l. inter pænas 6. §. 1. ff. de interd. & releg. & l. 1. §. 2. de leg. 3.* vbi dicitur, jus deportandi in insulam non esse datum Præsidibus prouinciarum, datum esse præfecto urbi. Idem traditur in *l. 2. in princ. ff. de pæn.* Sic & in *l. unic. C. ne sine ius. princ. cert. iud. sic. confis.* asseritur, non omnibus iudicibus datum esse jus confiscandi. Denique hæc sententia ex eò confirmatur, quod olim iure Romano, singulis criminibus certæ pænæ præfinitæ erant, nec poterat iudex hanc pœnam legitimam sententia sua augere vel minuere *l. 4. C. de locato.* Vnde non poterat iudex efficere, quo minus damnatum fuit vel iniuriarum, legitima pœna sequeretur, vel infamiam. *l. non pot. rñ. 63. ff. de iur. l. D. Severus 40. ff. de ini. r.* Ideoque nec appellare licebat in criminalibus causis à sententiis magistratuum, nisi maiorem vel minorem legitimam pœnam iudex irrogasset. *l. si qua pœna 244. de V. S.*

Sed obstat quod merum imperium definiatur potestas gladij, & qualibet potestas atrocius animadvertendi vel pœnas irrogandi in facinorosos homines, *l. si quid erit ff. de offic. procons. l. nemo potest ff. de R. J.* Cum ergo

præsides provinciarum habeant merum imperium *l. illicitas § qui vniuersi ff. de offic. pras.* consequens est eos habere omnes partes meri imperii, & proinde jus deportandi; quod tamen negatur in *l. 6. de interd. & releg l. 1. §. 2. ff. de leg. 3.* Resp. Satis est, quod præsides provinciarum certas partes meri imperii habuerint, puta jus gladii, & damnandi in metallum, verum ius deportandi in insulam non habuerunt, quia hæc potestas legibus illis non est delata. Atqui merum imperium lege *S. C. to.* vel constitutionibus principum specialiter defertur. Ergo nihil amplius ex hoc summo &mero imperio præsilibus provinciarum licuit decernere, quam legibus specialiter & nominatim illis datum est, *l. 1. §. 1. ff. de offic. ejus cui. mand.*

Secundò aduertatur regula juris, cui quod plus est, licet, non debet ei quod minus est non licere. *d. l. non debet 21. ff. de reg. jur.* Resp. Illa regula in mero imperio officium suum perdit, siquidem præsides provinciarum, habet jus gladii. *d. l. illicitas. §. qui vniuersi.* non tamen habet jus deportandi in insulam. Ita perspicuè & eleganter tradunt *Cuiac. lib. obs. 15. c. 39. & lib. 21. c. 31. Vincent. Cabotus lib. 2. disp. jur. c. 5.* Vel potest & hoc modo responderi, quod ideò deportare non potuerunt in insulam præsides provinciarum, quod hoc jus deportandi in insulam induceret latiore extensionem jurisdictionis, cum per deportationem effectum suæ sententiæ exequi volebant in insulis, in quibus nullum imperium vel potestatem exercebant.

ASSERTIO IX.

Merum imperium præscribi potest.

AR DVA & grauis est quæstio, an possit merum imperium præscriptione acquiri. De qua quæstione tradit Bartolus in *l. 3. ff. de iurisd. dict.* se non cogitare posse quid dicendum sit. Sed verior est sententia merum imperium præscribi posse, quæ euidenter probatur per *l. viros C. de divers. offic. lib. 12.* vbi statuitur jurisdictionem in genere ex longi temporis consuetudine seu præscriptione acquiri. Iurisdicção autem in genere accepta comprehendit etiam sub se merum imperium. *l. 1. ff. de off. ejus cui &c.*

Secundò confirmat hanc sententiam *c. auditis. extra de prescrip.* vbi constituitur iura omnia quæ spectant ad Episcopum spacio 40. annorum ab Abbate præscribi posse. Tertiò adiuuat hanc opinionem *l. si cohortali. C. de cohortal. & princip. lib. 12.* vbi traditur apparitorem cohortalem si adspirauerit ad ullam dignitatem, in propriam conditionem retrahi debere,

ita vt

ita vt si vllam dignitatem affectare ausus sit; nulla præscriptione nisi 30. annorum muniatur. Ergo cum is qui affectat merum imperium, adspiret ad dignitatem, procul dubio illud 30. annorum spacio præscribere poterit. Denique hanc decisione comprobant *l. omnes C. de præscript. 30. annorum*. vbi sancitur omne jus publicum vel privatum 40. annorum præscriptione acquiri.

Hinc sententiæ primò aduersatur *l. 3. in fin. ff. ad l. iul. maj. stat.* vbi tradit Martianus priuatos homines, si pro magistratu vel potestate se gesserint, lege Iulia maiestatis teneri. Vnde colligitur merum imperium præscribi non posse, ne ex delicto præscriptionis ius acquiritur. *contra l. meminerint. C. vnde vi. l. siue hereditaria 22. ff. de neg. gest.* Resp. Hoc argumentum procedit in personis priuatis, quæ cum ad exercendum merum imperium sint in habiles, delictum committere dicuntur: secus autem si personæ sint habiles & idoneæ ad exercendum merum imperium, vt sunt duces, Comites, Marchiones, Barones &c.

Secundò in contrarium adfertur hoc argumentum. Quæ in alium non transferuntur, nullo vnquam tempore præscribuntur, ex regula. *c. dudum extra de decim. & l. 2. C. de vsucap. pro empt.* Sed merum imperium in alium transferri non potest *l. 1. §. qui mandatam. ff. de off. ejus cui &c.* Ergo præscriptione videtur non posse acquiri. Resp. Merum imperium potest transferri à Principe, non vero ab iis, quibus specialiter à principe concessum est, nec enim mandata jurisdictione transferitur. Deinde nihil ad rem facit *d. l. 2.* quia hoc tantum ibi dicitur, quod ea quæ testator vendi prohibuit, si vendantur, non possint vsucapi. Nam quia vsucapio requirit titulum, nullus est titulus venditionis, si res à testatore prohibita est vendi.

Denique aduersatur *l. comperit. C. de præscript. 30. an.* vbi statuit Imp. quod ea quæ in signum supremæ potestatis vel principatus competunt, nullam cuiuscunque temporis præscriptionem admittere. Ergo idem statuendum est in merito imperii, quia hoc in signum vniuersalis domini in principe residere videtur. Huic objectioni respondendum sub hac distinctione. Aut quis ita præscribere intendit merum imperium, vt principem tanquam verum dominum non recognoscat, & eius imperium diminuat, & hoc fieri nullo modo potest. Hinc notat Baldus in *c. non liceat. ex. de præscript.* Regem Franciæ, Angliæ & Hispaniæ non posse ita de jure libertatem vsurpare, vt Imperatori obedire non teneantur, sed illum veluti totius mundi dominum recognoscere, debent. Aut verò quis vult exercituum & utilitatem meri imperii præscribere, & statuendum est cum illud sine vlla dubitatione posse, dummodo habilis & idonea sit persona. Quo casu sufficit tempus 10. annorum sciente principe, eo verò ignorante requiritur

requiritur tempus, cujus initii non extat memoria. Ita communi D. D. opinione receptum esse refert *Muscor. in tract. de jurisd. num. 125.* Denique notandum esse privatas personas non esse habiles ad præscribendum metum imperium, eaque sententia est *l. 1. C. de curios. & stationar. lib. 12.* vbi traditur stationarios, qui sunt apparitores Præsidum ad denuncianda crimina, & homines privati non posse habere carcerem, neque aliquem tradere in custodiam, sub pœnacapitis. Postremò opponitur *l. ult. C. de fund. & salt. res domm. lib. 11.* vbi dicitur, quod loca, quæ ad sacrum dominium pertinent, nulla diuturna possessione præscribi possint. Resp. Illa lex loquitur de præscriptione longi temporis, quæ decem annis completur. At verò non negatur, quin longissimo tempore hoc est xxx annis, vel immemoriali tempore præscribi possint loca ad sacrum Principis dominium pertinentia. Et hæc obtinent jure civili. Jure autem Canonico meram imperium etiam existente scientia domini, spacio 40. annorum præscribi poterit. *d. c. auditus; & cap. de quarta. ex de præscript. Muscor. d. lo. nu. 130.* Vide latius de hac questione differentiam *Fach. lib. 8. consto. c. 23.*

A S S E R T I O X.

Privati non possunt alicui tribuere iurisdictionem.

CAUTVM est jure civili, quod privatorum consensu non possit alicui jurisdictio aut judicadi potestas tribui, nec iudex possit fieri is, qui iudex non est. *tex. in l. 3. C. de jurisd.* Ratio est, quia jurisdictio est potestas publica, atque adeo publica, non ptiuata autoritate constituenda, & absurdum esset vnum atque alterum hominem priuatum facere, quod est concessum toti populo.

Huic assertioni opponitur *l. 2. C. de jurisd.* vbi traditur, si iudex incompetens ex vtriusque partis consensu sit aditus, acquiescendum esse rei judicæ. In illa lege, procurator fisci, (qui incompetens est iudex in lite privatorum, vt pote qui tantum inter fiscum & priuatos habet iurisdictionem, *totò tit. C. vbi caus. fisci.*) sententiam dixit inter priuatos, ibique statuitur sententiam ejus jure subsistere. Resp. Ibi procurator fisci inter certas personas habuit iurisdictionem, & judicadi potestatem, & litigatores incongruum cum esse scientes, volentes se incompetentis judicis iurisdictioni subjecerunt. Iudex namq; incompetens fieri potest competens consensu litigatorum, si scientes illum esse incompetentem subiciunt se ejus iurisdictioni *l. 1. & 2. ff. de judic.* Solus ergo consensus priuatorum litigantium non tribuit iurisdictionem ei, qui est omnino priuatus, sed ejus judicis, qui aliàs certæ iurisdictioni præest inter

inter certas personas, & in certis causis, jurisdictionem prorogat, & extendit ad alias personas vel causas. Vnde rectè & apertè dicitur in l. 3. C. de *jurisdic. priuatorum*, consensum non tribuere ei jurisdictionem, qui nulli iudicio præst. Summa est, priuatorum consensu non tribuitur, sed tantummodo prorogatur iurisdic. In iurisdic. namque tribuitur vel à principe, vel à lege, vel præscriptione acquiritur, l. 1. ff. ad l. lul. an b l. more 5. ff. de *jurisdic. l. viros* C. de *diuers. off. lib. 12.* Privati nullam jurisdictionem habenti non adicere possunt, sed alias in eum, qui jurisdictionem ex lege habet, consentiunt, eique se subicere possunt.

Secundò aduersatur huic decisioni, quod magistri collegiorum & primores opificum habent jurisdictionem de negotiis ad illud collegium seu artificium vel mercaturam pertinentibus, & tamen illi plerumque sunt homines privati, nec magistratu aliquo funguntur. l. ult. C. de *jurisd. Resp.* Collegia opificum habent quidem iudices peculiares de negotiis ad illa artificia pertinentibus, vel etiam occasione contractis, sed tamen illa iurisdic. non est illis priuatorum consensu, videlicet à Collegiatis tributa, sed potius ex Senatus auctoritate, vel Principum concessione hanc jurisdictionem obtinuerunt. Non enim omnibus promiscuè data est facultas habendi huiusmodi collegia, sed illis tantum permittitur instituere collegia, quibus hoc à SCto. vel Principis indulto concessum est. l. 3. ff. de *colleg. & corp. l. collegium. §. C. de hered. inst.* Collegio autem principis privilegio vel Senatus auctoritate constituto, potestas simul collegiatis data censetur, eligendi iudices, qui jurisdictionem de causis ad collegium pertinentibus exercent.

Postremò opponitur, quod privati possint compromittere in priuatum aliquem arbitrum, vt priuatorum lites dirimat, qui tamen nec jurisdictionem habet, nec iudicio alicui præst. Resp. Compromissa sunt quidem ad similitudinem iudiciorum redacta, sed tamen ipsa non sunt iudicia. l. 1. ff. de *arbit.* Nam quod arbitrer compromissarius pronunciauit, non est sententia, sed arbitrium, ex quo nec actio nec exceptio oriebatur ante constitutionem Iustiniani. l. 2. ff. de *arbitr. l. 1. & l. cum antea C. eodem.* Atque hæc ipsa est ratio, cur hæc in arbitrio ita se habeant, quia scilicet privati iudicem facere non possunt eum, qui nulli iudicio præst, quo negato, omnia negantur, quæ sunt iudicio vel iurisdictioni consequentia.

ASSERTIO XL

*Magistratus municipales non habent mixtum imperium,
sed simplicem iurisdictionem tantum.*

COMPROBANT hanc decisionem *l. ea qua. ff. ad municip.* vbi traditur, ea quæ magis imperii sunt, quam iurisdictionis, hoc est quæ mixti sunt imperii, non iurisdictionis simplicis, magistratus municipalis facere non potest. Quod latius explicant subiecta exempla. Vnde magistratus municipales non possunt in integrum restituere, aut bona seruandæ rei causâ jubere possidere, quæ sunt mixti imperii. *L. subere 4. ff. de jurisd.* Ad confirmationem huius sententiæ facit, quod magistratus municipales inter minores magistratus numerantur, qui de modicis & paruis summis tantum jus dicebant, & sine imperio ac potestate constituerant. *l. nec magistratus 32. ff. de injuriis. l. inter 28. ff. ad municip.*

In contrarium adferuntur hæc argumenta, quibus comprobari videtur etiam magistratus municipales habuisse mixtum imperium. Primum ita argumentantur. Mixtum imperium nihil aliud est, quam modica coercitio, cui inest iurisdiclio seu quæ iurisdictioni coheret, & quæ ad exercendam & expediendam iurisdictionem pertinet. *l. 1. §. vlt. & l. vlt. ff. de off. ejus cui. & c.* Atqui hæc modica coercitio competit magistratibus municipalibus, per regulam *l. 2. ff. de jurisdict. & l. magistratibus 12. ff. de jurisdict.* Resp. ius civile magistratus municipales vsque adeo depressos & abiectos habuit, vt mixtum imperium eis minimè concesserit. Vnde & multæ dicendæ jus non competiit magistratibus municipalibus *l. vnic. in princ. ff. si quis ius dic. non obtemp.* Atamen aliquam modicam coercitionem pertinentem ad mixtum imperium habuerunt magistratus municipales, ne vana & illusoria illorum redderetur iurisdiclio. Hinc ne eorum sententiæ inutiles & frustra latæ dicerentur, permissum eis fuit ex lege, contra eum, qui soluere iudicatumque facere recusabat, mixto vtî imperio, & seruos ejus pecudesque pignori capere *l. quemadmodum 29. §. magistratus. ff. ad l. Aquil.*

Secundò videtur etiam magistratibus municipalibus mixtum imperium concessum, vt facilius iurisdictionem suam exercerent, quia principaliter eis modica coercitio à lege conceditur *l. magistratibus. 12. ff. de jurisdict.* Resp. iure Digestorum magistratus municipales modicam coercitionem non habuerunt in liberos, sed in seruos duntaxat. Quæ modica coercitio in seruos minor censi debet, quam mixtum imperium in liberos. Quod vel ex eo satis patet, quod hæc in seruos castigatio priuatis etiam, puta dominis in seruos,

item

item magistris & preceptoribus in discipulos competat. l. vnic. C. de emend. sermo, l. sed & si 5. §. fin. ff. ad l. Aquil. §. sed & maior. Instit. de his qui sui vel alien. iu. Ita respondet. Longon. in tracta. de iurisd. in 3. parte, in 4. articulo. Magistratus itaque municipales modicam animaduersionem eamque in seruos tantum habuerunt, vt scribit Vlpianus in d. l. magistratibus. Huc pertinet, quod Iudæi Pontio Pilato, Iudææ præfidi responderunt, qui Christum leniter ab illis castigari cupiebat, capitale crimen admisit ex Legge Moysi, sibi que non licere mortem cuiquam irrogare. Ioan. cap. 18.

Tertiò videtur aduersari l. 1. & 4. ff. de damno. infect. vbi magistratibus municipalibus permittitur iubere cauere ex causa damni infecti, & propter contumaciam non cauentis in possessionem mittere, quæ tamen sunt mixti imperii l. 4. ff. de iurisd. Resp. Ea solum magistratibus municipalibus leges permiserunt, ceteras verò coercitiones prætoris iurisdictioni reseruauerunt, ideoque ea magistratibus municipalibus rectè deleganda putarunt. Habuerunt ergo ea ex prætoris concessione, specialiter ob causæ fauorem illis tributa, quia res damni infecti celeritatem desiderat. d. l. 1. ff. de dam. infect.

Denique videtur ob stare §. cognoscent. No. de defens. ciuit. vbi traditur defensores plebis cognoscere debere de leuioribus criminibus. Resp. Illa Nouella non debet extendi ad magistratus municipales cognitos à iure Digestorum, quia eo tempore defensores plebis nondum cognoscebantur. Postremo adhuc ex eadem Nouella 15. instatur, vbi dicitur, defensores ciuitatum, qui sunt species magistratuum municipalium, non posse acta conficere, de his quæ iurisdictionem desiderant. Resp. Illud quid sit, statim Nouella declarat, vt intelligatur de causis, quæ magnitudine forensi dignæ sint, scilicet quod bonorum possessionem non dabunt, non restituent in integrum, in possessionem non initent, hæc enim omnia requirunt maius imperium. Cuius, ad d. No. 15.

ASSERTIO XII.

*Priuatus merum imperium non habuit, sicut nec
præses prouinciæ ius deportandi.*

PRIMA pars hujus assertionis confirmatur ex l. 3. ff. de off. præf. l. 1. & ult. ff. de off. procons. in quibus legibus expresse traditur, quod præfides prouinciæ & proconsules tantum in iis prouinciis, quæ illorum gubernationi & potestati commissæ erant, exercebant merum imperium. Idque

tunc demum, cum in eâ provinciâ versabantur. Caterum si eam provinciam egressi erant, statim deponerant imperium, & pro priuatis habebantur. Unde liquidò constat priuatis hominibus, qui nullum magistratum gerebant, seu qui sine imperio ac potestate erant, non competuisse merum imperium.

Sed contrariam sententiam, priuato scilicet olim competuisse merum imperium, si id specialiter lex ei dederat, defendunt *Cuiac. lib. 6. obseru. 21. c. 30. & Petr. Faber ad l. nemo 70. de R. l.* Quum suam novam opinionem confirmant adducta *l. 1. ff. Ad l. Corn. de sic.* ubi à Icto illa duo magistratus & iudex publici iudicii, tanquam diuersi ponuntur. Vnde colligunt, quod possit aliquis præesse publico iudicio, & ita merum imperium habere, qui tamen priuatus sit & nullo magistratu fungatur, cui videlicet ex lege quæstio publica obuenerit. Quo sensu etiam accipit *Cuiac.* illa verba in *l. 1. ff. de off. eius cui &c.* is cui obtrigetur exercitio legis Iulie de vi, id est, is prætor, iudexve quæstionis, cui forte obuenerit quæstio de vi publica vel priuata. Sed respondeo, quod ille leges loquantur de iudicibus quæstionum capitalium, qui cognitionem tantum habuerunt causarum criminalium, non verò exequendi iudicati potestatem. At verò illam cognitionem longè diuersam fuisse à merito imperio, vel inde patet, quod illa cognitio criminum capitalium mandari potest *l. solent. 6. ff. de off. procurs.* at ipsum merum imperium non delegatur. *l. 1. ff. de off. eius cui &c. l. nemo 70. ff. de R. l.*

Secundò obijcitur *l. aliud est fraus 131. in fi. de V. S.* ubi dicitur magistratus solos posse mulctam dicere, pœnam autem irrogare possunt, quibus huius criminis executio competit, id est, vt interpretatur *Cuiac. lib. 6. Obs. 15. c. 39.* cui obuenerit forte, etiam priuato. Resp. Sensus huius legis est, quod mulctæ dictio competit jure magistratus, non verò criminis executio, vel pœnæ irrogatio: & magistratus ob id quod imperium jurisdictioni mixtum habent, possunt mulctam dicere: Idèò autem additur dictio solos, vt intelligamus mulctæ dictionem non competere iudicibus delegatis. Pœnam autem irrogant magistratus, non quod in magistratu sunt, sed quod huius criminis executio specialiter & nominatiuè eis permissa est.

Secunda assertionis pars, quod nimirum præses provinciæ non habuerunt jus deportandi in insulam, variis juris textibus comprobatur. Ita enim dicitur statui in *l. 2. §. 1. ff. de pœn. l. inter pœnas 6. §. 1. ff. de interd. & releg. l. 1. §. 3. de leg. 3* quibus legibus vniuersimter traditur, præsidibus provinciæ jus deportandi in insulam non esse datum, & si præses aliquem deportandum in insulam sententia comprehenderit, hæc effectum non habet, nisi princeps sententiam comprobauerit *d. l. inter pœnas §. 1. ff. de interd. & releg.*

Sed

Sed contra hanc decisionem tale adfertur argumentum. Cui licet quod plus est, ei utique debet licere quod minus est. *l. non debet 21. de R. I.* Atqui præfcs provincie habuit jus gladii, & damnandi in metallum *l. 6. §. qui universus ff. de off. præf.* Ergo etiam jus deportandi illi merito tribui debet, quia majus est alicui adimere vitam pœna gladii, & libertatem damnatione in metallum eripere, quam solam civitatem auferre deportatione. Similiter nec præsidibus provincie potestas fuit, confiscandi aut adimendi bona, cum tamen vitam adimere potuerint, *l. unica C. Ne sine iussu. princ. cert. judic. liceat confis.* Resp. In his quæ meri sunt imperii, hæc regula à majori ad minus non admittitur, quia ea tantum ex mero imperio fieri quis assumere potest, quæ lege, SCto, vel constitutione Principum specialiter ei data sunt *l. 1. §. qui mandatum ff. de off. ejus cui mand.* prædici provincie datum est jus gladii, jus damnandi in metallum, jus relegandi. *l. relegatorum §. 1. ff. de interd. & releg.* jus confiscandi vel deportandi nulla lege datum est. *d. l. inter pœnas §. 1.* Ita eleganter & subtiliter tradunt Cujac. ad *l. 6. §. ejus qui ff. de injust. rupt. iur.* Petr. Faber ad *l. nemo potest 70. num. 10. ff. de R. I.*

ASSERTIO XIII.

Hæc verba, profiteor te non teneri, pactum reale inducunt.

CONFIRMATUR hæc decisio apertò textu in *l. tale pactum 40. ff. de pact.* ubi l. C. expressè ait, hæc verba, profiteor te non teneri, efficere pactum in rem adeò ut nec à te nec ab hærede tuo peti possit, & neque ego, neque hæres meus petere possimus. Sed contra hanc decisionem duo opponi possunt. Primum non videtur esse pactum, quia verba proposita non sunt disponentia, sed enunciantia, talia autem verba non inducunt dispositionem. *l. Pulia 26. §. ult. ff. de pos.* Resp. Satis ex his verbis colligi pactum de non petendo, nam pacta fiunt nudo consensu, nec requirunt certa verba, imò etiam sine verbis consistunt, ut fit in tacitis pactis *l. 2. §. 3. & 4. ff. de pact.* Non obstat d. *l. Pulia §. ult.* quia ibi agitur de obligatione constituenda, & quidem de obligatione depositi, quæ re contrahitur. Proinde consensio alicujus non potest talem obligationem inducere, sed tantum probare: alioqui depositum fieret verbis, seu nudo consensu, hic autem loquimur de obligatione dissolvenda, quod longè facilius admittitur *l. Arrianus ff. de obligat. & act.* & quidem dissolvenda per pactum, quod longè facilius fit.

Secundò opponi potest, quod dictum pactum sit personale, propter verba illa,

illa, profiteor te non teneri: Sed resp. Personas nominari, non ut fiat pactum personale, sed ut appareat inter quos pactum factum sit. *l. 7. §. pactum. ff. de pact.* Caterum esse pactum generale & in rem, ex ipsis pacti verbis colligitur, id est, ex verbis, non teneri: nam si tu non teneris, nec heredem tuum relinques obligatum. Hoc igitur verbum majorem vim habet, quam si pactus essem de non petendo, quia possum non petere à te, & tamen petere ab herede tuo, non potest autem haeres tuus mihi teneri nomine hereditario, nisi & tu teneris. Vide *Cuja. lib. obs. 18. c. 2.* vbi plane hanc assertionem & plenè confirmat & approbat. Concordat huic explicationi *Anton. Fab. ad d. l. tale pactum. ff. de pact. in rationalib.*

ASSERTIO XIV.

Dux belli in consuleto Principe inire non potest pacem cum hostibus.

ANCEPS & dubia quaestio monetur à DD. an Dux belli seu exercitus potestatem habeat pacem cum hostibus ineundi. Quod de eo quaeritur, qui alterius ductu & auspiciis bellum gerit. Nam de Rege & Principe, qui pacis ineundae & belli indicendi arbitrium habet, nulla potest esse dubitatio. Et verior est Bartoli, ceterorumque antiquorum DD. sententia, Duci exercitus illam facultatem non competere. Quae opinio confirmatur per *l. mandato generali 60. ff. de proc.* vbi statuitur, quod mandato generali non contineatur potestas transigendi.

Hanc decisionem impugnat *Duar. ad tit. de pact.* qui ita distinguit. Aut ducendi tantum & regendi exercitus cura illi demandata est, aut plena & libera rerum omnium potestas ei concessa est: priore casu non potest inire pacem cum hostibus: posteriore verò potest. Idque confirmat *l. procurator cui 59. ff. de proc.* vbi statuitur quod procurator constitutus cum liberâ potestate, potest transigere de rebus domini. Vnde & Principis vicarii, qui ab eo duces exercitus creati sunt, quia habent mandatum cum liberâ potestate, possunt cum hoste de pace injussu Regis seu Principis pacisci. Sed hæc distinctio non videtur admittenda, quia cum jure imperij soli principi aut Reipub. hæc nominatim competant, non transferri debent ad alios, nisi specialiter illis sint concessa. Regulare enim est, ea quæ requirunt speciale mandatum, non transire ad alios, quamvis plena liberaque rerum potestas sit eis demandata. *cap. qui ad agendum. de procurat. in 6.* Nam & in generali oratione non veniunt ea, quæ quis verisimiliter non esset concessurus. *l. obligatione generali. ff. de pignor.* Quamobrem oportet, ut dux belli pacem cum

cum hostibus inire possit, ut hoc nominatim ei sit permissum. Quam etiam decisionem elegantia sententia confirmat *Polybius lib. 1. historiarum*, dum inquit, Non potest dux quispiam in exercitu ipso, exercitus imperatore inscio vel repugnante, polliceri hosti obfessio vel dedenti sese, incolumitatem & salutem. Item *libro sexto. De bello & pace cum hostibus paciscendi jus*, legatis exteris respondendi auctoritas, penes concilium ordinum, non autem penes vnum Regem vel Consulem esto. Eandem assertionem confirmat *Herodotus lib. 6. historia*, dum inquit. Qui dux inferior atque magistratus absque superioris Principis aut Reipublicæ consensu aliquid hostibus vel focis spopondit, aut damnum intulit, pro noxâ iisdem est dedendus. Vide *Vincens Cabotiam lib. 2. disputat. c. 15.* ubi latius hanc quæstionem examinat.

ASSERTIO XV.

Qui pacto recipit in se casum fortuitum, tenetur etiam de casibus fortuitis insolitis.

QVOTIES in aliquo contractu, puta locationis, commodati, depositi, vel alio debitor in se suscipit periculum casus fortuiti, censetur etiam se obligasse ad casus insolitos & inconsuetos. Hæc sententia probatur ex *l. si quis domum 9. §. Julianus. ff. locati.* ubi dicitur, standum esse pacto, si quis locavit fundum ea lege, ut etiam si quid vi majori accidisset, præstaretur ei merces. Vis autem major intelligitur omne periculum casus fortuiti, cui humano consilio resisti non potest, *l. ex conducto. §. si quis tempestatibus. ff. locat.* Vnde saltem in genere de omni casu fortuito, siue solito, siue insolito, ea pactione actum videtur. Nec dicitur casus fortuitus, nisi raro contingat, attestante *Baldo in l. sed & si quis §. quasitum ff. si quis cautio.* Eadem sententia confirmatur per *l. 1. C. commod.* ubi pactum valet, quo in genere commodatarius omne periculum vis majoris, & casus fortuiti in se recipit, veluti si res commodata vi latronum, aut hostium incursum intercepta sit.

Opponitur *l. fistulas 78. §. frumenta ff. de contr. empt.* ubi dicitur, quod si venditor pacto se adstrinxit, se præstaturum, si quid vi aut tempestate factum esset, quod visitam tempestatem tantum præstare teneatur. Vnde de casu fortuito solito & visitato tantum tenetur, qui pacto in se recipit casum fortuitum. Resp. Sensus hujus legis hic est. Venditor qui vendiderat frumenta in herbis seu campis existentia, promiserat se emptori præstaturum id, quod vis ac mala tempestas damni intulisset, postea niues frumenta corruperunt.

perunt. Resp. IC. si immoderate niues & contra consuetudinem sæuientes damnum attulerunt, venditorem teneri. At si ordinaria & moderata niues fuerunt, quia plerumque tempore hyemis mingere solet, hoc damnum sustinebit emor, quia non censetur venditor per pactum quo in se recepit periculum tempestatis, damnum emergens ex moderata ac solita tempestate præstare voluisse. Itaque ex hoc §. hæc vera decisio colligitur, quod obligans se ad casus fortuitos, ad insolitos, & rarissime contingentes casus se obligasse censetur. Hanc sententiam defendunt & approbant *Pinel. ad l. 2. C. de resind. vendit. l. 1. par. c. 3. num. 29. Fachin. lib. 1. contro. c. 16.* Dissentiunt *Bart. & Gothofr. ad d. l. fistulas §. frumenta.*

ASSERTIO XVI

Conuentiones inter conjuges de reciproca successione valent.

REGVLARITER pacta de futura successione viuentis interposita jure civili reprobantur & nullius sunt momenti. *l. 4. Cod. de inuul. stip.* Cujus juris hæc est ratio, quia hujusmodi pacta plena sunt tristissimi & periculosi euentus; & contra bonos mores inita censentur. Inducunt enim votum captandæ mortis, & occasionem præbent peccandi, propter insidias, quas struere possunt paciscentes viuenti, cujus hæreditas in pactum deducitur *l. ult. C. de pact. l. stipulatio hoc modo 61. ff. de V. O.* Attamen si reciproce inter conjuges hujusmodi pacta interponantur, quod superstes in prædefuncti conjugis bona in totum vel pro parte succedat, hæc conuentio legibus scriptis non improbat, & passim vsu forensi moribusque recepta est & approbata. Eaque sententiæ maximè confirmatur per *l. quid autem 7. §. si vir. & vxor. ff. de donat. int. vir. & vx.* vbi statuitur, quod licet donatio inter conjuges sit prohibita, tamen vicissitudinaria & reciproca donatio inter eos permittitur, quia hæc conuentio non tam sapit naturam donationis, quam permutationis. Similiter videtur illud pactum de reciproca successione inter conjuges juri esse consentaneum, quia in hoc pacto tollitur ista sinistra suspicio desiderandi seu captandi mortem alterius, cum non minus quis propriam suam hæreditatem alteri relinquat, quam ut alterius hæreditatem sibi deferri expectet. Hanc opinionem quod pacta vicissitudinaria de succedendo inter conjuges valeant, adeo ut ne quidem ob ingratitudinem reuocari possint, amplectuntur *Gail. lib. 2. obs. c. 126. Mins. Cent. 2. obs. 33.* vbi notat in Camera imperii hanc sententiam judicando firmatam, & notissima Germaniæ consuetudine observari.

Sed huic decisioni opponitur *l. licet. 19. C. de pact.* ubi statuitur hanc conventionem de mutuâ successione valere inter milites tantum, ex speciali favore, quod scilicet milites de bonis suis, in vim postremi iudicii, quomodo volunt, & quomodo possunt, disponere & testari possint. Ergo in paganis seu non militantibus contrarium, jus scilicet commune est seruandum. quod verat pactis hereditatem deferri *l. pactum 15. C. de pact. l. 3. C. de collat.* Resp. Quæ causa mouit Imp. ut singulare hoc jus de pactis reciproce successione in militibus admiserint, fauor scilicet militiæ, & utilitas Reipub. eadem quoque ratio conjugibus adaptari potest. Nam non minor fauor militat pro conjugio, quam pro militia: plurimumque interest hæc pacta reciproca de succedendo inter conjuges valere, ut hoc præmio & emolumento de lucrandis bonis dotalibus, facilius homines inuitarentur ad matrimonium contrahendum *arg. l. 1. ff. solut. matr.* Præterea iuuatur & stabilitur hæc consequentia etiam hac ratione, quia pacta de succedendo super dote & donatione propter nuptias, valida sunt inter conjuges *l. hereditas. C. de pact. conuent. l. Diui C. de nat. lib. l. tale pactum §. ult. ff. de pact.* Ergo etiam super cæteris bonis pactum de reciproca successione admittetur inter conjuges: plerumque enim fit, ut tam mulieres omnia sua bona marito in dotem adferant, quam è contrâ mariti quoque omnia sua bona in donationem propter nuptias uxori assignent. *arg. l. mulier bona 73. ff. de jur. dot.* Denique tam arctus & vehemens amor inter conjuges viget, ut nullo pacto hæc suspicio admittatur, quod propter præmaturam successionem, alter in alterius mortem inhiare, aut alterius fata accelerare velit. Dissentit *Fachin. lib. 5. controuers. iur. c. 86. & 87.* Vide *VVesemb. in parat. ad tit. de pact. dota.* ubi notat talia pacta de reciproca successione inter coniuges valere, si in ijs præsentia quinque testium interueniat. *l. ult. infr. C. de codic. l. ult. C. de dona. cau. mort.* Nam talia pacta de futura successione sapiunt naturam donationis causa mortis, & species sunt vltimarum voluntatum. *l. tale pactum. 49. §. ult. ff. de pact.*

ASSERTIO XVII.

*Conuentio non valet, ne dolus præstetur
in contractibus.*

AD EO dolus in omni contractu præstandus est, ut cum aliæ pactiones de re priuata rate sint, hæc conuentio tamen non seruanda sit, ne in depoliro quidem, si conuenerit, ne dolus malus præstetur, tanquam quæ sit contra bonam fidem, contraque bonos mores. *l. contractum. de R. l. 1. §. si conuenit ff. de posit.* Idem autem contra bonos mores est hæc conuentio, quia

D impunitate

impunitate doli propositâ inuitat ad delinquendum, vbi conueniebat reum metu pænæ potius à maleficio deterri. *l. illud. 5. ff. de pact. doli. l. si vnus 27. §. pacta. ff. de pact.*

Sed aduersantur huic decisioni *l. jurisgentium 7. §. si paciscar ff. de pact. & l. 4. in fin C. de transact.* vbi admittitur pactum, ne dolus præstetur. Resp. Quod dictum est, pactionem non valere, qua conuenit ne dolus præstetur, intelligendum est de dolo futuro, de quo id agitur conuentione, ne præstatur, si fortè postea admissus sit. De præterito verò dolo vt & de furto transigere & pacisci permissum est. *d. §. si paciscar. l. si tibi. 17. §. quadam ff. de pact.* De præterito dolo quod pacto remitti possit, disertè scriptum est in *d. l. 4.* Non obstat autem in hoc casu superior ratio allata, cur de dolo futuro non liceat pacisci, nam hic remittimus actionem jam nobis quæsitam, nec propterea reum ad dolum admittendum inuitamus, cum jam admissus sit, nec de futuro dolo agatur. Sic & de falso pacisci & transigere licet, sed falso jam admissio, cum quæstione falsi motâ de eo transigitur *l. pen. C. de trans.*

Secundò prædictæ assertioni grauiter repugnat *l. si vnus 27. §. illud. ff. de pact.* vbi etiam admittitur pactio de futuro dolo non præstando. Nam ita Paulus *l. C.* ait, non valere pactionem, ne dolus malus præstetur, quamuis si quis paciscatur, ne depositi agat, vi ipsa pactus videtur, ne de dolo agat, quod pactum proderit. Resp. Hæc pactio qua deponens paciscitur cum depositario, ne depositi cum eo agat, prodest quidem reo, sed non ad hoc prodest ei, vt non liceat actori de dolo agere, si cum dolo quid fecisse in deposito interuertendo probet. At in hoc prodest Reo, si dicat se rem depositam amississe, quamuis illud non probet, tamen propter prædictam conuentionem ei fides habeatur, & allegata tantum amissione depositi absolui debeat, quod non interpositâ hac conuentione futurum non erat, quia alioqui amissionem allegatam probare tenebatur depositarius, aut condemnari debebat. *l. 4. C. de pig. act.* At vero si actor contendat rem depositam adhuc esse apud reum, aut dolo malo ejus esse amissam, & probationem ejus suscipiat, audiendus erit. Nec obstat ei prædicta conuentio, quæ sine manifesta turpitudine non potuit Reo concedere, vt impunè in deposito actorem fraudaret. Pactum namque ne futurus dolus præstetur in deposito, inuitat reum ad delinquendum & liberè grassandum fraudandumque in deposito, quod turpe est & contra bonos mores, ac proinde non seruandum *l. si vnus. §. pacta. ff. de pact.* Ita eleganter tradit *Donel. lib. 16. com. c. 6. & ad l. 6. num. 10. C. de pact.*

ASSERTIO XVIII.

Si filia dote acceptâ renunciet hereditati paternæ, eaque ante patrem mortua sit, non nocet hæc renunciatio nepotibus, quominus perueniant ad successionem Aui.

QUANDO filia validè & legitimè renunciat successioni paternæ, puta cum juramento & dote congruâ sibi constitutâ, si moriantur ante patrem, non nocet hæc renunciatio nepotibus, sed nepotes nihilominus ad hereditatem aui proprio jure admittentur, si modo dotem acceptam confecerint. Hæc sententia probatur primò *arg. l. si ex patris 10. §. 1. in fin. ff. de bon. lib. & l. si quis filio. 6. in princ. ff. de injust. rupt. irr.* ubi traditur, quod si pater exheredat filium suum, qui moritur ante testatorem, ista exhereditatio non nocet nepotibus ex illo filio, quia habetur pro non factâ. Ergo eodem modo non debet nocere renunciatio hereditatis: quia validè sumitur argumentum ab exheredatione ad renunciationem. *Castrenf. ad l. qui superstitis 94. ff. de acqu. hered.* Deinde hisce duabus rationibus hæc decisio confirmatur. Prima est, quia hæc successio debetur liberis provisione legis seu edicti. Ideoque parentes eam suo judicio suâque dispositione tollere non possunt *arg. l. si adrogator 22. ff. de adopt. l. si quis filium 34. C. de inoff. test.* Altera ratio est, quia filia renunciando successioni futuræ, videtur renunciare sub ea conditione, si successio ad eam devoluatur, quæ conditio impletur, quando filia moritur post patrem: sed quando moritur ante patrem, tunc conditio evanescit, quia nunquam fuit sibi delata hereditas. Ergo ista renunciatio habetur pro non factâ. Itaque nepotes nihilominus debent succedere, quia renunciatio nullum eis præbuit obstaculum. Sed si filia quæ renunciavit, obiit post patrem, tunc quia hereditas fuit ei delata, ea renunciatio noceret, & obstaret nepotibus.

Opponitur primò hoc argumentum. Heredes tenentur contractum defuncti approbare, nec possunt contractum defuncti impugnare, quando defunctus pro se & heredibus suis pactus est *l. cum a matre. C. de R. V. l. ex qua persona ff. de R. I.* Ergo & filii non possunt rescindere renunciationem matris, quando mater promissit nec per se, nec per heredes suos contravenire, defunctus enim potest obligare heredem suum. Resp. Mater censetur renunciatione sua & pacto obligare heredes suos, quo ad illa, quæ habent ut heredes matris. Sed filii non petunt illud quod ad matrem spectavit, jure hereditario, nam non veniunt ex persona matris, sed ex proprio jure,

D 2 cui

cui renunciatum non fuit, nec illud habent ut hæredes matris. Ergo non sunt hæredes seu filij obligati hoc pacto matris.

Secundò opponitur, quod filius non potest habere feudum ex pacto & providentiâ, & repudiare hereditatem patris *c. 1. An agnat. vel fil. poss. retin. feud. lib. 2. feud. tit. 45.* & tamen illud feudum habet ex persona propriâ, ex providentiâ scilicet primi domini concedentis feudum, & dispositione legis. Sic etiam hoc casu, licet filij veniant ex persona propriâ, tamen ex quo sunt hæredes matris, debent approbare pactum matris. Resp. Renunciatio matris habetur pro non facta, propter non impletam conditionem. Renunciatio enim videtur facta sub conditione, si scilicet matri illud jus competierit, & hereditas matri sit delata. Atqui hereditas illa matri non fuit delata, unde renunciatio tanquam deficiente conditione, habetur pro non facta, per *l. qui hæredes 44. & l. Manius 55. ff. de cond. & demonstrat.*

Tertium argumentum. Hæres & defunctus habentur pro vna & eadem persona. *No. 48. de iurejur. à moriente præst.* Ergo quod defunctus pepigit, & hæres censetur pactus. Resp. Hoc venit ex fictione juris, sed vere sunt diuerse personæ. Et illa regula procedit in his, quæ habet immediatè hæres à defuncto, tanquam hæres. Sed hanc successionem, non habent filij tanquam hæredes matris, sed ex proprio jure. Ergo quoad eam non repræsentant matrem, nec possunt dici eadem persona cum matre. Postremò oppono hoc argumentum, quod mater accepta dote renuntians, consecuta vitur hereditatem, quia dos est loco hereditatis. Resp. Filia non censetur accipere dotem hereditatis loco, sed dote contenta, dicitur adhuc hereditati sibi debita renuntiare. Nam tenetur patre filiæ dotem dare, & nihilominus filia succedit patri dotem conferendo. *l. ult. C. de promiss. dot. l. illam. C. de collat.* Ipsa ergo filia non succedit, quia renuntiavit: filij verò eius, seu nepotes nihilominus succedunt auctori, quia veniunt jure proprio. Hæc est communis DD. opinio, quod renunciatio filiæ facta in bonis paternis vel maternis, non præjudicet nepotibus, si filiæ vivo patre vel matre sint præmortuæ. Ita eleganter tradit *Miranda disput. 10. num. 13. Villalobos in com. opin. litera F. num. 151. Stephan. Ranchin. in annotat. ad Guid. Pap. quest. 598.* Probatur & hæc opinio *Baldo in l. ult. C. de pact.* cujus contrarium defendit Romanus: sed prius verius. *Conar. ad c. quamvis pactum. de pact. 3. par. §. 2. num. 4.* Extant quoque pro hac opinione duo famosissima consilia *Vvesenbecij cons. 11. num. 14. & cons. 71. num. 16. 17. 18. & seqq.* Approbat hanc etiam decisionem *Fachin. lib. 3. controu. jur. c. 23. 24. & 25. Minfinger. cent. 2. Obseru. 7. Boër. decis. 3. Laurent. Kirchou. in com. opin. concl. 100. ubi dicit hanc opinionem esse communem. Aymo Grauetta cons. 127. Thomas Grammat. decis. Neapol. 57.* Vide hanc questionem absolutissimè tractantem & validissimè

simis rationibus comprobantem, Nobiliss. & Clariss. IC. And. Gail. Cæsareæ Majest. Cons. & Referendarum, in suis obseru. pract. lib. 2. obseru 147. per totum.

ASSERTIO XIX.

Transactio de crimine falsi jure civili licita est.

SUPER crimine falsi, siue illud civiliter siue criminaliter intentatum sit, transactio jure licita & permixta est; tex. sunt aperti in l. ipse 7. C. ad Corn. de fals. l. transigere 18. & l. penultim. C. de transact. l. 2. Cod. de his quib. ut ind. vbi aperte traditur, transactione super falsi crimine factâ, non licere transigenti de falso iterum accusationem instituere. Ita decidit Cuiac. lib. obseru. 19. cap. pen. & lib. 6. c. x1. Cui adskipulantur Gouean. lib. 1. Var. Lect. c. 30. & Fachin. lib. 1. controuer. jur. c. 9. Dissentit Donel. ad l. transigere, num. 14. C. de transact. Imbertus in Enchiridio, jura Gallia, in voce transigere. Addens non licere Moribus Gallia super falsi crimine transigere. Idem tradit Ioan. Pap. Arrest. libr. 23. tit. 2. de composition. et delictis art. 4.

Objicitur l. Lucius penult. ff. ad S. C. Turp. vbi generalis abolitio non trahitur ad crimen falsi, quemadmodum nec illæ remissiones, quas Principes faciunt ob lætitiâ pacis initæ. Ideoque dicendum videtur, quod quamuis in aliis criminibus generaliter transactio permixta videtur, vel etiam generaliter transactum foret, non tamen hoc ad falsi crimen extendendum. Resp. Neganda in hoc argumento à simili consequentia; & diuersuatis ratio est, quia alia est abolitionis generalis ratio, alia transactionis generalis. Illæ ad falsi crimen non extenduntur quia falsum ferè semper pertinet ad rem familiarem & priuatam commodum, ideoque abolitionem non conuenit eò extendi, non interveniente priuatæ partis offensæ consensu. At in transactione generali pars offensæ consentit, ideoque illa ad falsi quoque crimen extenditur.

Secundò objicitur, quod falsi crimen est capitale l. 1. & 5. C. Ad l. Corn. de fals. Vnde à criminibus non capitalibus non rectè excipitur in d. l. transigere 18. C. de transact. in quibus vetita est transactio. Resp. Falsi crimen non est capitale eo sensu, quo capitale accipitur in d. l. 18. nempe ex quo pœna mortis infligitur. Etenim pœna falsi est deportationis & publicationis bonorum l. 1. §. pœna falsi ff. ad l. Cornel. de falsi. nec mortis pœna locum habet in crimine falsi, nisi magnitudo rei id exigat. l. vbi 22. Cod. eodem.

Tertio objicit *Anto. Faber. l. 1. §. accusationem, ff. ad S.C. Turp.* vbi mulier quæ ad falsi accusationem non admittitur, quia suam vel suorum injuriam non persequitur, & si desistat, non tamen punitur. Ergo si ad accusationem admitteretur, punienda esset, si desisteret. juxta *l. si femina Cod. eod.* Resp. Argumentum à contrario sensu non rectè sumitur, quia repugnat text. in *l. 4. ff. ad S.C. Turp.* vbi dicitur, mulierem quæ propriæ injuriæ causa falsi crimen denunciavit, desistentem, S.C. Turp. non teneri. Ex quo argumentum aliud sumitur, transactionem de crimine falsi valere. Non obstat *d. l. si femina*, quia non loquitur de crimine falsi, sed in alio crimine, in quo femina suam vel suorum injuriam accusatione persequitur, & illicitè transigendo incidit in Turpilianum.

Quarto objicitur, *l. questum, ff. ad S.C. Turp.* vbi is qui minatus est falsi crimen se objecturum, & si postea non objiciat, non punitur. Ergo à contrario sensu, si postea objiciat, & desistat, est puniendus. Resp. licet *d. l.* questum velit, ut is qui falsi crimen minatus est se objecturum, & non objecit, non puniatur S. C. Turpiliano, inde tamen non sequitur, istud quoque velle, ut qui illud objecerit, & postea transegerit, in illud. S. C. incidat, quia huic interpretationi & argumentationi leges omnes aduersantur, quæ de crimine falsi transigi posse affirmant. Vide *Anto. Fab. lib. 2. conjectur. jur. c. 20.* vbi intendit probare de crimine falsi transigere non licere, sed illius argumentis jam satis superque à me est responsum.

ASSERTIO XX.

Transactio post rem judicatam interposita non valet.

TRANSACTIO post rem judicatam inita nullius est momenti. *l. si causa cognita 32. C. de transact. l. eleganter. 23. §. si post. ff. de cond. indeb. l. & post rem 7.* sumto argumento à contrario sensu. *ff. de transact.* Ratio est quia transactio tantum fit de re dubia & litigiosa. *l. 1. ff. de transact.* Sed post rem judicatam lis esse nequit. *l. sub specie & toto tit. C. de re jud.* quia res judicata rem certam & liquidam facit, & finem imponit controversiæ. *l. res judicata. ff. de R. l. 1. §. de re jud.* Ergo cum res clara sit certa & liquida post rem judicatam, transactioni omnino non est locus.

Opponitur quod post rem judicatam valet pactum, veluti si quis paciscatur, ne iudicati agat. *l. 7. pen. ff. de pact.* Item quod licet vnicuique juri suo renunciare *l. penult. C. de pact.* Solutio. De re judicata licet pacisci, non transigere, & qui iudicio fuit superior, potest juri suo per pactum donandi causa renunciare, non tamen de eo transigere. *Paul. lib. 1. sent. tit. 1. in fin.*

in fin. Ratio est, quia transactio est de re dubia. *l. 1. ff. de transact.* Res autem iudicata non est dubia, cum omnis controuersia per sententiam sit sublata. Pactum igitur donandi causa licet interponere post rem iudicatam, quia pacta fiunt etiam de recerta, transactioni verò non est locus re semel iudicata, quia transactio tantum fit de re ambigua *d. l. 1. ff. de transact.*

Secundò aduersatur *d. l. si causa cognita. vers. proinde C. de trans.* ubi inquit Impp. Si non Aquiliana stipulatione & acceptilatione subsecuta scilicet post rem iudicatam, competentem tibi actionem iudicati sustulisti, rebus iudicatis præses effectum adhibebit. His verbis videntur Impp. sibi contradicere, quia primò dixerunt non valere transactionem post rem iudicatam, nec ea perimi actionem iudicati, deinde videntur apertè contrarium dicere, ita demum exequendam esse sententiam, si transactum non sit, nam per Aquilianam stipulationem etiam transigitur.

Resp. Propter hanc difficultatem tribus modis hic locus explicatur. Quidam distinguunt inter transactionem factam nudo pacto, & factam per Aquilianam stipulationem. Illa non tollit actionem iudicati, hæc verò (inquit) tollit. Accurs. meritò rejicit hanc sententiam, quia priora verba legis generaliter loquuntur de transactione. Quod autem generi attribuitur, id verè tribuitur omnibus speciebus sub ea contentis. Adde quod eadem est ratio hoc casu omnium transactionum, quia scilicet omnis transactio est de re dubia: res autem iudicata non est dubia. Donellus putat his verbis non proponi exceptionem, sed tantum rationem decidendi, & accipit Si, pro quia: quod non est nouum, ut sensus sit, idè sententiam esse exequendam, quia actio iudicati per Aquilianam stipulationem non est sublata. Mihi verò maxime vera videretur interpretatio, quam Accurs. adfert, & probat ut dictis verbis contineatur exceptio. Hoc autem sic intelligi debet: Stipulatio Aquiliana interuenire potest vel transigendi, vel donandi causa. Si transigendi causa, non valet, si donandi causa, valet: secundum ea quæ suprà exposuimus. Aiunt ergo Imperatores, sententiam esse exequendam, nisi actio sublata sit per Aquilianam stipulationem, id est, nisi talis sit ea stipulatio, quæ sustulerat actionem iudicati, quod perinde est, ac si dicatur, nisi donandi causa interuenerit ea stipulatio.

ASSERTIO

ASSERTIO XXI.

*Pactum inter Advocatum & Clientulum de quotâ
litis initum, jure non valet.*

PACTVM quo convenit inter dominum & procuratorem, vel inter ad-
uocatũ & clientem, vt procurator, seu aduocatus ejus litis, quam ob-
tinebit, certam partem consequatur, non valet. *l. si contra 20. C. mandat.
l. si remunerandi 6. §. ult. & l. sequ. D. eodem. l. sumptus 53. D. de pact. l.
litem 15. C. de procurat.* Similiter nec pactum valet de re certa vel particulari,
super qua litigabatur, in euentum victoriæ danda, licet non ad quotam litis
hoc pactum referatur: quia vtrobique eadem militat ratio: pariter enim mo-
uerentur ad calumniandum aduocati, propter certam rem ex lite sibi dandam
in euentum victoriæ litis, sicut propter quotam litis. Ita rectè notant *Azo,
Gynus & Baldus in l. si qui. C. de postul.* Imò aduocati & procuratores qui
hoc modo paciscuntur, ab officio procuratoris vel aduocati cum nota igno-
minię remouentur *d. l. si qui. C. de postu.* Quæ sententia & iure Canon. con-
firmatur in *c. infames. §. arcentur. 3. qu. 7.* Ratio est, quia pactum hoc est con-
tra bonos mores, præbet enim cauidicis occasionem calumniosè litigandi,
& calumniis veritatem propter spem lucri oppugnandi, & opprimendi, vt siue
jure, siue injuria, partem litis ex victoriâ consequantur.

Opponitur *l. 1. §. si cui. D. de var. & extr. cognit.* vbi permittitur aduo-
cato partem aliquam ex lite, vel certam pecuniæ quantitatem palmarii nomi-
ne pacisci. Resp. dupliciter: Primò illud pactum tum demum valet, cum lis
finita est, & per sententiã decisa, tunc enim licet aduocato pro honoratio
suo, item pro victoriæ præmio seu palmario quod in lite triumphauerit, cer-
tam pecuniæ summam à clientulo pacisci, & pactam exigere, quia post obten-
tam victoriã cessat peccandi falsique committendi illecebra: pendente
verò lite tale pactum non videtur admittendum, quia nullus contractus, nulla
conuentio inter aduocatũ & clientulum lite pendente valet, *l. quisquis. §.
præterea. C. de postul.* Secundò licet quidem aduocato vel procuratori de carto
honoratio etiam palmarii nomine sibi dando cum cliente pacisci, sed non
quantum ipse vult, verum quantum lex præscribit. Lex enim definit certam
quantitatem honorarii nomine dandam aduocatis, vt scilicet possint in causis
grauioribus & arduis honorarii loco pro causæ patrocinio exigere centum
aureos, supra verò centum aureos aduocatus accipere non potest. *d. l. §. si cui.*
Vide latius de hac assertionẽ differentem *Menoch in arbitrar. ind. cent. 6. casu.
522. & Guidonem Papa in decu. Gratianop. quæst. 102.* vbi in addit notat *Per.*

Martia

Mattheus extare SC. Parisiense latum Anno 1514. quo huiusmodi pacti-
ones sordidæ & fraudis conscia declarantur.

ASSERTIO. XXII.

Spurii non sunt Infames.

SPURII appellantur, qui vulgò quæsi & incerto patre nati sunt, qua-
les sunt, qui ex scorto seu meretrice nati sunt, sic dicti, quasi *progenies*
concepti, vel quasi sine patre filii, vulgò nominantur bastardi, quasi *van*
bofer aardi. S. si *adversus Instit. de nupt. l. vulgò concepti. ff. de stat. hom.* Quæ-
ritur autem à DD. An spurii sint infames habendi. Et verior probabiliorque
est sententia, propriè nec juris nec facti infamia spurios notatos esse, & si
negari non possit eis aliquid inesse maculæ, quod alibi Baldus scitè compa-
rat auro alchimistico. Rectè enim & accommodatè de hisce liberis alicubi
scribit Augustin. Benè est liberis quibus nec de matre est erubescendum,
nec de patre dubitandum. Vnde & spurii jure civili tanto odio laborant, ut
nec à patre quidem alimenta petere possint. *Auth. ex complexu C. de incest.*
nup. Quod tamen intelligendum est non de liberis naturalibus ex concu-
bina natis, sed de spurijis natis ex coitu à lege damnato, puta nefarijs & ince-
stuosis liberis qui ex adulterio & incestu nati sunt. *d. auth. ex complexu, &*
ibi Gl. Iure tamen Canonico clementius cum iis agitur, quia non est æquum
infantum à Deo creatum fame necari. *cap. cum haberet ex. de eo qui dux. in*
matr. quam poll. per adult. Quæ sententia & iudicando approbata est in curia
suprema Mechliniensi, vbi pronuntiatum est, quod liberis quos sacerdos ex
concubina susceperat, licet non succedant parentibus ab intestato, tamen ali-
menta illis sunt præstanda, secundum vires patrimonij, & qualitate perso-
narum, iuxta *cap. cum haberet. ex. de eo qui dux. in matr. quam poll. per adult.*
Ita pronuntiatum in curia Mechliniensi Anno 1561. die 10. Januarij in cau-
sa liberorum spuriorum cuiusdam sacerdotis, D. Brunonis Wilhelmi sacerdo-
tis ecclesiæ Wesopiensis quibus iussi sunt heredes proximi ab intestato com-
petentia alimenta præstare ex bonis defuncti patris sacerdotis ad arbitrium &
taxationem curiæ. Ita relatum extat in decisio. supremi Senatus Holl. &
Westfril. decil. 2. Duplici autem ratione hæc decisio, quod spurii non sunt in-
fames, fundatur & stabilitur. Prima est quia pœna delicti suos debet tenere
authores, nec ulterius progredi debet metus, quam reperiatur delictum.
l. sancimus, C. de pœn. Cum ergo spurii nihil deliquerint, non debent luere
pœnam scortationis paternæ. Altera ratio est, quod calamitas vel infortu-
nium parentum non debet liberis damnum, aut dedecus adferre. *Instit. de*

ASSERTIO XXI.

Pactum inter Advocatum & Clientulum de quotâ litis initum, jure non valet.

PACTVM quo convenit inter dominum & procuratorem, vel inter advocatum & clientem, ut procurator, seu advocatus ejus litis, quam obtinebit, certam partem consequatur, non valet. *l. si contra 20. C. mandat. l. si remunerandi 6. §. ult. & l. sequ. D. eodem. l. sumptus 53. D. de pact. l. litem 15. C. de procurat.* Similiter nec pactum valet de re certa vel particulari, super qua litigabatur, in euentum victoriæ danda, licet non ad quotam litis hoc pactum referatur: quia utrobique eadem militat ratio: pariter enim mouerentur ad calumniandum advocati, propter certam rem ex lite sibi dandam in euentum victoriæ litis, sicut propter quotam litis. Ita rectè notant *479, Cynus & Baldus in l. si qui. C. de postul.* Imò advocati & procuratores qui hoc modo paciscuntur, ab officio procuratoris vel advocati cum nota ignominie remouentur *d. l. si qui. C. de postu.* Quæ sententia & iure Canon. confirmatur in *c. infames. §. arcentur. 3. qu. 7.* Ratio est, quia pactum hoc est contra bonos mores, præbet enim causidicis occasionem calumniosè litigandi, & calumniis veritatem propter spem lucri oppugnandi, & opprimendi, ut siue jure, siue injuria, partem litis ex victoriâ consequantur.

Opponitur *l. 1. §. si cui. D. de var. & extr. cognit.* ubi permittitur advocato partem aliquam ex lite, vel certam pecuniæ quantitatem palmarii nomine pacisci. Resp. dupliciter: Primò illud pactum tum demum valet, cum lis finita est, & per sententiam decisa, tunc enim licet advocato pro honoratio suo, item pro victoriæ præmio seu palmario quod in lite triumphaverit, certam pecuniæ summam à clientulo pacisci, & pactam exigere, quia post obtentam victoriam cessat peccandi falsique committendi illecebra: pendente verò lite tale pactum non videtur admittendum, quia nullus contractus, nulli conventio inter advocatum & clientulum lite pendente valet, *l. qui prætere. C. de postul.* Secundò licet quidem advocato vel procuratori honoratio etiam palmarii nomine sibi dando cum cliente quantum ipse vult, verum quantum lex præscribit. *l. si quis. C. de honorat. l. si quis. C. de honorat.* quantum honorarii nomine dandam advocatis in causis gravioribus & arduis honorarii loco pro causa aureos, supra verò centum aureos advocatus. *l. si quis. C. de honorat.* Vide latius de hac assertione differentem *M. 522. & Guidonem Papa in decis. Gratianop. c.*

Matthæi extare SC. Parisiense latum Anno 1514. quo huiusmodi pactio-
nes sordidæ & fraudis conficiæ declarantur.

ASSERTIO. XXII.

Spurii non sunt Infames.

SPURIT appellatur, qui vulgò quæſiti & incerto patre nati ſunt, qua-
les ſunt, qui ex ſcorto ſeu meretrice nati ſunt, ſic dicti, quali *wogeduw*
concepti, vel quali ſine patre filii, vulgò nominantur baſtardi, *quasi van*
boſer aard. §. ſi aduerſus Inſtit. de nupt. l. vulgò concepti. ff. de ſtat. hom. Qua-
ritur autem à DD. An ſpurii ſint infames habendi. Et verior probabiliorque
eſt ſententia, propriè nec juris nec facti infamia ſpurios notatos eſſe, &
negari non poſſit eis aliquid ineffe macula, quod alibi Baldus ſcitè compa-
rat auto alchimiftico. Rectè enim & accommodatè de hiſce liberis alicubi
ſcribit Auguſtin. Benè eſt libertis quibus nec de matre eſt erubeſcendum,
nec de patre dubitandum. Vnde & ſpurii jure ciuili tanto odio laborant, vt
nec à patre quidem alimenta petere poſſint. Auth. ex complexu C. de inceſt.
nup. Quod tamen intelligendum eſt non de liberis naturalibus ex concu-
bina natis, ſed de ſpuriijs natis ex coitu à lege damnato, puta neſarijs & inceſ-
tuoliſ liberis qui ex adulterio & inceſtu nati ſunt. d. auth. ex complexu, &
ibi Gl. Iure tamen Canonico clementius cum iis agitur, quia non eſt æquum
infantum à Deo creatum fame necari. cap. cum haberet ex. de eo qui dux. in
matr. quam poll. per adult. Quæ ſententia & iudicando approbata eſt in curia
ſuprema Mechlinienſi, vbi pronuntiatum eſt, quod liberis quos ſacerdos ex
concupina ſuſceperat, licet non ſuccedant parentibus ab inteſtato, tamen ali-
menta illis ſunt præſtanda. Secundum vires patrimonij, & qualitatem perſo-
narum, iuxta cap. ex. de eo qui dux. in matr. quam poll. per adult.
Ita præciatur Mechlinienſi Anno 1561. die 10. Ianuarij in cau-
ſa de heredes proximi ab inteſtato com-
petenti patris ſacerdotis ad arbitrium &
deciſion. ſupremi Senatus Holl. &
hec deciſio, quod ſpurii non ſunt in-
fames, quia pœna delicti luos debet tenere
et metus, quam reperiatur delictum.
ari nihil deliquerint, non debent luere
tera ratio eſt, quod calamitas vel infortu-
damnum, aut dedecus adferre. Inſtit. de
Eugen.

ASSERTIO XXI.

Pactum inter Advocatum & Clientulum de quotâ litis initum, jure non valet.

PACTVM quo convenit inter dominum & procuratorem, vel inter aduocatum & clientem, vt procurator, seu aduocatus ejus litis, quam obtinebit, certam partem consequatur, non valet. *l. si contra 20. C. mandat. l. si remunerandi 6. §. ult. & l. sequ. D. eodem. l. sumptus 53. D. de pact. l. item 15. C. de procurat.* Similiter nec pactum valet de re certa vel particulari, super qua litigabatur, in euentum victoriæ danda, licet non ad quotam litis hoc pactum referatur: quia vtrouque eadem militat ratio: pariter enim mouerentur ad calumniandum aduocati, propter certam rem ex lite sibi dandam in euentum victoriæ litis, sicut propter quotam litis. Ita rectè notant *47.*, *Cynus & Baldus in l. si qui. C. de postul.* Imò aduocati & procuratores qui hoc modo paciscuntur, ab officio procuratoris vel aduocati cum nota ignominie remouentur *d. l. si qui. C. de postu.* Quæ sententia & iure Canon. confirmatur in *c. infames. §. arcetur. 3. qu. 7.* Ratio est, quia pactum hoc est contra bonos mores, præbet enim causidicis occasione in calumniosè litigandi, & calumniis veritatem propter spem lucri oppugnandi, & opprimendi, vt siue jure, siue injuria, partem litis ex victoria consequantur.

Opponitur *l. 1. §. si cui. D. de var. & extr. cognit.* vbi permittitur aduocato partem aliquam ex lite, vel certam pecuniæ quantitatem palmarii nomine pacisci. Resp. dupliciter: Primò illud pactum tum demum valet, cum lis finita est, & per sententiam decisa, tunc enim licet aduocato pro honoratio suo, item pro victoriæ præmio seu palmario quod in lite triumphauerit, certam pecuniæ summam à clientulo pacisci, & pactam exigere, quia post obtentam victoriam cessat peccandi falsique committendi illecebra: pendente verò lite tale pactum non videtur admittendum, quia nullus contractus, nulla conventio inter aduocatum & clientulum lite pendente valet, *l. qui so-*
prateat. C. de postul. Secundò licet quidem aduocato vel procuratori honoratio etiam palmarii nomine sibi dando cum cliente quantum ipse vult, verum quantum lex præscribit. I. quantitatem honorarii nomine dandam aduocatis grauioribus & arduis honorarii loco pro causæ aureis, supra verò centum aureos aduocatus a
Vide latius de hac assertione dissentientem *Me-*
522. & Guidonem Papa in decis. Gratianop. q.

Matthæus extare SC. Parisiense latum Anno 1514. quo huiusmodi pactio-
nes sordidæ & fraudis conscia declarantur.

ASSERTIO. XXII.

Spurii non sunt Infames.

SPURII appellantur, qui vulgò quæsitæ & incerto patre nati sunt, qua-
les sunt, qui ex scorto seu meretrice nati sunt, sic dicti, quasi *avogad lo*
concepti, vel quasi sine patre filii, vulgò nominantur bastardi, quasi *van*
bofer aardt. §. *si adversus Instit. de nupt. l. vulgò concepti. ff. de stat. hom.* Quæ-
ritur autem à DD. An spurii sint infames habendi. Et verior probabiliorque
est sententia, propriè nec juris nec facti infamiæ spurios notatos esse, & si
negari non possit eis aliquid inesse maculæ, quod alibi Baldus scitè compa-
rat auro alchymistico. Rectè enim & accommodatè de hisce liberis alicubi
scribit Augustin. Benè est liberis quibus nec de matre est erubescendum,
nec de patre dubitandum. Vnde & spurii jure civili tanto odio laborant, ut
nec à patre quidem alimenta petere possint. *Auth. ex complexu C. de incest.*
nupt. Quod tamen intelligendum est non de liberis naturalibus ex concu-
bina natis, sed de spurijis natis ex coitu à lege damnato, puta nefarijs & ince-
stuosus liberis qui ex adulterio & incestu nati sunt. *d. Auth. ex complexu, &*
ibi Gl. Iure tamen Canonico clementius cum iis agitur, quia non est æquum
infantem à Deo creatum fame necari. *cap. cum haberet ex. de eo qui dux. in*
matr. quam poll. per adult. Quæ sententia & iudicando approbata est in curia
suprema Mechliniensi, ubi pronuntiatum est, quod liberis quos sacerdotes ex
concubina susceperat, licet non succedant parentibus ab intestato, tamen ali-
menta illis sunt præstanda secundum vires patrimonij, & qualitatem perfo-
ratarum, iuxta cap. *ex. de eo qui dux. in matr. quam poll. per adult.*

Ita præciatur

Mechliniensi Anno 1561. die 10. Januarij in cau-

sam sacerdotis, D. Brunonis Wilhelmi sacerdo-

tes heredes proximi ab intestato com-

ati patris sacerdotis ad arbitrium &

decision. supremi Senatus Holl. &

ante decisio, quod spurii non sunt in-

quia poena delicti suos debet tenere

et metus, quam reperiatur delictum.

et si nihil deliquerint, non debent lucie

era ratio est, quod calamitas vel infortu-

damnum, aut dedecus adferre. *Instit. de*

Eugen.

ASSERTIO XXI.

Pactum inter Advocatum & Clientulum de quota litis initum, jure non valet.

PACTVM quo convenit inter dominum & procuratorem, vel inter advocatum & clientem, ut procurator, seu aduocatus ejus litis, quam obtinebit, certam partem consequatur, non valet. *l. si contra 20. C. mandat. l. si remunerandi 6. §. vlt. & l. sequ. D. eodem. l. sumptus 53. D. de pact. l. item 15. C. de procurat.* Similiter nec pactum valet de re certa vel particulari, super qua litigabatur, in euentum victoriæ danda, licet non ad quodam litis hoc pactum referatur: quia utrobique eadem militat ratio: pariter enim mouerentur ad calumniandum aduocati, propter certam rem ex lite sibi dandam in euentum victoriæ litis, sicut propter quodam litis. Ita rectè notant *479, Cynus & Baldus in l. si qui. C. de postul.* Imò aduocati & procuratores qui hoc modo paciscuntur, ab officio procuratoris vel aduocati cum nota ignominie remouentur *d. l. si qui. C. de postu.* Quæ sententia & iure Canon. confirmatur in *c. infames. §. arcentur. 3. qu. 7.* Ratio est, quia pactum hoc est contra bonos mores, præbet enim causidicis occasione calumniosè litigandi, & calumniis veritatem propter speciem lucris oppugnandi, & opprimendi, ut siue jure, siue injuria, partem litis ex victoria consequantur.

Opponitur *l. 1. §. si cui. D. de var. & extr. cognit.* ubi permittitur aduocato partem aliquam ex lite, vel certam pecuniæ quantitatem palmarii nomine pacisci. Resp. dupliciter: Primò illud pactum tum demum valet, cum lis finita est, & per sententiam decisa, tunc enim licet aduocato pro honoratio suo, item pro victoriæ præmio seu palmario quod in lite triumphauerit, certam pecuniæ summam à clientulo pacisci, & pactam exigere, quia post obtentam victoriam cessat peccandi falsique committendi illecebra: pendente verò lite tale pactum non videtur admittendum, quia nullus contractus, nulla conventio inter aduocatum & clientulum lite pendente valet, *l. quisque prater ea. C. de postul.* Secundò licet quidem aduocato vel procuratori honoratio etiam palmarii nomine sibi dando cum cliente quantum ipse vult, verum quantum lex præscribit. I. quantitatem honorarii nomine dandam aduocatis grauioribus & arduis honorarii loco pro causæ aureis, supra verò centum aureos aduocatus. Vide latius de hac assertionem differentem *Me 522. & Guidonem Papa in decis. Gratianop. q.*

Mattheu extare SC. Parisiense latum Anno 1514. quo huiusmodi pactio-
nes sordidæ & fraudis conficiat declarantur.

ASSERTIO. XXII.

Spurii non sunt Infames.

S P U R I I appellantur, qui vulgò quæsi & incerto patre nati sunt, qua-
les sunt, qui ex scorto seu meretrice nati sunt, sic dicti, quasi *exopædus*
concepti, vel quasi sine patre filii, vulgò nominantur bastardi, quasi *van*
bofer aardi. §. *si aduersus Instit. de nupt. l. vulgò concepti. ff. de stat. hom.* Quæ-
ritur autem à DD. An spurii sint infames habendi. Et verior probabiliorque
est sententia, propriè nec juris nec facti infamia spurios notatos esse, & si
negari non possit eis aliquid inesse maculæ, quod alibi Baldus scitè compa-
rat auro alchimistico. Rectè enim & accommodatè de hisce liberis alicubi
scribit Augustin. Benè est liberis quibus nec de matre est erubescendum,
nec de patre dubitandum. Vnde & spurii iure ciuili tanto odio laborant, vt
nec à patre quidem alimenta petere possint. *Auth. ex complexu C. de incest.*
nup. Quod tamen intelligendum est non de liberis naturalibus ex concu-
bina natis, sed de spurijs natis ex coitu à lege damnato, puta nefarijs & ince-
stuosus liberis qui ex adulterio & incestu nati sunt. *d. auth. ex complexu, &*
ibi Gl. Iure tamen Canonico clementius cum iis agitur, quia non est æquum
infantem à Deo creatum fame necari. *cap. cum haberet ex. de eo qui dux. in*
matr. quam poll. per adult. Quæ sententia & iudicando approbata est in curia
suprema Mechliniensis, vbi prouuntiatum est, quod liberis quos sacerdos ex
concubina susceperat, licet non succedant parentibus ab intestato, tamen ali-
menta illis sunt præstanda secundum vires patrimonij, & qualitatem perfo-
rnatum, iuxta cap. *cr.* *et. ex. de eo qui dux. in matr. quam poll. per adult.*
Ita præciatur Mechliniensis Anno 1561. die 10. Ianuarij in cau-
sam sacerdotis, D. Brunonis Wilhelmi sacerdo-
tis, qui heredes proximi ab intestato com-
petenti patris sacerdotis ad arbitrium &
decision. supremi Senatus Holl. &
nec decisio, quod spurii non sunt in-
fames, quia pœna delicti tuos debet tenere
et metus, quam reperitur delictum,
si nihil deliquerint, non debent lue-
re ratio est, quod calamitas vel infortu-
damnum, aut dedecus adferre. *Instit. de*
E ingen.

Tertiò objicit *Anto. Faber. l. 1. §. accusationem, ff. ad S.C. Turp.* vbi mulier quæ ad falsi accusationem non admittitur, quia suam vel suorum injuriam non prosequitur, & si desistat, non tamen puniitur. Ergo si ad accusationem admitteretur, punienda esset, si desisteret. juxta *l. si femina Cod. eod.* Resp. Argumentum à contrario sensu non rectè sumitur, quia repugnat text. in *l. 4. ff. ad S.C. Turp.* vbi dicitur, mulierem quæ propriæ injuriæ causa falsi crimen denunciavit, desistentem, S.C. Turp. non teneri. Ex quo argumentum aliud sumitur, transactionem de crimine falsi valere. Non obstat *d. l. si femina*, quia non loquitur de crimine falsi, sed in alio crimine, in quo femina suam vel suorum injuriam accusatione persequitur, & illicitè transigendo incidit in Turpilianum.

Quartò objicitur, *l. questum, ff. ad S.C. Turpil.* vbi is qui minatus est falsi crimen se objecturum, & si postea non objiciat, non puniitur. Ergo à contrario sensu, si postea objiciat, & desistat, est puniendus. Resp. licet *d. l.* questum velit, ut is qui falsi crimen minatus est se objecturum, & non objecit, non puniatur S.C. Turpiliano, inde tamen non sequitur, istud quoque velle, ut qui illud objecerit, & postea transegerit, in illud. S.C. incidat, quia huic interpretationi & argumentationi leges omnes aduersantur, quæ de crimine falsi transigi posse affirmant. Vide *Anto. Fab. lib. 2. conjectur. jur. c. 20.* vbi intendit probare de crimine falsi transigere non licere, sed illius argumentis jam satis superque à me est responsum.

ASSERTIO XX.

Transactio post rem judicatam interposita non valet.

TRANSACTIO post rem judicatam inita nullius est momenti. *l. si causa cognita 32. C. de transact. l. eleganter. 23. §. si post. ff. de cond. indeb. l. & post rem 7.* sumto argumento à contrario sensu. *ff. de transact.* Ratio est quia transactio tantum fit de re dubia & litigiosa. *l. 1. ff. de transact.* Sed post rem judicatam lis esse nequit. *l. sub specie & toto tit. C. de re jud.* quia res judicata rem certam & liquidam facit, & finem imponit controvertiæ. *l. res judicata. ff. de R. l. 1. §. de re jud.* Ergo cum res clara sit certa & liquida post rem judicatam, transactioni omnino non est locus.

Opponitur quod post rem judicatam valet pactum, veluti si quis paciscatur, ne iudicati agat. *l. 7. pen. ff. de pact.* Item quod licet vnicuique juri suo renunciare *l. penult. C. de pact.* Solutio. De re judicata licet pacisci, non transigere, & qui iudicio fuit superior, potest juri suo per pactum donandi causa renunciare, non tamen de eo transigere. *Paul. lib. 1. sent. tit. 1. in fin.*

in fin. Ratio est, quia transactio est de re dubia. *l. i. ff. de transact.* Res autem judicata non est dubia, cum omnis controuersia per sententiam sit sublata. Pactum igitur donandi causa licet interponere post rem judicatam, quia pacta fiunt etiam de recerta, transactioni verò non est locus re semel judicata, quia transactio tantum fit de re ambigua *d. l. i. ff. de transact.*

Secundò aduersatur *d. l. si causa cognita. vers. proinde C. de trans.* ubi inquirunt Impp. Si non Aquiliana stipulatione & acceptilatione subsecuta scilicet post rem judicatam, competentem tibi actionem judicati sustulisti, rebus judicatis præses effectum adhibebit. His verbis videntur Impp. sibi contradicere, quia primò dixerunt non valere transactionem post rem judicatam, nec ea perimi actionem judicati, deinde videntur apertè contrarium dicere, ita demum exequendam esse sententiam, si transactum non sit, nam per Aquilianam stipulationem etiam transigitur.

Resp. Propter hanc difficultatem tribus modis hic locus explicatur. Quidam distinguunt inter transactionem factam nudo pacto, & factam per Aquilianam stipulationem. Illa non tollit actionem judicati, hæc verò (inquirunt) tollit. Accurs. meritò rejicit hanc sententiam, quia priora verba legis generaliter loquuntur de transactione. Quod autem generi attribuitur, id verè tribuitur omnibus speciebus sub ea contentis. Adde quod eadem est ratio hoc casu omnium transactionum, quia scilicet omnis transactio est de re dubia; res autem judicata non est dubia. Donellus putat his verbis non proponi exceptionem, sed tantum rationem decidendi, & accipit Si, pro quia: quod non est nouum, ut sensus sit, ideò sententiam esse exequendam, quia actio judicati per Aquilianam stipulationem non est sublata. Mihi verò maximè vera videtur interpretatio, quam Accurs. adfert, & probat ut dictis verbis contineatur exceptio. Hoc autem sic intelligi debet: Stipulatio Aquiliana interuenire potest vel transigendi, vel donandi causa. Si transigendi causa, non valet, si donandi causa, valet: secundum ea quæ suprà exposuimus. Aiunt ergo Imperatores, sententiam esse exequendam, nisi actio sublata sit per Aquilianam stipulationem, id est, nisi talis sit ea stipulatio, quæ sustulerat actionem judicati, quod perinde est, ac si dicatur, nisi donandi causa interuenerit ea stipulatio.

ASSERTIO

Mattheus extare SC. Parisiense latum Anno 1514. quo huiusmodi pacti-
ones sordidæ & fraudis conscix declarantur.

ASSERTIO. XXII.

Spurii non sunt Infames.

SPURII appellantur, qui vulgò quæsi & incerto patre nati sunt, qua-
les sunt, qui ex scorto seu meretrice nati sunt, sic dicti, quasi *æropædilew*
concepti, vel quasi sine patre filii, vulgò nominantur bastardi, quasi *van*
bofer aardi. §. *si aduersus Instit. de nupt. l. vulgò concepti. ff. de stat. hom.* Quæ-
ritur autem à DD. An spurii sint infames habendi. Et verior probabiliorque
est sententia, propriè nec juris nec facti infamia spurios notatos esse, & si
negari non possit eis aliquid inesse maculæ, quod alibi Baldus scitè compa-
rat auro alchimistico. Rectè enim & accommodatè de hisce liberis alicubi
scribit Augustin. Benè est liberis quibus nec de matre est erubescendum,
nec de patre dubitandum. Vnde & spurii iure ciuili tanto odio laborant, vt
nec à patre quidem alimenta petere possint. *Auth. ex complexu C. de incest.*
nup. Quod tamen intelligendum est non de liberis naturalibus ex concu-
bina natis, sed de spurijis natis ex coitu à lege damnato, puta nefarijs & ince-
stuosis liberis qui ex adulterio & incestu nati sunt. *d. auth. ex complexu, &*
ibi Gl. Iure tamen Canonico clementius cum iis agitur, quia non est æquum
infantem à Deo creatum fame necari. *cap. cum haberet ex. de eo qui dux. in*
matr. quam poll. per adult. Quæ sententia & iudicando approbata est in curia
suprema Mechliniensi, vbi pronuntiatum est, quod liberis quos sacerdos ex
concubina susceperat, licet non succedant parentibus ab intestato, tamen ali-
menta illis sunt præstanda, secundum vires patrimonij, & qualitatem perso-
narum, iuxta *cap. cum haberet. ex. de eo qui dux. in matr. quam poll. per adult.*
Ita pronuntiatum in curia Mechliniensi Anno 1561. die 10. Ianuarij in cau-
sa liberorum spuriorum cuiusdam sacerdotis, D. Brunonis Wilhelmi sacerdotis
ecclesiæ Wesopiensis quibus iussi sunt heredes proximi ab intestato com-
petentia alimenta præstare ex bonis defuncti patris sacerdotis ad arbitrium &
taxationem curiæ. Ita relatum extat in decision. supremi Senatus Holl. &
Westfril. decil. 2. Duplici autem ratione hæc decisio, quod spurii non sunt in-
fames, fundatur & stabilitur. Prima est quia pœna delicti suos debet tenere
authores, nec vltèrius progredi debet metus, quam reperiatur delictum.
l. sancimus, C. de pœn. Cum ergo spurii nihil deliquerint, non debent luere
pœnam scortationis paternæ. Altera ratio est, quod calamitas vel infortu-
nium parentum non debet liberis damnum, aut dedecus adferre. *Instit. da*

ingen. in princ. l. crimen 26. ff. de pœn. vbi traditur, quod crimen vel pœna paterna nullam maculam filio infligere potest. Denique probatur hæc sententia per *l. spuris. 6. ff. de decur.* vbi statuitur, spurios posse in ordinem decurionum vel Senatorum eligi, addita hac ratione, quia non est impedienda dignitas ejus, qui nihil admisit. Iure Cano. Spurijs ad qualvis dignitates, salua episcopali, admittuntur. *c. per venerabilem. Qui fil. sin. legit. Aristot. etiam libro. 6. Politic.* hoc genus hominum à Reipub. administratione minimè submovendum arbitratum est. Porro, vt dixi, levis quædam macula adhæret spurijs, & plerumque spurii deteriores cæteris liberis evadunt. Vnde & dicuntur bastardi, quasi *boos aert.* i. de generis ingenii. Cujus rei elegantem rationem adfert Augustinus, dum inquit, Quia ejus modi filij à patre continentur, nec rectè educantur, nec castigantur, vnde sæpè deteriores cæteris evadunt. *Chrysost. in 12. cap. ad Hebræ. Homil. 29.* populum adhortatur, vt putent Deum agere paternè, quando nos castigat, nam patres spurios & nothos liberos negligunt. Ergo Deus quando castigat, agit verum & legitimum patrem.

Aduersatur huic assertioni hoc argumentum. In liberis & posteris plerumque exempla criminis paterni metuuntur. Scortatores namque videntur quandam vim transfundere in semen, quæ etiam transeat in filios; vnde malæ sequuntur inclinationes: atque hinc judicantur cæteris esse deteriores, propterea quod puerili ætate non corrigantur. Resp. Hoc argumentum est quidem probabile, non tamen necessarium. Nam & si sæpè solet similis filius esse patri, tamen hoc non est perpetuè verum, cum & ex improbo & vili patre aliquando nascatur probus & integræ vitæ filius, sicut è contra ex probo & honesto patre degener & improbus sæpè producit filius. Vnde spurii si modo virtutibus, & honestis moribus præditi sint, non debent propter natales impediti, quo minus ad honores & dignitates perueniant.

Secundò vehementer adversatur locus *Deutero. c. 23.* vbi dicitur. Spurius non introibit in cætum vel concionem populi, ne in decimâ quidem generatione. Non ingredi in concionem, est ad fungendum officio sacro vel ciuili in habilem reddi. Proinde spurii non licuit tribunatum, præturam vel sacerdotium gerere, licet patrem habuissent sacerdotem, vel principem. Resp. Excludebantur quidem lege Mosâicâ spurii à ministerio & dignitate Ecclesiasticâ, sed illa lege nunc non adstringimur, & illa lex lata est ad scortationis detestationem tantum. Si itaque spurii sint singulari prudentiâ, & excellentibus virtutibus præditi, non sunt hodie ab officiis & muneribus Politicis vel Ecclesiasticis prohibendi. Hinc & Iepthe qui spurius erat, & ex meretrice natus, à populo Israëlítico fuit in ducem exercitus, & principem populi electus, illumque Deus ipse suo populo gubernato-

rem

rem præfici voluit. *Iudic. 11. in princ.* quia Deus non sibi, sed hominibus legem præscripserat. Ad hæc & satis constat multos, qui spurii fuerunt, egregios & insignes viros extitisse, & ad maximas dignitates euectos esse, vt *Palaeus in tractu de spurio cap. 55.* solidè demonstrat. Vbi inter ceteros recensetur Bartolus Ictorum Coryphæus, quem vulgo luccernam juris, fontem veritatis, & saccum legum indigitant. Hic tamen extra coniugij schema natus, spurius fuit, sed postea à Carolo IV. Cæsare natalibus restitutus, ac nobilitatem adeptus est, vt refert *Bodin. lib. 1. de Repub. c. 9.* Quod confirmat *Sannazarius* Italus poëta, qui asserit tres maximos juris nostri interpretes, puta Bartolum, Ioannem Andreæ & Iasonem fuisse spurios & natos extra legitimum thorum, referente *Alciato libro. x. Parergon. c. 8.*

Tertiò opponitur *l. 3. §. spurios ff. de decur.* vbi traditur quod spurii non admittantur ad honores, si alii legitimè nati cum iis concurrant. Resp. Verum quidem est, si alii legitimè nati cum spurii concurrant, qui æquè apti & honesti sunt, tunc spurii illis cedere debent, quod si non eueniat, spurii etiam, modo sint honesti & probi, ad honores admittuntur. Denique hæc distinctio seruanda est in hoc articulo. Aut spurii re & vitâ honesti sunt, & tunc nullâ infamiâ laborare censentur, ideoque non obstat illis vitium natalium, quo minus ad honores admittantur. *d. §. spurios.* vbi dicitur, etiam spurii ad decurionatum & re & vitâ honestâ recipientur. Aut spurii sectantur vitia paterna, & tunc tanquam inhonesti & infames ab honoribus arcentur. His suffragatur decisio juris Canonici, in *c. nunquam. distinction. 56.* vbi ex auctoritate Chrysostomi sancitur hoc modo. Natus ex meretrice, si propria virtute decoretur, parentum non dedecoretur opprobriis. Hanc sententiam, quod spurii non sint infames, defendit *Palaeus in tractatu de spurio. capite quinquagesimo quinto. & seq. 11. Pistor. libro primo question. jur. cap. 30. Fachin. libro quarto controuers. jur. cap. 93. Martyr. in loc. commun. Theolog. class. 2. cap. 11. Dissentit Mins. cent. 4. obs. 31. Vide & Iaco. Thomingium decision. 48. Iraquel. in tract. de nobilitat. cap. 15. numero. 30. & seqq.*

ASSERTIO XXIII.

Infames jure civili possunt esse procuratores.

CONTOVERTITVR inter DD. num infamis possit esse procurator. Et quidem jure civili infamis procurator esse potest, quia procuratoris officium est vile & abjectum, in quo dignitas personæ non attenditur §. *ult. Inst. de except.*

Sed obstat l. 1. §. *remouet ff. de postulando.* vbi dicitur, quod infames remouentur à munere & officio aduocati. Resp. Officium aduocatorum est laudabile atque honoratum, estque aduocatio honos & dignitas l. *laudabile C. de aduocat. diuers. jud.* atqui infamibus portæ dignitatum non patent. c. *infamibus. de R. l. in 6.* procuratoris verò officium vile est atque priuatum, & in onere potius quam honore consistit. l. *si quis procuracionem 34. C. de decurio. lib. 10.* Vnde infames à procuratoris munere non repelluntur. Secundò aduersatur. l. *quis accusare 8. ff. de accus.* vbi statuitur, quod quidam propter delictum prohibentur accusare, vt sunt infames. Vnde colligitur, quod infames etiam non possint esse procuratores saltem in causis criminalibus. Resp. Hoc non accipiendum est de qualibet infamiâ, sed de eâ quæ contracta est ex publico vel capitali iudicio, vel grauiori quodam crimine. arg. l. 1. ff. *de bon. poss. contr. tab.* vbi habetur quod deportatus ob crimen publicum habetur pro mortuo. Ergo cum infamis ex capitali crimine censeatur pro mortuo, procurator in iudiciis esse non potest. Idem comprobatur. l. 1. §. *remouet. ff. de postul. l. reum 6. C. de procur.* vbi traditur, reos vel damnatos capitali crimine non posse postulare vel procurare. Vel potest responderi, quod ex eo quod traditur infamem non posse accusare, non benè concluditur, generaliter infamem non posse accusare, non benè concluditur, generaliter infamem non posse esse procuratorem, sed hoc tantum. inde consequitur, infamem in iudiciis criminalibus non posse fungi procuratoris officio: nam in causis criminalibus, quæ per accusationes exercentur, procuratores neque pro accusatore, neque pro Reo interuenire possunt. l. *penult. §. 1. ff. de pub. jud.* De jure verò Canonico infames non possunt esse procuratores. c. *infames. 3. 4. 7.* Quod & hodie in iudiciis benè ordinatis, & præsertim in Camerâ Imperii vsu obseruatur, in qua nemo ad munus procuratoris admittitur, nisi sit Doctor vel Licentiatus juris. Ratio est quia hoc est consistorium summi principis, scilicet Imperatoris & statuum imperij, in quod nefas est ingredi infamibus. arg. l. *veterani 8. §. sed ignominia. ff. de excusat. tut.* vbi dicitur quod infames non possunt ingredi urbem

ben Romam, quia est Imperatoris vel Regis aula vel curia. Vnde nec in principis tribunali vel consistorio possunt exercere officium procuratoris. Ita eleganter tradit *Mantua in glossar. juris. clas. 9. cap. 30.* Vide bene de hac re differentem *Gail. lib. 1. obs. c. 43. & Sichert. ad l. remm. 6. C. de procu.* qui tamen contrariam sententiam amplectitur, quod infames etiam de jure civili possunt esse procuratores indistinctè.

ASSERTIO XXIV.

Procuratoris apocha de recepto, præjudicat domino.

GRAVIS & illustris quæstio est inter DD. An apocha facta à procuratore habente mandatum ad exigendam vel recipiendam pecuniam, habeatur pro veritate, ita ut domino faciat præjudicium. *Bart. in l. 2. §. in mutui. ff. de rebus cred.* tradit, quod non præjudicet domino procuratoris prædicta confessio. Verùm contraria sententia prior est, & legibus magis consentanea, quod scilicet procuratoris apocha de recepta pecunia, præjudicet domino. Probat primo hæc sententia per *l. Lucius 46. §. tutela. ff. de administrat. tuto.* ubi apocha tutoris, qua confitetur tutor sibi à debitore pupilli solutum esse, præjudicat domino seu pupillo. Eadem ergo rationa apocha procuratoris domino faciet præjudicium, quia non magis tutor potest donare res pupilli, quam procurator pecunias domini. *l. præses. C. de transact. l. passum curatoris 22. C. de pact. d. l. Lucius. §. ult. in fin.* Comprobat secundò hanc opinionem, *l. ult. ff. de Inst. act.* ubi etiam ad obligandum dominum chirographum institutoris seu procuratoris sufficit. Tertiò plurimum pro hac opinione facit. *l. 2. in fin. C. de quad. præscript.* ubi apocha facta à procuratore fisci præjudicat fisco, vnde & de procuratore priuati idem erit dicendum.

Pro contraria opinione adducitur tex. in *l. 1. §. si mutuam. ff. si qu. in fraud. patro.* ubi traditur, quod licet libertus mutuuum accipiendo & profundendo noceat patrono in legitima ei debita, verum tamen est, si id re ipsa accipiat, confessione verò sola mutui recepti ei præjudicare non potest. Similiter & procurator bonorum etiam si liberam administrationem habeat, confitendo non præjudicabit domino, quia plus potestatis in negotio sibi demandato habere nequit, quam libertus habet in propriis bonis. *l. creditor. 60. §. Lucius. ff. mandati. l. contra 28. §. si filius. ff. de pact. l. procurator cui generaliter. 58. ff. de procurat.* Resp. Non obstat huic sententiæ quod dicitur in *d. l. 1.* confessionem à liberto de recepto in fraudem patroni factam, ei non parare præjudicium. Hoc enim verissimum est, neque nostram euertit opinionem. Nam eodem modo, si constat de fraude procuratoris, & quod pecunia non fuerit recepta, apocha procuratoris non nocebit domino, sicut nec patrono

nocet. Si tamen de fraude aliàs non constat; apocha vera præsumitur, nec eam procurator ipse, qui fecit, nec dominus negare poterit, nisi id legitimis probationibus ostendat. Hanc sententiam quod procuratoris confessio de recepta pecunia, quando præcessit mandatum de recipienda pecunia, præjudicet domino, egregiè defendit & illustrat *Sarnien. lib. 3. select. interpret. c. 11.* A quâ sententia dissentit *Fachineus lib. 2. controuer. c. 55.*

ASSERTIO XXV.

Procurator ad certam litem datus, non solum appellare, sed etiam appellationem prosequi tenetur.

QUÆSTIO dubia & in diuersas partes agitata est inter DD. an procurator ad certam litem datus, suscepto officio non solum teneatur appellare, sed etiam appellationem interpositam ad extremum prosequi. Communiter DD. statuunt in *l. inuitus 17. C. de procurat.* procuratorem victum appellare quidem debere, sed institutam appellationem prosequi & exercere non teneri. Hanc sententiam sequitur & approbat *Boër. decis. 285. num. 9.* Contrariam sententiam defendit Placentinus vetus interpres, quod procurator non solum appellare, sed etiam appellationem institutam prosequi debeat. Quæ sententia accuratè comprobatur & defenditur à Donello, mihi quoque juri & legibus magis consentanea videtur. Probatur primò hæc decisio hac ratione. Procurator ad causam & litem datus, suscepto officio tenetur agere & rem iudicio persequi. At verò agere est rem iudicio ad extremum vsque persequi, donec aut quis consequatur agendo quod petit, aut re iudicata certum sit factum amplius agi non posse. Itaque cum re iudicatâ possit adhuc amplius agi auxilio appellationis, tenetur procurator qui causam promisit se acturum, non solum appellare, sed etiam causam appellationis prosequi. Secundò confirmatur hæc sententia expresse per *l. 2. ff. An per alii. causa app.* cuius hæc sunt verba; Si procurator absentis appellauerit, deinde rationes reddiderit, nihilominus & ipse respondere debet; Quorum verborum hæc est sententia. Si procurator victus appellauit, ut pro officio appellare debet, quamuis rationes appellationis reddiderit, nihilominus debet respondere, id est, causam appellationis peragere, si vult obligationi & fidei susceptæ satisfacere.

Opponitur huic assertioni *l. si actor. C. de appellat.* vbi actor à curatore ordinatus, si victus sit, appellare quidem potest, verum non cogitur appellationem exercere & prosequi, sed hoc curatori committitur. Resp. Illic agitur

agitur de actore, qui à curatore ordinatus est ad litem, inter quem & procuratorem magna est dissimilitudo. Nam actor datur à tutoribus & curatoribus, qui non sunt domini litis. *l. neque 11. C. de procur.* Procurator datur à domino litis. Deinde actor datur, si iustum aliquod impedimentum vel legitima necessitatis causa impediatur tutores ab administratione; & cum decreto pratoris constituitur, si ea causa pratori probetur. *l. decreto 24. ff. de administrat. tut.* At procuratorem constituit dominus pro suo arbitrio, utpote in re sua, cuius ipse moderator est & arbiter, & tantum ei confert, quantum vult. Denique ad certam partem administrationis actor à curatoribus eligitur, cessante quo impedimento, propter quod tutores impediti actorem elegerunt, reuocatur actor. *l. 10. §. ult. ff. de excus. tut.* At contra dominus, quia plenam habet rei suae potestatem, procuratori actionem mandando, omnia quae actionis verbo continentur, ei mandare censetur. Continetur autem agendi verbo, ut agat procurator, quamdiu de jure agi potest. In quo inest appellatio, & appellationis prosecutio. Cum verò actori à curatore tantum certa pars administrationis, puta prima lis committatur, idque quamdiu curator est impeditus, secunda appellationis causa iudicio & administrationi curatoris referuatur. Non quia non actori isti generali verbo mandetur actio, sicut & procuratori, sed quia non patitur utilitas minorum, ut plus ei mandatum intelligatur, quam quod nominatim & expressè cautum est, quo scilicet minorum actio & commodum, quam maximè fieri potest, in administratione & fide tutoris curatorisue retineatur. Ita eleganter & solidè tradit *Donel. lib. 18. comment. c. 16.*

ASSERTIO XXVI.

Quando dubitatur de mandato procuratoris, tunc admittitur cum cautione de rato.

TRADITVR hæc decisio pro regula in *l. 1. C. de procurat. & l. si seruus. 33. §. fin. ff. eo.* ubi statuitur, quod procurator agens alieno nomine debet cauere de rato, si de mandato ejus incertum est. Porro in hac questione, quando cautio de rato præstanda sit à procuratore actoris, ita communiter distinguitur. Aut certum est procuratorem habere mandatum, & tunc nulla opus est cautione de rato. *l. si procuratorem 65. ff. de procur. tex. expressus in l. vnic. C. de satisfd.*

Sed obstat *l. de pupillo 5. §. qui procuratorio ff. de no. op. nunciat.* ubi etiam verus procurator, hoc est qui mandatum habet, de rato satisfacere cogitur. Resp. Fieri quidem potest, ut quis sit verus procurator, & tamen de co

non

non constat, itaque eo casu satisfabit de rato, cum dubium est an sit procurator. *Gloss. in l. non solum 39. §. 1. ff. h. tit.* Aut constat procuratorem nullum habere mandatum, & tunc ne offerens quidem cautionem de rato, invito aduersario admittitur. per *l. si pupilli. §. ult. vers. certè ff. de negot. gest.* Aut probabiliter dubitatur de mandato, ut si proferatur mandatum mutilum, insufficiens & minus plenum, & hoc casu admittitur procurator cum cautione de rato. *tex. notab. in l. si is à quo. §. si procurator. ff. in præs. legat.* Est itaque in electione procuratoris actoris, cum de mandato dubitatur, an velit cauere de rato, vel docere de mandato. Quæ sententia Iohannis Glossographi est probabilior. Recte enim ille notauit procuratorem actoris in hac cautione præstandam reum esse. Atqui cum reus alternativè obligatus est ad duo, tunc in electione ejus est, utrum præstare velit, *§. huic autem 33. Instit. de act. l. plerumque in fin. ff. de iur. dot. Glossa in d. l. non solum, §. 1. in verbo debet.* ubi quoque Bart. eleganter hoc modo distinguit. Quem sequuntur *VVsemb. in parat. num. 6. de procurat. Donel. lib. 18. com. c. 13.*

Sed aduersatur prædictis *l. qui ita 56. §. 1. ff. ad S. C. Trebel.* ubi etiam procurator actoris absens, qui desiderat sibi hæreditatem restitui, non admittitur cum cautione de rato, si de ejus mandato dubitetur. Resp. Vbiunque Reo non suis cautum est per satisfactionem de rato, tunc debet constare de mandato procuratoris actoris. Sic in hoc casu si hæres cogere adire hæreditatem ad petitionem procuratoris, de cujus mandato dubitatur, & dominus postea non haberet ratum, nec esset, cui fieret restitutio hæreditatis, hæres remaneret implicitus oneribus hæreditariis. *Bart. ad d. l. non solum. §. 1. ff. de procurat.* Admittitur ergo procurator cum cautione de rato, quando per eam idoneè cautum est aduersario, aliàs de mandato procurator docere debet. Quæ doctrina limitatur in procuratore constituto de publico ad exigenda tributa, hic enim non admittitur, nisi insinuet judici mandatum. *Nouel. 128. §. qui verò ad quacunque.*

Videtur etiam obitare huic decisioni *l. non distinguemus 32. §. ult. ff. de recept. arb.* ubi procurator qui litigat nomine domini coram arbitro, non tenetur præstare cautionem, ratum habiturum dominum quod agit. Ergo nec procurator coram iudice litigans, ubi de mandato ejus dubitatur, de rato satisfactum tenetur: quia arbitria ad instar iudiciorum sunt redacta. *l. 1. ff. de recept. arbit.* Resp. Aliud in arbitriis quam iudiciis receptum est, & ratio diuersitas est, quia apud arbitrum ideò non cauetur, quod nemo tenetur præcisè ad id, quod in laudo arbitri comprehenditur: sed si soluat penam in compromisso definitam, non tenetur stare sententiæ arbitri. *l. 1. C. de arbit.* Quod non est in sententiâ iudicis, cui litigantes præcisè tenentur parere. *Sichard. ad l. 1. C. de procur.* Prædicta obtinent in procuratore actoris. Procurator verò vel

vel defensor rei indistinctè tenetur cauere de iudicato soluendo, etiamsi mandatum habeat, nisi dominus idem pro eo satisficere malit. *l. vnic. in fin. C. de satisfd. vel nisi immobilia possideat, quo casu modè tantum promittit, l. sciendum ff. qui satisfd. cog.* Rationem diuersitatis reddit. *Accurs. in d. l. non solum, 39. §. 1. ff. de procur.* Denique supra-scripta decisio fallit in conjuncta persona, quæ etiam sine mandato alieno nomine agere & experiri potest, etiam si constet apertè cum nullum habere mandatum, dummodò satisfidet de rato. *d. l. exigendi 12. & l. maritus 21. C. de procur. l. sed & he. 35. ff. eodem.*

ASSERTIO XXVII.

Maritus potest esse procurator uxoris, etiam sine mandato, dummodò caueat de rato.

MARITVS tanquam conjuncta persona potest esse procurator vxoris, & absque vlllo mandato agere, litemque vxoris prosequi, & à sententiâ appellare, dummodò impleat solemnia satisfidationis, hoc est, caueat de rato. Ratio decidendi est, quia conjunctæ personæ, vt sunt parentes, liberi, fratres & affines possunt pro consanguineis & affinibus sine mandato agere & experiri. *l. sed & he. 35. ff. de procur.* dummodò de rato caueant, *l. non solum 39. §. si de dote ff. de procur.* Itaque & maritus potest sine mandato nomine vxoris agere in iudicio, quia habetur pro conjuncta persona, modò de rato caueat. *l. 2. & l. maritus 21. C. de procur.*

Sed hisce duabus legibus, scilicet *d. l. 2. & d. l. maritus*, quibus traditur maritum posse esse procuratorem vxoris, citra mandatum, præstita satisfidatione de rato, obstat. *l. vlt. C. de pact. conuent.* vbi traditur, quod maritus admittatur, vt tanquam procurator agat pro vxore, etiamsi non satisfidet de rato, hoc est, licet non caueat, quod vxor ratum habebit, quod per eum gestum erit. Ad hanc objectionem respondendum, quod vxor habeat triplicia bona, dotalia, paraphernalia, & receptitia. Quod ad bona dotalia attinet, in iis non solum maritus absque mandato, sed etiam sine cautione de rato agere potest, quia super proprio suo jure agit, cum sit rerum dotaliū dominus, vnde & eorum nomine non vxori, sed marito rei, vindicatio competit. *l. doce ancillam, C. de R. V.* Parapherna sunt, quæ præter dotem vxor marito adfert, quorum curam & administrationem vxor marito concedit. *l. si ego 9. §. dotis ff. de jur. dot. l. 8. C. de pact. conuent.* Et in his bonis maritus admittitur tanquam conjuncta persona sine mandato, vt sit procurator vxoris, etiamsi non offerat cautionem de rato. Et de illis duobus bonorum generibus agit. *d. l. vlt. C. de pact. conuent.* Tertio sunt bona vxoris receptitia,

F

quæ

quæ nec dantur marito, nec administrat ea, sed ea mulier retinet sibi peculiariter, & in hisce bonis receptitiis procedit *d. l. 2. & d. l. maritus C. de procur.* quod scilicet maritus tanquam procurator vxoris possit in his bonis agere absque mandato, dummodò præstet satisfactionem de rato. In alijs verò bonis etiam absque mandato & cautione de rato admitti debet. Ita eleganter distinguunt *Gail. lib. 1. obs. cap. 133. & Minf. cent. 3. obs. 33.* Illud tamen est observandum, quod quorumcunque bonorum instrumenta mulier marito tradiderit, per eam traditionem satis probari mandatum. Traditio enim instrumentorum ad litem pertinentium alicui à domino facta, facit eum procuratorem ad lites. *d. l. ult. C. de pact. convent.*

Postremò notandum, quod licet maritus possit esse procurator vxoris ad litem, non tamen potest esse curator bonorum vxoris, *l. 2. C. Qui dare int. poss. l. virum. ff. de curat. furios.* Ratio diuersitatis est, quia curatoris officium longè plenius est, & magis præjudiciale, quam procuratoris, quia curator semel datus non potest reuocari, nisi aut suspectus fiat, aut anni curæ deputati sint elapsi, vel alia similis causa interuenerit. Sed procurator potest ad arbitrium domini reuocari ante litis contestationem. *l. ante 16. ff. de procur.* Ideoque facilius admittitur, quam curator. *Siehardus ad l. 2. num. 3. C. de procur.*

ASSERTIO XXVIII.

Minor 25. annis Iurisperitus laesus ex contractibus, in integrum non restituitur.

HÆc decisio hisce quatuor argumentis & rationibus comprobatur. Primò confirmatur ex eo, quod traditur in *l. 2. §. Post hos Quintus Mutius. ff. de orig. jur.* quod turpe sit IC. patritio, & nobili, & causas in foro peroranti, jus in quo versatur ignorare. Ergo Doctor juris si restitutionem peteret, quia per imprudentiam diceret se laesum, turpitudinem suam allegaret.

Secundò stabilitur hæc sententia ex eo, quod causa restitutionis in integrum sit imperitia rerum, quæ minorem ætatem plerumque comitari solet. *l. 1. ff. de minor.* Hæc autem ratio cessat in iurisperito, quia cum jurisprudentia sit diuinarum atque humanarum rerum notitia, iusti atque iniusti scientia, certè qui omnium humanarum atque diuinarum rerum se peritum profitemur, nulla fronte poterit rei à se gestæ imperitiam allegare. Huc accedit, quod olim non solum de jure respondébant iurisperiti: verum etiam de filia collocanda, de fundo emendo de agre colendo, de omni denique negotio & officio consulebantur, ac si omnium rerum essent periti, ut Cicero testatur

reftatur lib. 3. de Orazo. Ridiculum autem eſſet illud, qui de agro emendo ab aliis conſulitur, in emtione agri ſui ſe captum eſſe prætere, cum qui ſibi non ſapiunt, alteri viam infœliciter monſtrent.

Terriò hanc ſententiam conuincit *l. regula. §. ſi quis ff. de jur. & fact. ign.* vbi dicitur, quod juris ignorantia non prodeſt, ſi quis IC. copiam habeat, vel ſua prudentia inſtructus ſit.

Quartò eadem opinio probatur ex *l. cum de indebito. §. ſin verò ab initio ff. de probat.* vbi traditur, quod is qui doctus eſt & induſtrius paterfam. non præſumitur in aliquo facile erralle, maxime ſi forenſium rerum ſit peritus, quæ peritia planè in legum Doctore deſideratur. Et hanc eſſe communem DD. ſententiam, quod minor ICTus, ſeu Iuris doctor læſus non ſit reſtituendus in integrum, tradit *Fachin. lib. 3. contron. c. 5.* licet ipſe in contrariam partem inclinet.

Obijciunt *l. 1. C. Qui & aduerſ. quos.* vbi dicitur, ſi minor 25. annis decurio ciuitatis ſit creatus, quod ei nihilominus reſtitutio in integrum concedenda ſit. Atqui decuriones cum tractent negotia Reipub. & conſiliis iudicialibus Reipub. moderandis & exercendis præſint, planè debent eſſe legum periti. Ideoque cum decuriones nihilominus reſtituantur in integrum, ſi lapſi ſint lubrico ætatis, conſequitur & juris Doctores eſſe in integrum reſtituendos. Reſp. Decuriones etiam ii rectè eliguntur, qui planè literarum ſunt expertes, multò magis qui juris ſunt imperiti *l. expertes §. C. de decurio. lib. 10.* Nam decuriones tantum conſilii publici gratià crebantur, curamq; & adminiſtrationem bonorum ciuitatis habebant, non autem iudicandi munus gerebant, ac proinde legum peritia in illis non requirebatur *l. pupillus 239. §. decuriones ff. de V. S.* Quocirca à decurionibus ad Doctores juris non ducitur efficax argumentatio. Vide *Sarmien. lib. 3. ſelect. interp. c. 12.* vbi in contrariam ſententiam inclinat, quod videlicet minori 25. annis læſo beneficium reſtitutionis in integrum non ſit denegandum.

ASSERTIO XXIX.

Minor in delictis non reſtituitur in integrum.

REGLA eſt juris, minorem nec in criminibus, nec in delictis reſtitui in integrum *l. ſi ex cauſa 9. §. nunc videndum l. auxilium 37. ff. de minor.* vbi traditur, quod certi juris ſit in delictis prætorem minoribus 25. annis non ſuccurrere, ideoque ceſſat in integrum reſtitutio. *ſc. l. impunitas. Cod. de pen.* Vbi dicitur, quod impunitas delicti propter ætatem non datur, ſi modò in ea ſit ætate, in quam crimen quod intenditur, cadere poteſt. Crimina vocamus atrociora delicta, quorum nomine publica iudicia exercentur, vel

extraordinaria criminalia. Delicta verò appellamus leuiora maleficia, quæ non propriè crimina dicuntur, sed maleficia, delicta, peccata, noxæ quæ differentia innuitur in *l. 1. C. Si aduers. delict.*

Obijcit huic decisione, quod aduersus crimen incestus restitutio conceditur minori. *l. si adulterium cum incestu. 38. §. 1. ff. Ad l. iul. de adult.* Item contra SC. Libonianum conceditur restitutio minori, quod speciem falsi continet. *l. Senatus ff. Ad l. Corn. de fals.* Ad posteriorem objectionem responderetur, quod ibi concurrebant alia, nempe iulus patris, & professio ignorantia, quæ merentur restitutionem. Similiter quoque in incestu dicendum est, si per dolum admissus est, ætatem non extulare. Itaque potest dici, nullam ab hac regula exceptionem esse, si regula ita concipiatur: aduersus crimina dolo malo commissâ restitutionem minori 25. annis non concedi, contra delicta verò per culpam commissâ restitutionem indulgeri. Item à secundâ regulâ casus aliqui excipiuntur. Delicta quædam incident in noxam, quædam non, ea incident in noxam, quæ ex animo committuntur. Ex animo committuntur, quæ dolo committuntur, siue in contractu siue extra contractum, vt in deposito, in furto, & aliis deductis priuatis, nominatis & innominatis. Item ex animo committuntur ea delicta, quæ ex scientia committuntur, quamuis cessante dolo, veluti si per culpam in faciendo committantur, vt accidit in actione legis Aquiliæ. Illa autem omnia delicta, quæ ex animo fiunt, incident in noxam, quæ autem in noxam incident, non iuuantur restitutione, vt traditur in *l. 1. C. si aduers. delict.* & *d. l. si ex causa. §. nunc videndum.* Alia verò sunt delicta, quæ non incident in noxam, ea sunt quæ extra animum committuntur, id est, ignorantia, negligentia vel desidia & aduersus huiusmodi delicta, quæ in noxam non cadunt, restitutio indulgetur text. est in *d. l. 1. C. si aduers. delict.* cuius recta lectio est hæc: *Sed cum delictum non ex animo, sed extra venit, noxa non committitur.* Illud postremo notandum, quod licet minor 25. annis teneatur ex delicto, tamen non debet puniri pœna ordinaria, sed mitius punitur propter ætatem. *l. auxilium. 37. §. in delictis. ff. de minor.* in verbis, nisi quatenus miseratio ætatis ad mediocrem pœnam iudicem produxerit. *fac. l. serè in omnibus ff. de R. I. num. 108.*

ASSERTIO XXX.

Aduersus præscriptionem non competit maioribus 25. annis restitutio in integrum, ex causâ justæ & probabilis ignorantia.

CONFIRMATUR hæc assertio ex *l. vlt. C. de præscript. long. temp.* vbi statuitur præscriptionem tam contra scientem quam ignorantem locum

cum habere. Ergo restitutio in integrum non est concedenda aduersus præscriptionem ex causa ignorantie. Additur enim ratio decidendi in *d. l. vlt. ne propter ignorantiam aduersarii vlla dubitationis inextricabilis oriatu*r occasio. Itaque restitutio deneganda est, ne propter ignorantiam nouæ oriantur lites vel dubitationes. Eandem sententiam comprobatur *l. omnes. C. de præscript. 30. an.* vbi traditur, cum qui longissimo tempore rem aliquam præscripsit, plenissima securitate esse munitum. Quod sanè verum non esset, si ex capite ignorantie contra præscriptionem restitutio in integrum concederetur. Huc accedit & hæc ratio, quod si propter ignorantiam restitutioni locus esset, nunquam vel rarò præscriptio locum haberet, quis enim sciens patereetur res suas vfucapi; Tertiò hanc partem firmat *l. fin. C. de fund. patrim. lib. 11. in verb.* nullam penitus actionem vel molestiam aut quamlibet inquietudinem formidare, &c.

Opponitur *l. 1. ff. Ex quib. caus. maio.* vbi dicitur maiores 25. annis in integrum restitui ex clausula, si qua iusta causa Prætori videbitur. Atqui videtur ignorantie allegatio iusta esse causa dandæ restitutionis. Resp. Prætor in eo edicto tantum concedit maioribus 25. annis restitutionem, qui Reipub. causâ absentes fuerunt, & res suas vfucapi passi sunt. At verò subiecta generalis clausula, Si qua mihi iusta causa videbitur, intelligitur de aliis similibus iustis absentie causis, puta si quis studiorum vel alterius iustæ peregrinationis causâ absens, aliquid per vfucapionem de rebus suis amisit, vt huic etiam hoc edicto succurratur *l. sed etsi 26. §. vlt. & l. nec non 28. ff. ex quib. caus. maio.* At nulla æquitas suadet ignorantibus concedi restitutionem contra præscriptionem, quia sic nunquam esset litium finis, & parum prodesset præscriptio, cum scientes res suas ab aliis detineri, sæpius interrompant vfucapionem.

Secundo obijcitur *l. 1. §. si quis propter ff. de itin. act.que priua.* vbi qui habet seruitutem itineris, & non vsus est ea propter inundationem, ex illo capite edicti, si qua mihi iusta causa videbitur, impetrat restitutionem. Resp. Restitutio ibi ex alio capite datur, quam nomine ignorantie, videlicet quia iusto impedimento prohibitus quis est vti itinere vel actu, eo quod locus per quem actus vel iter competebar, flumine est inundatus.

Tertiò aduersatur *l. vnus 34. §. vlt. cum l. & Attilicinus seq. ff. de seruit. rust. prad.* vbi qui longo tempore non est vsus aquæductu ex fonte vel flumine, ideo quia fons seu flumen ex quo aqua ducebatur, exaruit, tamen impetrata restitutione in integrum restituitur ei seruitus, si fons ad suas venas redierit. Resp. Ibi non conceditur restitutio in integrum ex capite ignorantie, sed quia propter iustum impedimentum vel casum fortuitum prohibitus est, suo iure vt.

Postremo obijcitur hæc ratio, quod præscriptio introducta sit odium

negligentium res suas rep:tere, atqui ignorans non potest dici negligens. Relp. Vſucapio non tantum odio negligentium, ſed etiam bono publico introducta eſt, vt certa ſint rerum dominia, & ne lites ſint immortales *l. 1. ff. vſucap. l. vlt. ff. pro ſuo*. Hanc ſententiã quod maioribus 25. annis non detur reſtitutio in integrum contra præſcriptionem, ex capite juſtæ & probabilis ignorantie defendunt *Fachin. lib. 1. controuerſ. c. 69. Sarmien. lib. 2. ſeſſeſt. interpret. c. 10. Anto. Faber in C. Fabriano ad tit. C. Si aduer. vſucap. deſinit. 1.* vbi tradit pro hac ſententiã, quod aduerſus præſcriptionem quadragenariam non detur reſtitutio in integrum, in curiã Ducis Sabaudie eſſe pronuntiatum. Contrariam ſententiã ſequuntur *Accuſ. in. l. ſi ſic. ff. Quenad. ſeruit. amit. Baſt. in. l. 1. §. ſi quis propter ff. de iuin. actuque priuat. Caſtrenſ. ad. d. l. & Attilicinum. Cepol. c. 24. de ſeruit. vrba. Matth. de aſſiſt. deciſ. Neap. 37. & 329. Cacheran. deciſ. Pedemont. 69. num. 16. VVeſenb. in paratiſ. ad tit. de vſucap. nu. 14. Gail. 2. Obſer. c. 19. nu. penul. & vlt. & Obſer. 105. Viſſus in §. rurſus. nu. 57. Inſt. de aſſ. Quorum ſententiã eſt, quod reſtitutio in integrum contra vſucapionem ſeu præſcriptionem 30. vel 40. annorum detur ex capite juſtæ ignorantie, intra quadriennium à tempore ſcientie computandum. VVeſenb. d. loco. Vide aliter VVeſenb. de hac quæſtione diſtinguentem ad tit. Exqu. cau. maio. nu. 10. in paratiſ. ff.*

ASSERTIO XXXI.

Licetum eſt Chriſtianis exercere iudicia.

IVDICIORVM & actionum forenſium auctoritas idè publicè conſtituta & introducta eſt, vt quiſque per viam juris, legitimis actionibus & remediis, ſuum juſ ac ſibi debitum conſequatur, & ne cuiquam juſ atque ſas ſit rei ſuæ conſequendæ gratiã, per vim atque injuriã, ſibi aditum ad vindictã munire, *l. nemo exterius C. de Iuda*. Porro iudicia & actiones exercere & legitimis diſceputationibus forenſibus juſ ſuum conſequi, cuique Chriſtiano licitum & permiſſum eſt. Semper enim in omnibus benè conſtitutis Reſpublicis in ſummo pretio & dignitate habita ſunt iudicia: vt pote per quæ quilibet recto & legitimo ordine res ſuas & ſibi debitas tum conſequi poſſet, tum res ſibi legitimè acquiſitas defendere & tueri.

Verùm hic occurrunt nobis Fanatici quidam ſpiritus, Anabaptiſtæ ſcilicet, qui planè omnia iudicia & magiſtratus damnant, & ſas eſſe negant jure diuino Chriſtiano homini iudicia exercere, & de jure ſuo in foro litigare. Pro ſententiæ ſuæ confirmatione citant locum ex Paulo. *1. ad Corinth. 6. vbi inquit.*

inquit. Iam igitur omnino impotentia in vobis est, quod iudicia, id est, controuersias in foro discerpandas habetis inter vos : ubi videtur omnino Apostolus iudicia & definitiones controuersiarum forensium inter Christianos tollere & abrogare. Resp. Paulus non sustulit prorsus omnia iudicia, sed tantum ea, quæ exercebantur apud tribunalia iudicum & magistratum Ethnicorum & infidelium : non enim fieri poterat, ut coram infidelibus iudicibus contenderent fideles, quin variis calumniis essent obnoxii. Sed instare posset aliquis : Imò videtur Apostolus in totum iudicia & discerpationes forenses damnare, dum inquit, Cur non potius injuriam accipitis : cur non potius damnum patimini, quam scilicet iudicio contendatis? Resp. Id Paulus idcirco dicit, quod raro soleant homines animo tranquillo litigare. Attamen si commoda offeratur ratio, qua ad tuum possis peruenire, non tantum potes, sed etiam debes sæpè lites prosequi. Tantum odium & acerbitas inimicitiarum deponenda est. Nam alioqui litigare licere, satis apparet ex ipso Paulo prædicto loco cap. 6. ubi monet tenuiores homines in Ecclesia esse diligendos, qui cognoscant & dijudicent fratrum suorum causas & lites. Quinimò & idem Apostolus suo exemplo hoc confirmauit, quando ad Romani Imperatoris iudicium & tribunal prouocauit. *Act. 25. vers. 10. & 11.* inquit. Ad tribunal Cæsaris sto, ubi me oportet iudicari. item *vers. 11.* Cælatem appello. Quibus verbis satis superque docuit, iudicio præesse, atque in iudiciis litigare, seque contra accusatores & aduersarios defendere, nequaquam illicitum, aut jure diuino prohibitum esse. Ita respondet *Mart. in loc. com. Theolog. class. 4. cap. 16. num. 18. Beza in confess. cap. 5. de Ecclesia artic. 32.*

Secundo obijcitur locus *Matth. 7. vers. 1.* Nolite iudicare, & non iudicabimini. Resp. Christus loquitur ibi de priuato iudicio, quod odio, ira, & cupiditate vindictæ exercemus, non de publico & legitimo iudicio, vel politico magistratus officio, Hoc enim fit mandato DEI, illud vero sine mandato DEI, nec sanandi gratia, sed vlciscendi studio. Iudicare igitur eo loco dicimur, cum aliorum vitam & doctrinam iniuste & calumniose reprehendimus. Similiter non obstant hæc loca *Matth. 5.* Esto amicus aduersario tuo cito, & *Luce 6. vers. 29.* Et ab eo qui tollit tibi pallium, etiam tunicam ne prohibeto. & *Matth. 5. vers. 40.* Et ei qui vult tecum iudicio contendere, ac tunicam tuam capere, dimitte ei & pallium. Nam his locis Serrus noster calumniosam proximi molestationem, & priuatam tantum vindictam prohibet. At vero magistratus cognitionem & potestatem quam ipse dedit & confirmauit, non tollit, aut eleuat. Ita pulchre respondet *Olden. in Libel. de formula inuestig. actio. cap. Quatenus hodie veterum actionum solemnitas sit sublata.*

ASSERTIO XXXII.

Cæcus judex dari potest.

CÆCIVS judicis officio fungi potest. tex. est in *l. cæcus ff. de judic.* Ratio est, quia cæcus judicio & prudentia non caret, ut furiosus & impubes, qui ideo remouentur à munere judicandi, *l. cum prator. 12. §. 2. ff. de judic.* Porro hanc decisionem ita Accursius accipit, quod cæcus judex esse potest, modo ante cæcitatem judex datus sit. Si verò antequam judex detur, cæcus fuerit, non potest judex constitui. Quæ sententia rectè notatur à *Duarenno. lib. 1. disputat. cap. 24.* Nam & cæcus indistinctè judex esse potest, siue ante injectum munus judicandi, siue post cæcus fuerit factus. Ratio est, quia judicio non caret, ut cæteri, qui à judicandi munere arcentur. Iustum enim ab injusto, æquum ab iniquo rectè discernere potest, imò vi judicii cæci præpollent reliquis, quia objecta non perturbant sensus oculorum.

Sed obijcitur *l. 1. §. casum. ff. de postulando.* ubi dicitur cæcum quidem acceptum magistratum retinere, sed ad nouum adspirare non posse. Resp. Distinguendum est inter magistratum & judicem datum. Iudex cæcus dari potest, quia in eo nihil præter judicium, prudentiam, vel doctrinam & virtutem requirimus. In magistratu deligendo, præter hæc omnia decoris & splendoris publici habenda est ratio. *l. rescripto. ff. de muner. & honor.* qui in cæco non existit. Ideoque cæcus ad nouum magistratum non admittitur, ne majestas quæ in magistratu relucet, vilescat.

Secundò aduersatur, quod multa per judicem fieri debent, quæ à cæco iudice rectè expediri non possunt. Sic enim iudex cæcus non potest ex scripto sententiam recitare, quod tamen omnino ad validitatem sententiæ requiritur, *l. 1. & vlt. C. de sentent. ex breuic. rec.* Similiter quoties de finibus agrorum controuersia mouetur, iudex ipse in rem præsentem venire, & loca oculis subicere debet, quæ omnia à cæco nullo modo perfici & exequi possunt *l. si irruptione, 8. §. 1. ff. Fin. regund.* Resp. Hæc omnia commodè iudex per alios, puta adseffores judicii, agrimensores, item per Notarium causarum expedire & absolueri poterit. Hanc sententiam tuentur *Hotoman. in illustr. quest. 28. Duarenus d. loco.* Dissentit *Robert. lib. 3. sententiarum c. 23.* Huc non incommodè referri potest exemplum *L. Torquati, de quo ita scriptum reliquit Bodin. lib. 4. de Repub. c. 4. in fine.* Cum *L. Torquato Populus Romanus* tertium consulatum detulisset, valetudinem oculorum excutauit, quod indignum ducere ei fortunas ciuium ac *Rempub.* committi, qui alienis oculis uti cogeretur. Quem tamen nihil prohibebat acie ingenij omnia prospicere, optimeque ciuitati consulere.

ASSE-

ASSERTIO XXXIII.

Is quibus mandata est jurisdictio, judicem dare possunt.

GENERALITER & aperte definit Paulus in *l. cum prator. 12. §. 1. ff. de judic.* Eum cui mandata est jurisdictio, judicem dare posse, ubi quod additur, ut sunt legati proconsulum, exempli causâ adjectum censetur, ut nihilominus etiam in aliis mandatam jurisdictionem habentibus id obtineat. Exempla enim, ut bene vulgò dicitur, non stringunt sed declarant regulam *l. 1. §. quod vulgò ff. de & vi. vi. ar.* Nam sic quoque procuratori Cæsaris vicem præsidis agentis, id est, mandatâ ei à præside jurisdictione, permittitur judicem dare inter privatas personas, inter quas alioqui jurisdictionem non habet *l. 1. C. de pedit. jud.*

Obstare videtur huic decisioni *l. ult. ff. de offic. ejus cui &c.* ubi traditur eum cui mandata est jurisdictio, alteri eam mandare non posse. Quibus verbis censent Accursius. aliique interpretes hoc significari, nec eum qui mandatam habet jurisdictionem, causam judici dato delegare posse. Resp. Longè diversa sunt hæc, mandare jurisdictionem, & judicem dare. Mandare jurisdictionem, est quidem judicem dare, sed cum imperio & potestate judicati exequendi: id enim significat jurisdictio. Judicem dare, est simpliciter judicem dare qui judicet, sed sine jurisdictione & imperio, & sine exequendi potestate. Qui mandatam habet jurisdictionem, ided eam alteri mandare non potest, quia habet alienam, non suam, tantumque ei exercitio commissa est, quæ est personalis, nec personam egreditur. At ided judicem dare potest, quia nihilominus in ea causâ jurisdictionem retinet. Sententia enim à judice dato lata, hanc exequetur is, qui eum dedit, ut fieret, si judicem dedisset ipse magistratus *l. à D. Pio. 15. §. 1. ff. de re jud.*

Gravius obstat *l. eum qui 13. ff. de jurisdictio.* ubi statuitur, eum qui judicare jubet, magistratum esse oportet. Quod tantundem valet, ut non alius possit jubere judicare, seu judicem dare, quam qui est magistratus. Atqui cui mandata est jurisdictio, non est magistratus, quia non habet jurisdictionem suo jure, ideoque is cui mandata est jurisdictio, judicem dare non potest. Resp. Per hoc quod dicitur, eum qui judicare jubet, magistratum esse oportere, non excluditur is, cui mandata est jurisdictio, quoniam is vice magistratus fungitur, ejusque imperio & potestate utitur *l. 3. ff. de offic. ejus cui &c. l. solum. 16. ff. de jurisd.* Nec mouere debet quenquam, quod is cui mandata est jurisdictio, non sit magistratus. Sanè enim quoad honorem & proprietatem jurisdictionis non est magistratus. At verò exercitio & usu imperii

G est ma-

est magistratus, aut certe pro magistratu habendus, dum vice & partibus ejus fungitur, & eodem est imperio.

ASSERTIO XXXIV.

*Legitima liberorum originem à jure gentium traxit,
modum & quantitatem à jure ciuili habet.*

QUOD legitima portio debita liberis ex bonis parentum, sit juris naturalis, probant *l. cum ratio ff. de bon. dam. Auth. hoc amplius C. de fideicom. §. 1. Nouel. de hered. & falcid. §. 1. Nouel. 18. de tri. & semis.* Confirmatur & hac ratione, quia legitima portio suffecta est in locum alimentorum *d. Nouel. 18. §. prohibemus. l. quisquis §. ad filias C. ad l. Jul. majest.* Sed alimenta jure naturali debentur. *l. si quis à liberis ff. de agnos. lib.* Igitur & legitima portio est juris naturalis. Quod ita intelligendum est, quod originem quidem habet legitima à jure naturali, quia naturalis ratio omnibus hominibus innata suadet, ut sicut parentes liberos educare tenentur, ita & bona liberis post mortem relinquere, ut honestè alantur. Verum quantitas & modus legitimæ, quod certa scilicet portio, pro legitima debeatur liberis, hoc jure ciuili introductum est, puta, ut si quatuor sint liberi vel pauciores, tiens debeat pro modo legitimæ: si verò plures sint, semis in legitimam detur *Nouel. 18. §. 1. Auth. nouissima. C. de inoff. testam.* Quod hoc vulgato versiculo expressit Accursius. Quatuor aut infra dant natis jura trientem. Semissem verò dant natis quinque, vel vltra.

Opponitur primò, quod successiones intestati sunt juris ciuilis. *can. vlt. dist. 1. §. in testatorum Inst. de hered. que ab intest. l. lege 12. tab. C. de legit. hered.* At portio legitima est pars successionis ab intestato. *l. Papinianus, §. si quis mortuus. ff. de inoff. testam. l. parentibus C. eo.* Ergo legitima portio est juris ciuilis. Resp. Legitima portio est pars bonorum, illiusve successionis, quæ jura non continet. *d. l. Papinianus, §. quarta,* quæ est juris naturalis vel gentium *l. vlt. C. Quo bon.* non etiam hereditariæ successionis, quæ commoda & incommoda continet, quæ est juris ciuilis.

Secundò opponitur, quod jusjurandum contra jus naturale præstitum non est seruandum *c. si quis c. inter cetera & c. vlt. 22. 44.* At jusjurandum quo filia renunciat legitimæ portioni valet *c. quamuis 10. de pact.* Ergo legitima portio jure naturali non debetur. Resp. Cum dos legitimæ portionis locum obtineat *l. quoniam nouella C. de inoff. test.* manifestum est, filiam in *d. cap. quamuis,* quæ dote accepta renunciari hereditati paternæ, legitimam portionem accepisse, licet fortè minorem, quam lex ciuilis statuit.

Tertiò

Tertiò obijcitur. Legitima portio ciuili exheredatione tollitur §. *aliud.* & §. *causas. Nouel. 115.* Ergo est juris ciuilis. Resp. Naturali ratione & jure filius ingratus legitimâ priuatur. Ingrati enim crimen efficit, vt non tantum alimentis, sed etiam paternis bonis indignus filius censeatur. Ita eleganter tradit *Gnib. lib. 1. quæst. jur. cap. 15.* Quam sententiam communiter approbant DD. referente *Gail. lib. 2. obser. c. 122. num. 7.*

ASSERTIO XXXV.

Legitima relinquenda est liberis titulo institutionis, non legati, fideicommissi, aut donationis titulo.

CONFIRMATUR hæc decisio clavis & expressis textibus in §. *ad hæc aliud capitulum*, & §. *hæc autem disposuimus Nouel. 115.* Vt cum de app. cogn. vbi Imper. disertè & rotundè statuit, quod parentes non possint liberos ex heredare aut silentio præterire, nisi sint ingrati, sed debent eos saltem in legitimâ instituire, neque sufficit vt inquit Imp. in d. §. *ad hæc aliud*, etiam si parentes ipsis per quamlibet donationem, legatum aut fideicommissum, aut alium quemcunque modum debitam portionem legibus contulerint. Non sufficit ergo ad validitatem testamenti, si legitima liberis, titulo legati, vel donationis causâ mortis, aut alio quolibet singulari titulo sit relicta, sed necessarium est titulo institutionis legitimam relinquere. Cujus juris ratio est duplex, prima quia longè vtilius est liberis, titulo institutionis, quam alio singulari titulo hereditatem paternam consequi. Si enim hic filius hæres institutus in legitimâ alios habeat cohæredes, illis nolentibus adire, vel morientibus ante aditam hereditatem, tota successio & hereditas jure accrescendi filio accedet *l. vnic. C. quan. non peten. part. peten. accresc.* Altera ratio est, quod hæredis nomen multo est honestius quam legatarii, & pleniori jure & honore hereditares, quam legatarij tribuuntur. *l. 5. §. sed & si portio. ff. de legat. præst.* & ignominiosum est filium paternâ hereditate carere. Obijcitur primo quod institutus in re certa est loco legatarij. *l. quoties 13. C. de hered. inst.* Ergo & filius institutus in re certa seu legitima, est loco legatarij, quia legitima semper res certa est, siue quæ ad quotam legibus definitam, siue quæ ad æstimationem, quoniam ea non hereditatis quota est, sed bonorum. cum non ponatur eius ratio, nisi deducto a re alieno *l. 8. §. quarta. ff. in off.* Resp. Filius institutus in re certa non est propriè heres, nec propriè legatarius, sed tertiam quandam speciem constituit. quæ in aliquibus legatarij, in quibusdam hereditatis naturam imitatur. Nam quatenus non videtur actionibus hereditariis, nec illis cõuenitur, legatarij naturam participat. Cæterum heredis loco est, quia institutus in legitima vel parte ejus, non

impugnat testamentum per querelam inofficiosi, & jus accrescendi habet, deficiente vel non aduente coherede. *arg. l. 1. §. si ex fundo. ff. de her. instit.* Facit etiam pro confirmatione huius sententiæ, quod legitima titulo institutionis sit relinquenda liberis, quia petitur legitima actione familiæ eriscundæ à liberis, *l. 2. C. de inoffic. donat.* quæ actio non aliis competit, quam vniuersalibus successoribus, qui titulo hæreditatis ad successionem vocantur *l. 2. §. 1. & 2. ff. Fam. erisc.*

Secundò obijcitur huic decisione §. ult. *Instit. de inoff. test. Autb. nouissima. cum l. omnimodò §. & hoc quidem, l. si quando, §. ult. C. de inoff. test.* ubi traditur, sufficere legitimam liberis relinqui, quocunque relicti titulo. Resp. Iste leges & constitutiones omnes loquuntur, secundum dispositionem juris veteris, quo jure sufficiebat ad excludendam querelam inofficiosi, quocunque titulo vel hæreditario vel legati vel fideicommissi legitimam liberis relinquere. Sed hoc per postremam Iustiniani nouellam constitutionem correctum est, & statutum jure nouissimo, vt testamentum patris non valeat, nisi titulo institutionis legitima liberis à parentibus relinquatur *d. §. ad hac aliud.*

Tertio oppono, quod imperfectum testamentum patris valet inter liberos. *l. 21. §. ex imperfecto. C. de testa.* Ergo necesse non est adhibere hanc solemnitatem in testamento patris, vt legitima institutionis titulo liberis relinquatur. Resp. Valet testamentum imperfectum inter liberos, quod destitutum est numero solemnium septem testium, item subscriptione & sigillis testium, & aliis id genus solemnibus. Non tamen valet, si careat institutione filiorum, quia hæc est substantialis pars, imò caput & fundamentum totius testamenti heredis scilicet institutio. §. *ante heredu. Inst. de Legat.* Vnde ex dicta No. 115. hoc testamentum patris, in quo legitima liberis institutionis titulo non est relicta, rescindi poterit. Hæc est communis DD. opinio, à qua in iudicando & consulendo non est recedendum, quod scilicet in testamento inter liberos condito, pater debet liberis relinquere legitimam titulo institutionis. Ita notet *Iul. Clarus* nunquam satis laudatus *ICTus in recept. senten. in §. testamentum. quest. 8.* Hæc quoque sententia in curia Hollandiæ iudicando approbata est in lite pendente inter tutores Euzæ Friderici, & Iohannem Thomæ ab Abbekereck, vti relatum extat in decisionibus curiæ Hollandiæ. decision. 17. Anno 1583. 9. Ianuarij. Plane non est necesse, vt parentes integram legitimam liberis titulo institutionis relinquunt, sed sufficit, vt in quantacunque portione hæreditas eos instituunt: per hoc enim querela inofficiosi excludetur, & competet liberis tantum actio ad supplementum legitimæ. *d. nouel. 115. §. hæc autem disposuimus. l. omnimodò C. de in off. test.* Quæ actio ad supplementum legitimæ eo dif-

fert

feret à querela inofficiosa, quod perpetua sit, & triginta annos duret, neque quinquennio finiat, ut querela inofficiosa l. *scimus*. §. *illud*. C. de inofficiosa test. Ita communiter DD. placuit contra Bart. in l. *si quis filium* 34. C. eod. referente VVesemb. in §. *tam autem* nu. 8. Inst. de inoff. test. Hæc sententia, quod ad hoc ut valeat testamentum patris inter liberos, requiratur, ut legitima liberis titulo institutionis relinquatur, communiter à DD. recepta est, & approbata. Ita notant Fachin. lib. 4. controuers. cap. 24. & lib. 12. controuers. c. 4. Vigl. ad §. ult. Inst. de inof. test. And. Gail. lib. 2. Obs. c. 112. nu. 10. ubi notat hanc esse communem DD. opinionem contra Iasonem quod scilicet filius debet necessario institui in legitima alias non valet testamentum patris, à qua sententia notat non esse recedendum, nec in iudicando, nec in constituendo. Item affirmat Anto. Tiffaurus decis. Pedemontana 38. ubi dicit hanc communem DD. sententiam, ubique terrarum esse receptissimam, uti notat Faber. in error. Pragmat. decade 14. erro. 6. ubi tamen ille in diuersam sententiam discedit, & statuit, quouis titulo liberis legitimam relinqui posse. Dissentit Vaudus lib. 1. quest. 5. Faber in error. Pragmat. decade 14. errore. 6.

ASSERTIO XXXVI.

Legitima parentum non est aucta, ut liberorum.

FILIORUM legitima, quæ olim iure veteri fuit quadrans, ex postremo iure Nouellarum aucta est ad trientem, si quatuor sint liberi, vel si plures, ad semissem. Sed quæritur, an & legitima portio parentum eodem modò sit aucta. Et quidem Accurs. cæterique DD. in Auth. nouissima C. de inoff. test. eam pari modò, sicut in liberis auctam esse affirmant. Verum contraria sententia mihi probabilior & tutior esse videtur. Quæ sententia satis apertè probatur ex §. 1. Nouel. de trien. & semiss. ubi Imp. hanc causam noui iuris introducendi proponit, quod scilicet idèd auxerit portiones hæreditarias filiorum, ne ex partium hæreditarum immutatione liberi summam paupertatem & inopiam vereantur. Præterea subiungit Imp. fore admodum iniquum & inhumanum, si prædiues aliquis pater relinquat decem fortè liberos, eos non plus præcipere, quam si duo vel vnus tantum relictus esset ex quo verendum esset, ne magnà inopiâ & fame liberi perirentur. Hæc causa, quæ fecit nouæ constitutioni locum, non potest in parentibus euenire, quia illi tanto numero, quatuor scilicet vel sex, liberis raro aut nunquam superstitibus esse possunt.

Sed obijcitur §. hoc obseruando d. Nouel. 18. ubi statuit Imp. quod omnium eorum portio aucta est, quibus antiquæ quartæ ratio de inofficiolo querelam

suggerebat. Resp. Hoc non ita accipiendum est, ut ad parentes sit referendum, sed ad filios, nepotes, & sic deinceps liberos inferioris gradus. Item ad liberos naturales, si de successione matris agatur, nam & de inofficioso testamento matris spurii quoque liberi dicere possunt, *l. si suspecta. 29. §. de inofficioso ff. de inoff. test. §. non licebit. d. nouel. 18.* Hanc sententiam comprobatur & ipsa inscriptio tituli in *Nov. 18.* quæ ita concepta est, de filiorum & nepotum, item de naturalium liberorum successione, de parentibus verò nihil adjicit. Probat hanc decisionem *Vaudus. lib. 1. quest. c. 50.* Dissentit etiam ab hac opinione *Fachinans libro 4. controuer. iuris. c. 28. & Gniat. in expositione Nouelle 18. in princ.* qui statuunt, non solum in parentibus, sed etiam in fratribus auctam esse legitimam usque ad trientem: idque statuunt moti argumento ducto ex *§. 1. de No. 18. in fine*, ubi dicitur. Hoc eodem scilicet augmento obtinente in omnibus omnino personis, quibus olim quadrantis nomine de inofficioso querela legibus attributa fuit, Denique notandum quod in praxi & usu forensi receptum sit, quod legitima partis fratrum & sororum aucta, non sit à Iustiniano. Ita decisum extat in SCto Neopolitano: attestante *Afflicto in decisionibus Neapolitanis. c. 204.*

ASSERTIO XXXVII.

Petitio hereditatis non datur contra titulo possidentem.

PROBATVR hæc sententia apertis & euidentibus textibus in *l. 2. l. hereditas 7. C. de petit. heredit.* textus rotundus in *l. hereditatem 4. C. In qui. caus. cess. long. temp. prescript. l. sed etsi 25. §. item si rem ff. de petit. hered.* ubi dicitur emptores rerum hereditariarum, & alios qui speciali titulo res hereditarias compararunt, conueniendos esse rei vindicatione, non petitione hereditatis. Ratio assertionis hæc est. Proprium petitionis hereditatis officium est, de jure hereditario succedendi in bona defuncti contendere. Possessor autem qui allegat titulum specialem, non contradicit aduersario se heredem asserenti, neque controuersiam hereditatis ei facit, sed mouet illi contentionem dominii, negatque aduersarium esse dominum. Itaque in hoc casu frustra instituitur petitio hereditatis, quia in eâ non agitur ad dominium, sed tantum ad jus hereditarium. Quare contra eos qui titulo speciali possident, intentanda est rei vindicatio, in qua de dominio controuertitur. *d. l. hereditatem 4. l. heredes 25. §. quod pro emptore. ff. fam. ercisc. VVesemb. in parat. ff. de petit. hered. num. 10. in fin. Oldendorp. classe. 5. art. 5.*

Primò obijcitur huic decisioni *l. nec vllam 13. §. quid si quis. ff. de petit. hered.*

vbi

vbi dicitur, quod vtilis petitio hæreditatis intentari possit contra emptorem hæreditatis. Resp. Duo tantum casus speciales ibi proponuntur, in quibus emptor hæreditatis conuenitur vtili petitione hæreditatis. Primus est, cum non extat venditor hæreditatis vt cum eo agi possit, tunc enim deficiente venditore, in subsidium datur in emptorem, quali in hæredem ejus petitio hæreditatis. Secundus casus est, si modico pretio hæreditas vendita est, tunc enim quia non expedit agere contra venditorem, ad emptorem manus porrigi debent.

Secundò opponitur, quod petitio hæreditatis intentatur contra eos, qui pro hærede, vel pro possessore possident. *l. regulariter & l. sequent. ff. de pet. hered.* Atqui titulus pro hærede & pro possessore sunt iusti & legitimi tituli, quia ad vscapionem complendam profunt possessori. *oro tit. ff. & C. de vscap. pro hærede.* Resp. Titulus pro hærede bifariam accipitur in iure. Primò quocis tractatur materia petendæ hæreditatis, quam falsa opinione aliquis putans se hæredem, possidet, toties oportet ea verba, *pro hærede*, accipere non pro vero titulo, sed pro erronea quadam existimatione & putatiuo titulo *l. pro hærede 11. cum 11. seq. ff. de petit. hered.* Nam si reuera esset hæres, nunquam daretur contra eum petitio hæreditatis. Vbi verò non tractatur controuersia juris hæreditarii inter duos, sed disceptatur de re aliqua, cujus dominium prætendit possessor, quia dicit se per hæreditariam successionem acquisiuisse, ista verba *pro hærede*, intelligenda sunt pro vero & iusto titulo, propter quem competit vscapio. *l. cogi C. de petit. hered. l. 1. C. Si quis ignor. rem mino. sine decr. alic.* Ita declarat *Anton. Gomel. in comment. ad L. Tauri. l. 45. n. 161.*

Tertio objicitur *l. nec vllam 13. §. si quis sciens. ff. de pet. hered. & l. 2. C. eodem.* vbi emptor hæreditatis, qui sciens emit alienam hæreditatem, vtili petitione hæreditatis tenetur. Resp. Hic emit mala fide hæreditatem, vel quotam hæreditatis partem, quia emit post motam litem vel controuersiam de hæreditate, post quam controuersiam motam omnes incipiunt esse male fidei possessores *l. sed etsi 25. §. si ante ff. de pet. hered.* Ideoque talis emptor merito tenetur petitione hæreditatis, quia iniustus & inutilis titulus pro nullo habetur.

ASSERTIO XXXVIII.

Nullum est directum dominium, nullum vtile.

INTERPRETES duplex statuunt dominum, aliud directum, aliud vtile. Directum dominium vocant id, quod & principale & superius appellatur, quod habet is, qui plenus & superior est dominus, quale habet dominus feudi

feudi & emphyteuscos. Vtile dominium dicitur, quod est inferius, cum proprietas penes alium est, quale habent vasallus emphyteuta & superficiarius. Ita tradunt *Minsf. ad rubr. tit. inst. de rerum diuis. Costal. ad l. 1. ff. Si ag. vectig.* Verum hæc vocabula sunt interpretum & Magistrorum juris, non verò in ipso iure & legibus tradita extant. Ideoque cum *Duare. lib. 1. disput. c. 17. & Cujac. lib. 11. obseruat. c. 35.* statuendum magis ex errore, quam veritate legum hanc distinctionem à DD. introductam, quod aliud sit dominium directum aliud utile. Nam vnum tantum & simplex est dominium, quod nihil aliud est, quam proprietas rei *l. 11. §. 3. ff. de except. rei jud.* Cum autem duo non possint esse in solidum ejusdem rei domini, ex eo sequitur, quod neque duplex possit esse penes duos ejusdem rei dominium. Sicut enim possessio non admittit consortem in solidum, ita nec dominium *l. si vt certo, §. si duobus ff. Commodati.*

Contra hanc decisionem tale adfertur argumentum. Actio in rem nulli competit, nisi ei qui jure gentium aut jure civili dominium rei acquisiuit. *l. in rem 23. ff. de rei vend.* Sed actio in rem datur emphyteutæ, vasallo, superficiario, aliisque similibus *l. tutor. 16. §. fin. ff. de pig. act. l. si finita, §. si de vectigalibus ff. de dam. infect.* vbi IC. Vlpianus vectigalem seu emphyteuticariam actionem utilem vendicationem appellat. Simuliter in *l. in speciali. 73. cum l. seq. ff. de rei vend.* traditur, quod superficiatio Prætor causa cognita actionem in rem pollicetur. Denique vasallus potest tanquam dominus feudum à quocunque possidente petere, ac quasi vendicare *c. 1. §. rei autem de inuest. de alie. fact.* Ergo hi omnes sunt utiles saltem domini. Resp. Datur his utilis in rem actio, non respectu utilis domini, sed respectu effectus, quia scilicet habent jus proximum dominio, pro quo jure afferendo ad exemplum dominorum illis in rem actio accommodatur, ne scilicet jure suo alioqui planè frustrerentur & priuerentur. Itaque hoc intuitu potest dici aliud esse plenum, aliud minus plenum dominium, ab accidenti quia scilicet emphyteuta, vasallus, superficiarius tale jus habent, quo omnem usum & commoditatem rei percipiant, sed propterea dominium in species duas, directum & utile ab accidentibus diuidi non potest, quia accidentia non constituunt diuersas species. Hanc sententiam, quod scilicet non sit aliud directum, aliud utile dominium, sed quod utilis in rem actio aliquibus detur, qui jus habent proximum dominio, puta emphyteutæ, superficiario & vasallo, plene & solidè tradeunt & confirmant *Faber. lib. 20. Coniectur. Iur. c. x1. Ludovicus Maynus libro 1. actionum. cap. vi. Cuias. in parat. c. de nudo iure Quirit. toll. Oldend. clas. 3. act. 2. Vulte. in discept. scholast. c. 19. Costal. ad l. 1. ff. Si ager. vect.* vbi notat, quod hæc vocabula directum & utile dominium, sint magistrorum & interpretum, non juris.

ASSERTIO

ASSERTIO XXXIX.

Malæ fidei possessor necessarias impensas repetit.

POSSESSOR malæ fidei sumtus necessarios in rem alienam factos repetere potest. text. sunt in *l. domum C. de rei vendic. & l. planē 38. ff. de pet. hered.* Verum huic decisioni graviter aduersatur *l. 1. C. de infan. expo.* ubi aperte traditur, malæ fidei possessorem, impensas alimentorum, quæ necessariæ sunt, cum sine iis quis vivere non possit *l. necare ff. de lib. agnos.* repetere non posse, nec etiam per retentionem rei retinere. Ita enim ibi scribitur. Si inuito vel ignorante te partus ancillæ expositus sit, repetere eum non prohiberis, sed restitutio ejus, si non à fure vendicaueris, ita fiet, ut si qua in alendo, vel forte ad artificium discendum justè consumpta fuerint, restituas. Ibi aperte statuitur furem sumtus in alendo puero expositos, qui necessarij sunt, repetere non posse.

Accurcius respondet aliud in fure quam in malæ fidei possessore statutum esse, quod scilicet fur non repetat necessarias impensas, sed tamen alius malæ fidei possessor eas deducat. Resp. Hæc solutio non subsistit, nam & prædo necessarios sumtus repetit. *l. planē 38. ff. de pet. hered.*

Verior itaque & probabilior hæc solutio reinenda est, quod scilicet ideò fur non repetat sumtus collatos in alimenta pueri à se furto subtræcti, qui apud eum adoleuit, quia tam pueri, quam adolescentis furtum fecit; unde propter continuationem furti tenetur ad pœnam dupli, habita scilicet æstimatione non pueri, sed adolescentis, quanti vnquam apud eum plurimi fuit, text. sunt in *l. inficiando 67. §. infans ff. de furt. l. ex argento 13. ff. de cond. furt.* ubi inquit Paulus, si infans subreptus adoleuerit, æstimatio sit adolescentis, quamvis sumtibus & curâ furis creuerit. Cum itaque fur, qui infantem furtipuit, ex eo grauis obligetur, quod is tamdiu apud eum furto detentus est, donec adoleuerit, iniquum & inciuile est eum repetere sumtus alimentorum, propter quos adolescens factus est. Si enim eos sumtus repeteret, non teneretur, quanti plurimi apud eum vnquam seruus fuisset. Nec verò potest quis ex eâ causâ aliquam actionem consequi, ob quam ille alteri obligatur *l. siue hereditaria 22. ff. de neg. gest.* Ita elegauit hanc anuimicum dissoluit Fachin. lib. 1. contro. cap. 54. Aliter respondet Sarmen. lib. 1. select. interpret. c. 10. Aliter quoque Menoch. lib. 2. arb. ind. cent. 3. quæst. 58. qui distinguit furem à malæ fidei possessore, quod hic deducit necessarias impensas, ille nō item. Ratio differentiæ inter furem, & malæ fidei possessorem qui sine vi occupauit, est, quod maius delictum est furis, quam malæ fidei possessoris,

H quod

quod indicat gr. uior pœna furi, quam illi malæ fidei possessori indicta. Nam fur aliquando ad duplum, quandoque ad quadruplum tenetur. §. *sed furti. Inst. de act.* mala fidei verò possessor tantum ad ipsius rei restitutionem.

ASSERTIO XL.

Vnufquisque rerum suarum dominus est, etiam abutendo.

GENERALIS & vulgata juris regula est, quod vnufquisque dominus rei suæ moderator est & arbiter *l. in re mandata. C. mandat.* Quæ regula ad eò obtinet, vt liceat cuilibet etiam priuato viro & ciui rebus suis & fortunis abuti, vt puta dilapidando, vel bona sua superflue & lautè consumendo & perdendo. tex. est in *l. sed etsi 25. §. consuluit. ff. de petit. hered.*

Sed obijcitur huic vulgatæ & receptæ juris regulæ, quod dici solet, interest Reipub. ne quis re sua malè vtatur. §. *penult. inst. de h. qui sui vel alie. jur. sunt.* Item quod dicitur priuatorum hominum actionibus & negotiis jus publicum lædi non posse. *l. ius publicum, cum similibus. ff. de pact.* Hoc argumentum ita dissoluendum est. Quædam sunt, quæ directò & principaliter publicum fauorem respiciunt, & hæc contrariis hominum actionibus tolli non possunt. Sic lex Iulia prohibet, ne liceat marito fundum dotalem alienare, ne quidem vxore volente; huic legi (quia præcipue fauorem Reipub. respicit, quia interest Reipub. fœminas esse dotatas ad sobolem procreandam, replendamque liberis ciuitatem, *l. 1. ff. Solus. matr.*) contraria coniugum pactione derogari non potest. Si tamen huic conuentioni, qua conceditur marito fundum dotalem alienare, accedat iuramentum, seruandum est pactum. *c. cum contingat. ex. de iure ju.* Alia sunt quæ principaliter fauore priuatorum sunt introducta, sed in consequentiam concernunt commodum publicum, & hæc contraria hominum pactione tolli possunt *l. penult. C. de pact.* Sic in nostro casu, vt quis re sua non abutatur, expedit quidem Reipub. cæterum in quandam consequentiam, & secundariò, quia, interest Reipub. subditos habere locupletes, §. *cogitatio. Nouel. Vt iud. sine quoquo suffrag. fiant.* Singulorum enim facultates & copię, diuitiæ sunt ciuitatis, vt ait Cicero 3. *offic.* Similè est illud Vlpiani in *l. seruum §. publicè. ff. de procurat.* Publicè vile est, absentes à quibuscunque defendi, interest scilicet Reipub. secundo, & in consequentiam quandam.

ASSERTIO

ASSERTIO XLI.

Emphyteusi per mortem emphyteutæ, ipsiusque liberorum reuolutâ ad dominum, non tenetur eam dominus proximiori agnato concedere.

QUÆRITVR si emphyteusis reuoluta sit per mortem emphyteutæ ipsiusque liberorum ad dominum, possetne is cogi eam restituere proximiori agnato. Sed verior est & probabilior sententia, dominum ad hoc non teneri. Quæ opinio probatur hoc modo. Res in emphyteusi concessa, vsque ad certam generationem, extincta ea generatione ad dominum redit. Ergo dominus potest eam retinere, vel cui mauult concedere, est enim quisque suæ rei moderator & arbiter. *l. in re mandata. C. mandati.*

Obijciunt primò huic decisioni *l. 1. §. permittitur ff. de aqu. quot. & 2. §.* ubi dicitur, quod quando aquæductus concessus est certis personis, non transit ad hæredem vel emtorem, si tamen eis petentibus non concedatur injuria est. Resp. Ibi loquitur IC. de seruitute aquæ ducendæ, quod is eam faciliè impetrare potest, ad quem fundus peruenit, si ejus domino priori seruitus debebatur. Sed alia est ratio Emphyteuseos, quæ est majoris momenti, nec potest proximior docere eam sibi deberi, eò quod aliorum bonorum dominium ad se transferit.

Secundò obstat *l. congruis, & l. ult. C. locat. præd. ciuit. lib. 11. tit. 70.* ubi veteres conductores præferuntur nouis conductoribus, si augmentum ab altero nouo conductore oblatum ipsi præstare velint. Resp. Hoc specialiter in conductoribus fundorum publicorum receptum est, quia & hi coguntur reconducere finitâ conductione, si lucrum fecerint ex priori conductione, nec alii conductores qui tanti velint conducere, inueniantur. *l. eodem. §. ult. ff. de publ. & vectig.*

Tertiò opponitur, quod in emptione bonorum debitoris cognati præferantur extraneis emtoribus *l. 1. ff. de priu. cred. l. Imperatores 60. ff. de pact.* Ergo & in emphyteusi quoque cognati extraneis præponuntur, quia emphyteusis cum venditione magnam habet similitudinem *§. adeo. Inst. locat.* Resp. Illæ ll. loquuntur in speciali casu, quando scilicet debitoris obæratæ bona auctore iudice possidentur & venduntur: tunc enim cognati & creditores præferuntur extraneis in venditione bonorum, modo eandem conditionem præsent, quam extranei, quod nihil commune habet cum præsentî quæstione. Hanc sententiam amplectuntur & tuentur *Sarmient. lib. 3.*

select. interp. cap. 7. And. Gail. lib. 2. obs. c. 148. Fachin. lib. 1. cont. cap. 109. Dissentit Barr. in l. 1. §. permittitur. ff. de aqu. quot. & 28.

ASSERTIO XLII.

Emphyteuta ob non solum domino canonem per triennium, fundo emphyteutico licite expelli potest.

IVRE expresse decisum est in l. 2. C. de jur. emphyt. quod si emphyteuta triennio integro cessauerit in præstatione canonis soliti & consueti, quod propterea à domino ex fundo emphyteutico expelli possit.

Sed in contrarium adfertur hoc argumentum. Si emphyteuta qui multis annis agrum emphyteuticum possedit, & colendo ac plantando fertiliorum & meliorem reddidit, possit ob non solum triennio canonem ejici fundo emphyteutico, illa sequeretur iniquitas, quod dominus frueretur meliorationibus ab emphyteuta factis, & ad partos alieno labore fructus accederet. Certè hoc est iniquum, nisi dominus sumptus in meliorationes factos refundat. Resp. Nihilominus emphyteuta ejici poterit, & meliorationes una cum fundo ad dominum, solutione canonis debito tempore non facta, redibunt, ut earum nomine nihil domino possit objici d. l. 2. in verb. nulla ei in posterum allegatione nomine meliorationis opponenda. Neque iniquum est hoc casu statui contra eum, qui in eo culpæ suæ pœnas luat.

Porro adeò verum est ob non solum triennio canonem, posse emphyteutam expelli, ut etiam hoc procedat, licet emphyteuta pro solutione canonis non sit à domino admonitus, d. l. 2. in verb. neque prætendente, quod non est super hac causa inquietatur.

Sed aduersatur regula juris, quæ dicit moram non committi à debitore nisi præcedat interpellatio. l. mora. 32. ff. de vsur. Item ubi mora & delictum non est admissum; ibi nec pœnæ potest esse locus. l. aliud est fraus 131. ff. de V. S. Resp. Dies hoc casu interpellat pro homine, & sine vllâ interpellatione debitorem in morâ constituit. Nam quia certum tempus puta triennium emphyteute cum pœnâ priuationis à lege est præfixum, potuit facile hoc tempus providere, & tempestiuâ solutione canonis, pœnam ejectionis euitare. Itaque hoc casu non minus lapsu diei, quam apertâ interpellatione mora committitur l. magnam. C. de contr. stipul.

Quæritur autem hic, an pactum valeat, quo convenit inter dominum & emphyteutam, ne emphyteuta à domino propter pensionem non solutam expellatur. Et verius probabiliusque est hoc pactum juri esse consentaneum, quia licet domino juri pro se introducto renunciare. l. penult. C. de pact. l. si iudex 41. ff. de mino.

Sed

Sed obstat quod nulla sit vis ejus conventionis, quâ canetur, ut inuito domino rem alienam possidere liceat. *l. cum precario 12. ff. de preca.* Resp. Præterquam quod hujusmodi pactum ob repugnantiam in precario non valet, *l. ubi pugnantia 189. ff. de R. l. idè quoque inutile est, quia repugnat substantiæ precarii, quæ est, ut ad nutum concedentis reuocetur l. 1. & 2. ff. de preca.* Pactum autem de non expellendo emphyteutam, ob non solum canonem, non est contra substantiam contractus emphyteutici, quæ in annuâ pensione consistit, sed tantum naturam ejus impugnat, quæ est, ut dominus emphyteutam non solucentem canonem remouere possit. Itaque hoc pactum vires habet, illud non item, quia naturalia contractus pactio quidem tolli possunt: substantialia verò non possunt mutari. *l. si quis donationis 38. l. pacta conuenta. 72. ff. de contr. empt. l. ubi ita donatur. 27. ff. de mort. cau. don.* Substantia contractus est principalis ipsius contractus essentia, qua submotâ contractus deficit. Natura contractus est vis & qualitas secundum proprios fines contractus inducta, ab iis quæ extrinsecus accidere possunt, separata, Vide eleganter *Alciatum lib. 5. paradox. c. 16. & ad l. 3. num. 2. ff. Si. cert. per.*

Secundò obijcitur, Pactum de non expellendo emphyteutam ob non solum canonem, inuitat emphyteutam ad delinquendum, scilicet ad non soluendum, idè quod nullum est & inutile. *l. si vnus 27. §. illud. ff. de pact. l. 5. ff. de pact. dor.* Resp. Non datur hic ansa delinquendi, ne omnino soluat emphyteuta canonem: sed pœna legis remittitur emphyteute, quem dominus nihilominus potest ad præstandam debitam pensionem, actione emphyteuticariâ vgerere. *Salyc. ad l. 2. num. 13. C. de jur. emph.*

ASSERTIO XLIII.

Ex contractu emphyteutico oritur actio emphyteucaria.

CVM ex contractu emphyteutico mutua inter dominum & emphyteutam oriatur obligatio, constet ante in obligationem actionem parere, *l. licet 42. §. ea obligatio ff. de procur.* Dubium non est ex contractu emphyteutico actionem proficisci. Verum quænam illa sit, controuertunt interpretes, & adhuc sub iudice lis est. Sunt qui actionem præscriptis verbis dari contendunt, quasi hic contractus certum & speciale nomen non habeat. Quoties enim contractus existunt, quorum appellationes nullo jure ciuili proditæ sunt, recurrimus ad actionem præscriptis verbis *l. 2. & 3. ff. de præscript. verb.* Ita sentit *Cynus in l. 1. num. 8. in fin. C. de jur. emph.* Quæ sententia satis refellitur ex eo, quod contractus emphyteuticus communi

DD. testimonio nominatus esse dicatur. Alii itaque conditionem ex lege competere malunt, cum hic contractus per se ad producendam obligationem inefficax à Zenonis constitutione vires acceperit, & Zenonis constitutio non definiat, quo actionis genere experiri debemus. *l. vnic. ff. de condit. ex l. Gloss. in §. adeo. in verb. propriam. Inst. de locat. & conduct. Bart. in l. 1. num. 11. & las. ibidem nu. 68. C. de jur. emph.* Quorum opinio licet magno doctorum consensu sit recepta, teste Iasone, tamen cum hic contractus omnium suffragio inter nominatos referatur, fortè disputando non sine ratione defendi posset conditione ex lege hic opus non esse, cum ex conventionibus nominatis certæ etiam & nominatæ profisciscantur actiones. Quid enim aliud indicare voluit Vlpianus, dum inquit in *l. 7. in princ. ff. de pact.* Conventiones quæ pariunt actionem in suo nomine non sunt, sed transeunt in proprium nomen contractus. Quæmadmodum igitur dicimus actionem ex emto, vendito, locato, conducto, & similes, ita non video quid vetet, actionem ex hoc contractu emphyteuticariam appellari. Quod etiam subodorus videtur. *Bart. in d. l. vnic. nu. 8. ff. de condit. ex leg. & nouissimè Olden. class. 5. de acti. n. b. beneficiarius. Baro ad d. §. adeo.* Hodie disputatio hujus rei superuacua videtur, cum nomen actionis exprimi non sit necesse in libello, sed factum narrari sufficiat, ex quo iusta agendi causa colligatur. *c. dilecti. ex. de. judic.*

ASSERTIO XLIV.

Emphyteuta longissimo tempore acquirere non potest directum dominium, si non soluit domino canonem.

EMPHYTEUTA etiam si longissimo tempore, puta 30. 40. annis non soluit pensionem domino, tamen non potest immunitatem à præstatione canonis consequi, neque directum dominium sibi præscriptione acquirere. Ratio est, quia emphyteuta quamdiu eo titulo possidet, non suo sed alieno nomine possidet, qui autem alieno nomine possidet, præscribere nullo modo potest. *l. 2. & l. cum notissimi §. ult. vbi est tex. apertus & rotundus. C. de prescript. 30. an.* Facit etiam pro confirmatione hujus sententiæ *l. si quis conductionis 25. C. locat.* vbi dicitur quod qui conductionis titulo possidet, verè non possidet, ideòque prius possessionem locatori restituere debet, & tunc de proprietate litigare.

Obicitur primo huic decisioni *l. 3. & 4. C. de pres. 30. an.* quæ dicunt 30. annis tolli omnes actiones tam in rem quam personam, nullumque jus priuatum vel publicum in quacunque causa vel persona præscriptione 30. vel 40.

vel 40. annorum; jure silentio extinctum, iterum moueri posse. Resp. Communis DD. sententia hac in quaestione verissima, hæc retinenda est; quod colonus vel emphyteuta præscriptione longissimi temporis non acquirit directum dominium fundi, etiam si longissimo tempore pensionem annuam domino non soluit. Quæ tamen sententia non procedit, si emphyteuta possessionem domino interuerat, ut quia domino petenti recuset pensionem soluere, contendens se esse dominum. per *l. colonus* 12. & *l. cum fundum* 18. ff. de vi & ar. Ex hoc enim tempore præscriptio curret, & si ex inde legitimo tempore possedit, tunc quia ciuiler possidet tanquam dominus, plenam securitatem à soluendo canone, & directum dominium præscribit. Ita expressè decidit *Bart. in d. l. 2. num. 3. C. de præscrip. 30. anno*. Cujus legis hic est germanus sensus, quod emphyteuta rem detinens ut emphyteuta, aut colonus rem detinens ut colonus, nullo tempore præscribit. Verum ex quo interuerit domino possessionem, & recusat solutionem canonis, jam non detinet ut emphyteuta, nec possidet alieno nomine, sed sibi. proinde non minus potest præscribere, quam quilibet extraneus. Ita decidunt *Castriens. in l. neque fructuarium* 8. num. 1. *C. de usufruct. Iason ad l. 2. num. 157. C. de jur. emph. Balbus in tractatu præscrip. 4. par. 4. pars. princip. quest. 11. num. 4. Pacius ad l. plures* 18. num. 7. & ibi communiter DD. *C. de fid. instrum.*

Secundò opponitur *l. ult. C. de fund. rei priuatæ lib. 11.* ubi videtur affirmari, quod si emphyteuta 40. annis pensionem annuam non soluit, præscriptione censetur acquisiuisse immunitatem à soluendo canone, & per consequens directum dominium præscripsisse. Resp. Lex illa non dicit præscribi immunitatem annuæ pensionis, vel directum dominium spacio 40. annorum ab emphyteutâ, sed hoc dicit. Si quis fundum rei priuatæ principis emerit eâ lege, ut canonem soluere non teneatur, quod hic 40. annorum præscriptione se tueri poterit. Hic emtor nunquam suscepit in se obligationem soluendi canonis, sed eam recusauit & noluit suscipere. Itaque non pertinet ad nostram quaestionem, quæ tractatur, an emphyteuta possit præscriptione longissimi temporis acquirere immunitatem canonis emphyteutici, & per consequens directum dominium præscribere.

ASSERTIO XLV.

*Emphyteusi finitâ sine culpâ emphyteutæ, meliorationes
pertinent ad dominum directi domini.*

VERIOR & jure magis consentanea est sententia, quod impense seu meliorationes, quibus res emphyteutica melior est effecta, pertineant ad do-

ad dominum directi domini, etiam si sine culpa emphyteutæ res sit ad dominum reuersa, puta si emphyteusis ad certum tempus, vel certam generationem sit concessa, & finito tempore res reuertatur ad dominum. Confirmat hanc decisionem quod contractus emphyteuticus eam ob causam instituitur, ut res melior efficiatur, ut ex ipsius verbi etymologia apparet. *l. ult. & ibi Glossa C. de iur. emph.* Et ideo solet Ecclesia prædia ruinosa ad meliorandum in emphyteusim concedere. *Auth. si quas ruinas. C. de SS. Eccles.* Ergo si hanc ob causam solet contractus emphyteuticus celebrari, dominus non tenetur soluere expensas emporationum: ob id enim dat prædium in emphyteusim, ut ab impensis liberetur, unde impensæ ab eo repeti non possunt. Secundò hanc opinionem comprobatur *l. 1. C. de iur. emph.* ubi damnum quod per deteriorationem rei contingit, imputatur emphyteutæ, non domino, ergo non potest expensas in reficiendo factas à domino repetere, nam si repetere posset, non ejus esset damnum, sed domini. Denique hæc sententia æquitati & rationi est conueniens, quia cum emphyteusis plerumque pro exigua mercede concedi soleat, hinc in compensationem fructuum meliorationes cedunt domino ex natura contractus, finita emphyteusi etiam sine culpa emphyteutæ. Quod si emphyteusis culpa emphyteutæ sit extincta, veluti ob non solutionem canonis, vel ob alienationem illicitè factam, vel ob rei deteriorationem, tunc certum & indubiatum est, dominum meliorationes lucrari *l. 2. C. de iur. emph. §. scire autem. No. 7. de non alie. aut permitt. reb. Eccles.*

Sed obstat primò *l. demos 58. de leg. 1.* ubi traditur, si quis impensas faciat in re subiecta restitutioni post tempus, poterit eas impensas repetere ab eo, cui rem restituit. Idem ergò videtur statuendum in hac questione, cum fundus emphyteuticus post certum tempus vel certam generationem sit subiectus restitutioni. Resp. Ibi non est res ad meliorationem data, neque meliorationes veniunt, sicut ex natura contractus emphyteutici debentur.

Secundò obijcitur tex. in *c. 1. §. vasallus. Hic finitur lex. lib. 2. feud. tit. 28.* ubi secundum unam lectionem meliorationes pertinent ad vasallum & non ad dominum. Resp. Res quæ in feudum dantur, non ad meliorationem dantur, sed propter homagia seu seruitia personalia, quæ sunt causa feudi, at causa contractus emphyteutici regulariter est melioratio fundi emphyteutici, ut ex verbo ipso liquido apparet.

Tertiò opponitur, quod dominus videatur locupletari cum alterius iactura, contra juris regulas. Resp. Non obstat prædicta regula, quia interuenit hic consensus tacitus vel expressus, ideoque consentienti & volenti non fit injuria.

Quartò aduersatur *l. 7. §. quoniam. & l. sed si quid 15. ff. de usufr.* ubi usufructuarius potest expensas vtiliter factas repetere, vel detrahere, cui similis videtur

videtur emphyteuta. Resp. Illæ leges magis confirmant hanc opinionem, quia usufructuarius expensas modicas, ad quas de naturâ vsusfructus tenetur, repetere non potest, magnas autem quæ ex naturâ vsusfructus non veniunt, repetere potest *l. eum ad quem C. de usufr.* Cum ergo omnes impensæ quæ fiunt in re emphyteuticâ, ex natura ipsius contractus veniant, nullæ impensæ rei emphyteuticæ repeti possunt à domino. Hanc sententiam solidè & exactè defendit *Sarmien. lib. 3. select. interp. c. 4. Quem sequitur Fachin. lib. 1. controuer. juris. cap. 92.*

ASSERTIO XLVI.

Emphyteuta si triennio canonem non soluerit, postmodum oblatione factâ, moram purgare non potest.

EMPHYTEUTA si integro triennio pensionem debitam non soluerit, amittit emphyteusin, & à domino ex prædio emphyteutico expelli potest *l. 2. C. de jur. emph. Auth. qui rem C. de SS. Eccl.* Quod aded verum est, ut etiamsi triennio elapso velit offerre solutionem canonis, nihilominus tamen expelli possit, quia non potest post triennium offerendo debitum canonem, moram semel commissam purgare. Idque probatur hac certissimâ juris regula, quæ habet. Quoties dies & pœna est in obligatione, toties non admittitur purgatio moræ, tempore obligationis elapso. *● trajecticia 23. §. de illo. ff. de obligat. & act. l. magnam 12. C. de contr. stipu.* At verò in nostro casu certum tempus in contractu emphyteutico, præscriptum est à lege soluendo canonis, triennium videlicet, sub pœnâ amissionis juris emphyteutici *d. l. 2. C. de jur. emph.* Ergo post illud tempus offerendo solutionem canonis, emphyteuta moram purgare non potest.

Sed graviter obstat huic decisioni *c. potuit. ex. locat.* ubi emphyteuta Ecclesiæ offerendo solutionem canonis post biennium celeri satisfactione moram purgare potest. Resp. Hoc tantum singulariter receptum est in emphyteuta Ecclesiæ, ut ille possit celeri satisfactione, iudicis religione astimanda, post moram commissam sibi consulere. Ratio specialis juris est, quia verisimile est Romanos Pontifices, qui huiusmodi negligentiam coarctarunt, eamque biennio concluserunt, hoc amplius emphyteutæ indulgisse, ut moram isto modo purgare possit, atque ita in vno gravatus in altero sublevari debeat. *arg. l. cum qui 30. in princ. ff. de iureju.* Maximè cum jus canonicum moræ purgationem facilius admitat, & non ita strictè pœnas exigat, quemadmodum jus civile *c. suam ex. de pen.* Diversum obtinet in emphyteutâ privati, hunc enim moram nullatenus purgare posse, verius est. Ita habet communis

I

DD. opinio

DD. opinio testante *Sichardo* in l. 2. num. 20. C. de jur. emph. quod etiam *Iasoni* in vtrunque partem latissime disputanti tandem magis probatur in d. l. 2. Approbat *Molin. ad consuet. Paris. tit. 2. de consue. §. 62. nu. 9. & 10.* & secundum hanc sententiam iudicatum fuisse referre *Afflic. deus. 174. num. 2.* Dissentit *Corras. in d. l. 2. num. 16. Clarus in receptis sentent. tit. de emphyteusi quæst. 8. nu. 15.*

Secundò litic assertioni repugnat. l. quid tamen 21. §. ult. ff. de arbit. vbi statuitur, quod si arbitri sub certa pœna condemnauit alterum ex litigatoribus ad soluendam certæ pecuniæ summam, quod hoc casu euitet solutionem pœnæ, si post sententiam latam ante acceptum iudicium offerat summam condemnatione comprehensam. Ergo adhuc admittitur purgatio moræ, licet pœna obligationi sit adjecta. Resp. Idè ibi debitor admittitur in obligatione pœnali ad purgationem moræ, quia nulum tempus fuit expressè appositum in sententia arbitri, intra quod soluere debuit litigator, s. d. tantum tacitè tempus à lege iudicatis datum subintelligitur. Atqui vbi dies non est nominatim adjectus obligationi, sed à lege subintelligitur, tunc adhuc locus est purgationi moræ. l. si insulam. 184. ff. de V. O. Approbat & sequitur hanc decisionem *Fachin. lib. 1. contro. iur. c. 98.*

ASSERTIO XLVII.

Vsusfructus est ius utendi fruendi rebus alienis, saluâ rerum substantiâ.

DEFINITIO hæc vsusfructus proponitur à IC. Paulo in l. 1. ff. de vsufr. & ab Imperat. Iustin. repetitur in princ. tit. Inst. de vsufructu.

Sed obijcitur quod definitio hæc vitiosa est, quia etiam aliis specibus accommodari potest, at verò definitio & definitum inter se reciprocari debent l. 1. ff. de dol. mal. Primum autem videtur hæc definitio conuenire emphyteuti, quæ etiam ius utendi fruendi transfert ad emphyteutam ad perpetuum vel longissimum tempus. l. 1. ff. Si ager vectig. pet. Idque in re alienâ, quia proprietas non transferitur in emphyteutam d. l. 1. ff. Si ager vectig. pet. Posticmò sicut per interitum rei vsusfructus extinguitur l. repeti. §. 2. & 3. ff. de vsufruct. ita & totius rei interitu finitur emphyteutis l. 1. C. de jur. emph. Resp. Emphyteuta plus juris consequitur quam vsufructuarius, nam quasi dominus est agri emphyteutici, atque ad eò diuertè dominus appellatur in l. possessores 12. C. de fund. patrum. lib. 11. eique utilis actio rei vendicandæ causâ permittitur. d. l. 1. ff. Si ager vectig. l. 5. §. bonorum ff. vi in poss. leg. Quinimò emphyteuta agium emphyteuticum donare, vendere, legare & oppignorare potest l.

instor. 16.

tutor. 16. ff. de pig. act. l. si domus 71. §. ult. de legat. 1. ut jam non tam alienis rebus, quam suis frui videatur. Ideoque per hæc verba, Rebus alienis, satis distinguitur emphyteusis ab usufructu, quia emphyteuta rebus suis utitur & fruitur.

Secundò opponitur, quod definitio usufructus conveniat etiam precario, nam qui precariòrem alienam accepit, potest ea uti frui saluà rei substantià. Resp. Hoc differt usufructus à precario, quod usufructus manet penes usufructuarium usque ad vitam ejus, sed precarium quandocumque revocari potest pro arbitrio precariò dantis l. 1. ff. de preca.

Postremò objicitur, quod etiam hæc definitio usufructus antichresi adaptari potest, quæ est species pignoris, quando scilicet ita res pignori datur ut quoad debitor satisfaciatur, ea creditor utatur fruatur. l. si pecunium 33. ff. de pig. act. l. si is qui bona. 11 §. 1. ff. de pign. Ille qui antichresin habet, omnibus proventibus & fructibus rei oppignoratæ vitui & finitur in re aliena. Ergo usufructum habere censetur. Resp. Aliud est jus utendi fruendi, aliud vinculum ipsius juris. Jus est dominium juris, quod fructuario per traditionem acquiritur. l. 3. & 4. ff. de usufruct. Ita ut rei venditio ei competat, quæ vulgo consessoria actio appellatur l. 5. ff. si usufr. per. vnde & usufructus in dominio & bonis usufructuarii recensetur. l. in venditione 8. ff. de rebus aucto. jud. poss. At creditor cui antichresis concessa est, non habet dominium juris, seu actionem realem, sed obligationem vel actionem personalem tantum, qua agit contra debitorem, ut sibi uti frui liceat. Non ea enim vis est obligationum, ut corpus aliquod nostrum faciant, sed ut alium nobis obligent ad dandum vel faciendum l. 3. ff. de obligat. & act. & dominiunt ab obligatione separatur in l. 2. ff. de stipul. serv. Eleganter Horom. in illust. quest. 22.

ASSERTIO XLVIII.

Usufructuarius naturaliter possidet usufructum.

QVOD usufructuarius naturaliter possideat usufructum multis, legibus differtè comprobatur. Primò id aperte confirmat l. naturaliter 12. ff. de acqui. poss. ubi Ulpianus respondit, Naturaliter is videtur possidere, qui usufructum habet. Idem decidit Papinianus in l. possessio 49. ff. eod. dum ita scribit, Possessio quoque per servum, cuius usufructus meus est, ex remea vel operis servum mihi aliquiritur, eum & naturaliter à fructuario teneatur, ubi aperte & differtè dicitur, quod usufructuarius servum fructuariū teneat & possideat. Vnde &

dantur illi interdicta possessoria, tam interdictum uti possidetis pro usufructu retinenda, in quo quis turbatur, quam interdictum unde vi, pro usufructu recuperando, de quo per vim quis dejectus est, l. vii. ff. uti possidetis l. 3. §. unde vi. ff. de vi & vi arm. Huc accedit & hæc ratio, quo ad fructuarium omnes rei fructus, omniæque emolumenta pertinent, ideoque rectè naturaliter usufructum possidere censetur. l. in venditione §. ff. de rebus auct. jud. poss.

Obijciunt l. acquiritur 10. in fin. ff. de acq. rer. dom. ubi Cajus inquit. usufructarius vsucapere servum non potest, quia non possidet, sed habet jus utendi fruendi. Resp. Fructuarius naturaliter possidet ipsum usum fructum, seu jus utendi fruendi, non verò possidet ipsum fundum fructuarium.

Secundò aduersatur l. sciendum ff. Qui satisd. cog. ubi Ulpia. respondit, cum qui usumfructum tantum habet possessorem non esse. Resp. Illa l. loquitur quantum ad satisfactionem iudicio sisti, qui enim immobilia possidet, non tenetur satisfacere iudicio sisti. Sed talis non est fructuarius, quia non est dominus vel possessor fundi, sed tantum habet jus utendi fruendi, ideoque cautionem de iudicio sistendo præstare tenetur.

Denique repugnat assertioni: l. §. 1. ff. de preca. ubi dicitur, nam & fructuarius est in prædio & tamen non possidet. Item l. 1. §. quod ait prætor ff. quod lega. ubi ait Ulpianus, usufructus non possidetur, sed magis tenetur. Idem respondit Ulpianus in l. Celsus §. Iulianus ff. ad exhibend. Ad has omnes leges respondetur, quod istæ leges quatenus negant usufructuarium possidere. hoc modo sint accipiendæ, ut possessionem hanc naturalem non excludant, sed quod civiliter, hoc est animo domini usufructuarius non possideat. Vide latius pro hac sententiâ differentes Cujac. lib. obs. 9. c. 33. & lib. 18. c. 24. Fachin. lib. 8. cont. iur. c. 18.

ASSERTIO XLIX.

Vsufuctuarius omnium bonorum non tenetur ad as alienum soluendum. secundum communem DD. sententiam, contra BARTOLVM.

VSUFUCTUARIUS omnium bonorum non tenetur ad soluendum as alienum sed hæres convenitur ad præstationem æris alieni à creditoribus & legatariis, permittereturque hæredi ad solutionem æris alieni distractio bonorum hereditariorum, quo facto & ipse usufructus minuetur, nam quod superest ære alieno deducto, illud tantum hæres fructuario tradere tenetur. Probatur hæc sententia in l. usufructu 69. ff. ad l. Falc. ubi Pompon. ait, usu-

ait, usufructu omnium bonorum legato, primum *as* alienum deducendum esse. Concordat *l. generali* 32. §. *ult. & l. ult. ff. de usufr. leg.* Eandem sententiam confirmat *l. 1. C. Si cert. per. & l. 2. C. de hered. act.* vbi traditur ad hæredem *as* alieni solutionem spectare. Hæc sententia communiter à DD. recepta est, vt notat *Tur. Zan. in com. opin. opin. 105. Ferras. in for. libel. quo vxor agit ad dotem. Castren. cons. 394. Bald. cons. 237. Pract. Massue. tit. 13. de usufr. Couar. lib. 2. var. resol. c. 2. Costa. ad l. quoties 34. §. vniuersorum ff. de usufr. Gail. lib. 2. obser. c. 146.*

Dissentiunt tamen ab hæc sententiâ *Bart. ad l. ult. ff. de usufruct. leg.* eumque secutus *Guido Pap. decisione 541.* qui existimant usufructuarium omni *as* alieno obstringi, quasi velint de fructibus soluendum esse *as* alienum. Quæ sententia merito à multis improbata est, quia *as* alienum onus totius patrimonii, non fructuum respicit *d. l. vi. de usufr. legat.* Ad hæc posset tam graue esse *as* alienum, vt etiam multorum annorum fructus ad id dissoluendum pares non essent futuri, quo casu inutilis esset usufructus, quod non est dicendum.

Opponitur *l. nam quod 14. in fin. cum. ll. seqq. ff. ad SC. Trebel.* vbi traditur, quod quoties in vltima voluntate relinquuntur alicui bona, tunc ea dispositio intelligi debet cum onere *as* alieni, vt scilicet is cui bona vniuersa, vel certa bonorum pars relinquitur, teneatur etiam agnoscere *as* alienum. Resp. Ea lex accipienda est, quando plena proprietas bonorum alicui relinquitur.

Secundò obijcitur *l. vxori 37. ff. de usufr. leg.* vbi dicitur, quod si alicui usufructus omnium bonorum relictus est, quod etiam Calendarii usufructus ad eum pertineat. Si Calendarii usufructus ad eum pertinent, ergò & debita & credita ad eum videntur pertinere. Continet enim Calendarium debita & credita, *l. qui filium 64. ff. de leg. 3.* Resp. Calendarium debita non continet, sed nomina creditorum, & sic credita & pecuniam iam exactam & scænorî destinata tex. in *d. l. 3. qui filium de leg. 3.* Calendarium enim nihil aliud est, quam negotiatio nominum faciendorum, ex eo dictum, quod veteres in Calendas scæneri debebant. *Conna. lib. 7. com. jur. c. i. nu. 12. Brisso. in lexico, in verb. Calendarium.* Et sanè ineptum esset, existimare IC. tum in *d. l. vxori.* quærere an usufructu à testatore legato, debita ipsius legantis contineantur Calendarii nomine, nisi velint DD. debita etiam venite in consequentiam creditorum, vt qui usufructum habet creditorum, etiam onus subeat debitorum, sed tunc nec tex. in *d. l. vxori.* ad rem faciet, nec bona erit illa consequentia, cum ad hæredem onus soluendi *as* alienum pertineat, ad quem spectat commodum hæreditatis. Ita respondet *Fachin. lib. 4. controver. tur. cap. 19.*

Tertio obstat l. ult. §. *sin autem legata*, C. de bon. que lib. vbi usufructuarius omnium bonorum tenetur ad solutionem legatorum. Resp. Speciale hoc est, vt non procedat prædicta decisio in annuis legatis, nam annua legata secundum magis communem DD. opinionem ab usufructuario omnium bonorum ex redditibus usufructus præstanda sunt. per l. 7. §. 1. ff. de usufruct. Ita decidit Gail. d. obs. 146. in fin.

A S S E R T I O L.

*Usufructuarius non cauere, sed satisfacere tenetur se usurum
fruiturum boni viri arbitratu, & cum ususfructus finitus
fuerit, se restitutum quod inde exabit.*

USUFRUCTUARIUS tenetur proprietario desideranti de duobus satisfacere, primo cogitur satisfacere se usurum boni viri arbitratu, id est, se non deteriozem causam usufructus facturum, ceteraque curaturum, quæ in re sua diligens paterfamilias faceret. Secundò satisfabit se rem fructuariam restitutum finito usufructu. l. 1. §. cautio & §. habet. ff. usufruct. quem caue. l. si cuius 13. in princ. & l. sed cum fructuarius 65. ff. de usufruct.

Sed obijcitur l. cum oportet §. non autem & l. ult. §. *sin autem legata* C. de bon. que lib. vbi traditur, quod pater qui habet usumfructum in bonis aduentitii filii, non tenetur hanc satisfactionem præstare. Resp. Patri hæc cautio remissa est, pro jure veteris domini, quod olim illi in his bonis acquirabatur, tum etiam quia vt Imp. ait paterna reuerentia eum à cautione exculat.

Secundò aduersatur l. si usufructus, §. plane. ff. de usufr. quem caue. vbi traditur, quod si usufructus alicui purè, proprietas vero ex die legata est, cautio fructuario remittenda sit. Resp. Ideo remittitur cautio huic fructuario, quia non est necessaria, siue quod nihil esset hæredis, quid de proprietate futurum sit, quæ non ad ipsum, sed fructuarium hæredemve ejus certo reditura sit, siue quod cum agatur res fructuarij, non est probabile cum deterius aliquid in perniciem propriam constituturum. Idque ex mente Prætoris procedit, cui propositum fuit hac cautione proprietario consulere, vt securus sit de proprietate rei. d. l. si cuius in princ.

Quæritur autem qualis cautio hic exigatur, nudâne, an satisfactio, quæ datis fidejussoribus interponitur. Sed verius est, satisfactionem hic exigi edicto prætoris à fructuario, ac nisi ita caueatur, denegari ei usufructus petitionem.

tionem. *d. l. si cuius. in princ. l. & fin. ff. vfufr. quem. caue. l. 4. C. de vfufruct.* Quod adeo verum est, vt quamuis diu quaesito fideiussore eum reperire non possit, tamen non prius danda sit fructuario actio pro exigendo vfufructu, quam satisfecerit. *d. l. si cuius 13.* vbi additur ratio, quia dominus proprietatis securus esse debet de proprietate sua; id autem fieri non potest sine satisfatione, ideoq; nec ad juratoriam cautionem admittetur vfufructuarius.

Sed opponitur *Auth. generaliter. C. de episc. & cle.* vbi traditur, quod qui fideiussorem inuenire non potest, libereur praestita juratoria cautione. Item aduersatur regula juris, quae dicat impossibilem nullam esse obligationem. *l. impossibilem, ff. de R. I.* Vnde si propter inopiam non potest vfufructuarius fideiussoribus vel pignoribus cauere, æquum est, eum ad juratoriam cautionem admitti. Resp. Humanum & benignum erit, si constat fructuarium planè esse pauperem, quem verisimile sit non posse facile fideiussorem inuenire, adhiberi remedium, quod in simili re proponitur in *l. sed si is §. 5. quories. ff. de Carb. edit.* vt detur fructuario res fruenda sine satisfatione quidem, ita vt contenti simus nuda cautione, sic tamen vt proprietarius iubeatur esse in possessione rei fructuariae, tanquam custos & obiectuator, qui det operam, ne quid res fructuaria capiat detrimenti. Ita rectè decidit *Donel. lib. 10. com. cap. 14.* Dissentit *Vvesenb. in paratit. ad ut. vfufruct. quem. cau.* qui indistinctè vfufructuarium ad juratoriam cautionem admittit, si fideiussoribus aut pignoribus datis ob inopiam cauere nequeat. *Cacheran. decis. Pedimont. 153. num. 4.* qui decidit admittendam esse cautionem juratoriam, maxime iuncta submissione omnium bonorum ipsius vfufructuarij. *arg. l. si lito. ff. vt legato non caueatur.* Vñ & praxi judiciorum ita plerumq; obseruatur, vt si vfufructuarius sit homo frugi, & honestè probatæque vitae, tunc admittenda sit juratoria cautio. Si verò sit suspectæ vitae, vel ignominiosus, aut infamis aut suspectus de dilapidatione, tunc res vfufructuaria apud virum bonum sequestrabitur, qui vfufructuario de fructibus respondeat. *arg. l. postquam §. Imperator. ff. Vt lega. nom. caue. l. si fideiussor. §. ult. ff. Qui satis cog. l. cum non facile. ff. Si cui plus quam per l. Falid.* Ita post *Barr. in l. 4. C. de vfufr.* tradunt *Gail. lib. 2. Obs. c. 47. Guid. Pap. decis. 230.* vbi dicit secundum hanc opinionem iudicatum fuisse. Addit elegans ad *Gl. in l. 4. C. de Vfufr.*

ASSERTIO LL.

*Qui habet seruitutem riuu, potest ex tereno riuo
lapideum facere.*

QUÆRITVR an interdicto de riuu vti possit, qui vult terrenum riuu, quo vsus est iure seruitutis, lapideum facere. In qua quæstione pugnare videtur, *l. 1. §. si quis. cum l. 3. §. Seruius, ff. de riuu.* In *l. 1. §. si quis.* traditur, eum qui ex riuo terreno lapideum facere velit, non rectè experiri hoc interdicto. Contrarium in *d. l. 3. §. Seruius.* asseritur, vbi Vlpianus scribit, illum esse audiendum, qui vult riuu, qui ab initio terrenus fuit, cœmentitium facere, eò quod terrenus aquam non contineat. Resp. Ex sententia Bartoli, qui in *d. l. 1. §. vlt.* ita distinguit. Aut quis vult ex vrgenti necessitate, & magna vtilitate riuu immutare, & ex terreno lapideum facere, & hoc ei licet, vt puta si terrenus aquam amplius non contineat, & hoc casu procedit *d. §. Seruius.* Aut nulla necessitas vel grandis vtilitas subest, & tunc non conceditur riuu mutatio. Ita procedit *d. l. 1. §. si quis*: qui loquitur de superflua, non verò de necessaria & vili refectione riuu, quod scilicet non liceat riuo non indigente vlla refectione, eum ex terreno cœmentitium vel lapideum facere. Idque indicant verba, quæ rationis loco subiiciuntur in *d. §. si quis.* Non enim reficit, qui hoc facit, id est, qui sine vlla necessitate vel euidenti vtilitate mutat riuu. Hæc conciliationem comprobant Menoch. *remed. 7. retin. posses. num. 14. Cuiac. lib. obser. 27. c. 22.*

ASSERTIO LII.

Diuisio hæreditatis, vt major frater diuidat, minor eligat, iuri ciuili non est consentanea.

CONTROVERTITVR acriter inter DD. vtrùm inter fratres ita sit facienda diuisio hæreditatis, vt major ex fratribus diuidat, & minor eligat. In hac controuersia Canonistæ tradunt, ita hæreditatem esse diuidendam inter fratres, vt major diuidat, minor verò eligat, per *c. 1. ex. de paroch.* Legistæ verò contra statuunt iudicis suæ arbitrii officio diuisionem esse faciendam, & quod ab eo commodè diuidi non potest, sorte dirimendum censent. Hæc sententia legistarum tanquam venior & iuri magis consentanea, retinenda & amplectenda est, quæ probatur in *l. 4. §. 6. & l. in hoc iudicio, ff. fam.*

ff. fam. ercisc. §. item quadam 21. Inst. de act. l. 3. C. Commu. de legat. l. 2. C. quand. & quib. quar. par. lib. 10. Approbant & sequuntur eam Sncid. ad d. §. item quadam. nu. 63. & seqq. Fachin. lib. 6. contro. c. 37.

Opponitur huic decisione *c. 1. extra. de paroch.* vbi traditur, quod in facienda diuisione inter duos Episcopos, ille dividet, qui longiori tempore Episcopatum habuit, & minor eligit. Resp. *tex. in d. c. 1.* loquitur in casu speciali, vbi non de hereditate, sed de diuidendo Episcopatu agitur, quo casu præsuntur, quod is qui diutius fuit in Episcopatu, maiorem ejus habeat notitiam, quam junior; idque fauore Ecclesiæ specialiter receptum est, vnde alias jus commune est in contrarium.

Secundo aduersatur *l. 1. C. de his, qui se defer. lib. 10.* vbi statuitur, quod si fiscus habeat hereditatem vel rem communem cum priuato, quam vult cum eo diuidere, fiscus debet facere partes, & deinde concedere electionem priuato. Resp. Ibi hoc tanquam priuilegium & jus singulare propter sexum vel ætatem conceditur illi, qui habet hereditatem communem cum fisco, vt hoc casu priuatus ratione ætatis, vel mulier ratione sexus hanc habeat prerogatiuam, vt optio & electio ei concedatur; in facienda diuisione.

Postremò obijciatur locus ex veteri testamento. *Genes. cap. 13.* vbi inter duos fratres Abrahamum & Lothum hoc modo diuisio est instituta. Sic enim Abraham qui erat senior, allocutus est fratrem juniorem Loth. Si tu in sinistram discesseris, ego dexteram petam, sin autem tu dexteram versus, ego sinistram petam. Resp. Hoc testimonium continet tantum exemplum de diuisione facta inter Lothum & Abrahamum, quod scilicet Abraham frater major natu diuisit bona, Loth vero minor natu elegit, sed non est adjectum præceptum generale, vt ita fiat diuisio hereditatis ab omnibus fratribus, vt frater minor habeat illam in optione prerogatiuam; Itaque rectè dicimus non exemplis, sed legibus esse judicandum, *l. nemo. C. de sent. & interloc. om. jud.* Ex generali tamen consuetudine Germaniæ in camera imperij approbata, receptum est, vt natu major frater diuidat bona hereditaria, & minor eligat. Ita notat & tradit *Andr. Gail. lib. 2. Obs. c. 116.* per *tex. in d. c. 1. de paroch.* Sequitur *Mins. centu. 4. Obs. 37.* & nouissimè *VVesemb. in parat. ad tit. famil. ercisc. nu. 6.* Quæ & sententia jure Saxonico obtinet inter duos fratres, *dacr soll die ousste de: len, end die jungste keesen,* tam in allodialibus, quam feudalibus bonis. *Landr. lib. 3. artic. 29. Scurff. 1. conf. 71. Sncidey. ad §. quadam. nu. 27. Inst. 1. de action.*

ASSERTIO LIIL

Contractus est duorum pluriumve in idem consensus & conuentio, ad constituendam obligationem efficax.

HÆc definitio tradita extat à Theophilo ad tit. *Instit. de obligat.* & confirmatur per *l. omnium 20. ff. de iudic.* vbi dicitur omnem obligationem pro contractu habendam esse, quamvis non ex crediti causa debeat.

Sed aduersatur primò huic definitioni. *l. Labeo. 19. ff. de V. S.* vbi Labeo definit contractum esse vltro citroque obligationem. Vnde consequitur eos tantum propriè dici & censeri contractus, qui ex vtroque latere producent obligationem, vti sunt emptio, venditio, locatio conductio, societas & mandatum. Cæterum stipulatio, mutuum, commodatum donatio depositum, quia non producent ab vtraque, sed ab vnâ tantum parte obligationem, contractus propriè dici non possunt. Sic in mutuo debitor pecuniam accipiens tantum obligatur, *l. certi. 9. §. quoniam. ff. de reb. credit.* In stipulatione promissor solus, non vero stipulator obligatur. *l. 5. §. stipulatio. ff. de verb. obligat.* Denique in commodato commodatarius tantum obligatur, commodato verò dans non obligatur, nisi fortè in hoc, vt patiatur recipientem re commodatâ vti, vel ex accidenti, si videlicet commodatarius impensas fecerit in rem commodatam *l. in commodato 17. §. sicut ff. Gommod.* Resp. In definitione Labeonis hæc verba, vltro citroque obligatio, non significant vtrîusque contractam obligationem, ac si requiratur vt in omni contractu vterque sibi mutuò fiat obnoxius, sed ea est horum verborum significatio, quod contractus sit obligatio, quæ ex duorum consensu proficiatur, & quod hoc agant ambo contrahentes, vt alter alteri fiat obnoxius, & quod vtriusque consensus ad ineundum obligationis nexum concurrere debeat, licet vterque nexibus obligationis non adstringatur; Nam & Vlpianus in *l. juris gentium 7. in fine princ. ff. de pact.* scribit etiam tunc *συτάξαγμα* esse, cum alteruter contrahentium duntaxat obligatur in verb. contractum esse, quod Aristò. *συτάξαγμα* dicit, vnde nascitur obligatio: si tibi dedi, vt aliquid facias. Sic mutuum rectè contractus dicitur, licet debitor tantum obligatur *d. l. certi §. quoniam.* Idem de stipulatione dicendum. Quamvis enim is qui rogatur ac spondet, solus obligetur, tamen stipulatio nihilominus dicitur contractus, quia inter vtrumque contrahentem hoc agitur, vt promissor stipulatori obligetur. *l. 1. in fin. ff. de pact. l. si donatus 7. C. quod met. causa §. ult. Instit. de obligat.* Hinc sequitur, quod si statuto fiat mentio contractus, puta si statuto cautum sit, vt si quis non petierit debitum intra x annos,

annos, quod illud amplius petere non possit, tunc etiam comprehendi debetum ex contractu, ex quo alter contrahentium tantum obligetur, puta ex mutuo donatione, vel stipulatione cum hic proprie etiam contractus dicatur. §. *hæres Inst. de oblig. ex qu. contr. l. 4. §. hæres. ff. de obl. & act.* Ita pulchrè & eleganter decidit Tobias Nonius ad §. *Primus est. nu. 7. Inst. de oblig.*

Secundo aduersatur huic definitioni, quod in contractibus innominatis, priusquam causa subsit, id est datio vel factum interueniat, nulla constituitur obligatio. *Iurisperitum 7. §. 1. ff. de pact.* Postquam causa subest, & vnus ex sua parte impleuit contractum, tunc alter solus obligatur. Resp. Ex præcedenti responsione patet solutio ad hoc argumentum, quia hæc verba, vltro citroque hanc habent significationem, quod in quolibet contractu necesse est hinc inde id agi inter contrahentes, vt obligetur alter alteri, itaque talis conuentio vltro citroque facta rectè contractus dicitur, siue ex vnâ parte tantum, siue ex vtraque producat obligationem. *l. 7. §. 1. ff. de pact. l. si in area 33. ff. de condict. indeb.* Ita pulchrè tradunt Guibert. *lib. 1. quest. jur. c. 8. Baro ad l. 1. ff. de pact.* vbi eleganter ita notat. Quod vulgo aiunt contractum, non esse nisi vbi sit mutua obligatio, mihi non placet, nec vnquam probatur. Nam obligatio vltro citro in consentiendo semper consistit, non semper in vinculo juris mutuo. *l. 1. & 2. ff. de obl. & act. d. l. Labeo. l. obligationum 3. ff. de obl. act. in verb. obligationum substantia in eo consistit, vt alium nobis obstringat ad dandum aliquid vel faciendum. Fornerius & Goda. ad l. Labeo de V. S. Bello lib. 2. supput. jur. c. 2. Donel. ad l. 1. num. 8. 9. 10. 11. & 12. ff. de reb. cred. Cuiat. in parat. C. l. ad tit. de obl. & act.* vbi contractum paulo aliter definit, videlicet, quod sit conuentio quæ proprium & legitimum nomen habet, vel quæ nomine vacat, datione tamen, aut facto aliquo sumis effectum. Quæ definitio omnibus contractuum speciebus conuenit tam nominatorum, quam innominatorum, Quæ definitio contractus à Cuiatio tradita, tanquam omnium perfectissima amplectenda & retinenda est, cum Cuiatius tanquam omnium Ictorum nostri æni solertissimus & subtilissimus summus sit definiendi artifex, ita vt raro aut nunquam eius definitiones infringi aut euerri possint.

ASSERTIO LIV.

*Etiâ iure Canonico reperiuntur aliqui contractus
stricti juris.*

IVRE ciuili contractus ita diuiduntur, quod alij sint bonæ fidei, alij vero stricti juris §. *actionum. Inst. de actio.* Contractus bonæ fidei ideo di-

K 2 cuntur,

cuntur, quia in iis magis exuberat bona fides, & ex æquo ac bono maximè in iis proceditur. *l. bona fides 31. ff. depositi.* Stricti vero juris contractus ideo dicuntur, quia non venit in iis, nisi quod exigit natura contractus, & quod nominatim in conventionem deductum est *l. quia tantundem 7. ff. de negotiis gestis. l. quicquid 99. ff. de verb. oblig.* Hæc differentia contractuum non est sublata jure Canonico, nam & eo jure aliæ sunt actiones bonæ fidei, in quibus ex æquo & bono maximè proceditur, aliæ vero sunt stricti juris, in quibus ex summo jure est agendum. Probat hanc decisionem *c. cum venerabilis, ex. de except.* ubi Pontifex argumentatur loquens de permutatione, dicendo quod est contractus bonæ fidei, quasi sentiat non omnes contractus esse bonæ fidei, alioquin specialiter argumentum in illo contractu non concluderet, si id esset commune omnibus contractibus.

Sed pro contrariâ opinione, quod jure Canonico omnes contractus sint bonæ fidei, adducitur tex. in *cap. cum dilecti. extra. de donat.* Ibi cum textus de donatione, & quâdam ejus interpretatione loquatur, inquit latissimè illam donationem esse interpretandam, adjunctâ hac generali regulâ, quia in contractibus plena, in testamentis plenior, in beneficiis plenissima sit facienda interpretatio, & tamen nullus contractus est strictioris juris, quam donatio. *l. cum qui 22. ff. de donat.* ubi dicitur quod ex contractu donationis non debeantur usuræ, quod proprium est in contractibus stricti juris. *l. 1. C. de cond. indeb. l. 3. C. de usur.* Hinc probatur, quod contractus donationis, qui de jure civili est stricti juris, jure Canonico sit bonæ fidei, & latius sit interpretandus, quam ultima voluntas sit accipienda. Resp. Prædictus canon loquitur de donatione factâ Ecclesiæ vel pio loco, quod favore religionis sit in tali donatione facienda latissima interpretatio, ut in dubio videatur id promissum, quod est majus & utilius Ecclesiæ. Vnde licet donatio sit natura stricti juris, tamen quando sit Ecclesiæ seu pio loco, latissimè est interpretanda. Similem tex. habemus in *l. Titia 38. §. Seja. ff. de au. & arg. leg.* ubi cum testator quidam jussisset ut in æde sacrâ ab hæredibus suis poneretur signum Dei ex centum libris, & quæretur an ex ære vel argento illud signum poni deberet, deciditur, quod si in illa æde solum essent signa ærea vel argentea, quod argenteum ponendum sit. Hanc differentiam jure Canonico etiam observari, quod aliæ actiones sint bonæ fidei, aliæ vero stricti juris, defendunt *Sarmien. lib. 3. select. interp. c. 3. Gomez. ad §. actionum. Infl. de act. Godæ. de contr. stipul. c. 8. num. 24.* Dissentit *Cagnol. ad l. 2. C. de refund. vend.*

ASSERTIO LV.

*Præsides provinciae mutuam pecuniam dare, fœnusve exercere prohibentur, mutuam tamen pecuniam fœne-
brem licitè sumere possunt.*

DE C I S I O hæc expressè traditur in *l. principalibus 33. & l. seq. ff. de rebus cred. tex. notab. in l. 3. C. Si cert. per.* Cuius hæc sunt verba. Eos qui officia administrant, neque per se, neque per suppositas personas tempore officij sui, in provincia fœnus agitare posse, late rescriptum est. Ratio prioris decisionis duplex est: prima est, ne præsides quæstus studio à curâ provinciae administrandæ auocentur. *arg. l. milites agrum. ff. de re milit.* Altera ratio est, ne per concussionem seu impressionem vel metu potestatis, subditi adigantur commercium aliquod exercere, & sic inuiti res suas alienare cogantur *l. penult. C. Quod met. causa.* Ratio posterioris decisionis, quæ permittitur præsidibus provinciarum mutuum sub fœnore accipere, hæc est, ne subsidium inopiæ præsidibus auferatur, quod illis videretur eripi, si non possent ad subleuandas suas necessitates mutuam pecuniam sub vluris accipere.

Aduersatur grauitè huic decisioni *l. quisquæ C. Si cert. per.* vbi iudices siue magistratus prohibentur sub pœnâ exilij mutuam accipere, quæ pœna tam illi irrogatur qui mutuam accepit, quam qui dedit. Resp. Præsidibus provinciarum, aliisque magistratibus mutuam accipere, item fœnori pecuniam sumere non licet à litigantibus, seu ab iis inter quos iudicant, ne litigantes prætextu mutui leges & iudicia redimere tentent, neve iustitiam quæ gratis administrari debet, pretio corrumpant. Ab aliis verò apud se non litigantibus possunt magistratus mutuam pecuniam, vel sub fœnore tunc accipere, quia hoc casu cessat suspicio corrupti iudicii. Præterea fieri possêt, ut indigeat præses provinciae pecuniâ, quam nisi poterit fœnori accipere, quodammodò minuetur & labefactabitur ejus dignitas, & subsidium inopiæ ei auferetur. Ita respondent *Donel. ad l. præsidi 34. ff. de reb. cred. Pacius ad l. 3. nu. 9 C. Si cert. per. & cent. 3. Enantiop. quæst. 76.* Aliter respondet *Alcia. lib. 4. dispunct. c. 22.* qui tradit eam *L. procedere* in speciali casu, quando scilicet quis præsidi vel magistratui ambiendi honorem vel dignitatem, pecuniam mutuam dederit, quo facilius eum honorem consequatur pecuniæ interuentu. Vnde eo casu uterque & ipse creditor mutuo dans, & præses mutuam accipiens exilij pœna coercetur.

Secundò videtur ob stare *d. l. præsidis ff. de reb. cred.* vbi officialibus & mi-

nistris præsidum permittitur mutuam pecuniam dare, & sænus exercere : Si hoc licet ministris præsidum provincie , multò magis ipsis præsidibus licere debet. Resp. Idèò licet præsidum & magistratum officialibus mutuam dare & sænus exercere, quia perpetui sunt. Absurdum enim & durum esset, si iis qui semper in officio manent, perpetuò interdicatur commercio mutui, sine quo vita hominum consistere non potest. Quod similiter non iniquum visum fuit in magistratibus Romanis, quia illi temporales erant & annui. Vnde & hodie magistratibus nostri temporis, si qui sunt perpetui, cum subditis licet contrahere, mutuam dando, emendo vendendo, aliisque modis. *arg. Auth. licentiam C. de Epis. & cler. l. pen. C. de dona. inter vir. & vx.* Quod eatenus verum est, quatenus de illorum impressione & violenta extorsione seu terrore subditis injecto non apparet *d. l. pen. C. Quod met. caus. 2a7. ad d. l. principals. huius num. 15. ff. de reb. cred.*

ASSERTIO XLVI

Minor sine auctoritate curatoris iusiurandum deferre potest.

QUÆRITVR an pubes curatorem habens, possit absque eo iusiurandum de ferre: Et plerique doctores tradunt, sicut pupillum, ita nec puberem, si habeat curatorem, posse deferre iusiurandum per *l. 4. C. de reb. cred.* Quod non est eis temerè concedendum, cum illud nullo loco sit proditum: quin potius in cōtrarium traditur in *l. nam posteaquam 9. §. si minor. ff. de iureju.* puberi qui detulit iusiurandū, necessariam esse restitutionem in integrum. Ergo iure detulit *d. §. si minor.* Et ne qua resideat dubitatio in specie *d. §. si minor.* puberem curatorem habuisse, argumentum est, quod iusiurandum detulit in iudicio, quod nullum foret sine curatore. Valet ergò delatio iusiurandi sine curatore facta, quod confirmatur hoc modo. Iusiurandum vim solutionis obtinet, vel potius, cui solui potest, is etiam iuramentum deferre potest *l. 17. §. pen. & l. 21. & 27. ff. de iureju.* At puberi solui potest sine curatore *l. ait prat. 7. §. 1. ff. de min.* Ergò pubes iusiurandū deferre potest sine curatore, verum utròque casu ei subuenitur restitutione in integrum, si captus sit.

Primò aduerfatur, quod minori non permittitur alienatio rerum suarum absque auctoritate curatoris *l. 1. ff. de minor.* Sed dicendum quod in solutione, quæ fit minori, nihil alienat aut amittit minor, ideo quod suum recipit, & accipienti fit acquisitio quædam. Eadem est ratio iusiurandi, quia solutionis loco cedit factæ minori *l. 27. ff. de iureju.* Si tamen nummi salui non fuerint, minor restitui poterit in integrum *l. ait prat. 7. ff. de mino.*

Secundo

Secundo obstat *l. 3. C. de in integ. rest.* vbi traditur, si minor curatorem habeat, & bona sua sine auctoritate ejus vendat, contractum ipso jure non valere. Resp. Illa lex de venditione impleta & perfecta loquitur, quod scilicet si minor habens curatorem res suas vendidit & tradidit, sine curatoris auctoritate & consensu, ipso jure non valeat venditio & alienatio, quia minor bona sua sine curatore alienare non potest. Cæterum minor habens curatorem, personam suam sine curatore obligare potest, dum modò non sequatur alienatio bonorum *l. puberes 101. de V. O.* Summa hæc est, quod minor etiam curatorem habens personæ suæ respectu se obligare potest, sine auctoritate curatoris. Unde & matrimonium rectè contrahere potest sine auctoritate curatoris *l. in copulandis 8. C. de nupt. l. sciendum 20. ff. de rit. nupt.* Item solui ei potest, & jusiurandum deferre sine curatore potest, sed bona sua administrare aut alienare sine curatore suo non potest. Tertio objicitur, quod prohibita alienatione bonorum minori, censentur ea quoque prohibita, per quæ pervenitur ad alienationem. Atqui vero ex minoris obligatione valida pervenitur ad alienationem bonorum, si is qui ritè obligatus est, nolit solvere. *l. 5. §. si pupillus stipulanti ff. de reb. eor. qui sub tute.* Resp. Ea alienatio minus periculosa est, quæ non nisi per iudicem & causa cognita fieri potest, & consequenter ita demum si appareat iustam obligandi minoris causam fuisse, nec aduersus eam obligationem restitutio in integrum ex iusta causa postuletur. Ita notat Cuiac ad *l. 4. C. de reb. cred. & d. l. puberes, & lib. obs. 19. c. 33.* A quo dissentiunt Duare. ad *tit. de jureiur. c. 10. & Donel. c. 4. Gode. in tracta. de contr. stip. c. 7. conclus. 14. & ad l. Princeps 20. ff. de V. S.*

ASSERTIO LVII.

Fidejussoris jusiurandum Reo prodest.

PROBATUM hæc decisio in *l. in duobus 21. §. 1. ff. de iureiur. in l. vlt. §. si fidejussor. ff. eod.* vbi expressè traditur quod iuramentum à fidejussore exactum, etiam Reo seu principali debitori proficiat, hæc addita ratione, quia jusiurandum in locum solutionis cedit.

Sed objicitur *l. fideiussor 23. ff. de pact.* vbi dicitur, quod fidejussoris pactum Reo non profit. Resp. Iurisiurandi major vis & potestas est quam pacti, quia iurisiurandum habetur loco solutionis *l. iusiurandum 27. ff. de iureiur.* Itaque quando fidejussor jurat se dare non oportere, quasi solvisset, prodest hoc, jusiurandum Reo principali, ac si reuera solvisset fidejussor. Quod & in acceptilatione receptum est, nam hæc duo, iurisiurandi præstatio & acceptilatio

ceptilatio vim & effectum solutionis habent. *l. & per iurandum 13. §. si fidejussori ff. de iureiu.* Sed pactum fidejussoris reo non prodest, quia nullam ponit solutionem intervenisse, imò pacto de non petendo interposito, fatetur quis se debere, quod cum creditor illi tantum remittit, non debet ista liberalitas aliis prodesse. Sed quaeritur, an cum iuramentum fidejussoris prosit reo, an etiam fidejussor iurans habeat regressum in reum. Et verius est, cum non habere regressum, quia ad regressum vera solutio est necessaria, nam fidejussor contra reum reverti non potest, nisi probet veram solutionem. Itadecidunt *Accurs. Barr. Iason & Costal. ad d. l. in duobus §. 1. ff. de iureiu.* per text. in *l. si verò non remunerandi 12. in princ. ff. manda.* Nec obstat, quod iuramentum succedat in locum solutionis, hoc enim verum est, quoad creditorem & debitorem iurantem, non autem quoad alios. Vide *Cujac. de hac quaestione lib. observ. 22. c. 7.*

ASSERTIO LVIII

Homo Christianus bonâ conscientia iuramentum præstare potest.

IVSURANDVM est inuocatio nominis diuini, quâ petimus ut Deus sit testis nostræ asseuerationis, & puniat fallentes. Porro quoties iurandum adhibetur ad confirmationem veritatis, licitè & legitimè à Christiano præstari potest. Omne enim iurandum quod ad stabiliendam veritatem tendit, quodque vel gloriæ Dei promouendæ, vel proximorum salutis adiuvandæ seruit, à Deo est approbatum, ideoque omninò seruandum. Probatur hoc auctoritate sacræ Scripturæ. Primò quia legitimum iurandum verbo Dei sancitur & iubetur. Sic enim *Deutero. 6.* scriptum extat: Dominum Deum timebis, & illum coles, iurabisque per nomen ejus, & *Deutero. 10.* Dominum Deum tuum time, & ei serui, adhære ei, & jura per nomen ejus. Huc pertinet quod propheta David *Psalmo 15.* inter notas & indicia pii viri refert, si quis firmiter & iniunctè iuramentū custodiat, dum inquit: Quis habitabit Domine in tabernaculo tuo, aut quis requiescet in monte sancto tuo? Qui iurat proximo suo, & non decipit. Idem comprobatur *Psalmo 63.* dum ait propheta: Rex autem letabitur in Deo, & gloriabitur quisquis iurat per eum, ubi inter cultores Dei censentur, qui iurant per nomen ejus. Idem confirmat Apostolus Paulus *ad Hebræ. cap. 6.* hisce verbis. Omnis controuersie finis est iurandum, ad confirmationem veritatis adhibitum. Secundò hæc decisio inde comprobatur, quia à sanctis in veteri & nouo Testamento iurandum rectè est adhibitum & usurpatum. Sic *Genes. 12. vers. 24.* habetur. Dixitque Abraham

Abraham Regi Abimelecho, ego jurabo. Item *Iosue 9. vers. 15.* Iosue pacem ferit cum hostibus, & principes cœtus iurauerunt eis. Adhæc *1. Samuel. 24. vers. 22.* Iurauit David Sauli, quod non excinderet semen ejus, neque delebit nomen ejus de domo patris sui. Denique in nouo Testamento, Apostolus Paulus jurat, *Rom. 1. vers. 9.* hac forma: Testis est mihi Deus, cui serui spiritu meo in Euangelio Filij ipsius, quod indefinenter meminerim vestri. Item *Galat. 1. vers. 20.* In iis quæ scribo vobis, ecce coram Deo non mentior, quæ etiam est jurisjurandi formula.

Contra hanc sententiam insurgunt Anabaptistæ, & asserunt juramenta Christianis omnino esse interdicta, & hoc modo turbant vincula politici ordinis. idque probare conantur ex *Matthæi cap. 5. vers. 34.* vbi ita habetur. Ego verò dico vobis ne juretis omnino, neque per cœlum, quia thronus Dei est, neque per terram, quia scabellum pedum ejus est. Esto autem sermo vester, etiam etiam, non non, quod vero supra hæc redundat, à malo est. Idem affirmatur *Jacobi 5. vers. 12.* hisce verbis. Fratres mei neque jurate per cœlum neque per terram, neque aliud vllum jusjurandum. Sit autem vestrum est est, & non non, ne in condemnationem incidatis. Resp. His testimoniis non omnia, sed temeraria, friuola, & non necessaria juramenta prohibentur. Hoc declaratur apertè ex scôpo Christi, qui veram legis sententiam de juramentis à corruptelis Phariseorum vindicans, non tantum perjurâ, sed & leuia ac temeraria juramenta, in quibus vel directo vel indirecto nomen Dei, sub appellatione creaturarum exprimitur, arguit & condemnat. Nam Pharisei obliqua sua iuramenta eo prætextu excusabant, quia licet temerè per cœlum & terram jurarent, & fidem fallerent, tamen allerebant se perjures non fieri; quia nomen Dei in juramento non expresserant. At Christus ostendit etiam tunc jurari per nomen Dei, cum cœlum & terra nominantur, quia nulla est pars mundi vel creatura, cui non Deus inculpserit gloria sue notam. Deus enim non verba sed mentem & sententiam considerat, sicut ipse Christus *Matth. 23.* de hisce temerariis jurisjurandi formulis *vers. 16. 17. 18.* & sequentibus disertè & luculenter testatur. Eadem est Apostoli Jacobi sententia.

Sed contra solutionem instatur. Atqui Christus inquit, ne juretis omnino. Ergo omnia juramenta Christianis sunt interdicta. Resp. Fallacia est compositionis & diuisionis. Particula enim vniuersalis omnino, non ad verbum juretis, sed ad temerarias jurandi formulas est referenda, quali diceret Christus, omnino non jurate neque per cœlum, neque per terram, vel aliis obliquis & indirectis modis, quibus Dei majestas non minus læditur, quam directis modis jurandi, dummodo superuacuo, in vanum, & temere juratur. Christus ergo futilia superuacanea & temeraria tantum juramenta damnat,

L

quæ

quæ iustæ necessitati non seruiunt, neque ad proximi salutem vel Dei gloriam Pertinent. Alioqui iuramenta quæ illustant gloriam Dei, vel ad propriam aut proximi salutem consequendam pertinent, si sanctè reuerenter & sobriè ad veritatis confirmationem adhibeantur, licita, & omninò humanæ societati ad finiendas lites & controuersias vtilia sunt, & necessaria, quia hoc modo Christus & Apostoli eius sæpe iurauerunt. Hoc etiam licet ab Ethnico, tamen graui scriptore, scilicet Isocrate in orat. ad Demonic. comprobatur, vbi inquit. Iusiurandum si postulabitur, duabus de causis dabis, vel vt te turpi crimine liberes, vel vt amicos è periculis eripias.

Tertio ex iure ciuili adfertur argumentum in contrarium, ex *l. quæ sub conditione 8. ff. de cond. inst.* vbi traditur quod si alicui sub conditione iusiurandi legatum vel fideicommissum relinquitur, si videlicet iuret se aliquid datum vel facturum, quod iuramenti conditio ei remittitur à Prætorè. Resp. Idèd Prætor remittit conditionem iusiurandi in eo casu, quia iurari nullius intertest, dummodò is, qui iurare iussus est, voluntati testatoris pareat, & absque iurejurando, exequatur vel faciat illud, quod testator iurejurando præstito dari vel fieri voluit.

ASSERTIO LIX.

Iuramenta per vim & metum extorta, etiam à maioribus 25. annis nullius sunt momenti.

SACRAMENTA per vim extorta à prædone, nullius sunt momenti, nec etiam verbo Dei necesse est ea seruire. Hoc imprimis nominatim constituit Imper. Fridericus in *Auth. sacramenta puberum C. Si aduersus vend.* Idem iure Canonico confirmatur in *c. cum contingat, in fin. ex. de iurejur.* vbi traditur iuramenta vi & dolo præstita non esse seruanda. Eandem sententiam manifestè confirmat *c. abbas. ex. de his quæ vi met cau.* vbi dicitur quod renunciatio beneficij per metum facta ipso iure non valet, etiam accedente iuramento Confirmatur hæc quoque assertio, clarissimè per *c. requisitus 17. x. de sponsal.* vbi statuitur in matrimonium metu contractum ipso iure non valere, etiam interposito iuramento. Denique euidenter hæc definitio comprobatur per *l. si mulier 21. §. si dos. ff. Quod met cau.* vbi traditur quod dotis promissio per metum extorta ipso iure non valet. Facit huc testimonium à Cicerone in *Officiis libro 3.* proditum, videlicet non tenere eum perituro, qui pretium prædonibus pro capite prædum non attulerit, ne si iurans quidem id non fecerit adducto illo versu Euripidis ἢ γλωσσὶ ὁμωμεν, ἢ δὲ φρενὶ ἀνώμοτον, id est, lingua iuravi, mentem injuratum gerere.

Sed

Sed aduersam partem defendunt doctissimi ICI. pariter & Theologi, qui volunt omne iusiurandum etiam per vim à prædone & latrone extortum, esse seruandum, si de re priuata & jure proprio jurantis agatur. Quæ sententia & notis sacræ Scripturæ locis defenditur, & manifestâ ratione stabilitur. Primò pro ista decisione confirmanda facit generale præceptum Decalogi, quo prohibemur nomen Domini temerè & in vanum finitiuque vsurpare. Deinde apertè eandem sententiam comprobatur *Psal. 15.* ubi inter notas, quibus viri boni designantur ex verbo Dei, hæc vna recensetur, quod quis iurat proximo suo, & non mutat iuramentum etiam cum damno suo. Præterea hæc firmissima ratio pro contraria sententia adfertur. Omne iuramentum licitum, quod sine peccato seruari potest, est seruandum *c. cum contingat in fin. ex. de iur. iur.* Atqui qui prædoni etiam metu coactus iurat, hic jurato promittit de re sua, & de quo per leges pacisci licet, neque observatio huius promissi habet quid turpe & cum delicto coniunctum, quia licet vnicuique & sine iusiurando de re sua pro arbitrio statuere. Vnde colligitur hoc genus iusiurandi esse seruandum.

Hic argumentis & obiectionibus respondetur, quod loca illa sacræ Scripturæ, quibus traditur nomen Dei non esse vsupandum temerè, item virum bonum id quod iurauerit, non debere mutare, cum hac exceptione sunt accipienda, dummodò iusiurandum sit licitum, aut dummodò id quod promittitur, non sit turpe & contra bonos mores, quo scilicet præstito Deum magis offendas, & nomen vel præceptum eius violes. Iuramentum enim contra bonos mores præstitum non est obligatorium *c. non est. de R. l. in 6.* Item iusiurandum non debet esse vinculum iniquitatis *c. quanto ex. de iur. iur.* Atqui ut quis cogatur præstare latroni, quod per vim vel metum extortum est, hoc turpe est, & contra bonos mores, ideoque iusiurandum tale iurantem non obligat. Quod autem turpe sit, comprobatur hisce duabus rationibus. Primo quia qui latroni dat promissum vi extortum, facto suo vim & metum, nec non latrocinia & rapinas comprobatur: hoc autem facere est contra bonos mores *l. nihil consensus. 116. de R. l.* Deinde inhonestum est, latroni aliquid tanquam latroni dare. Nam prædo propter vim publicè malè meritis, dignus est qui egestate publicè laboret, non qui lucrum ex improbitate sua faciat, *l. bona fides 31. ff. de pos.* ubi dicitur, quod malè meritis publicè veluti prædo, vel capitalis iudicii reus, ut aliis exemplo ad deterrenda maleficia sit, etiam egestate laborare debet. Vera itaque & firma manet hæc sententia, etiam suffragante verbo Dei, Sacramenta per vim & iustum metum extorta etiam à maioribus nullius esse momenti. Ita eleganter decidit *Donel. lib. 20. com. c. 13. Pacius 21. ad l. 2. nu. 13. C. de reb. cred. c. cent. 3. c. de iur. iur. quest. 80.* Dissentiunt *Petrus Martyr clas. 2. locor. commun.*

c. 13. in *quæst* An fides latronis us data sit seruanda. *Danans in Ethica Christiana Duare.* in methodica tractatione, de *Iurejur. c. vlt.* qui omnes tradunt juramentum à prædone per vim extortum esse seruandum *Fachin. lib. 8. contro. Iur. c. vlt.* item hac distinctione componit, quod juramentum vi metue extortum obliget quidem in foro conscientie, sed non in foro externo ita vt propter hanc promissionem vi extortam apud magistratum conueniri promissor possit.

ASSERTIO LX.

Promissio per fidem Christianam facta, jurejurando æquiparatur.

ANCEPS & dubia est questio. An promissio sub fide facta, vt puta si quis promiserit sub fide suâ se aliquid daturum vel facturum, æquiparetur juramento. Est statuendum videtur fidei interpositionem juramento æquipollere: quia passim in jure hæc duo æquiparantur, & à pari procedunt, juramentum scilicet corporale, & fidei præstatio, seu promissio sub fide facta. *tex. sunt in c. ad aures ex. De his que vi met cau. in verbis nisi forte juramento vel fide interposita; c. peruenit 3. ext. de jurejur. in verbis, si promissum tuum juramento, vel fidei obligatione interposita conditione firmasses. Idem probatur in c. peruenit, in fin. ext. de fidejuss. in verbis si fidei religionem & juramentum eos violasse non constiterit, vbi eadem sunt & æquipollentia, venire contra fidem promissam & contra juramentum. Huc accedit, quod Deus inter simplicem loquelam seu sermonem nudum, & juramentum non facit differentiationem. c. juramenti. 22. quæst. 5.*

Sed opponitur *l. qui per salutem 33. ff. de jurejur.* vbi si quis juret per fidem ac salutem suam, non habetur pro eo, ac si per Deum jurasset. Resp. Obseruanda hic est & sequenda distinctio *Alciati* tradita in *l. si quis major 14. in verb. innuato. C. de transact.* Aut quis promisit per fidem Christianam, aut simpliciter per fidem suam. Priori casu accipitur pro vero & legitimo juramento, habentque in tali formula promissionis, contra eum qui fidem datam violauit, omnes pœnæ perjurii locum *d. l. si quis major. in fin. C. de transact. c. querelam. Ne prelati vices suas &c.* Posteriori vero casu, quoad promissionis obseruantiam censetur quidem jurasse, ita vt hoc respectu par sit efficacia sub bona fide facta promissio, cum juramento reuera præstito. Quoad pœnam vero differunt, quæ non perinde incurritur fractione fidei atque juramenti. Gravius namque & durius punitur violator juramenti, quam simplicis fidei & promissionis. *Gl. in c. penult. in verb. quod promisit, de jurejurando.* In pœnalibus enim, vt puta in pœna perjurii, fieri debet restrictio.

c. odia

c.odia de R. l. in 6. Approbat hanc distinctionem *Fachin. lib. 1. contro. c. 12.* Sanè notissimâ consuetudine Germaniæ receptum est, quod quando Principes illustres vel nobiles personæ aliquid promittunt sub principali vel nobilitatis fide, *ley thren swrislichen oder adelichen ehren vnd tranvven, oder guten glauben.* quod hoc in omnibus vim iurisiurandi obtineat. Ita in Camerâ imperij iudicatum esse notant *Minsf. cent. 1. obseruat. 17. Gail. lib. 2. obs. c. 59.*

ASSERTIO LXI.

*Actori in infinitum jurare licet, quando iuramentum
in litem præstat.*

QUOTIES deferatur actori iurandum in litem, quod sit cum agit ad restitutionem vel exhibitionem rei suæ, actione in rem vel in personam, & dolo vel contumaciâ aduersarii res ei non restituitur, tunc actor iurando in litem, rem de qua agitur æstimat pro suo arbitrio, sine ulla taxatione iudicis, vnde & hoc vocatur iuramentum affectionis, tex. sunt in *l. 2. §. 1. l. 5. §. 3. & l. 8. ff. de in litem iur.* eò quod actor jurat tantum se rem in iudicium deductam æstimare, quanti sua in eam rem illi dicabit affectio. Itaque quoties per iurandum in litem res æstimatur, tunc quantitas intra quam iuratur, non taxatur à lege, sed in infinitum jurari potest. *l. qui restituere. §. 8. ff. de rei vend.*

Secd aduersatur huic decisioni *l. 4. §. jurare, & l. 5. §. 1. ff. de in lit. iur. item l. 3. §. præterea ff. Ad exhib.* vbi traditur, quod iudex potest modum iurando adicere, vt intra certam quantitatem iuretur, ne arripita occasione in immensum iuretur. Resp. Dupliciter. Primò quod quantitas intra quam iuratur, non taxatur à lege, sed taxatio committitur arbitrio iudicis, qui definit quantitatem, intra quam iurare liceat. Secundò dicendum, quod actori quidem in infinitum iurare liceat, quanti rem suam æstimet, hoc est nullus certus modus ætimationis in ea re à lege præscriptus & taxatus est *d. l. qui restituere.* Illud enim dicitur in iure infinitum quod Græcè ἀόριστος appellatur, quod certo tempore & modo non est finitum *l. vlt. C. de SS. Eccles.* Attamen in immensum, hoc est, ultra probabilem & æquum modum non licet iurare. Immensum enim est, quod modum nimis excedit, & in quo nimium actor affectui indulget. vtpote si quis rem viginti tantum dignam, mille aureis æstimet. Itaque si in immensum iuretur, tunc pro arbitrio suo iudex taxatione iurejurando præscribet, & certam summam præfinit, ad quam actor iurabit. Approbat, & sequitur *Faber de error. pragmat. decade 18. error. 9.*

Secundo obijciatur *l. 4. §. item videndum. ff. de in lit. iur.* vbi traditur, quod

iudex potest eum contra quem iuratum fuit, absolvere, vel minoris condemnare, quam aduersarius dato iureiurando rem aestimauerit.

Cui legi iterum obstat *Auth. post iurandum C. de iudic.* ubi sancitur quod post iusiurandum præstitum non licet iudici amplius taxare, sed necesse habet iudex secundum quantitatem qua iuratum fuit, condemnare. Distinguendum est inter iuramentum affectionis, & iuramentum veritatis. Quando præstatur iuramentum veritatis, ut quando actor iurat se tot expensas in lite fecisse, huic iureiurando oportet stare, nec potest illud retractari, ne periurii arguatur is qui iurauit *l. quod si deferente 31. ff. de dolo. l. aduersus 15. ff. de doli excepti.* de quo iuramento loquitur *d. Auth. post iurandum.* Quoties verò præstatur iusiurandum affectionis, ut in iureiurando in litem accidit, hoc retractari potest, quia tunc non arguitur periurii is qui iurauit, sed immodicæ affectionis quam habuit erga rem, de qua iurauit, à iudice moderatio adhibetur.

Tertiò obicitur *l. vnic. C. de sent. qua pro eo quod interest &c.* quia cauetur, non licere actori in aestimando id quod interest, excedere duplum rei in obligationem aut petitionem deductæ. Resp. Hoc iusiurandum in litem non de eo quod interest actoris, præstatur, sed definit quanti actor rem aestimat pro arbitrio & affectu suo: quæ res inter se ut contrariæ opponuntur *l. tutor. ff. de in lit. iur. l. non à iudice ff. de iudic.* Præterea in hoc iureiurando contumacia non restituentis punitur tanquam delictum: sed *l. vnic. C. de eo quod interest*, ad casus incertos, in quibus versatur delictum, non pertinet.

ASSERTIO XLII

Filiisfam. SC. Macedoniano renuntiare non potest contra ZAZIVM.

CAUTVM est SC. Macedoniano, ne creditoribus liceret filiisfam. mutuas pecunias dare, ita ut si quis filio in patria potestate constituto mutuas pecunias dederit, ei neque in patrem, neque in filium etiam patria potestate liberatum nulla competat actio. Huic SC. causam dedit improbus fœnerator Macedo, qui flagitiosè adolescentibus filiisfam. pecuniam ad quemuis luxum incertis nominibus credebat, sic ut tandem filii ære alieno obruti, in quoduis flagitium, ac mortis etiam paternæ cogitationem impellerentur, quod ipsi egentes & creditorum improbo fœnore exhausti, hæreditatem paternam creditoribus in solum cedere possent, *§. penult. Inst. Quod cum eo qui in aliena potest.* Cui malo salubre remedium inuentum est
SC. Ma-

SC. Macedoniano, denegatâ creditoribus mutui actione seu exactione *l. 1. ff. ad SC. Maced.* Melius enim est iuueniles calores coarctari, ne libidini dediti tristem sortiantur exitum, qui eos post diffusum extet patrimonium *l. n. n. s. lum, 8. §. filius autem familias. C. de bo. qua liber.* Disputatur autem acriter à DD. utrum huic SCto. filiusfam. renuntiare possit. Et non posse eum renunciando beneficium huius SC. amittere, communi DD. calculo receptum est. Ita notant *Gl. & Bart. ad l. tamen si, ff. ad SC. Maced.* quos ferè reliqui DD. cateruatim sequuntur. Confirmatur hæc decisio duobus fortissimis argumentis & textibus. Primum probat hanc sententiam, quod hoc SCtum respiciat utilitatem publicam, ne videlicet filiorum mores, pecunia mutua supra probabilem modum illis credita, & ita luxuriæ causa subministrata, pessimo exemplo corrumpantur. *l. 1. ff. ad SC. Maced.* Ideoque priuatorum pactis, huic juri utilitatis publicæ causa statuto & introducto renunciari non potest, *l. juris gentium 7. §. si paciscar. ff. de pact.* Secundò stabilitur hæc conclusio per *l. tamen si 11. ff. ad SC. Maced.* ubi traditur filiumfam. posse opponere hanc exceptionem post sententiam. Itaque cum omnes exceptiones debeant regulariter opponi ante sententiam, & allegatio hujus exceptionis admittatur nihilominus post sententiam, cum jam tempus proponendis exceptionibus præfinitum, elapsum sit, hinc consequitur filiumfam. non posse tacite exceptioni Macedoniani renunciare, dum sciens passus est tempora proponendæ hujus exceptionis elabi & effluere. Ergò nec expressè filiusfam. renunciare poterit huic SC. quia taciti & expressi eadem est virtus *l. 3. ff. de reb. cred.* Hæc sententia, quod filiusfam. beneficio SC. Macedoniani renunciare non possit, communiter est à DD. recepta, ut attestantur *Gomez. tomo. 2. varia. resolut. c. 6. num. 2. Fa. hm. lib. 2. con. ro. c. 61.* Aqua tamen discedit *Zazius lib. 2. sing. resp. c. 18.* Tria ejus argumenta præcipua sunt hæc. Primum est. Pares sunt exceptiones SC. Vellejani & Macedoniani. Sed mulier renunciare potest SC. Vellejano *l. vlt. §. penult. ff. ad SC. Velleja.* Ergò & filiusfam. Macedoniano SCto. renunciare potest. Resp. Dissimilia hæc sunt: Nam SC. Vellejanum introductum est in favorem mulierum intercedentium, atque quilibet potest favori pro se introducto renunciare *l. penult. C. de pact.* At SC. Macedonianum iunctum est, ut prospiciatur bonis moribus juvenum, ne videlicet illi creditorum fraudibus & insidiis corumpantur, dum illis ad turpem luxum pecunias subministrant. Itaque cum hoc SCtum commodo publico consulatur, nequaquam illi pacto seu renuntiatione filiusfam. derogare possunt. Huc accedit, quod SCto Vellejano nuda causa bonorum contineatur. Macedoniano vero SC. scelorum causa, mali mores, pessima exempla, sordæ bonorum dilapidationes patricidii metus, & alia id genus, atrocía delicta præcauentur.

Sape

Sæpe enim hac occasione vsuuenire videmus, vt obrutus ære alieno, & deliciis, compositionibus, scortationibusque assuevit, & flagitiosam vitam degens filius ante diem patrios inquirat in annos. Quod & comprobatur Imp. Iustinianus in *l. §. vlt. Inst. Quod cum eo qui in alie. potest.* vbi ita dicit. Quæ idè fenatus prospexit, quia sæpè onerati ære alieno creditorum pecuniarum filiosam. quas in luxuriam consumebant, vitæ parentum insidiabantur.

Secundum argumentum hoc est. Filiusam. in foro conscientie, vt vocant. peccat mortaliter, si mutuum non restituat. Ergò renuntiare potest exceptioni. quam habet ex SCto Macedoniano. Ita tradit *Inno. in cap. quia plerique ex. de immunitate Ecclesie.* Resp. Aut filius ob justam & probabilem causam mutuum accepit, & in necessarias vilesque causas pecuniam mutuam exposuit, & hoc casu bona conscientia hac exceptione vti non potest, licetque illi renuntiat. text. sunt notabiles in *l. in pupillo 47. §. fin. ff. de solut. l. Macedoniani C. ad SC. Maced.* Aut ob nullam justam causam filius mutuum accepit. sed in vanos, superfluos & inutiles vsus pecuniam expendit, & hoc casu bona conscientia hac exceptione vti potest, illique frustra & inutiliter renuntiat. Ita decidunt *Panorm. in d. c. quia plerique de immu. Ecclesie. Emanuel à Zoarez. in addit. ad Gomez. to. 2. c. 6.*

Tertium argumentum à Zazio tale adfertur. Odiosa est exceptio SC. Macedoniani, & in odium creditorum filiosam. fœnerantium introducta *l. qui exceptionem 40. ff. de cond. indeb.* Ergo ei renuntiare potest, quia odia restringi & coartari debent. *c. odia, de R. l. in 6.* Resp. Negando consequentiam, quia si renunciari posset huic SC. inanis esset prouisio legis, & filiorumfam. nequitie & corruptioni magna fenestra aperiretur, & occasio delictorum inde nasceretur, vnde iustitia & æquitas expectari deberet, quod præcauere in animum induxerunt legislatores. Vnde quod recta via fieri prohibetur, id non debet indirectè & per obliquum admitti. *c. cum quid vna. de R. l. in 6.*

ASSERTIO LXIIL

Sequestratio regulariter jure prohibita est.

CONFIRMATUR hæc assertio per *l. vnic. C. de prohib. sequest. pecu.* cuius hæc sunt verba. Quoties ex quolibet contractu pecunia postulatur, sequestrationis necessitas conquiescat. Oportet enim primò debitorem conuinci, & sic deinde ad solutionem pulsari. Quæ lege cautetur, ne pecunia, quæ aliqua conditione seu actione personali petitur, sequestro deponatur. Vt puta si petam abs te pecuniam ex mutuo, vendito, vel stipulatione, non possum te cogere, vt pendente lite deponas eam pecuniam apud iudicem.

Ratio

Ratio duplex est, quia primò convincere oportet debitorem, tum cogitur solvere. *l. negantes 9. C. de obligat. & actio.* Interim non est permittenda sequestratio, quia ab executione non est inchoandum iudicium *l. 1. C. de execut. rei iud.* Altera ratio est, quia pendente lite commodo suæ possessionis nemo privandus est. *c. 1. ex. vt lit. pend. nh. mno. l. vlt. C. de rei vend.* Est autem sequestratio, depositum, quo à pluribus in solidum alicui res litigiosa vel ex partium consensu, vel officio iudicis custodienda committitur, ea lege, vt victori ea res reddatur. *l. propria 6. l. licet 17. ff. de pos. l. sequestrat 110. ff. de V. S.* Porro regulariter, vt dixi sequestratio prohibita est, quia possessor pendente lite non debet à sua possessione removeri. *c. 2. ext. de sequ. possess.*

Opponitur primò *l. si fideiussor 7. §. vlt. ff. Qui satisd. cog.* vbi traditur, quod si petatur res mobilis, & persona suspecta sit, tunc apud Prætozem deponi & sequestrari debet. Resp. Eo denum casu admittitur sequestratio, si petatur res mobilis, & possessoris fides suspecta sit de fuga vel dilapidatione, & non sit idcirco iudicio liti, vel iudicatum solui, tunc enim res pendente lite sequestratur. *d. l. 7. §. vlt.*

Secundò obiicitur *l. Imperatores 21. §. vlt. ff. de appellat.* vbi deciditur, quod fructus qui ab aduersario diripiuntur, pendente appellatione sequestro ponendi sunt. Resp. Quoties à sententia appellatum est, tunc si possessor condemnatus appellavit, fructus agri sequestrantur, possessione apud appellantem remanente. *l. ab executione C. Quor. app. non recip.* Si verò petitor condemnatus appellavit, fructus non sequestrantur, nisi depopulentur ab aduersario *d. l. Imperatores §. vlt. ff. de appel. Cuiac. lib. 5. sent. Paul. c. pen. vlt.*

Tertiò opponitur *l. si cum dote 22. §. si verò ff. Solut. matr. & l. in rebus 30. in fin. C. de iure dot.* vbi sequestratur dos, si maritus dissipet dotem, & vergat ad inopiam. Resp. Tunc denum dos sequestratur constante matrimonio, quæ constat rebus mobilibus, vel fructus prædiorum dotalium, si maritus eos dissipet, & incipiat labi facultatibus, ad hoc vt mulier ex ea dote habeat competens solatium vna cum sua familia. *d. l. si cum dote. §. si verò.*

Quartò aduersatur *l. si cuius 13. §. sed si inter. ff. de vsufruct.* vbi sequestratio admittitur, quando inter duos de alicuius fundi possessione contouersia est, & uterque vult fructus percipere, & periculum est, ne utraque pars vi possessionem mudat, & sic ad arma & rixas litigatores procedant, tunc iudex interim fundum cum fructibus sequestrabit, donec de possessione lis finem accipiat. Resp. Hæc sequestratio tum demum procedit, quando dubium est, vter litigantium possideat. At vero cum certum est alterum tantum possidere, tunc si aduersarius moueat illi quæstionem possessionis, iudex non debet sequestrare fundi possessionem cum fructibus, sed interdicit sub certa pœna aduersæ parti, quæ non possidet, ne possessorem impediat vel turbet in sua

quietâ possessione arg. l. 1. ff. *Ne vis fiat ei qui in pos.* mis. l. penult. ff. *de aqua quodid. & est.* Quæ opinio summâ æquitate fundatur, alioqui enim posset quilibet per malitiam fingere rixam & turbas imminere, vt aduersarius commodò possessionis priuaretur, malitiâ autem hominum non est indulgendum. l. *in fundo* 38. ff. *de rei vend.* Ita eleganter tradit *Ferra. in pract. in for. sequestr. num. 3.* Plures casus, quibus licita est sequestratio, vide apud *Gl. in c. 2. ex. de sequ. poss.* & *Coras. lib. 3. misc. c. 2.* *Robert. lib. 1. sentent. iur. c. 5.* Denique notandum vnicum esse remedium euitandi sequestrationem, si videlicet is, contra quem sequestratio petitur, paratus sit satisfacere, id est fideiussores dare, de iudicio fisci, vel de re petitâ conseruandâ integrâ; l. *vlr. C. de ord. cogn. l. litibus, C. de agric. & cens. lib. 11. l. SCIO 16. ff. de off. pref. l. si fideiussor. 7. §. fin. ff. Qui satisf. cog.* Vide de requisitis sequestrationis plenè apud *Minsing. centur. 5. obser. 35. & cent. 2. obs. x1. Andr. Gail. lib. 1. obser. c. 148. & c. 12. de Arrestis imperij. nam. 1.*

ASSERTIO LXIV.

Pro re apud sequestrem depositâ, finitâ sequestratione restituendâ, competit deponentibus actio depositi sequestraria.

SEQUESTRATIO est rei litigiosæ à duobus vel pluribus apud sequestrum facta depositio, eâ conditione, vt tamdiu, dum lis durat, eam custodiat, & postea victori reddat, l. *sequester* 110. de *V. S. l. 5. §. 1. l. 6. 17. & penult. ff. de pos. l. 9. §. Labeo. ff. de dolo.* Hac sequestratione finitâ, datur sequestro deponenti ad rem sequestratam restituendam, actio depositi sequestraria. Eaque actio datur vel victori lue finitâ, vel illi qui conditionem impleuit, sub qua sequestrum factum est, contra sequestrum, qui rem custodiendam accepit. tex. in l. *propter* 5. C. *de pos. & in l. 5. §. 1. l. si in Asia 12. §. cum sequestre ff. eodem d. l. 9. §. Labeo. ff. de dolo.* Porrò tunc demum competit actio depositi sequestraria, cum duo vel plures apud sequestrum rem aliquam deponunt. Caterum si vnus solum deponat, agetur vulgari actione depositi, quia tunc non est sequestrarium, sed vulgare & simplex depositum. l. *si apud* 18. ff. *de præscrip. vero. Pacius ad l. 5. C. de positi.*

Sed cum hac sententia pugnat d. *l. si quis. 9. §. Labeo. ff. de dolo.* vbi traditur ex sequestratione competere actionem præscriptis verbis, contra sequestrum. Resp. Tunc demum competit actio depositi sequestraria, cum sequestrum perfectum & impletum est, hoc est, cum lis finem accepit per sententiam, vel conditio sub quâ sequestratio facta est, adimpleta est. Actio enim sequestraria victori tantum datur, vel ei, qui conditionem sub quâ sequestra-

sequestratio facta est, adimpleuit *d. l. 5. §. 1. ff. de pos.* At ubi per alterum litigatorum stat, quo minus lis finem accipiat, tunc quia conditio sequestri nondum impleta est, competit præscriptis verbis actio contra sequestrem, *d. §. Labeo.*

Secundò obstat *l. si gratuitam 17. §. ult. ff. de præscript. verb.* ubi agitur actione præscriptis verbis contra sequestrem, qui annulos depositos victori non reddit, etiam conditione depositionis impleta. Resp. Ibi non est propriè sequestrum contractum, quia una res duntaxat, eaque litigiosa apud sequestrum deponitur. At ibi duo sponfione certantes singuli annulos ea lege deposuerunt, ut victor pro præmio victi annulum auferet: quo casu non est propriè sequestrum contractum, quia in sequestro una tantum res eaque litigiosa deponitur. At ibi nulla de annulo lis mota erat, neque una tantum res deposita erat, sed duo sponfione certantes, ea lege singuli annulos deposuerunt, ut victor pro præmio victi annulum auferet. Quo casu quia non est propriè sequestrum, tutius est præscriptis verbis experiri *l. si apud 18. ff. de præscr. verb.* Eleganter *Forner. ad l. sequester 110. de V. S.* Porro illud obiter notandum ex *d. l. si gratuitam §. ult. ff. de præscr. verb.* Quod quoties duo certant vel sponfionem faciunt pignore aliquo deposito, sub ista conditione, ut qui victor futurus erit, certam rem ab aliquo lucretur, ex hoc contractu sponfionis vulgò dicto *ein vvedespiell*, competere actionem præscriptis verbis, dummodò causa sponfionis sit licita & honesta.

ASSERTIO LXV.

Deportatus siue excommunicatus mandatum contrahere non potest.

DEPORTATI & banniti, quia civiliter pro mortuis habentur, idèò mandare non possunt. Quæ sententia etiam ex eo fundatur & stabilitur, quia deportati post sententiam proscriptionis nihil proprium habere possunt, sed omnia quæcunque acquirunt, ea ipsa fisco acquirunt *l. 2. C. de bon. proscript.* Ergo nihil habent, de quo contrahere possint.

Sed grauius obstat huic sententiæ *l. si mandauero 22. §. u. cuius. ff. mandati.* ubi decidit IC. quod is cuius bona publicata sunt, mandare alteri potest, ut ea sibi emat, & subiungit hanc rationem IC. quia publicatis bonis quicquid postea acquirit, non sequitur fiscum, quæ lex omnino pugnat cum *d. l. 2. C. de bon. proscript.* quæ statuit deportatorum bona etiam post sententiam acquisita, ad fiscum pertinere. Resp. Ex sententia Cuiacii, quod in *d. §. u. cuius. ff. manda.* agatur de eo, cuius bona publicata sunt, sine maxima vel mediâ capitis diminutione, ut puta de relegato, non de deportato.

Deportatum sequitur omnium bonorum publicatio, nihilque sibi acquirere potest, post deportationem quoque, quia omnia sibi acquirat. Aliud dicendum est in relegato, qui non patitur maximam vel mediam capitis diminutionem, unde & relegatus post relegationem bona sibi acquirere potest, & per consequens alteri mandate potest, ut sibi quid emat, vel ex alio contractu acquirat. Ita conciliant *d. l. 2. C. de bon. proscript.* cum *d. l. si mandauero. §. is cuius 13. ff. mandati.* Cuiac. *ad l. 8. ff. Qui testam. fac. poss. & ad tit. C. de bon. proscript. in paratis l. & lib. 6. Oñser. c. 22. & neuillimè Fachin. lib. 9. contro. jur. cap. 51.* ubi latè & eleganter hanc controuersiam pertractat. His adde *Tibian Nonium in princ. tit. Inst. de testa. ordin. nu. 9. Gothofr. ad d. l. 22. §. is cuius.*

Secundo obiicitur tale argumentum. Deportati retinent ea quæ sunt iuris gentium, licet amittant ea quæ sunt iuris civilis. *l. sunt quidam 17. ff. de pæn.* Sed mandatum est iuris gentium, sicut & alii ferè contractus omnes *l. ex hoc iure. ff. de inst. & iure.* Ergo deportatus mandatum contrahere potest. Resp. Etsi contractus mandati sit iuris gentium, tamen quia actiones ex contractibus descendentes sunt iuris civilis, ideò frustra deportati & exules mandant aliis negotia gerenda, quia ipsi in iudicio agere vel continere alios non possunt, cum in ciuitate esse non possint. Eatenus tamen videntur mandatum contrahere posse deportati, quod actionem ex mandato quasitam aliis cedere & vendere possunt. Idem enim obtinet in excommunicatis, qui quanquam non agant, tamen actiones suas aliis cedere possunt, & cessionario rectè actio accommodabitur. *c. intelleximus ex. de iudic. Glo. sing. in c. 1. §. 1. de iure patro. lib. 6. Costal. ad d. l. 22. §. is cuius. ff. mandati.*

ASSERTIO LXVI.

*Mandatarius ultra id, quod mandati fines excedens,
utiliter gessit, habet actionem negotiorum
gestorum.*

MANDATARIUS diligenter & præcisè mandati fines obseruare debet. *l. cum mandati 12. C. Manda. l. si procurator 10. C. de procur.* Quod adeò verum est, ut quamuis procurator recedendo à forma mandati, fecerit domini conditionem meliorem, nec dum tamen ei competat actio mandati. Hinc si quis mandauit procuratori suo, ut sibi domum Sajanam emeret centum aureis, itque Titianam, quæ longè maioris est pretii emerit eodem pretio vel viliori, tamen non censetur mandatum implese, ideòque nec mandati actionem

actionem habebit *l. diligenter 5. ff. Manda.* Sed illud controuertitur ab interpretibus, an si mandatarius excedens fines mandati, vtiliter gessit negotia domini, licet non possit agere contraria actione mandati, an tamen negotiorum gestorum actione experiri possit contra dominum. Vt puta si dominus mandauit procuratori suo, vt sibi emeret domum centum aureis, isque pius emit, cum tanti valuerit, habebitne pro superfluo actionem negotiorum gestorum? Et dicendum est, verius esse & probabilius, competere procuratori actionem negotiorum gestorum, eò quod vtiliter saltem gessit negotia domini, absque mandato. per *l. 2. & l. que vtiliter 45. ff. de negot. gest.*

Verum huic decisioni grauiter obstat *l. liberto 31. §. liberos. ff. de negot. gest.* vbi dicitur, quod iussu impendere certam summam in extruendum monumentum, si plus impendit, non repetit negotiorum gestorum actione: Item obstat *l. si creditor 36. §. 1. ff. de peculio.* vbi traditur, si seruus plus impendit in rem emendam, quam iussit dominus, id quod plus impendit, dominus vendicat, & repetit à venditore. Denique aduersatur *l. vlt. C. de negot. gest.* vbi sancitur, quod si quis nolente & prohibente domino negotia ejus gesserit, & pecunias aliquas impenderit in ejus negotia, nullam eum habere contra dominum negotiorum gestorum actionem. Resp. Hæc discrepantia legum tali distinctione concilianda est. Aut dominus specialiter prohibuit, ne ejus negotia gereret, vel ne domum pluris quam præscripsit, emeret, & hoc casu negotiorum gestorum actio gestori non competit, quamuis rem domini bene gesserit. Hoc Iustinianus vna ex 50. decisionibus in *l. vlt. C. de N. G.* secutus Pomponii & Iulii Pauli sententiam, in *l. si pro te 40. ff. Mandati.* definijuit. Aut dominus specialiter non prohibuit ne ejus negotia administraret, vel ne domum verbi gratia pluris quam mandauit, pro eo emeret, vel venderet, & negotium ejus vtiliter gestum est, hoc casu verius est actionem negotiorum gestorum competere *d. l. 2. l. Pomponius 9.* in verb. quemadmodum quod vtiliter gestum est, necesse est à iudice pro rato haberi, & *l. que vtiliter 45. ff. de negot. gest.* Si verò inuutiliter gessit negotia, hoc casu non repetit gestor, id quod impendit. *d. l. liberto 31. §. liberos. ff. de negot. gest.* Quæ opinio summa æquitate nititur, ne dominus locupletetur cum iniuria & damno gestoris. Ita decidunt *Cassrenf. in d. l. vlt. Eaber Baro & Mins. ad §. si qui exequitur. insit. Mand.* Postremo obijcitur *l. 3. §. in bello. ff. de re milit.* vbi dicitur quod qui mandatum ducis non secutus, rem in bello etiam feliciter gessit capite punitur. Resp. Hoc procedit in iure belli, quod publicum est, & in quo ob periculum Reipublice dux punitur, etiam si vtiliter præter iussum Imperatoris & feliciter pugnauerit. Namque & alias in publicis plerumque à priuatis diuerso jure vtimur. Sic Manlius Torquatus filium è medio sustulit, quod cum hoste contra præceptum suum dimicasset, hostemque

superasset, lytius esse iudicans patrem forti filio, quam patriam militari disciplina carere. *Val. Max. lib. 2. c. 2.* de disciplina militari. Sic etiam Posthumius dictator A. Posthumium filium, quia non suo iussu, sed sua sponte egressus hostes fuderat, victorem feriri securi iussit, ut scribunt *Linus lib. 1. Gell. lib. 17. noſt. Attic. c. vlt. Val. Maxim. lib. 2. c. 7.*

ASSERTIO LXVII.

In vendentis vel ementis arbitrium collatâ emendi conditione, venditio nulla est.

HÆc assertio comprobatur per *l. in vendentis 13. C. de contr. empt.* vbi traditur, quod venditio in alterutris contrahentium voluntatem collata non valet, quodque neuter ad huius contractus implementum cogi potest. Hinc venditio hoc modo contracta, vendo tibi hanc rem. pro pretio quo volueris, vel quanti æstimaueris, quanti æquum putaueris, inutilis & nulla est *l. quod sepe 35. §. 1. ff. de contr. empt.* Similiter si conueni cum Titio, ut fundus meus sit ei emptus 100. aureis, si placuerit ipsi cum tanti emere, & si postea me peniteat, Titius autem dicit, se pro illis centum emptum habere velle, quaeritur an possim compelli, ut vendam ei pro pretio conuenuto. Et dicendum, quod nulla & inutilis sit talis venditio. Ratio est, quia substantialis pars contractus non potest in voluntatem vel arbitrium alterutris contrahentium conferri. Nam cum obligatio sit juris vinculum, quo necessitate astringimur alicujus rei soluendæ inutilis est contractus, imperfectaque obligatio, quæ nullâ necessitate astringit contrahentes. *l. sub hac 8. ff. de obligat. & act. l. stipulatio 17. ff. de V. O.*

Opponitur *§. penult. Inst. de empt. & vendit.* vbi dicitur, quod valet hæc venditio. Vendo tibi Stichum pro aureis tot, si tibi Stichus infra mensem placuerit, cum tamen illa emptio conferatur in arbitrium emptoris. Atqui venditor illi venditioni stare cogitur, emptore intra conditum spacium consensum declarante. Resp. Ideò valet ista emptio, quia non purè & absolutè confertur pretium in arbitrium emptoris seu debitoris, sed ad tempus, & sub conditione, si videlicet emptor intra certum tempus consensum suum declarauerit. Ideoque propter adjectionem temporis valida est emptio, quia non habet perpetuam causam nullitatis.

Secundò obstat *l. vlt. C. de contr. empt.* vbi valet venditio, si quantitas pretii conferatur in arbitrium tertii: ergò & videtur poni posse pretium in arbitrium contrahentium. Resp. Diuersa hæc sunt, quia in personam tertii, seu ex-

seu extranei idem potest collocari æstimatio seu definitio pretii, quia verisimile est tertium, æquum seu moderatum pretium statutum, sed non est probabile alterutrum contrahentium pretium æquum, sed potius sibi maxime commodum arbitraturum.

Tertio objicitur *l. in personam 22. §. generaliter. de R. I.* ubi dicitur, quod in omnibus bonæ fidei judiciis, ubi quid confertur in arbitrium domini, hoc est contrahentis, pro boni viri arbitrio id accipiendum erit. Ergo pretio collato in arbitrium contrahentis, illud pretium statuit debet, quod bonus vir arbitrabitur. Resp. Illa regula intelligenda est, quoties adminicula contrahentis conferuntur in arbitrium alterius ex contrahentibus. Accidentalibus namque venditionis possunt conferri in arbitrium contrahentium, & tunc recurritur ad arbitrium viri boni, siue quis nullo modo arbitretur, siue arbitretur, sed iniquè; Vnde valet hæc venditio, vendo tibi servum, si rationes arbitrio meo siue domini reddiderit, quæ conditio utiliter emptioni adijcitur, & pro eo habetur, ac si viri boni arbitrium in emptione comprehensum esset. *l. hæc venditio 7. ff. de contr. empr.* Similiter in societate constitutio partium lucri & damni, in locatione operis approbato, possunt in arbitrium contrahentium, tanquam viri boni conferri *l. si in lege 24. ff. loca. l. societatem 6. & 76. ff. pro socio.* nam & sine iis potest contrahi locatio & societas. Verum substantialia contractus, ut pretium in emptione merces in locatione, non possunt in arbitrium contrahentium conferri.

ASSERTIO LXVIII.

*Jus retractus neque in re à judice creditori adjudicatâ,
neque in re donatâ locum habet.*

IVS protomiscos seu retractus, est jus quo proximores consanguinei. con-
sortes vel vicini rem immobilem venditam eo pretio oblato, quo res ven-
dita est, intra annum & diem retrahere & ad se renovare possunt. Hoc jus
retractus lege Cæsarea reprobatum est, per *l. dudum. C. de contr. empr.* sed
constitutione Imperatoris Friderici denuo restitutum. *tit. per quos fi. inuest.
lib. 2. feud. tit. 3. & c. 1. §. si Titius. Si de feud. def. sit contr. int. dom. & agn. l.
lib. 2. feud. tit. 26.* ubi statuitur, quod proximi agnati possint feudum à va-
sallo venditum, rescissa venditione, eodem pretio redimere, & ad se renova-
re. Moribus etiam passim hoc jus in nonnullis Belgii provinciis, puta Hol-
landia & Frisia, item in Gallia vñ iterum receptum & approbatum est.
Quæ consuetudo optima nititur ratione, ut res majorum mancant in nostra
familia. Triste enim & lugubre est, videre paternas domos & antiqua
majorum

majorum prædia in extraneas manus devenire. *l. lex que tutores. 22. C. de administ. tuto. l. si in emptione 35. ff. de minoribus.* Eaque consuetudo est & jure Canonico confirmata. *c. constitutus. ex. de restit. in int.* sed & jure diuino corroborata est. Nam *Leuit. 25.* dixit Dominus. Si attenuatus frater tuus venderit possessiunculam suam, & voluerit propinquus ejus, potest redimere quod ille vendiderit. *Concor. Ruth. 4. Item Ierem. c. 32.*

Quæritur autem est inter DD. An jus retractus habeat locum, si res non vendita sit, sed creditori dati in solutum, an tunc à proximioribus retrahi possit? Et in hac dubia quæstione hæc distinctio tanquam verior tenenda est: Aut datio in solutum sit sponte à partibus seu contrahentibus, ut in *l. pretii C. de rescind. vendit. l. cum à quo. C. de solut.* & cum hæc venditionis vicem obtineat, *Leleganter 24. ff. de pign. act. l. si prædium 4. C. de emitt.* idem in ea perinde atque in venditione jus retractus locum habet. Aut datio in solutum sit à judice, ut cum ex rebus debitoris una creditori adjudicatur pro quantitate debita, *l. a D. Pio. §. si pignora. ff. de re judic. l. ult. C. de ju. dom. imp.* & tunc jus retractus locum non habet. Ita post *Specul. Alex. & Iason.* decidit *Coras. lib. 3. Miscel. c. 3. num. 2. And. Tiraquell. de retractu lignagier. §. 1. Gloss. 14. num. 8.* Pro hac sententia facit, quod generaliter in jure traditur, quod quoties alienatio in legibus prohibetur, hoc de voluntaria alienatione, non verò eâ quæ ex necessitate fit, est accipiendum *l. Diuus. ff. de pet. hered. l. alienationes 12. ff. Fam. ercisc. l. 1. ff. de fund. dot. l. 2. C. eo. l. peto. §. prædium. ff. de legat. 2.*

Duo argumenta obstant huic sententiæ. Primò obijciitur, quod hæc consuetudo, quæ introduxit jus retractus, est odiosa, quia tendit ad rescindendum contractum, quem tamen partium consensu absolutum, ne quidem Principis rescripto extinguere oportet: *l. 3. C. de resc. vend.* unde à venditione, quæ est actus voluntarius, ad dationem in solutum, actum scilicet necessarium, non est facienda extensio. *l. rem legatam. ff. de adm. lega. Resp.* Hæc consuetudo non tendit ad rescissionem contractus, quinimò contractum approbat, idcoque & pretium conuentum soluit.

Secundò obijciitur, quod datio in solutum venditionis vicem obtineat, & quod ille qui rem in solutum accipit, emptori similis sit. *tex. in l. si prædium. C. de emitt. l. ult. ff. Ex quib. caus. in pos.* Huc etiam consuetudinis ratio nos impellit, quippe perinde contra ejus mentem sit, si extraneo detur in solutum, atque si vendatur prædium. Illius ergò consuetudinis sensus spectandus est. *Resp.* Datio in solutum quæ fit auctoritate judicis, est necessaria, atqui allegatæ leges in contrarium de voluntaria datione in solutum loquuntur.

Quæritur est illud, An si res non vendita, sed donata sit, jus protomiseos in dona-

in donatione locum habeat. Est statuendum tanquam verius & probabilius contra *Coras. d. loco*, quod in re donata non sit locus juri retractus. Idque probatur, ducto argumento à simili ex contractu emphyteutico. Nam emphyteuta non potest fundum emphyteuticum vendere irrequisito domino, potest tamen eundem donare invito domino directio *l. 1. C. de fund. patr. lib. 11. l. vlt. C. de ju. emph. l. vlt. C. de prad. decur. lib. 10.*

Opponitur quod eadem sit ratio in donatione, quæ in venditione, ne scilicet res exeat è familia. *c. 1. §. donari. Quiliter olim feud. pot. alien.* Ergò & prædium donatum proximus cognatus retrahere potest. Rep. Diverſa ratio est in venditione & donatione, quia idem permittitur jus retrahendi rem venditam proximiori agnato, quod non interest venditoris, à quo habeat pretium, sed interest donatoris, potius amico donare propter bene merita, quam consanguineo. Sic & emphyteuta qui vendere non potest fundum emphyteuticum irrequisito domino, eundem tamen donare potest. *d. l. 1. C. de fund. patr. lib. 11.*

ASSERTIO LXIX.

*Ex pacto de retrouendendo oritur tantum personalis,
non realis actio.*

PACTVM de retrouendendo interpositum inter venditorem & emptorem, ut quandocunque venditor vel ejus hæredes offerant rei venditæ pretium, emptor restituat ei rem venditam, personale est, & rem ipsam non afficit. Unde si ab emptore rursus sit vendita, prior venditor à secundo emptore rem non vendicat, sed datur ei tantum personalis actio ex vendito, adversus primum emptorem in id quod interest. Hæc est communis & recepta DD. opinio. teste *Gail. lib. 2. obs. c. 16.* ubi notat secundum hanc opinionem in Camera imperii esse judicatum. *Minſ. cent. 6. obs. 69. VVesem. ec. conf. 39.* Datur itaque ex tali pacto de retrouendendo non realis, sed personalis actio ex emto, vel præscriptis verbis. tex. est expressus in *l. 2. C. de pact. int. emp. l. rebus c. de rev. permut. l. si filius §. si tibi. ff. de act. empr.* Atqui personalis actio non datur contra singularem successorem, *l. vlt. §. vlt. ff. de cont. emp. l. 1. §. si hæres. ff. ad SC. Trebell. in verb.* neque enim æris alieni personalis actio fundum sequitur. Nullum jus reale ex tali pacto producit, sed tantum personalis actio oritur. Ergò primus venditor contra primum emptorem vel ejus hæredes aget actione ex vendito, ad id quod interest, non verò contra tertium possessorum & singularem successorem agere poterit rei vindicatione ad fundum repetendum. Ratio est, quia pactum de non alienando contractui appositum, non impedit alienationem, quoad translatio-

uem dominij. *l. nemo paciscendo. ff. de p. et. sed tantum eatenus impeditur alienatio, ut committatur obligatio ad interesse, vel ad pœnam, si pœna sit adjecta contractui. tex. est exprellus in l. si ita quis, §. ea lege. ff. de verb. obligat. l. vlt. C. de reb. alie. non alien.*

Sed pro contraria opinione, quod scilicet pactum de retrouendendo afficiat rem ipsam, & exco detur actio realis, seu utilis rei vindicatio, adferuntur, *l. si cum venderes, 13. ff. de pig. act. & l. voluntate 10. §. vlt. ff. Quib. mod. pig. solu.* vbi traditur, quod si in venditione pignoris pactum interpositum sit inter creditorem & emitorem, ut si debitor pecuniam pretij emtori solueret, liceret ei recipere rem suam: ex hoc pacto datur debitori actio in rem, ad vindicandum rem suam. Ideoque ex pacto de retrouendendo competit primo venditori contra singularem succellorem utilis actio rei vindicationis: Duplex solutio adfertur DD. ad hoc argumentum. Primò respondetur, quod primum IC. responsum, quo statuit debitori dari rei vindicationem; mox corrigitur per sequentia verba, dum subjungit IC. aut in factum actione contra emitorem agere poterit, ideoque solum actione in factum vel præscriptis verbis aget. Ita respondent *Accus. & Bart. in d. l. si cum venderet.* Secundò respondetur sub distinctione. Aut pactum de retrouendendo conceptum est verbis directis, hoc modo, ut si venditor pretium soluerit emtori, liceret ei recipere rem suam, quæ verba directa sunt. *l. Titia cum testamento 34. §. vlt. de legat. 2.* Quibus verbis in objectis legibus usus est venditor, & tunc dominium ex pacto retrouendendi ad venditorem reuertitur, poteritque rem vindicare à tertio possessore. Aut verbis obliquis pactum de retrouendendo est interpositum, ut puta si emitto reuendere aut restituere promisit, ut loquitur *l. 2. C. de pact. int. empt. & vend.* & tunc dominium non reuertitur statim ad venditorem, ita ut rem venditam vindicare possit, sed competit illi tantum personalis actio ex vendito, vel præscriptis verbis contra primum emitorem, ad fundum restituendum vel ad interesse. Ita respondet *Fachin. lib. 2. contro. c. 15. adde Boer. decis. 182. num. 17. 18. & 19.*

Secundò opponitur hoc argumentum. Ex pacto additionis in diem & legis commissoriæ, dominium rei vendite ad venditorem reuertitur, & rei vindicatio ei competit. *l. commissoria. C. de pact. int. emit. & vend.* Ergo idem statuendum videtur in pacto de retrouendendo. Resp. In illis pactis non nouum dominium venditori acquiritur, sed vetus, quod ante habuerat dominus, retinere fingitur: quia ea lege & conditione res erat tradita ab initio, ut statim rediret ad dominum conditione commissa. Approbat hanc decisionem *Anto Faber de error. pragmat. decade 22. erro. vlt.* Dissentit *Conarr. lib. 3. variar. resolut. c. 8. nu. 3.* vbi tradit, quod venditor ratione pacti de retrouendo possit agere contra tertium possessorem, etiam si is non sit emtoris heres.

ASSER.

ASSERTIO LXX.

Venditor latus ultra dimidiam iusti pretij, actione ex vendito rescindit venditionem, daturq; hoc beneficium l. 2. C. de resc. vend. etiam emtori, contra C V I A T I V M.

SI venditor ultra dimidium iusti pretij in venditione latus sit, competet ei remedium. l. 2. C. de rescind. vend. quo consequitur, ut rescindatur venditio, vel ut ab emtore id quod iusto pretio deest, suppleatur. Sed quaeritur, an hoc petat venditor actione ex vendito, an verò officio iudicis, petita restitutione in integrum. Vtrum dicatur multum interest, cum actio in personam ex vendito duret annis 30. l. 2. C. de const. pec. sed restitutio in integrum intra quadriennium solum competat. l. ult. C. de temp. in int. restit. Et verior est sententia non competere hic restitutionem in integrum ad rescindendam venditionem, sed esse civilem actionem ex vendito, eoque perpetuam. Quod non habeat hoc casu locum restitutio in integrum, hoc argumento comprobatur. Majores 25. annis, qui neque dolo circumuenti, neque metu coacti sunt, ut venderent, non restituuntur in integrum, nisi ex ea edicti parte, quae est de iis causis, ex quibus causis majores restituuntur. Atqui ex eo edicto nemo restituitur, qui latus est suo facto, sed qui solum absentia necessaria vel probabili latus est. l. sed etsi 25. l. nec non. 28. ff. Ex qui. cau. mayo. Itaq; venditor in hoc casu in integrum restitui non potest, cum neque dolo sit circumuentus, neque vi metue coactus, sed si latus est, non aduersarii sed suo facto latus est, nullaque absentia necessaria vel probabili. Quod autem competat actio ex vendito ad hanc rescissionem comprobandam, hoc argumento comprobatur. Quod ea quae sunt mortis & consuetudinis, venditor emtori, aut emtor venditori praestare debet, eaque veniunt in actionem ex vendito & emto. l. quod si nolit, §. quia assidua. ff. de adlit. edict. Ideoque multo magis quae certo jure sunt praestanda, qualis est haec rescissio immoderate lationis in pretio venditionis, praestanda sunt actione ex vendito. Dissentit Cujatius, qui statuit, si venditor latus sit ultra dimidium iusti pretij, tunc hanc venditionem rescindi officio iudicis, idque argumento. l. in contract. C. Ex qui. cau. mayo. in int. rest. ubi dicitur, quod maioribus latis in contractibus, bonae fidei officio iudicis causa cognita succurritur. Itaq; haec rescissio venditionis propter lationem ultra dimidiam iusti pretij petenda est iuxta quadriennium, quae modum omnes restitutiones quae conceduntur maioribus propter lationem in contractibus, peti debent officio praetoris intra quadriennium.

nium. per l. vlt. C. de temp. in int. restit. l. qu. d. si minor 24. §. vlt. ff. de minor. Itacuridè tradit Cujatius subtilissimus lucis interpretes in tract. de divers. temp. prescript. cap. 23. vbi refert ita in foro servari.

Obijcitur huic decisioni primò, quod actio ex vendito hic competere non potest, quia de ea rescissione in contrahenda emtione nihil convenit. Deinde absurdum est actionem ex vendito dari ad rescindendam venditionem, quæ comparata est ad confirmandam venditionem. Resp. Aliquando actio ex vendito competit etiam ad rescindendam venditionem. Quod fit primò, si fundus nominatim hæc lege venditus est, vt sub aliqua conditione fiat inemtus, l. sed Celsus 6. §. 1. ff. de contr. empt. Secundò datur actio ex vendito ad rescissionem venditionis, quando ex iure certo licet venditori rescindere venditionem, licet nihil de hoc nominatim convenit, vt fit in hoc casu, cum venditor ultra dimidium iusti pretii est circumscriptus. Quod probatur exemplo redhibitionis. Si enim venditum sit animal morbosum, permittitur emptori animal redhibere, & emtionem rescindere redhibita re vitiosa venditori, & pretio emptori restituto l. facta 60. ff. de edil. edict. petiturque hæc rescissio actione ex empto. l. ex emto. §. redhibitionem. ff. de act. empt.

Secundo in contrarium adducitur exemplum venditionis per metum contractæ. Si enim quis metu coactus rem suam vendidit, non competit ei actio ex vendito ad rescindendam venditionem, sed extraordinarium auxilium restitutionis in integrum, per actionem quod metus causa, quæ tantum intra annum competit l. 4. C. de his quæ vi metusve caus. Itaque non est perpetuum, vbi quid venditori ab emptore restituendum est, competere in eam rem actionem ex vendito. Resp. Tum demum competit actio ex vendito ad rescindendam venditionem, quando emptor aliquid accepit ex causa emtionis, quod restituere debet, vt sit in proposito casu. At non idem accidit in venditione per metum contracta, nam hæc iure irrita habetur l. 1. ff. Quod met. caus. Non potest autem actio ex vendito competere, vbi venditio non constitit, si modo eam venditor stare nolit.

Posteriori sententia, quod remedium l. 2. C. de rescind. vend. competit etiam emptori, quando duplo plus emit rem, quam valet, est ab omnibus interpretibus recepta, teste Donello ad l. 2. num. 17. C. de rescind. vend. P. nel. ad d. l. 2. part. 1. cap. 2. num. 1. Eaque probatur hoc certissimo argumento. Quodcumque in viro correlatiuorum statutum est, statui quoque debet in altero, quando vna & eadem est ratio in vtroque correlatiuorum l. vlt. C. de ind. vid. II Atqui hic eadem est ratio emptoris & venditoris, vt scilicet in contractu venditionis inter vtrumque seruetur æqualitas, & immoderata circumscriptio ab hoc contractu remoueatur. Ideoq; & beneficium l. 2. compete emptori, si duplo plus quam res valet, eam emit. Ab hac communi & recepta

& recepta sententia discessit solus *Cujacium lib. obs. 16. c. 18. & lib. 23. obs. c. 32.* qui asserit hoc beneficium *l. 2. C. de resc. vend.* non competere emtori; Quam suam novam opinionem comprobat hoc argumento quod diversa sit ratio venditoris & emtoris. Nam venditor plerumque necessitate rei familiaris impulsus, compellitur res suas vendere pretio minori: *l. non idcirco 12. C. de resc. vend. l. si quos 16. C. eod. in verb.* si quos necessitas publicæ rationis adstringat proprias distrahere facultates. *l. 1. C. de prad. decur. sine decr. non alien.* emtor verò ut plurimum ultro accedit ad emtionem, idque sui lucri gratia, & sæpè fraudandi venditoris causa. Deinde emtor plerumque emit pretio immenso & immodico, commotus affectione oportunitatis, vel vicinitatis, vel quod in eo prædium educatus sit, vel quod prædium majorum suorum fuit. *l. 1. §. sed si rem 10. ff. Si quis in fraud. patro. l. si emtionem 35. ff. de minor. 25. annus.* Resp. Hoc non est perpetuum, ut venditor necessitatis causa res suas vendat, sed facit hoc plerumque propter utilitatem, & lucri sin gratia. Præterea emtor sæpè emit sibi vulgæ & necessaria bona fide, non animo injustè lucrandi, neque fraudandi. Ideoque sicut humanum est sub venire venditori ultra dimidiam iusti pretii decepto, ita quoque emtori subueniendum est. Ita communis DD. sententiâ receptum esse tradit *Fachin. lib. 2. c. nr. c. 10.*

ASSERTIO LXXI.

Casus fortuitus in re locatâ contingens, pertinet ad locatorem, non ad conductorem.

CONFIRMATUR hæc decisio primò hac generali regula, quod casus fortuiti, qui nullo humano consilio prævideri possunt, nullo bonæ fidei iudicio præstantur, quæ tradita extat in *l. que fortuitus. C. de pig. act. l. 1. C. de positis l. contractus ff. de R. l.* Deinde specialiter hæc decisio in contractu locationis multis legibus comprobatur, quod videlicet vis major, quam Græci *ἄνιστο* appellant, non debet conductori esse d. annota, *l. si merus 25. §. vnum a jor ff. locat.* Hinc Senius respondit: omnem vim cui resisti non potest, dominum colono præstare debere, *l. ex conducto 15. §. 1. ff. eo.* Ideoque si cæli vel tempest. us vitio, solis feruore non adfucto, hostium incurfibus, incendiis repentinis vel terræmotu, aliòque simili casu fatali, insignis quedam calamitas vel sterilitas fructuum contigerit, remissio mercedis à locatore seu domino prædii colono fieri debet. *l. ex conducto §. Papinianus ff. locat. l. licet. 8. & l. excepto. 18. C. eodem.*

Sed refragatur huic assertioni *l. 1. C. de locat. & cond.* ubi traditur quod

dominus vel locator horreorum non tenetur conductori præstare effracturam latronum, si quid ab iis ex rebus depositis in horreis expilatum vel subreptum est. Resp. Locator horreorum non tenetur effractis vel compilatis horreis præstare damnum, nisi nominatim custodiam repromisit, quo casu damnum effracturæ præstare debet, quia diligentissima custodia damnum effracturæ præcauere potuit. *l. dominus 55. ff. locat.* Furtum & effractura non sunt casus fortuiti, sed subinde culpæ leuissimæ adnumeratur, quia negligentia custodientis committuntur, *l. cum duobus §. damna ff. pro socio. l. cum qui 14. §. idem scribit. ff. de furt.* Ideoque damnum furto illatum locatori imputabitur, ad quem spectat custodia. *Sichard, ad d. l. i. num. 4. C. loc.*

Secundò repugnat huic enunciatio *l. damnum 12. C. loca.* vbi statuitur, quod damnum illatum per aggressuram latronum in rebus propriis conductoris, pertinet ad conductorem, non ad locatorem. Resp. sub distinctione. Aut damnum contingit casu fortuito, vel vi majori in ipsa re locatæ vel fructibus rei locatæ, puta si fructus incursu hostili auferantur, hoc damnum pertinet ad locatorem, & non ad colonum seu conductorem, cum ei propter tale damnum remittatur pensio locationis. *l. ex conducto 15. §. si vi tempestatis ff. locat.* Aut damnum datur in rebus propriis coloni existentibus in re locatæ, seu possessionibus locatis, & tale damnum pertinet ad ipsum colonum, neque hoc nomine tenetur locator *d. l. domum.* vbi ita decidunt *Bart. Bald. & Salycet.*

ASSERTIO LXXII.

Contractus locationis & conductionis, transit ad hæredes tam locatoris, quam conductoris.

CONTRACTVS locationis, siue perpetuus sit, siue temporarius, transit etiam ad hæredes conductoris, conductore intra tempora conductionis mortuo. *l. viam veritatis 10. C. locat. l. si in lege 24. §. ult. ff. eodem. §. ult. Inst. de loca. & cond.* Exempli gratiâ, si locator locauit colonum fundum in quinquennium, & conductor decedat intra quinquennium, transit obligatio conductionis ad hæredem conductoris, usque ad tempus conductionis expletum.

Sed obiicitur *l. 4. ff. locat.* vbi traditur, quod si locator locauit fundum, quoad vellet, mortem ejus qui locauit, finiatur locatio. Ergò non transit locatio ad hæredes. Resp. Idèò hoc in casu locatio morte locatoris finitur, quia facta est quòd vellet locator, atqui voluntas hominis, vitæ suæ finibus, id est, morte terminatur.

Secundò

Secundò grauitèr obstat *l. si domina 10. C. de vsufructu*. vbi morte ejus, qui conduxit vsumfructum, extinguitur conductio vsusfructus, nec transit ad hæredes conductoris, licet mortuus sit conductor intra tempora conductionis. Resp. Aliud obtinet in conductione vsusfructus, quam proprietatis. Conductio proprietatis transit ad hæredes conductoris, non verò conductione vsusfructus. Ratio diuersitatis est, quia conductione vsusfructus censetur facta secundum naturam quam habet vsusfructus, prout est seruitus personalis. Sicut enim vsusfructus finitur morte vsufructuarii, ita & locatione vsusfructus facta, finitur morte conductoris vsusfructus conductus, licet non sit propriè vsusfructus constitutus in persona cōductoris, sed commoditas quædam vtendi fruendi, quæ ita finitur morte conductoris, sicut vsusfructus morte fructuarii extinguitur. Ita declarat *Castren. d. l. si domina*, quæ difficilis est, in qua Hotomannus emendat tex. & pro iis verbis, *et qua locauit*, legendum vult, *ei qua successit*, per *l. si socius 18. C. de jur. dot.*

ASSERTIO LXXIII.

Conductor si vnus anni pensionem non soluit, potest expelli ex domo conductâ.

SIMPLEX conductor, qui nudam habet rei detentionem *l. 2. C. de præscript. 30. anno*. ob non solutam etiam vnus anni pensionem statim expelli potest. Comprobatur hæc decisio apertè per *l. 3. C. locat.* vbi dicitur conductorem durante locatione expelli non posse adæ conductâ, si domino pensionem in solidum soluit. Ergò sumto argumento à contrario sensu, si pensionem etiam vnus anni non soluit expelli potest. Sermo enim simpliciter prolatus de primo actu intelligitur, id est, vnico actu perficitur, consumitur atque finitur *l. bonus 89. §. hoc sermone. ff. de V.S.* Quæ conclusio adæ vera est, vt etiam si pactum in contractu locationis adjectum sit de conductore non expellendo, tamen nihilominus expelli possit, si non satisfaciat pensioni, quia semper hæc conditio in pacto hoc adjecto locationi tacitè subintelligitur, si pensioni conductor debito tempore paruerit. *l. quæro 54. §. inter locatorem. ff. locat.*

Sed huic decisioni aduersatur *l. quæro 54. §. 1. ff. locat.* vbi traditur, tum deum conductorem licitè expelli posse de fundo conducto, si biennio continuo non soluerit pensionem. Resp. Quod ibi dicitur de biennio continuo, non ad legis decisionem, sed ad facti narrationem pertinet hoc est

hoc est quod non oporteat conductorem biennio cessasse in solutione mercedis, priusquam de iure possit expelli, sed quod hoc ita de facto euenerat, quod conductor integro biennio cessauerat soluere mercedem locationis *Caraf. ad l. 2. num. 1. & 2. C. de jur. emph.* licet vulgò DD. aliter eam legem accipiant.

Secundò opponitur *l. cum domini 56. ff. locat.* ubi statuitur quod si biennii spacio non satisfaciat conductor pensionibus, tunc potest dominus pro securitate pensionis aperire domum conduct. m. & per Notarios describere inuesti & illata quæ ibi reperiuntur. Resp. Istic non fit post biennium expulsio, sed bona absentis & per biennium non apparentis conductoris per Notarium describuntur, quod non tam citò nec temerè fieri debet, cum detegere res alienas, & secreta patrimonii alterius pandere durum & odiosum sit *l. 2. vers. qui enim tam durum est C. Quand. & quibus quarta pars debeatur. lib. 10. l. 2. C. de alim. pupl. prastand.*

ASSERTIO LXXIV.

Fructuum perceptorum periculum ad colonum pertinet.

VERISSIMA est Bartoli decisio tradita in *l. ex conducto. 15. §. 1. ff. locat.* periculum perceptorum fructuum ad colonum, non verò ad dominum pertinere. Ratio est, quia per perceptionem & separationem fructuum à solo factam colonus fructuum dominus est effectus. *§. in verò ad quem instat. de rer. diuis. l. si apes 26. §. 1. l. si seruus 61 §. locati. ff. de furt.* Equum autem est, ut vnusquisque rei suæ propriæ danum & periculum agnoscat. *l. damnum. 12. C. locat. l. pignus 8. C. de pig. act.* ubi tradiunt, pro regulâ quod quælibet res pereat suo domino.

Sed huic decisioni aduersatur *d. l. ex conducto §. 1. ff. locat.* ubi hæc habentur verba. Si qua tamen vitia ex re ipsa oriantur, hæc damno coloni esse: veluti si vinum coacuerit, sed & si labes facta sit, omnemque fructum tulerit, damnum coloni non esse. Resp. Illo loco vinum adhuc pendens & vitibus coharens significatur, id est vua aut vindemia pendens, quæ adeò dura & cruda est, ut non possit ad maturitatem petuenire. Itaque non significatur ibi vinum, quod jam à colono collectum est, & ex vuis expressum. Hoc enim vinum jam à colono factum & perceptum, si casu aliquo fortuito, puta incurfu hostium ablatum, consumptum aut etiam corruptum sit, non suo vitio, coloni danum & periculum est, adeò ut nec ob eam causam deductiorem ullam mercedis à domino impetrare possit. Ita rectè tradunt *Chiar. lib. obf. 26. c. 32. Cail. lib. 2. pract. obseru. c. 23. nu. 13. Gossal. ad l. si merces §. vis maior. ff. locat.*

ASSERTIO

ASSERTIO LXXV.

*Repressalia ritè rectèque concessa, omni jure sunt
permissa.*

REPRESSALIAE siue pignorationes in jure vocantur, quando pro alterius debito, alius ejusdem regionis vel ciuitatis subdatus conuenitur: vel quando bona pro alterius debito capiuntur, & detinentur, vt ex iis pro alieno debito satisfiat. Exempligratia: si Hispanus diripuerit alicujus Belgæ mercatoris merces, poterit spoliatus quem primum offenderit Hispanum pari jure diripere, seu bona ejus de facto occupare & detinere, si hoc à summo magistratu loci sui impetrauerit. Vocantur & repressaliæ in praxi jus Marquæ, vel *lettres des Marques*, quia in limitibus potissimum exercentur repressaliæ. *Cnjat. ad l. vnic. C. vt nul. vi can. pro alien. vican. debit. teneatur.* Veteres Romani historici vocabant hoc jus repressaliarum siue pignorationum clarigationes. *Gail. in tractat. de pignorat. cap. 2. nu. vlt. c. vnic. de injur. in 6. Lanius lib. 8. histlor.* Repressalia est barbara vox Latine pignoratio dicitur, & est jus alium, vel alius bona pro alterius damno vel debito capiendi, & detinendi. Quod hæ repressaliæ jure licitæ & permissæ sint, probatur auctoritate juris ciuilibus & Canonici. Et quidem jure Canonico permittuntur ex sententiâ Augustini relata in *c. dominus 23. quas. 2.* vbi statuitur quod iusta bella solent definiri, quæ vlciscuntur injurias, si gens vel ciuitas plectenda est, quæ vindicare neglexerit, quod à suis improbè factum est. Si ergo bella contra eam gentem geri possunt, quæ iustitiam facere negligit, consequenter subditi illius domini, qui iustitiam facere neglexit, capit & bona eorum auferri possunt. Secundò jure ciuili non esse prohibitas repressalias ex eo manifestè liquet, quia ex speciali priuilegio constitutum est, vt studiosi & clerici à repressaliis sint exempti. *c. 1. de injur. in 6. Auth. habita. C. ne fil. pro patre.* Cum ergo hæ personæ tanquam priuilegiatæ exceptæ sint, ne patiantur repressalias, sequitur in contrarium iure communi in omnibus aliis personis licitas esse repressalias, quia exceptio probat regulam in contrarium procedere in casibus non exceptis. *l. 1. & ibi Dec. ff. de R. I.*

Opponuntur primò huic sententiæ generales juris regulæ, quod nemo debet alterius odio pragrari, neque alteri per alterum iniqua conditio inferri, *l. non debet. 74. ff. de R. I. c. non debet. 24. ex. de R. I. in 6.* Præterea quod pœna non debet egredi suum auctorem, & quod innocens non debet liere pœnam nocentis. Anima enim quæ peccauit, morietur. *Eccl. 18. vers. 4.* & vnusquisque pro suo peccato moti debet. *Deuter. 24. vers. 16.* Vnde

O

& repressalia

& repressalia dicuntur ex praua consuetudine introductæ. Resp. Hæ pignorationes sunt licite eodem modo quo bellum ex iusta causa indicitur, & geritur. Rectè enim *Bart. in tract. de repress.* concludit repressalias esse bellum quoddam priuatum, quod gerit creditor cum omnibus ciuibus sui debitoris. Itaque sicut contra eam gentem, quæ iustitiam facere recusat; bella licitè geri possunt, ita & repressalia contra eundem populum, qui debitum reddere negligit, concedi possunt, ne pereat iustitia. Porro duobus demum causis concurrentibus repressaliz de iure decerni possunt. Primò debet interuenire auctoritas summi Principis, nec enim potest priuatus sibi sua auctoritate jus dicere. *l. extat. ff. Quod iur. caus.* Secundò tunc demum impetrari possunt repressaliz, si superior magistratus offendentis iustitiam facere recusat. Nam propter delictum magistratus iustitiam facere recusantis sicut bellum, ita & repressaliz indici possunt contra omnes ejus subditos. *Auth. si verò dominus, C. de heret. fac. l. si alius. 7. §. bellissime ff. quod vi aut clam*, ubi dicitur, si quis iudicis copiam habere non potuit, potest in suo vi aut clam ædificatum propria auctoritate destruere.

Secundò aduersatur *Novell. 52. Ut non si. pignorat. & Nouel. 134. de vicar. & locum tenen. §. cum verò. & Auth. omnino. C. Ne vxor pro marit. l. unica. C. ut nul. ex vican. pro alt. vic. deb. conue. lib. 11.* In quibus locis statuitur, quod qui repressalias contra aliquem exercet, in quadruplum passo reddere teneatur, præterea abactione, qui talia attentare præsumserit, cadat. Resp. Iltis in locis tantum repressaliz prohibentur, quæ sine iusta causa à legibus concessa, & debito modo non sunt intentatæ. Ita enim expresse disponitur in *Novell. 52.* ut absque legitima causa nemo ex pignorationibus pro alieno debeat contumeliam aut damnum sustineat. Porro ut licitè exerceantur repressaliz, tria debent interuenire, primò quod adsit iusta causa, puta quod adsit iusta causa, veluti quod damnum spoliato vel injuria sit illata. *Mench. de arbit. jud. qu. cent. 6. quest. 527. num. 9.* Secundò requiritur quod dominus vel princeps loci, in quo illata fuit injuria, vel damnum datum, requisitus fuerit à spoliato ipso, vel damnum & injuriam passo, ut resarciat sibi damnum & injuriam illatam, itque neglexerit facere iustitiam. *Bart. in tract. de repress. qu. 1. num. 4.* Tercio exigitur ut repressaliz concedantur adhibito consensu & auctoritate principis ejus loci, cui damnum passus subiectus est. Non enim poterit damnum passus sua auctoritate repressalias exercere, neque permissum est priuato creditori, sua sponte has pignorationes facere, §. 1. *Novel. ut non si. pignorat.* Plura qui de repressaliis cognoscere cupit, consulat *Bart. in tract. de repress. Bald. ad Auth. omnino. C. Ne vxor pro marit. Menoch. d. lece. Gail. in tract. de pignorat. c. 1. 2. & 3. Cujac. ad tit. C. Ut nul. ex vica. pro alt. vic. deb. conuen.* *Lacium de Canibus in tractat. de repressal. Petrus Gregorij libro 38. syn. regm.*

syntagm. luv. c. 3. & 11. Afflictum in commentar. ad consil. Neapolit. rubr. 8. de cultu pacis. Guidonem Papæ in decis. Gravianopolit. quæst. 32.

'ASSERTIO LXXVI.

Bona minorum non censentur tacitè hypothecata pro pensione domus.

SICUT bona minoris 25. annorum alienari non possunt absque decreto Prætoris, & causæ cognitione, l. *lex quæ tutores* 22. C. de admi. tutor. l. *magis puto* §. 1. ff. de rebus eorum qui sub tut. ita & pignori obligari non possunt, nam & hæc alienationis species est, l. *magis puto*, §. *si pupillus* l. *si pupillorum*. §. 1. l. *penult.* §. *quanquam*. ff. de reb. eor. qui sub tut. d. l. *lex quæ tutores*. in verbis *vel pignorarè*. Hinc quaeritur, an bona minoris sint tacitè obligata pro pensione domus conductæ. Et verior est sententia, bona minoris non censeri tacitè obligata pro pensione domus. Ita statuunt *Gloss. & Bart. in l. 4. ff. de pac.* Quod eâ ratione confirmatur, quia sicut expressè bona minoris non possunt obligari sine decreto Prætoris, ita nec tacitè obligari possunt. d. l. *lex quæ tuto es*. d. l. *magis puto. vers. non passim*. Similiter inito contractu dotis bona hinc inde sunt tacitè obligata, l. 1. §. 1. C. de rei vxor. ad. Sed bona minoris promittentis vel recipientis dotem non possunt tacitè obligari sine decreto judicis, l. *Titia* 62. ff. de jur. dot. l. *unic.* C. si aduers. dot. Unde pari ratione dicendum est in hoc casu tacitam hypothecam non induci in bonis minoris inuectis & illatis in prædium conductum vel domum conductam.

In contrarium adfertur, quod cessante ratione legis, cessat & ipsa lex, atque ut bona minoris sine decreto Prætoris obligari non possunt, eâ ratione statutum est, quod ignari imperitique reum faciliè decipi possunt. At hæc ratio cessat in hoc casu, quandoquidem minor prædium vel domum conducent non decipitur, cum faciat id quod diligens paterfam. faceret. Resp. Licet minor xxv annis possit domum conducere, attamen ex conductione facile decipi potuit, si vel carius conducat, quam diligens paterfamilias conduxisset, vel si fortè conduxit nimis amplam domum, & suæ tenuitati non convenientem.

Secundò refragatur huic sententiæ l. 1. in fin. & l. 2. ff. de reb. eor. qui sub tut. quibus probari videtur tacita hypotheca in bonis minoris sine decreto magistratus, etsi expressa prohibita sit. Resp. Illa l. loquitur, quando minor emit bona à filco, & in obligatione expressa, quod scilicet possit minor pro pretio obligare filco rem ab eo emtam, ideoque minoris bona obligantur

fisco, fauore fisci. Cujus sententiæ ratio est, quod lex inducit tacitam obligationem bonorum, ejus qui cum fisco contrahit. *l. 2. C. In quib. caus. pig. sac. cont.* Sed in casu nostro non est cautum bona minoris tacitè obligari pro pensione domus conductæ.

Teritiò aduersatur, quod *d. l. lex quæ tutores. C. de administr. tut. Rom.* ex duobus illis titulis *ff. de rebus cor. quæ sub. tut. & C. de pred. minor. sine decr. non alien.* loquuntur in voluntaria obligatione, vt in illâ requiratur iudicis decretum, at diuersum obtinet in legali obligatione, & hypothecâ necessaria, quæ sine solennitatibus judicialibus expediri potest. Huc facit, quod consuetudo regionis, quæ circa bona versatur, obligat tam minores quam majores. *l. sine herede. 32. §. Lucius. ff. de administr. tut.* Resp. Ex quo legibus sancitum est, bona minoris non obligari sine decreto iudicis, licet deinde certis in casibus cautum sit, simpliciter bona censi hypothecata, non tamen intelligitur, quod etiam bona minoris sine decreto censeantur oppignorata. Nam lex generaliter loquens non derogat his, quæ specialiter certæ personæ ratione constituta sunt. *Gloss. in Auth. de hered. ab intest. in verb. vacantibus.* Hanc sententiam, quod bona minorum non censeantur tacitè obligata pro pensione domus, sine decreto Prætoris, & causæ cognitione, approbant *Accurs. & Bart. ad l. 4. ff. de pact.* & eruditè defendit *Menocho. remed. 3. adp. poss. q. 9. n. 82.*

ASSERTIO LXXVII.

Pactum legis commissoriæ in pignoribus est reprobaturum.

PACTVM legis commissoriæ in pignoribus à legibus repudiatur, scilicet vt debitore ad diem præstitutum non solvente, pignus maneat creditoris pro debito. Probatur hæc conclusio in *l. ult. C. de pact. pign.* Cujus decisionis hæc est ratio, quia debitor inopia pecuniæ pressus, tam dura & inhumana pacta faciliè contra se admittit, vt scilicet, si ad certum tempus debitum non soluat, pignus cedat creditori in solutum pro debito, quod pactum quia inhumanum & iniquum est, meritò non est seruandum.

Sed aduersatur *l. ult. ff. de cont. empt.* vbi valet pactum legis commissoriæ in pignore interpositum. Resp. Valet hoc pactum si inter debitorem & fideiussorem, qui pro eo fidem suam astrinxit, interponatur, inter debitorem vero & creditorem tale pactum jure reprobatur.

Secundo repugnat *l. 1. C. de pact. pign. & l. si fundus 16. §. ult. ff. de pign.* vbi pactum valet initium inter debitorem & creditorem, vt nisi ad conuentum tempus debitor soluat debitum creditori, tunc cedat illi res oppignorata pro

pro debito. Resp. Eatenus demum valet ista pactio, vt res pro debito oppignorata cedat creditori, iusta scilicet pretio aestimata, quo casu conditionalis quædam pignoris venditio contrahitur inter debitorem & creditorem. Res enim tunc aestimatur à iudice, aut alio viro bono, neque debitor aut creditor læditur. Ita distinguit *Menoch. remed. 5. adip. poss. q. 8. Molin. de vsur. quest. 52. nu. 357.* Vide latius & exactius de hac disputatione *Bart. & Costal. ad l. Titius ff. de pig. act. Pactum ad l. 4. C. de pig. act.*

Tertiò opponitur *L. vlt. C. de dist. pig.* vbistatuitur valere pactum inter creditorem, & debitorem initum, vt si ex venditione pignoris plus percipiat creditor quam ei debebatur, hoc cedat lucro creditoris, quod videtur sapere naturam pacti legis commissoriæ, eo quod pignus acquiritur creditori pro debito, licet pignus valeat pluris quam debitum. Resp. Iusta est conuentio, si conuenerit, vt quod ex pignoris venditione redegerit creditor, id omne sibi proprium habeat propter incertum euentum conditionis, sicut è contrario, si vel minimum redegerit, ex venditione pignoris, eo contentus esse cogitur creditor in crediti vicem *L. à Dino Pio. 15. §. 3. ff. de re iud.* At non ita pactum legis commissoriæ in pignoribus admittitur *tot. tit. C. de pact. pign. & de lege commiss. in pignor. rescind.* Ita notat *Cuiat. ad tit. C. de pact. pignor. in paratit.*

ASSERTIO LXXVIII.

Creditori non licet propriâ auctoritate auferre pignus.

REGLA in jure prodita extat, quod creditor rem debitoris seu pignus ex proprio arbitrio auferre non potest, ob debiti causam, quæ proponitur in *l. penult. C. de pig. act.* Licet itaque res debitoris creditoris sint pignoratæ, tamen non potest creditor eas propria auctoritate inuadere & auferre, sed tenetur vi bonorum raptorum, in quadruplum si res sint mobiles *l. 3. C. Vi bonorum raptorum.* Ratio est quia creditor non debet sibi jus dicere, sed iudicis auxilium implorare *l. negantes. C. de obl. & act. l. penult. C. de conuen. sis. debito.* Adduntur in *d. l. penult. C. de pig. act.* duæ exceptiones. Prima est, nisi pacto aliud inter debitorem & creditorem conuenit, quia licet ita pacisci, vt aliquis sua auctoritate possessionem rei nanciscatur *l. penult. ff. de seru. export.* Altera exceptio est, nisi iustus prædixit seu auctoritas magistratus interueniat, vt quia nullus est creditor in possessionem rei seruandæ causa, ita vt constituatur ei pignus prætorium.

Sed opponitur *l. 3. C. de pigno.* ex qua colligitur, non esse has duas, sed

vnā exceptionem; nam etsi creditor pactus sit, vt liceat sibi propriā auctoritate in possessionem rei pignoratā ingredi, tamen iudicem adire debet, & ejus auctoritate possessionem ingredi. Resp. Verbum debet significare ibi honestatem quandam, non autem necessitatem juris, vt sensus legis sit quod creditor possit quidem ex pacto sine iudice possessionem rei obligatā ingredi, rectius tamen faciat, si adhibeat auctoritatem iudicis. *Pacius ad l. penult. C. de pign. act. Gl. in d. l. 3. C. de pign.* vbi exponit verbum debent, pro possunt per *l. obseruare 4. §. ult. ff. de off. procons.* vt sit sensus, creditores ex pacto possessionem quidem propria auctoritate ingredi possessionem pignoris, sed tamen ex honestate & veritate adhibere debent auctoritatem praesidis, possunt tamen & suo jure id facere, si velint. per tex. sing. & notab. in *l. si pupillorum. 7. §. 1. in verb. tutius. ff. de reb. eor. qui sub. tute.*

Secundò obiicitur *l. penult. ff. In quib. can. pig. tac. contr. & l. vique 34. ff. de damno infect.* vbi dicitur, quod absque vilo pacto & iudicis auctoritate, dominus adium locatarum potest praeccludere, & retinere res inquilini. Vnde videntur inanes esse exceptiones hic traditae, & falsa esse praedicta regula. Resp. Distingendum est inter ablationem & retentionem hypothecae. Creditor enim non potest res pignoratās auferre, sed retinere eas potest, donec sibi satisfiat de debito. Nec mirum, quod retentio facilius admittatur, quam ablatio: nam etiam facilius admittitur retentio pignoris, quam actio hypothecaria. *l. 1. ff. de pigno. l. vnc. C. Etiam ob chirograph. pecun. Pacius ad d. l. penult.*

ASSERTIO LXXIX.

*In pignore pratorio non attenditur prioritas temporis,
sed bene in judiciali pignore.*

IN pignore pratorio non obseruatur priuilegium temporis, inter eos creditores, qui ejusdem conditionis sunt & tituli. permittitur enim illa missio in rem, non in personam. Itaque in pignore pratorio non is praefertur, qui prius missus est in possessionem, sed missio illa proficit omnibus creditoribus, videturque missus non sibi, sed omnibus creditoribus possidere. *l. cum vnu. 12. ff. de reb. auct. jud. poss. l. i. cui. §. si plures ff. Vt in poss. legat.* Contr. in judiciali pignore, quod exequenda rei iudicatae causa captum est, sicut in conuentionali pignore, priuilegium & ordo temporis spectatur. Itaque in pignore judiciali is potior est, ejus nomine prius captum est pignus, ex causa iudicati. *l. si & jure 10. ff. Qui pos. in pig.* In hoc pignore judiciali ordo temporis attenditur, quia hoc pignoris genus constituitur in personam, illud autem

autem prætorium pignus in rem constituitur, & generaliter omnium creditorum causa, ideoque in eo non est prælationi locus.

Sed obiicitur huic decisioni *l. 4. C. Qui pot. in pig.* vbi statuitur, quod Respub. missa in possessionem bonorum sui debitoris, præferatur iure pignoris aliis creditoribus. Resp. Ideò Respublica Heliopontanorum missa in possessionem seruandi iudicati causa, præferatur chirographario creditori, quia & Respub. non missa hoc priuilegium habet, ut omnibus chirographariis creditoribus præferatur. *l. penult. ff. de reb. auct. jud. poss.* Itaque non est Respublica ejusdem conditionis, cujus ceteri creditores, & missio in possessionem prodest tantum iis creditoribus, qui sunt ejusdem conditionis & tituli.

Secundò aduersatur *l. 2. C. Qui pot. in pig.* vbi fideicommissarii prius missi in possessionem fideicommissi seruandi causa, præferuntur illis, qui iudicati seruandi causa posterius in eadem bona missi sunt, & sic in pignore prætorio obseruatur etiam ordo temporis. Resp. in *d. l. 2.* missi in possessionem, fideicommissarius puta & creditor non sunt ejusdem conditionis. Atqui in pignore prætorio omnium creditorum eadem est potestas, siue prius siue posterius missi sint, quando creditorem omnium eadem est conditio. Ita eleganter explicat *Cujac. lib. obs. 5. c. 30. & lib. 9. c. 37.* Dissentit perperam *Cassal. in d. l. 1. ff. & iure. ff. Qui pot. in pig.*

ASSERTIO LXXX.

*Illata & inuecta à secundo conductore in ædes conductas,
primo locatori tacitè obligata censentur tantum pro
eâ summa qua ipse conduxit: & secundus condu-
ctor primo locatori soluendo liberatur.*

VTRAQUE hujus decisionis pars probatur expresso textu in *l. solutum* *11. § solutum ff. de pig. act.* vbi traditur, quod bona illata & inuecta à secundo conductore in ædes conductas, primo locatori tacitè pignori obligata censentur pro eâ tamen parte tantum, quam secundus conductor conduxit. Adjiciturque in *eodem §. vers. vnde ff.* quod si secundus conductor primo locatori soluerit, quod hæc solutio illi proficiat ad liberationem.

Sed contra priorem partem thesisi opponitur hoc argumentum. Hypotheca non potest esse sine principali obligatione *l. 5. ff. de pig. l. fidejussor 16. in princ. ff. de fidejuss.* Sed secundus conductor non est personaliter obligatus primo locatori, quia cum eo non contraxit: ergo nec bona ejus sunt ei pignori obligata. Resp. Licet secundus conductor non sit obligatus primo locatori persona-

personaliter, tamen primus conductor ei obligatus est, & bona istius secundi conductoris sunt tacite obligata pro debito primi conductoris. At verò cum omnia bona primi conductoris sint tacite obligata primo locatori, ista tacita obligatio extendenda se etiam ad nomen secundi conductoris. Itaque bona secundi conductoris in ædes conductas illata, pro parte quam secundus conduxit, sunt obligata primo locatori.

Secundò aduertitur *l. Pomponius 5. ff. In quib. cau. pig. tac. contr.* vbi dicitur, quod bona illata & inuecta ab eo, qui ædes conductas à primo conductore accepit, non sunt obligata primo locatori. Resp. Ibi domus non fuit alteri inquilino locata, sed fuit secundo habitanti gratis concessa, ideòque bona ejus non censentur tacite oppignorata primo locatori pro mercede domus, cum nullam mercedem debeat.

Tertiò obiicitur *l. si in lege 24 §. si colonus. ff. locat.* vbi bona secundi conductoris non censentur domino fundi seu primo locatori tacite obligata. Resp. Sub distinctione. Aut inquilinus conduxit prædium vrbianum, aut colonus conduxit prædium rusticum. Primo casu bona inquilini inuecta & illata in prædium vrbianum tacite domino prædii obligantur *l. 4. ff. de pact. l. 4. ff. In quib. caus. pig. tac. contr.* Ideòque & bona secundi conductoris tacite ei sunt obligata *l. solutum 11. §. solutam ff. de pig. act.* Secundo casu bona coloni illata & inducta in prædium rusticum tacite domino prædii non obligantur, nisi accedat expressa conventio *l. 4. & 7. ff. In quib. cau. pig. tac. contr.* Ergo & bona secundi conductoris inuecta in prædium rusticum non censentur tacite primo locatori seu domino fundi obligata. *d. §. si colonus.*

Secundæ parti thesisi videtur ob stare *l. si opera ff. de except. doli. & l. inuito. C. de solut.* vbi traditur, quod non liberatur debitor, qui soluit creditori creditoris sui. Distinguendum. Aut ille creditor habet bona mea obligata, & tunc rectè ei soluo, possum enim cõgi, vt ei soluam, eò quod nomen meum seu debitum ipsi est obligatum *l. nomen C. Que res pig. obl.* Aut creditor creditoris mei non habet bona mea obligata, & tunc non rectè ei soluo.

ASSERTIO LXXXI.

Etiam ob chirographariam pecuniam pignus retineri potest.

CONSTITUITVR in *l. vnic. C. Etiam ob chirograph. pec.* quod si debitor sub pignore alicui pecuniam debeat, & simul eidem creditori aliam pecuniam debeat sine pignore, solo chirographo tantum promissam, quæ dicitur pecunia chirographaria, quod hoc casu creditor habeat retentionem

tionem pignoris, non solum in eam summam pro qua pignus obligatum est, sed etiam in omne aliud debitum, quod ab eodem debitore sine pignore sibi debetur.

Huic decisioni obstat *l. per retentionem. C. de usuris*. ubi statuitur, quod si debitor fundum in sortem & usuras minores obligauerat, & postea maiores usuras nudo pacto sine pignore promiserat, quod in maiores usuras pignus istud retineri non possit. Resp. Pro ea tantum chirographaria pecunia quae verè & efficaciter debetur, pignus retineri potest, qualis est pecunia mutua. Quod indicant illa verba text. in *d. l. vnic.* nisi pro illa etiam satisfacerint, quam mutuam acceperunt. Diuersum est in usuris pacto tantum promissis, quae quia naturaliter tantum debentur, pro illis pignus pro alio debito acceptum retineri non potest.

Secundo aduersatur huic constitutioni *l. solum. §. si in sortem. ff. de pign. ad.* ubi traditur, si debitor debeat sortem & usuras, & pro vna tantum summa ex iis pignus obligauit, ea summa soluta, pignus in alteram summam non tenetur, sed statim in vna quantitate soluta, pro qua debitor pignus obligauit, competit ei pignoratitia actio ad pignus repetendum. Resp. Quod dicitur, in *d. l. vnic.* pignus pro vna summa acceptum, pro altera summam retineri posse, hoc sic accipiendum est, si altera summa postea sine pignore credita sit. Verum si cum pignus in vnam summam dabatur, utraque summa iam debebatur, ut accidit, cum sort & usurae deberentur, tunc obtinet, quod dicitur in *d. §. si in sortem*, ut pignus in vnam summam acceptum, pro altera retineri non possit. Quod optimizatione introductum est. Qui enim, cum sibi ex pluribus causis diuersae summae deberentur, pro vna tantum summam ex iis cautionem vel pignus accepit, pro altera summam omissem pignus sibi pepigisse non censetur. arg. *l. si cum decem 22. in princ. ff. Solut. matr. l. maritus. 21. C. de procur.* Ita eleganter & solide tradit Donel. *ad d. l. vnic. C.* Etiam ob chirogr. pecu. pignus retin. pos. Aliter respondet Cujac. *lib. obseruat. 15. c. 22. & lib. 19. c. 27.*

ASSERTIO LXXXII.

Generalis hypotheca prioris creditoris praefertur speciali posterioris.

PRO regulâ inter creditores de praelatione pignoris certantes obseruatur, quod qui prior est tempore, seu qui prius pignus & hypothecam accepit, potior sit iure *l. 2. & 4. C. Quod pot. in pig. l. 11. & 12. ff. eo.* ubi generalis regula traditur, quod quoties plures creditores de pignore contendunt,

P

tunc

tunc is potior est jure, qui prævenit tempore, hoc est qui prius credidit pecuniam, & pignus accepit. Quod adeò verum est, vt etiam is qui prius generaliter hypothecam accepit in omnibus bonis debitoris, & alius postea in certis bonis hypothecam accepit specialem, tamen nihilominus is cui primò bona generaliter sunt pignori obligata, præferatur etiam posteriori creditori in bonis specialiter sibi pignori obligatis. tex. sunt expressi in *l. si generaliter* 6. C. *Qui potior in pig.* & *l. qui generaliter*. 2. ff. *eodem*.

Verum cum *d. l. 2. ff. Qui potior in pig.* grauiter pugnat *l. 2. C. de pign. r.* vbi dicitur, quod si primus creditor ex cæteris bonis pecuniam suam seruare potest, secundo creditori bona specialiter pignori obligata non aufert. Resp. Quod dictum est, quod primus creditor qui generalem hypothecam habet, præferatur secundo creditori in rebus specialiter sibi pignori obligatis, hoc est verum, si purè & simpliciter generalis hypotheca est constituta *d. l. 2. ff. Qui potior in pig.* Cæterum si quædam bona sunt specialiter obligata primo creditori, & ei obligationi subiecta est generalis hypotheca, non purè & simpliciter, sed sub conditione, si ex speciali hypotheca creditor indemnitatem consequi non poterit, opus erit distinctione. Nam aut specialis hypotheca non sufficit exoluendo debito, & tunc præfertur primus creditor in generali hypotheca, omnibus posterioribus creditoribus. Aut sufficit specialis hypotheca solutioni debite pecunie, & tunc posteriores creditores respectu earum rerum, quæ sibi sunt obligatæ, non tam sunt potiores quam soli, *l. 2. ff. Qui potior in pig.* & *l. 2. C. de pigno.* Sed etsi primò quædam specialiter, & vniuersa bona generaliter fuerint obligata, nulla adjecta conditione, tamen jurisdictio ita temperanda est, vt si creditor ex specialiter obligatis bonis vniuersum debitum consequi possit, renouetur à petitione earum rerum, quæ aliis postea specialiter sunt obligatæ: *l. 2. C. de pigno.* quia tacitè hoc actum videtur, vt non aliter generali hypotheca vtatur, quam si specialis non sufficiat.

- Secundò obijcitur *l. idemque* 7. §. 1. ff. *Qui potior in pig.* vbi traditur, quod si primo alicui omnia bona generaliter sunt obligata, & deinde alteri creditori specialiter fundus obligetur, quod vterque creditor concurret in pignore fundi obligati. Ergo prior creditor habens generalem hypothecam, non præfertur posteriori creditori habenti specialem hypothecam. Resp. Ibi simul & eodem tempore debitor vni creditori omnia sua bona generaliter obligauit, & alteri creditori specialiter fundum pignori dedit, quo casu pares sunt creditores tanquam tempore concurrentes. Aliud dicendum est, si debitor diuersis temporibus alteri generaliter bona sua obligauit, alteri vero specialiter fundum: tunc enim prior creditor habens generalem hypothecam præfertur posteriori, etiam in fundo specialiter illi obligato *Gl. in d. l. idemque* §. 1. Postremò

Postremo notandum, quod hæc regula, quod creditor prior tempore præferatur in pignore, non procedat, si creditores tempore posteriores habeant speciale aliquod priuilegium, cuius respectu prioribus creditoribus hypothecariis præferuntur. Tales sunt primo, creditores qui in refectionem domus pecuniam crediderunt: hi enim priuilegium habent, ut prioribus creditoribus expressam hypothecam habentibus præferantur, *l. si v. ntri. 24. §. 1. ff. de reb. auct. iud. poss. l. creditor. 25. ff. de reb. cred. l. 1. ff. in quib. caus. pig. tac. contr.* Secundo, pupillus licet tempore posterior, priori creditori expressam hypothecam habenti præferatur, *l. idemque. 7. ff. Qui pot. in pig. l. ult. ff. de iur. & rat. distr. l. 3. ff. de reb. eorum qui sub tute.* Tertio, mulier dotem recuperans, præferatur aliis creditoribus tempore prioribus tam expressam quam tacitam hypothecam habentibus, in bonis mariti, quæ illi tacite pro dote recuperanda sunt obligata, *l. assidue. C. Qui pot. in pig.* Quarto & ultimo, Fiscus licet tempore posterior, præferatur prioribus creditoribus in bonis post fisci obligationem quæsitis. Alias priuatus creditor prior tempore præferatur fisco posteriori in bonis quæsitis ante obligationem fisci, *l. si is qui. 28. ff. Qui pot. in pig. Cuiac. lib. Obs. 10. c. 22. Conna. lib. 4. com. c. 17. num. 7.*

ASSERTIO LXXXIII.

Vsura est accessio sortis seu quantitatis.

Hæc definitio vsuræ confirmatur rescripto Alexandri Imp. videlicet per *l. frumenti. 12. C. de vsur.* vbi statuitur, frumenti vel hordei mutuo dari accessiones ex nudopactio esse præstandas: quo loco per accessionem vsura intelligitur. Porro vsura non significat quamuis accessionem, sed talem accessionem, quæ fit ad sortem seu quantitatem. Sortis seu quantitatis nomine intelligunt IC. non tantum pecuniam numeratam, verum res omnes, quæ mutuum functionem in suo genere recipiunt, & quæ pondere, numero & mensurâ constant, ut sunt vinum, oleum, frumentum *l. 2. §. ult. & l. seq. ff. de eo quod cer. lo. l. 2. §. creditum. ff. de reb. cred.* Pro hisce rebus fungibilibus mutuo datis rectè exiguntur vsuræ. Et quod pro nummis vsuræ exigantur, probatur per *l. 1. 2. 3. & passim per totum tit. C. de vsur.* Quod verò ad hordeum vel frumentum vsura accedat, indicatur in *d. l. frumenti. C. de vsur.* Denique in *l. oleo. 23. C. de vsur.* Imper. Philippus respondit, oleo vel quibuscunque fructibus mutuo datis, vsuras deberi.

Sed obstat huic decisioni *l. pro auro. 25. C. de vsur.* vbi Imp. Constantinus sanciuir, pro auro & argento & vestibus licitas solui vel promitti vsuras.

Ibi apparet pro vestibus licite vsuras solui, cum tamen vestes non sint quantitates. Vnde, nilè definitur, vsuram esse accellionem ad sortem seu quantitatem. Resp. Pro vestibus vsuræ solui vel promitti possunt, quando hoc agitur inter contrahentes, vt vestes æstimatæ dentur, ita vt pecunia reddatur, quo casu pro veste ita datâ, vt pecunia reddatur, licite vsura soluitur & promittitur. Idem dicendum est, si non vestes, sed aliæ quæcunque species dantur, & pecunia redditur. Sic in *l. 3. §. ult. ff. de vsur.* traditur, Auro vel argento facto legato vsuras deberi, si testator materiam istam ideò reliquit, vt ea distracta, & pecunia inde redacta, legata soluerentur. Si verò testator ideò aurum vel argentum reliquit, ut legatarius hisce vasis & scyphis vteretur, non sine rubore desiderabuntur vsuræ, ideoque nec exigentur.

Secundò aduersatur *l. cum quidam 17. §. fin. ff. de vsur.* vbi deciditur, hæredes qui statuas vel imagines Reipub. legatas non posuerunt, vsuras trientes Reipub. pendere debere. Atqui statuae & imagines non sunt quantitates. Vnde colligitur, quod non in solis quantitatibus, sed etiam in corporibus & speciebus vsuræ locum habeant. Resp. Statuis vel imaginibus Reipub. legatis, pecunia legata censetur, ex quâ statuae vel imagines confici possunt. *l. si legatum, §. ff. de oper. publ.* Ideoque statuis vel imaginibus non positis tempore à Prælide præfinito, propter moram præstantur vsuræ Reipub. vsque ad tertiam centesimæ, hoc est, vsuræ trientes. Tertiò obstat *l. 1. ff. de nau. fen.* vbi non modo pecuniæ, sed etiam mercium ex pecunia comparatarum vsuras solui Vlpianus scribit. Resp. Ibi non penduntur vsuræ mercium tanquam corporum, sed tanquam quantitatis & æstimationis, ita vt vsuræ pendantur pretij, quo merces sunt æstimatæ.

ASSERTIO LXXXIV.

Vsuræ debentur ex morâ, in bonæ fidei contractibus.

HÆc decisio multis ICtorum responsis & constitutionibus principum passim consumatur. Sic enim Martianus inquit in *l. mora 32. ff. de vsur.* In bonæ fidei contractibus vsuræ ex mora debentur. Similiter Paulus respondit in *l. cum quidam 17. §. ex locato. ff. eod. m.* Eum qui ex locato conuenitur, ex mora vsuras præstare debere. Præterea à Gordiano Imperat. rescriptum est, vsuras in depositi actione, sicut in cæteris bonæ fidei iudiciis ex mora venire. Porro debitor præstat vsuras ex mora in bonæ fidei contractibus, non vero in stricti juris contractibus, & propterea Imp. & IC. in rescriptis & responsis suis nominatim bonæ fidei contractuum mentionem faciunt,

faciunt, vt ostendant in contractibus strictis ex morâ vsuras non deberi.

Sed in contrarium adducitur. *l. Titia Sejo. 87. §. 1. ff. de legat. 2. & l. in minorum C. in quib. caus. in int. rest. non est nec.* vbi traditur, quod legato rum etiam & fideicommissorum vsuræ ex morâ debentur, quæ sunt stricti juris iudicia, ideoque in strictis negotiis vsuræ quoque ex morâ debentur. Resp. Ab hac regulâ, qua dicimus vsuras in bonæ fidei contractibus venire, non in negotiis strictis, excipienda sunt legata & fideicommissa, quorum natura licet stricta sit, tamen nihilominus ex iis vsuræ ex morâ debentur. Ratio ejus juris est fauor vltimarum voluntatum: in legatis namque & fideicommissis maior bonæ fides exigitur, quam in aliis negotiis strictis; Idque ideo receptum est, vt vltimæ defunctorum voluntates, quibus jura vt plurimum fauent, quam plenissimè conseruentur, & quam citissimè, ad exitum perducantur. *Fac. l. vsura 34. ff. de vsur.* vbi dicitur, quod quoad vsuras & fructus attingit, legata & fideicommissa, bonæ fidei iudiciis & actionibus comparantur.

Secundò grauitèr aduersatur *l. 1. §. 1. ff. de vsur. & l. 5. C. de act. emp. In l. 1.* docet Papinianus, socium qui pecuniam communem inuasit, & in vsus suos conuertit, omnimodò etiam morâ non interueniente debere prestare vsuras. In *d. l. 5.* sancitur, emtorem, qui nactus possessionem venditam, fructus percepit, partem pretii quam penes se habet cum vsuris restituere debere, licet nulla mora intercellerit. Resp. Mora dupliciter committitur; Alia est mora, quæ fit ex re ipsa, id est, ex solo tempore tardæ solutionis. *l. cum verò 26. §. apparet. ff. de fideicom. libert. d. l. in minorum. C. in quib. caus. in int. rest.* Alia mora est, quæ fit per interpellationem oportuno tempore & loco factum *d. l. mora ff. de vsuru.* At verò quod dicitur in *d. l. 1. §. 1. ff. de vsur. & l. 5. C. de act. emp.* vsuras deberi morâ non interueniente, hoc accipiendum est de morâ quæ fit ex personâ, seu per interpellationem, interim tamen mora re ipsa commissa est. Sic socius qui pecuniam communem in vsus suos conuertit, re ipsa moram committit, licet moram non committat ex personâ, *h. e.* quamuis socius non interpellauit socium, vt pecuniam solueret. Ideoque etiam ad vsuras tenetur, quia tardius soluit, mora enim re ipsa committitur ex solo tempore tardæ solutionis. Similiter quoque in *d. l. 5. C. de act. emp.* mora fuit ex re facta sine vlla interpellatione, quod ex duabus rationibus satis constat. Nam primò ibi minor 25. annis fuit venditor, cui vsuræ prestabantur: atqui minori viginti quinque annis mora fit in re, id est, ex solo tempore tardæ pretii solutionis *d. l. in minorum. C. in quib. caus. in int. rest.* Altera ratio est, quia emtor nactus est possessionem fundi venditi, & ex eo fructus percepit; ideoque æquum est, vt in vicem perceptorum fructuum pretium cum vluris reddat. Eo enim ipso, quod emtor re vendita & tradita fuit, æquissimum est cum vsuras pretii pendere, quia moram re ipsa committit, quod

rei venditæ fructus percipit, & pretium non peti soluit: unde & æquum est eum vñsas pretii præstare debere. *l. Iulianus. 13. §. ex vendito ff. de. act. empt.* Hinc consequenter intelligitur, verum id esse quod dicimus, in bonæ fidei contractibus vñsas deberi ex morâ, quæ vel ex personâ facta est, puta interpellatione præcedente, vel saltem re ipsâ commissa est. Ita tradunt *Borchols. de vñsur. c. 3. a num. 13. vsque ad 33. Doncl. in tracta. de mora c. 6. in princ.*

ASSERTIO LXXXV.

Actori incumbit onus probandi, non autem Reo.

ACTOR qui iudicio aliquid persequitur, siue agat actione ciuili siue criminali, onus probandi incumbit, reus autem non adstringitur necessitate probandi. *l. 2. l. 2. & l. actor. 23. C. de probat.* Actore enim non probante reus, etiamsi nihil probauerit, nihil præstiterit, nihil pro se allegauerit, absolui debet, *l. qui accusare C. de edendo. l. negantes 9. C. de oblig. & act.* Ratio autem, cur actori incumbat onus probandi, non autem reo, hæc est, quia in pari causa pro possessore iudicatur. *l. 2. C. de cond. ob turp. caus. l. in pari. 120. ff. de R. l.* Cur autem in pari causa ita iudicetur, duplex ratio adteri potest, prima est, quia reus est fauorabilior actore *l. fauorabiliores 125. ff. de R. l.* Et cum propensiores simus ad absoluendum, quam ad condemnandum, iudicamus potius pro dissoluenda obligatione, quam pro eâ constituenda. *l. Arrianus ff. de Obligat. & act.* Altera ratio est, quia actor affirmat, reus verò negat, atqui per rerum naturam efficitur, vt probandâ sit affirmatio, non verò negatio *l. 2. ff. de probat. l. actor. 23. C. eodem.*

Aduersatur primum huic regulæ *l. circa. 14. ff. de probat.* vbi reo iniungitur onus probandi, non actori. Resp. Idem reus ibi probat suam intentionem, quia vtrò suscipit in se onus probandi, sed inuitus reus non adstringitur necessitate probandi, neque inuitus cogitur probare, *d. l. actor.* Unde & si reus in probatione, quam vtrò suscepit, defecerit nihilominus tamen si actor non probauerit petitionem suam, reus est ab solvendus. DD. in *d. l. actor.*

Secundo opponitur *l. ciuile 5. C. de furt.* vbi dicitur non esse in ciuile, quod actor desiderat, vt reus exhibeat venditorem à quo dicit se rem petitam emisisse. Resp. Ea defensio exigitur à reo possessore rei furtiue, vt euitet suspicionem furti, quia res surrepta apud illum fuerat deprehensa, & cum interrogaretur, unde illam haberet, dicebat se ab ignoto & transeunte emisisse, hinc erat contra eum aliqua suspicio furti, ad quam auertendam debet indicare venditorem.

Tertiò

Tertiò decisioni obstat hoc argumentum. Quoties actor semiplenè probavit suam intentionem; tunc iudex defert reo pietumque iusiurandum, vt se purget, interdum etiam ipsi actori defertur iusiurandum, vt si reus minus fidè dignus sit. *c. ult. ex. de jurejur. l. 3. C. de reb. cred. l. admonendi 31. ff. de jurejur.* Ergò non semper reus absolvitur, si actor intentionem suam legitimè non probavit. Resp. Vbi actor planè nihil probavit, reus omninò absolvendus est, vbi vero semiplenè probavit, tunc quia suspicionibus aliquibus & præsumtionibus reus grauatus est, debet se juramento purgare.

Quartò opponitur *l. sine possidetis 12. C. de probat.* vbi cum frater peteret à fratre petitione hæreditatis prædia paterna, & hæreditaria; & frater alleret ea prædia sibi esse donata à patre, cogitur frater qui reus est, etiam si possideat ea prædia, probare sibi illa à patre esse donata. Resp. Hoc casu fratri ideo incumbit probatio assertæ donationis, quia alter frater actor adjuvatur præsumptione juris, quod scilicet mortuo patre filii præsumuntur esse hæredes & domini bonorum paternorum. *l. in suis. ff. de lib. & posth.* Itaque cum alii fratres affirmant se esse dominos ex causa donationis, hoc probare tenentur, quia præsumtio iuris in eos transfert onus probandi: donatio enim non præsumitur, nisi probetur, *l. cum de indebito 25. ff. de probat.* Quoties ergo præsumtio est pro actore contra reum, tunc reus grauatur onere probandi, quia effectus præsumtionis est, vt onus probandi incumbat ei contra quem militat præsumtio. *l. si pactum 9. l. si chirographum 24. ff. de probat. l. dotem 30. ff. de jur. dot.*

Vltimo obstat *l. vbi 22. C. de fals. & l. ult. C. de abolit.* vbi in criminibus læsæ majestatis, peculatus, & falsi, ab utraque parte exiguntur probationes. Resp. Hoc specialiter receptum est in hisce atrocibus criminibus. Quod tamen ita intelligendum est, non vt probatio exigatur à reo, quasi actore non probante sit condemnandus, sed vt probatio rei opponatur probationi accusatoris, atque ita veritas magis elucescat, ne ex probationibus actoris condemnetur reus, qui fortè melioribus probationibus oppositis se tueri potest.

ASSERTIO LXXXVI.

Homo præsumitur viuere vsque ad centum annos.

DE I S I O hæc, quod homo præsumatur viuere vsque ad centum annos, nisi probetur mortuus esse, ab Accursio aliisque DD. communiter recepta & approbata est. Ita tradit Accurs. in *l. 2. §. si dubitetur. ff. Test. quemad. aper.* Eaque assertio probatur in *l. an usufructus 56. ff. de usufructu.* vbi traditur, quod

quod vñsfructus ciuitatis relictus durer vsque ad centum annos, addita hac ratione, quia hoc tempus finis longæui hominis esse dignoscitur. Idem affirmatur in *l. ult. C. de SS. Eccles. & Novel. 9. Vt Eccl. Ro. cent. ann. gaud. præscr.* vbi asseritur, quod contra Ecclesias & pia loca currat tantum centi annorum præscriptio, subiecta hac ratione, quia hoc tempus vitæ longæui hominis plerumque finis dijudicatur. Hujus rei hic est effectus, quod si aliquis peregrinè absentis hæreditatem tanquam proximus hæres ab intestato adire & amplecti velit, is prius probare cogitur, eum de cujus hæreditate agitur, è viuus excessisse, vel jam à tempore natiuitatis ejus tempus centum annorum effluxisse: præsumtio enim est, eum tamdiu per rerum naturam superstitem esse posse, idèoque nulla ejus tanquam vuentis hæreditas ad hoc vsque tempus ad aliquem delata dici potest, nisi certo probetur eum mortuum esse *arg. d. l. 2. §. si dubitetur. l. qui superstitis 94. ff. de acq. hered.*

Contra hanc decisionem tale mouetur argumentum. Conjecturæ & præsumptiones sumuntur à communiter accidentibus: sed ex quotidiano vitæ humanæ cursu apparet, paucissimos homines ad tempus centum annorum vitam suam producere. Ergo non rectè, neque verè dicitur præsumti hominem viuere vsque ad centum annos. Resp. Hæc obiectio non tollit hanc præsumptionem juris: Nam hæc decisio ita accipienda est, quod per rerum naturam & vitæ humanæ cursum, possit homo ad centum annos vitam suam extendere. Cum ergo potentia per præsumptionem juris censeatur hominem ad centum annos viuere posse, ille qui dicit hominem aliquem adhuc viuere, quod cursus vitæ ejus nondum attingit centesimum annum, per præsumptionem juris fundatam habet suam intentionem, quoad aduersarius probet eum de quo disceptatur, esse mortuum, quia præsumtio juris releuat eum pro quostat præsumtio, ab onere probandi & transfert onus probandi contrarium in aduersarium *l. siue possidetis. C. de proba. l. vit. in princ. ff. Quod met. caus. melior tex. in l. generaliter, §. si petitum. in fin. ff. de fid. lib.* Porro neque hoc rarum & infrequens est, ut homo ad centum annos vitam suam extendat, quod communi experientia mundi, variisque exemplis demonstrari potest. Quod imprimis inter cætera comprobatur testimonio sacræ Scripturæ. *Genes. 6.* vbi Deus Opt. Max. terminum humanæ vitæ definit centum viginti annorum spacio. Vnde Abrahamum, Isaacum, Iacobum, Moysen, aliosque multos Patriarchas hoc spacium vitæ longè excessisse sacræ literæ apertè ostendunt. *Deuteronom. c. vltim. numero 17.* vbi asseritur, quod Moyses centum viginti annorum erat, quando mortuus est, Abraham autem vixit annos centum septuaginta quinque. Eundem etiam terminum vitæ attingisse Claudium Mathematicorum doctissimum, Trebellius Pollio scriptum reliquit. Præterea Democritum summa animi tranquillitate

quillitate vitam perduxisse vsque ad 109. ætatis suæ annum, testis est *Philip. Melanct.* in libello de anima. Adhæc Terentiam Ciceronis uxorem 117. annis vixisse, Clodium Ofelli 115. annis superstitum fuisse, testatur *Plinius lib. 7. cap. 48.* Iustinianus etiam Imp. in §. *si verò intra, Nou. de Monach.* refert se egisse cum Zosimo Abbate centesimum & vigesimum ætatis annum agentem. Denique testantur historiz Hippocratem vsque ad centesimum quatum annum vitam suam produxisse. *Galenum* porro 120 annos vixisse scribitur, idque hæc victus ratione esse consecutum, quod à cæna vel prandio nunquam satur abierit. Vesci enim citra saturitatem, impigium esse ad laborem, vitale semen conservare, hæc tria esse longè saluberrima scriptum reliquit *Plutar.* in libel. de sanit. tuen. Plura longioris vitæ exempla commemorata reperies apud *Cal. Rhodoginum lib. 20. antiq. lect. c. 134.* Verior itaque hæc est sententia, legibusque & probatorum authorum scriptis magis consentanea, quod homo naturaliter præsumatur vivere vsque ad centum annos, nisi probetur contrarium. Quod & communi DD. calculo comprobatum est, licet dissentiant *Coras. lib. 5. Miscel. c. 18. Arius Rinol. ad l. 2. C. de rescind. vend. part. 3. c. 4. n. 33. Menoch. de presump. lib. 6. presum. 19.*

Opponitur l. *si quis argentum §. sin autem. vers. in redditibus C. de donation.* ubi traditur in donatione reddituum ad vitam, sumi spacium quindecim annorum: quia tantum homo vivere præsumitur. *Gloss. ad d.l. Resp.* Hoc speciale est in donatione reddituum ad vitam. Ratio hæc est, quia cum donator ex sua liberalitate conveniatur, mitius cum eo agendum est, ne aliqui beneficium sit ipsi diuinofum. Ita tradit *Tiraquell. de retract. lignag. et §. 1. Gloss. 6. num. 20.*

ASSERTIO LXXXVII.

Scriptura regulariter non pertinet ad essentiam, sed ad probationem contractuum.

PRO regula passim in iure traditur, quod instrumenti & scripturæ in contractibus, non ad substantiam, sed tantum ad probationem contractus adhiçantur, ut scilicet id quod actum est, per scripturas facilius probari possit: sine his autem valeat id quod actum est, si testibus aliisque legitimis probationibus contractus fides probari & doceri possit. Sic pignus, emptio, locatio, matrimonium, alique contractus efficaciter valent & suolistunt, licet scriptura nulla interueniat, dummodò de voluntate & consensu contrahentium aliis legitimis probationibus constet, textus sunt expressi in l. *4. ff. de pig. l. 4. ff. de fid. instr. cum rei, l. 2. C. de probat. l. 9. & 10. C. de fide instr.*

Q

Opponitur

Opponitur huic assertioni *l. 1. C. de jar. emph.* vbi traditur, quod scriptura ad subsistendi in contractus emphyteutici necessariò interuenire debeat. Resp. Hoc speciali ratione constitutum est, vt contractus emphyteuticus absque scriptura perfici non possit. Cum enim plerumque hic contractus in perpetuum vel ad longissimum tempus memoriam hominum excedens ordinetur, & testes faciliè interiri possunt, aut obliuioni tradere, quæ à tam longinquo tempore gesta sunt, & ita huius contractus fides faciliè extinguì possit, hinc factum est, vt hic contractus literis & instrumentis, tanquam fidelissimis rerum & negotiorum custodibus committi debeat, quo sic fides & rei gesta veritas temporis decursu non vacillet, & ab obliuione commodissimè hic contractus vindicari possit.

Secundò obijcitur *l. contractus 17. C. de fide instr. & Instr. de emp. & vend. in princ.* vbi traditur quòties inter emptorem & venditorem conuenit, vt emptio in scriptis redigatur, tunc emptio non censetur perfecta, antequam scriptura sit completa. Resp. In eo casu scriptura in emtione necessaria est propter conuentionem contrahentium, qui nominatim pacti sunt, vt scriptura ad contrahendum emtionis sit necessaria, quæ conuentio facit, vt non tantum ad probationem, sed etiam ad substantiam emtionis scriptura interuenire debeat. Vnde cum conuenit, vt scriptura adhibeatur emtioni, tunc hæc scriptura adeò est necessaria, vt contractus emtionis non intelligatur perfectus, nisi scriptura sit absoluta, vide & per penitentiam ab eà recedere licet, quamdiu scriptura non est perfecta & completa. *d. l. contractus.*

Tertio aduersatur *Auth. hoc jus porrectum. C. de sac. Eccl.* vbi statuitur, res Ecclesiæ oppignorari non posse, nisi interueniat scriptura. Resp. Hoc specialiter est receptum in oppignoratione bonorum immobilium Ecclesiæ, nam & alias generaliter traditum est, quod omnes alienationes rerum Ecclesiasticarum in scriptis fieri debeant. *c. sine exceptione. 12. quest. 2. c. ho: jus. 10. qu. 2. Vvesenb. in parat. ff. Si ag. velt. per.* Plures casus, quibus scriptura ad substantiam contractuum & pactorum necessaria est, vide apud *Accurs. ad l. pactum 17. C. de pact.*

ASSERTIO LXXXVII.

*Scriptura diuersa & contraria ab eadem parte prolata,
fidem sibi inuicem derogant.*

DIVERSITAS & repugnantia scripturarum ab eadem parte in iudicio productarum, facit fidem illis non adhiberi. *tex. in l. scriptura. 14. C. de fid. instr. c. imputari ex eodem. tit.* Ratio assertionis est, quod qui contraria instru-

instrumenta producit, utrumque verum esse fatetur, quod tamen est contra naturam, ut duo contraria simul esse vera possint, ideoque propter repugnantiam fides iis derogatur. *l. vbi pugnantia. 88. ff. de R. I.* Exemplum hujus decisionis poni potest, si proferantur duo testamenta eodem die scripta, sed alio atque alio hærede instituto, ut nescias utrum eorum sit posterius, nam hæc utrumque alteri sic derogabit fidem, ut ex neutro adiri possit hæreditas. *Glof. in l. 1. §. 1. ff. de bon. poss. sec. tab.* Repugnant etiam sibi instrumenta, & si contrarietas sit tacita, & per inditum, veluti si duorum instrumentorum altero contineatur me Louanii accepisse mutuo, altero verò eodem die Romæ, quod locorum distantia non patitur. *l. optimam C. de contr. stipul.* Procedit autem hæc decisio tam in actore quam reo, licet major videatur esse ratio in actore, propterea quod reus pluribus defensionibus etiam diuersis & contrariis uti potest. *l. nemo. & ibi Gl. ff. de except. c. nullus pluribus. de R. I. in 6.* In actore verò nulla est admissa contrarietas *l. 1. C. de furt.* Sed sanè neutri parti pro-batio est permessa. *Salyc. ad d. l. scriptura.*

Opponitur huic enunciato, quod si testes ab eadem parte producti sibi inuicem contraria deponant, quod fidem sibi inuicem non derogant, sed statuer testibus dignioribus honestioribus; & verisimiliora deponentibus *l. ob. carmen 21. §. 1. ff. de test. l. iurifurandi 8. C. de testib. Nou. 90. de testib. c. in prasentia. & ibi Glossa in verb. diuersa. ex. eo.* Atqui parem vim & fidem in probando obtinent instrumenta, & testes *l. in exercendus 15. C. de testib.* Ergo eodem modo dicendum est, quod non statim contraria instrumenta fidem sibi derogant, sed dignioribus scripturis standum est. Resp. Aliud obtinet in testibus quam instrumentis ab eadem parte productis, quia si testes diuersi vel contraria dicant, stabitur dignioribus, scripturæ vero contrariæ sibi inuicem fidem derogant. Ratio diuersitatis est, quod producenti nihil imputari potest, cur produxerit testes contraria testimonia perhibentes, cum ipse non potuerit præuidere, quid dicturi essent, nec licuerit ei testes conuenire instruendi testimonij causa, priusquam deponerent. Sed instrumenta priusquam producuntur, perlegi & examinari possunt à producente, num sint repugnantia, quod cum factum non fuerit, & contraria instrumenta produxerit, imputari merito debet producenti, quæ ratio redditur in *c. imputari. ex. de fide instr.*

Secundò prædictæ decisioni obstat, quod binis tabulis testamenti prolati, sic ut in alteris centum, in alteris verò contineantur quinquaginta alicui legata, debetur tamen minor quantitas *l. Sempronius Proculo 47. de legat. 2. vbi tamen secundum dispositionem hujus affectionis nihil, consequetur legatarius, sed scripturæ contrariæ sibi inuicem fidem derogarent.* Resp. *Salyc. ad d. l. scriptura C. de fid. instr.* quod in *d. l. Sempronius*, non producuntur scripturæ diuersæ ab vna eademque personâ, sed à legataria

adhibebat.

Q 2

adferbatur testamentum, quod maiorem quantitatem comprehendebat, ab hærede verò, quod minorem continebat. Vel fideris ab vna eademque persona, nempe legatario, ambas scripturas fuisse productas, multum tamen adhuc differentia est, cum casu *d. l. scriptura*. Ibi enim legatarius binas illas tabulas vt diuersas protulit ad diuersos fines: nempe vt vtrumque legatum consequeretur. Quantitas enim facile est multiplicabilis, & sæpius legari potest. *l. quinquaginta. ff. de probat. l. plene. 34. §. sed si ff. de leg. 1.* Hic verò scripturæ diuersæ producuntur ad vnum eundemque finem, ad quem scilicet in exordio litis conclusum est. Præterea in allegata lege contraria hæres consentiebat implere, quod in alteris tabulis erat relictum, nempe minorem quantitatem. Neque enim intendebat vtrique impugnare, quod vix quoque facere potuisset, nisi & suam institutionem euertere voluisset, hic verò vtramque scripturam contra se productam negat, & vnius fidem impedit altera, cum quod vna adstruit, altera destruit.

ASSERTIO LXXXIX.

Latioꝝ declaratio Assertionis 87. quod instrumenta & scripturæ non pertinent ad substantiam contractuum, sed ad probationem.

SI contractus & pacta bonâ fide sint inter contrahentes celebrata, licet scriptura non interuenerit, tamen si aliis probationibus rei gestæ veritas cõfirmari potest, tanquam validè & legitimè confecta inuiolabiliter custodiri debent. *l. pactum. 17. C. de pact.* Pacta itaque & contractus valent etiam non interueniente scriptura. Instrumenta enim non ad substantiam negotiorum & contractuum, sed ad fidem & probationem adhibentur. Ideoque si aliis etiam probationibus, puta testibus, confessione partis, aliisque documentis rei gestæ veritas confirmari potest, nihilominus valet quod actum est *l. 4. ff. de pignor. l. 4. ff. de fide instr. l. 5. C. de transact.*

Sed huic decisioni primò opponitur. *l. contractus. C. de fide instr.* vbi contractus venditionis non aliter valet, nisi scriptura accesserit, instrumenta quoque sint in mundum redacta, & omnibus suis numeris completa. Resp. Hoc idè statutum est, quia inter contrahentes ita conuenerat, vt contractus non aliter valeret, quam si scripturæ committeretur, ideoque conuentio dat formam & legem contractui. *l. 1. §. si conuenit. ff. de pos.* vbi dicitur, quod contractus ex conuentione legem accipiunt. Concordat *l. contractus 23. in verb. quod conuenit, legem contractus dedit. ff. de reg. iur.*

Secundò

Secundò aduersatur, quod contractus emphyteuscos non aliter de iure subsistit, nisi scriptura interueniat. Ideoque aliquando ad substantiam contractus scriptura requiritur. *l. 1. C. de jur. emph.* Resp. Hoc idè est introductum, quia contractus hic plerumque fit in perpetuum, vel ad tempus memoriam hominum excedens. Vnde quia testium memoria est labilis, facileque testes mori possunt, tutius est hunc contractum instrumentis & literis fidelissimis rerum custodibus committere. *Coras. ad l. 1. C. de jur. emph.*

Tertiò obicitur *l. generaliter. 13. C. de non nu. pec.* ubi statuitur, quod si quis in scriptis confessus sit se ex certâ aliqua causa quid debere, non potest contrarium probare, nisi per aliam scripturam. Resp. Specialis istius juris ratio in eadem lege subicitur, quia nimis indignum est, vel ad tempus quilibet sua voce dilucidè protestatus est, id eum velle infirmare, testimonioque proprio resistere. Itaque quia turpe est venire contra propriam confessionem, merito hic alia probatio non sufficit, quam quæ scriptura constat.

Quartò refragatur huic assertioni, quod donatio excedens 500. aureos, non aliter valet, quam si in acta & scripturam publicam redigatur, & notationi magistratus competenter insinuetur. *l. sancimus. 34. C. de donat.* Resp. Hæc immensa donatio idè debet insinuari, & in acta publica seu libros ciuitatum redigi, ne prodigaliter quis liberalitatem suam exerceat, & ut variis fraudibus occurratur, quæ in eliciendis hisce immensis donationibus excogitari solent, quæ ut precaueantur, statutum est à legislatoribus, ut non aliter hæc donationes ratæ sint, nisi insinuentur notationi magistratus, & de his scriptura publica conficiatur. *VVesemb. in parat. ff. de donat. nu. 6.*

Quintò repugnat *Auth. hoc ius porrexitum. C. de SS. Eccles.* ubi constituitur, quod res immobiles Ecclesiæ non possint alienari, nisi interueniente scriptura. Resp. Hoc specialiter & singulari jure introductum est in fauorem Ecclesiarum & aliorum piorum locorum, ne eorum prædia & possessiones faciliè alienari possint, nisi majori aliqua solemnitate interueniente.

Sextò opponitur. *l. 1. C. de mand. princ.* ubi statuitur, quod in mandatis Principum allegandis nemini fides adhibetur, nisi exhibito diplomate in scripturam redacto. Resp. Puto & hoc speciali jure introductum esse, idque propter hanc rationem: quia cum Principes grauiorum & plurimorum negotiorum mole sunt occupati: possent faciliè per incogitantium & precipitantem aliquid mandare, quod tamen non serio & certo factum vellent. Ideoque ut certius de voluntate Principum constet, rectè placuit, mandata Principum non aliter valere, quam si per scripturam probentur.

Septimò & vltimò obicitur. *l. 3. C. si min. ja. mayo. dicitur.* ubi statuitur, quod si minor 25. annis in instrumento iurauit se majorem, quod contra hanc juratam assertionem non restituatur in integrum, nisi per instrumentum

probet se minorem 25. annis, Resp. Et hoc propter religionem jurisjurandi singulariter est introductum, ut fides jurisjurandi sanctè obsecratur, & non temerè jusjurandum in scriptis deliberato praestitum violeatur. Ideoque non aliter admittitur minor ad infringendam confessionem ætatis suæ propria scriptura & jurejurando confirmatam, quam per contrariam scripturam. Accedit & altera ratio, quod quoties agitur de probanda ætate, plus valent instrumenta, veluti professiones natales & censuales, quam testes *l. 1. C. de test.* Tenere enim annorum memoriā est difficile. Unde facilius admittitur in hoc casu probatio instrumentorum quam testium *l. 3. §. dua. ff. de Carb. edit.* Postremo notandum, quod his casibus, quibus scriptura necessarii requiritur ad substantiam contractuum vel negotiorum, si scriptura casu aliquo fortuito deperdita est, tunc probato casu fortuito amissionis instrumentorum admittuntur testes: qui de veritate ipsius rei vel negotii fidem faciant. *l. testium in fin. Cod. de testib. Alciat. ad l. pactum, 17. C. de pact. in fine.*

ASSERTIO XC.

Mulier in criminalibus causis testis esse potest.

MULIEREM posse esse testem in criminalibus causis, probat aperte. *l. 2. ff. de accus.* ubi traditur mulierem non cogi contra consanguineos in causis criminalibus dicere testimonium. Ergo potest si velit testis esse, imo contra extraneos in criminibus ut testimonium dicat, cogi potest. Idem probat. *l. ex eo. 18. ff. de testib.* sumto argumento à contrario sensu: dum enim ibi dicitur, mulierem damnatam publico judicio repelli à testimonio, in crimine adulterij, sequitur à contrario, mulierem non damnata publico judicio, posse sicut in crimine adulterij, sic & in aliis criminibus testimonium dicere. Denique hæc sententia confirmatur per *l. qui testamento, 20. §. mulier. ff. qui test. fac. poss.* ubi mulier specialiter prohibetur esse testis in testamentis. Ergo in aliis causis admittitur.

Sed contra objicitur hoc modo. Mulier non potest esse testis in testamentis. Ergo multò minus in causis criminalibus testimonium dicere poterit, quia cui non licet quod minus est, utique nec licet quod plus est. Minus autem est in testamentis, quam criminibus testimonium perhibere, quia in causis criminalibus de vita & salute hominis agitur, in testamentis autem tantum de bonis defuncti disponitur. Resp. Hoc quod mulier non possit esse testis in testamentis inde provenit, quod veteres ad solennia nec mulierem, nec servum, nec impuberem, nec peregrinum admittebant: *l. qui testamento.*

mento. §. servus. ff. Qui test. fac. poss. Ideo autem mulier testis esse in testamento prohibetur, quia propter sexus inexperiencem non satis intelligit eas fraudes, & insidias quæ in subornandis testamentis à peritis architectis earum rerum strui solent. *d. l. qui testamento. §. mulier.* Porro in criminalibus causis ideo mulier in testem admittitur, licet in testamentis secus sit, quia licet vnicuique delectum adhibere, quosnam velit testes in testamentis adsciscere, gravius scilicet, & personas maximè spectatæ fidei, cum testamenta fiant testibus ad hoc specialiter conuocatis & rogatis, & à testimonio testamentario mulier jure civili remoueat. In criminibus verò vel aliis negotiis probandis ideo mulier admittitur, quia testes ab initio vocati hic ferè non producuntur, sed qui fortè fortuito præsentis fuere, testes ibi adhibentur, *l. ad fidem. ff. de testib.* Baro ad *§. testes autem. Inst. de testam. ordin.*

Secundò objicitur, quod testes à testimonio prohibentur propter lubricum consilii, sed mulier habet lubricum & imbecille judicium: præterea varium & mutabile semper est fœmina. *l. filia in orbitate. 20. C. de inoff. testam.* Resp. Mulier in criminibus testis esse potest, ideo quia probationum copia non est angustanda. Deinde hoc non est perpetuo verum, quod fœminæ sint lubricæ & inconstantes, cum pleræq; fœminæ magis sint constantes & fideles in veritate dicenda quam viri. Adde quod testes juramentum præstent de veritate profertenda, cujus religio impellit & mouet mulieres, vt sincère & fideliter dicant testimonium. Hanc opinionem quod mulier possit esse testis in criminalibus causis, sequuntur & approbant *Gom. 2. tomo. 3. resol. c. 12. num. 13.* vbi notat ab hac opinione in judicando & consulendo non esse recedendum. Eandem sententiam defendunt *Decius ad l. 2. in princ. ff. de R. I. Vgl. ad §. 1. ftes. Inst. de test. ord.* Et hæc sententia quod mulier in causis criminalibus testis esse possit, communi Doctorum cæculo est recepta, vt testatur *Touias Nonius ad §. testes autem. nu. 18. Inst. de testa. ordin.* Planè lure Canon. aliud receptum est, nam eo jure in causis criminalibus testis esse non potest mulier. *c. forum. ex. de verb. sign.* vbi addit rationem Pontifex, quia varium & mutabile testimonium semper fœmina producit *Concord. c. mulierum 33. q. 5.*

ASSERTIO XCI.

Parentes & liberi neque pro se, neque contra se testimonium dicere possunt.

PARENTES & liberi neque aduersus se, neque pro se testimonium perhibere possunt. *l. parentes. §. C. de testib. l. testu idoneum. §. ff. eodem.* Ratio prioris

prioris est, quia liberi debent honorem & reuerentiam suis parentibus, unde contra eos testimonium dicere prohibentur. Ratio posterioris est, ne sibi quis quodammodo dicat testimonium, cum pater & filius largè reputentur pro vna eademque persona. *l. vlt. C. de imp. subst.* Porro non modo inuiti, sed ne quidem volentes possunt dicere testimonium inter se parentes & filii. Quinimò nec contra volentes potest dici testimonium, licet pater & filius consentiant, vt aduersus se dicatur, quia hoc casu iudex eos repellat à testimonio, ne scandalum inter eos oriat. Ita notat *Accurs. in d. l. parentes*, quem omnes sequuntur *arg. l. quos prohibet. ff. de postul. & l. alta causa. i. §. 1. ff. Solut. matr.* A quâ tamen sententia discedit *Zafius lib. 1. sing. resp. c. 11.* qui existimat patre consentiente posse filium aduersus se dicere testimonium, eo quod reuerentiæ nexus hic non violetur, ne consentienti fiat vlla injuria. Verum probabilior videtur *Accurs.* sententia, quod omnino testimonium inter eas personas sit interdictum, quia tex. in *d. l. parentes*, non dici repelli posse testes, seu excipi aduersus eum, quo casu posset non excipiendo & non repellendo tolerari testimonium, sed in totum ne quidem volentes eos admittendos esse ostendit.

Obijciat huic assertioni *l. etiam. 16. & l. Imperatores, antepenult. §. 1. ff. de probat.* vbi parentes & filii inter se testimonium dicunt. Resp. Pro ætate vel natiuitate filiorum probandâ, parentes pro liberis in testes admittuntur, quia hæc certissimè eis nota sunt. Verum in hoc casu non plenam probationem faciet testimonium parentum, sed tantum præsumptionem adieret pro filiis, ita vt iudex inde ansam veritatis latius indagandâ & inquirendâ arripiat.

Secundò aduersatur. *l. qui testamento. 20 §. per contrarium. ff. de testa.* vbi pater potest esse testis in testamento filiisam. ante missionem testamentum facientis. Resp. Hoc in testamento ideo procedit, quia hoc casu nullum commodum acquiritur filio per testimonium patris, sed hoc tantum agitur, vt testamentum sortiatur effectum. Itaque in iudiciis merito paternum testimonium reprobat, cum ibi de commodo producentis agatur.

Tertiò opponitur *c. 3. ex. Qui matr. accus. poss. l. de tutela. C. de in integrum rest.* vbi in casu matrimoniali ad probandam consanguinitatem parentes & consanguinei admittuntur in testes. Resp. Hoc speciali casu parentes pro filiis admittuntur in testes, quia melius sciunt suam consanguinitatem proximj, quàm extranei. Hæc autem exceptio ita est intelligenda, si questio sit, an matrimonium propter consanguinitatem sit prohibitum nec ne. Nam si questio esset de ipso consensu, id est an ipsa matrimonium contraxerint, non essent parentes idonei testes, quia suspecti sunt: vt puta pater deponens filiam suam nobilioris & ditiori impulsi; sine dubio propensior esset ad testan-

ad testandum pro filia, quam pro sponso filia. in causa aurem consanguinitatis aut simili idèò admittuntur; quia eam melius scire possunt quam extranei. *c. super eo. 22. ex. 1e de testib.*

ASSERTIO XCII.

Neque testi injurato creditur, neque uni testi fides adhibetur.

DVÆ sunt hujus assertionis partes, comprobatae in *l. jurisjurandi. 8. C. de testib.* In prima constituitur quod testi sine juramento non creditur.

Quod optima ratione introductum est, ut scilicet testes timore Dei, conscientia sinceritatem reseruant, veritatem bona fide attestentur. Iurare autem debent testes de veritate dicenda pro utraque parte, & super tota controuersia, item de omnibus iis, quæ interrogabuntur. Ita tradit *Accursius d. l. 8. arg. §. præterea nulli. Nou. 123.*

Opponitur *Auth. sed iudex. C. de Episc. & cle.* ubi Episcopo injurato creditur. Resp. Ab hac regula excipitur Episcopus, fauore enim religionis ejus testimonio fides adhibetur, licet non juret.

Secundò aduersatur, quod testes etiam injurati admittantur ad testimonium, si à partibus remittatur jusjurandum, nam & consensu partium remitti potest à testibus jusjurandum. *arg. l. 1. ff. de feriis. tex. rotundus in cap. suis 39. extra. de testib.* Resp. Quilibet potest juri pro se introducto renuntiare. *l. penult. C. de pact.* Ideoque aduersarius potest renuntiare juri suo, quod videtur pro se esse introductum, ne credatur contra eum testi injurato.

Tertiò opponitur. *l. 1. ff. de ventr. inf.* ubi creditur obstetricibus etiam injuratis, renuntiantibus an mulier sit prægnans, nec ne. Resp. Excipiuntur & ab hac generali decisione obstetrices. Quoties enim tractatur de ventre inspiciendo, hoc est, quando queritur, an mulier sit prægnans nec ne, tunc creditur obstetricibus etiam injuratis, renuntiantibus mulierem esse prægnantem vel non. *d. l. 1.* Quod tamen ita exaudit ibi Accursius, ut non præstent juramentum veritatis, sed sufficiat ab iis juramentum credulitatis præstari, quod scilicet credant & existiment se ita rem habere. Sic enim omnibus artificibus petitis in arte sua, attestantibus secundum regulas suæ professionis, se existimare verum esse quod dicunt, fides adhibetur. Vnde & creditur medicis seu chirurgis, si asserant vel existiment vulnus esse lethale. *c. signifi. casti. extra de homicid. l. semel. 6. C. de re milit. lib. 12.*

Secundò in hac assertionem hæc statuitur regula, quod uni testi perhibenti testimonium non credatur. Vox enim unus, vox nullius est, ut inquit

R

Baldus.

Baldus. Quod & diuina lege cautum est. *Leuit. 35. & Deut. 17.* hisce verbis. In ore duorum aut trium peribit; qui interfecerit. Iuxta os autem vnus testis nemo interficiatur, & rursus *cap. 19. Deutero.* In ore duorum vel trium stabit omne verbum, quod Christus repetit *Matth. 18.* Nam cum regulariter ad probationem validam requirantur duo testes. *l. vbi numerus. ff. de testib.* vnus testis non sufficit, etiam si præclaræ ciuitatis honore præfulgeat, id est, etiam si sit senator. *d. l. 8.*

Obijciunt *Nou. 73. §. certè si ad vnum. & l. si quis decurio. 21. C. Ad l. Corn. de fals.* vbi creditur vni tabellioni. Resp. Sic enim ait Imp. Constantinus, quod scripturæ veritas, si res poposcere, per ipsam Tabellionem probari debet. Propter publicum officium quod sustinet Notarius, ei tolli fides adhibetur, si forte manu ejus instrumentum scriptum esse negetur, & ipse affirmet se scripsisse, tunc enim instrumenti vel scripturæ veritas per solum Notarium probatur.

Secundò opponitur. *l. vice. 20. & l. in donationibus. 31. C. de donat.* vbi donatio vno teste probatur. Resp. Excipitur hic casus ab hac regula. Si quis enim vice donatoris, voluntate ejus subtribat donationi scriptæ, donatio rata erit, & ad probationem ejus vnus testis sufficit.

Tertiò opponitur *can. cum itaque. dist. 4. de consecrat.* vbi vni testi creditur. Resp. Quoties nemini sit præjudicium, tunc vni testi iure creditur, vt puta si per vnum testem probetur aliquem esse baptizatum, aut egisse poenitentiam.

Quartò opponitur. *l. Theopompus. ff. de dot. preleg.* vbi vni testi fides adhibetur, cum testator iussisset filiæ suæ dotem dari ex arbitrio vnus personæ. Resp. Vni testi creditur, quando partes ita inter se conuenerunt, vt super contractu vel pacto stetur vnus dicto, vel quando testator mandauit, vt vnus dicto plena fides adhibeatur. *d. l. Theopompus. & ib. Bart.* Vide aliter eam *L. explicatam apud Alciatum Lib. 2. Parerg. c. 19.*

Quintò obstat. *l. 5. §. ne tamen. ff. de reb. eorum, qui sub tut. & c. cum parari. 19. ex. de appellat.* vbi vnus testis quoque plenam fidem meretur. Resp. Hoc speciale est in apparitore magistratus, cui propter publicum munus creditur aliquid renuntianti iudici.

Sextò obstat. *l. 3. C. de reb. cred. & c. super eo 22. extra. de testib.* vbi vni testi aliqua fides adhibetur, quatenus facit semiplenam probationem aut presumptionem. Resp. Quod dicitur in *l. 8. C. de testib.* vnus testis testimonium omnino non audiri, hoc respectu plenæ probationis accipiendum est, admittitur tamen vnus testis ad semiplenam probationem seu presumptionem inducendam. Ita tradunt *Salyc. & communiter DD in d. l. iurur. 8. C. de testib.*

Vitimò obstat. *l. non omnis. §. §. a barbarus. ff. de re milit.* vbi creditur vnus militis dicto, qui bonus ante æstimatus fuit, si se captum ab hostibus dicat,

non

non verò ad hostes transfugisse. Hoc casu vni testi, & quidem in propria causa testanti fides adhibetur. Resp. Ideo creditur niliui attestanti se captum esse, non transfugam, quia quilibet in dubio præsumitur bonus, nisi malus probetur, ideoque ei dicenti se non esse transfugam creditur, quia antea bonus affirmatus est, nihilque ei sinistri objicitur, deinde hoc ejus testimonium nulli nocet, alioqui in re propria ad sui commodum, & alterius damnum testimonium dicere, nulla juris ratio permittit. *Cors. lib. 3. Miscel. c. 7.*

ASSERTIO XCIII.

Omnis judex potest testem, qui apud se falsum testimonium dixit, pro qualitate criminis punire.

DECISIO hæc comprobatur in *l. nullum. 12. C. de testib.* vbi expressè sancitur, quod judex potest falsum testem pro arbitrio suo, juxta qualitatem delicti punire, licet testis non sit de jurisdictione ejus, vel possit propter privilegium seu dignitatem, jurisdictionem ejus declinare. Ratio huius decisionis est, quia sortitur aliquis forum etiam ratione delicti. *l. 1. C. Vbi de crim. agi oport. Non. 69. c. 1. & reatus omnem dignitatem & honorem excludit. l. 1. C. Vbi Senat. vel clariss.* Quia igitur testis apud hunc judicem deliquit, falsum testimonium perhibendo, apud eundem sortitur forum, & cum sponte apud eum testimonium dixerit, videtur in eum judicem consensisse, & fore præscriptioni, si quam habet, renuntiasse.

Contra hanc decisionem objicitur. *l. Divus. 31. ff. Ad l. Corn. de fals.* vbi dicitur, eum qui produxit falsum instrumentum, esse puniendum à judice, nisi ea pœna sit infligenda, quæ excedat jurisdictionem ejus judicis: tunc enim scribere debet ad Principem; Vnde apparet pœnam falsi non imponi à quocunque judice. Pro solutione dicendum est, quod regulariter verum sit quod in contrarium objicitur, sed ex *d. l. nullum. C. de testib.* & ex *Nov. 90. c. 1.* excipitur specialiter hic casus odio falsorum testium. Vt enim testes magis vereantur judicem, apud quem testimonium dicunt, & facilius veritati consentaneum testimonium terant, placuit eos illi judici subijci, & ab eo propter falsa testimonia puniri posse. De intellectu & interpretatione huius assercionis. vide plenius differentes *Fachin. lib. 9. controuert. jur. c. 26. Couarin. practicar. quest. on. c. 18. Menoch. de arbit. judic. lib. 1. quest. 91. Delrio in Miscell. in annotationibus ad d. l. nullum. C. de testib.*

ASSERTIO XCIV.

Rusticitas in delictis regulariter non excusat, neque juris ignorantia rusticitati prodest.

PRIORE assertionis pars, quod scilicet rusticitas seu imperitia rusticos delinquentes non excuset, confirmatur euidenter per *l. 2. C. de in jus voc.* ubi statuitur, quod si libertus patroni filium in jus vocauit, non petita à Pratore venia, quod in eum detur quinquaginta aureorum iudicium, nec in ea re rusticitati venia præbeat. Similiter traditur in *l. 1. C. de interd. matri. int pupil. & tuto.* ubi prohibetur, ne tutor pupillam suam ducat in uxorem, & si forte per imperitiam vel rusticitatem tutor pupillam duxerit, tamen hoc matrimonium non valet.

Verum prædictæ decisioni vehementer obstat. *l. si quis. 7. §. doli. ff. de iurisd.* ubi proponitur, quod si quis per imperitiam vel rusticitatem album Pratoris corripit, quod à pœna seu actione albi corrupti excusationem mereatur. Adhæc in *l. 2. ff. si quis in jus voc. non ierit.* constituitur, quod si vocatus in jus à Pratore contumax sit, & propter rusticitatem vel imperitiam vocationi non pareat, quod pœna ei remittatur. Resp. Aut rusticus errauit circa dispositionem juris civilis aut positiui, quod naturali ratione non firmatur, & tunc delinquens à pœna excusatur, in illis scilicet casibus, qui iure nominatim sunt comprehensi. Sic à pœna albi corrupti excusatur quis propter rusticitatem, quia ad vindicandam Pratoris auctoritatem pœna istius actionis iure civili est introducta. Similiter à pœna contumaciæ vocatus in jus propter rusticitatem quis excusatur, quia iste contemptus neglectæ citationis magis respicit damnum litigatoris, quàm injuriam magistratus. Aut vero errauit rusticus in iis, quæ iure naturali sunt introducta, & tunc immunitatem à pœnâ non meretur. Vnde si libertus sine venia magistratus vocauit patronum in jus, non excusatur à pœna, quia naturali ratione libertus patronum colere & obseruare debet, cujus beneficio libertatem accepit. Ideoque non debuit temerè venia à Pratore non petita contra eum actionem intendere, *d. l. 2. C. de in jus voc.*

Quod ad secundam assertionis partem atinet, quod scilicet regulariter juris ignorantia rusticis non profit, ea comprobatur satis ex generali regulâ, quod leges sacratissimæ, quæ cōstringunt omnium hominum vias, ab omnibus intelligi debent, ut vniuersi earum præscripto cognito, vel prohibita declinent, vel permissa sectentur *l. leges 9. C. de legib.* Similiter hæc sententia comprobatur per *l. regula. §. sed iur. ff. de iur. & fact. ignor.* ubi pro
regulâ

regula traditur, quod juris ignorantia non profit, si sit ICtorum copia, quos quis consulere potuit, vel si ipse satis jurisprudentiâ suâ sit instructus. Quibus verbis IC. vult dicere, quod parcendum sit rusticitati & imprudentiâ in juris ignorantia, sed hoc fieri per raro & certis tantum casibus in jure expressis, idque ea conditione tantum, si non habuerint rustici facultatem peritiores consulendi.

Adversatur huic decisioni. *l. penult. C. Qui adm. ad bo. poss.* vbi constituitur, quod si propter imperitiâ vel rusticitatem non petit quis bonorum possessionem intra tempus à lege præscriptum, quod per hoc sibi non præjudicet, sed nihilominus elapso tempore ad bonorum possessionem admittatur. Resp. In isto demum speciali casu ignorantia juris prodest rusticis, quando non adfuit illis ICtorum copia, quos in consulendo adhibere potuerunt. Si enim habuerunt facultatem consulendi peritiores, & ignorantia juris passi sunt tempus petendæ bonorum possessionis elabi, juris ignorantia eis non prodest. *l. in bonorum 10. ff. de bon. poss. l. 2. §. ult. ff. Qu. ord. in bon. poss. serv.* In summa juris ignorantia in rusticis tum demum excusationem meretur, si parata fuit ICtorum copia, quos ipsi consulere potuerunt. Adhæc rusticis permixtum non est jus ignorare, nisi certis tantum casibus, qui legibus nominatim comprehenduntur. *d. l. regula. §. sed juris.* Sic rusticitati parcitur, si quis corrupti album Prætoris *d. l. 7. §. doli. ff. de juris d.* Sic rusticitas excusat, si quis propriâ confessione se denulit in fidei. *l. 2. §. ult. ff. de jure fisci.* Sic rustico subuenitur, quando non edidit jura & rationes, quamvis à judice edere justus sit, *l. 1. §. ult. ff. de edend.* Denique à pœnâ SC. Syllaniani excusantur rustici, qui propter rusticitatem vel ignorantiam, ignari edicti Prætoris, tabulas testamenti aperuerunt, ante institutam de servis quæstionem, & supplicium ab iis sumtum, si dominus à familiâ occisus esse dicatur. *l. si quis in gravi. §. si quis ignorans. ff. ad SC. Sylla.* Extra hos casus à legibus specialiter comprehensos; rusticis propter ignorantiam juris non subuenitur. Ita tradunt *Coffal. ad l. si quis. 7. ff. de juris d. Cujac. lib. obs. 5. cap. penult. Alcibi ad l. 2. C. de in jus voc. Menoch. de arbit. jud. quæst. cas. 194.*

ASSERTIO XCV.

Nuptia siue matrimonium, est viri & mulieris conjunctio, consortium omnis vitæ, individuum vitæ consuetudinem continens.

HÆc definitio matrimonii traditur ab Imp. Iustiniano in *princ. tit. Inst. de nupt.* & à Modestino IC. recitatur in *l. 1. ff. de ritu nupt.*

R 3

Opponit

Opponitur hoc argumentum. Libera fuerunt apud Romanos diuortia, ita ut etiam pœnis nullis impediri potuerint, sicut & libera fuerunt matrimonia. *l. si stipulatio. 19. ff. de V. O. l. Tit. 4. 134. ff. eodem.* Ergo matrimonium non est indiuidua conjunctio. Resp. Hæc verba, indiuidua vitæ societas, ad animum & votum contrahentium referenda sunt, quasi contrahentes eo animo & voto sunt, ut nunquam dirimatur matrimonium, sed perpetuo conjuncti maneant conjuges usque ad mortem *l. 1. ff. de jur. dot.* Votum de conjunctione conjugali perpetuum & indiuiduum est, licet successus non semper respondeat proposito.

Secundo obijcitur, quod definitio hæc latior est suo definitio, quia conuenit etiam concubinarum, quia potest quis cum concubina sua indiuiduam vitæ consuetudinem perpetuo seruare. Ergo est vitiosa definitio. *l. 1. ff. de dol. mal.* Resp. Per hæc verba, indiuiduam vitæ consuetudinem continens, satis excluditur & distinguitur concubinatus à nuptiis. Et si enim in concubinato animus perpetuo cohabitandi adsit, punire tamen, diuidique possunt concubinarum etiam sine causa, si velint. *l. 1. ff. de concub.* Quod non obtinet similiter in matrimonio, nam qui matrimonium contrahunt, talem habent animum, ut perpetuo vnâ viuere velint, sciens quod etiam eorum animus mutetur, tamen resilere non possint à matrimonio, nisi ex grauib. & iustis causis à legibus permittis. Porro licet jure Codicis certis de causis permilla sint diuortia. *l. consensu. C. de repud.* Iure Canonico tamen quod sequimur in causis matrimonialibus, ob infidelitatem tantum permittitur diuortium, si scilicet ex conjugibus alter fuerit infidelis, & noluerit cohabitare cum fidele. tunc fidelis poterit nubere alteri, etiam infideli viuente *c. quanto. ext. de diuort.* Ob adulterium vero non soluitur matrimonium jure Pontificio. *c. licet. 32. qu. 7.* Manent enim conjuges, & fit separatio tantum quoad thoram & mensam, sed non tollitur vinculum matrimonii. Vnde non conceditur separatis potestas noui conjugii. Sed in Ecclesiis reformatis ex verbo Dei innocenti personæ, quæ propter adulterium diuortium fecit, permittitur secundas nuptias contrahere, dummodo primo serio tentata sit reconciliatio inter adulterum, & partem alteram innocentem, eaque successum habere non potuit. *Matthæi. 19. Vñ senb. in parat. ad tit. de diuort. in fin.*

Tertio aduersatur definitioni, quod in veteri testamento multi sancti viri plures vxores habuerunt, & quod hoc tunc temporis Deus tolerauerit. Ergo matrimonium non est indiuidua & perpetua vnus viri & vnus mulieris conjunctio. Resp. Tertullianus vocat polygamiam patrum, licentiam passiuam. Deus enim non approbavit Polygamiam patrum, sed tolerauit tantum, ideoque exempla eorum non sunt imitanda, quia expresse polygamia lege Moysacâ prohibita est. *Genes. 1. & 2.* ad quam legem nqs reuocat filius Dei, *Matthæi. 19.*

Postremo

Postremo obijcitur hoc modo. Si consortium omnis vitæ esset in matrimonio, & societas quædam inter conjuges contraheretur, jam sicut in sociis vnus tenetur pro altero ex rebus communiter gestis, ita etiam maritus teneretur ex contractibus vxoris, & vxor ex contractibus viti. Sed non tenetur alter pro altero, neque vxor potest contineri ex contractu mariti, & vice versa maritus non potest ex contractu vxoris inquietari *l. 1. & l. ob maritorum C. Ne vx. pro mari. l. 1. C. ad l. iul. de vi publ.* Ergo nulla censetur inter conjuges contracta societas. Resp. Vera legitimaque societas non est inita inter conjuges, qualis describitur in *tit. Pro socio*, sed tamen communicatio quædam indiuidua vitæ & bonorum hic interuenit: quia salua honestate nihil diuisum inter conjuges est, sed promiscuum omnium rerum vsum esse oportet, licet nulla sit obligatio, quâ alter alteri ad communicationem obstringatur. Huc facit *l. 1. & tot. tit. ff. Ret. amo.* vbi traditur, quod non detur actio furti, heredibus conjugis, si quid alter conjugum constante matrimonio ex rebus conjugis auertit, sed quod detur actio rerum amotarum, idque propter eam rationem, quia societas vitæ facit quodammodo vxorem dominam rerum mariti. *d. l. 1.* Similiter nec crimen exilatae hereditatis habet locum, si quid alteruter conjugum ex rebus defuncti conjugis abstulit. Ratio est, quia vxor sociâ est omnium bonorum mariti. *l. pen. ff. expil. hered. l. aduersus. C. cod.* sed si ex defuncti conjugis bonis vxor quid auertit conuenietur vxori rei vindicatione, vel actione ad exhibendum. *d. l. aduersus. & l. 1. C. de crim. expil. hered.* Hanc sententiam quod inter conjuges non vera societas, sed legalis quædam communio bonorum ex consuetudine patriæ in plerisque Belgij prouinciis contrahatur eleganter tradit & explicat Clarissimus IC. *Cornelius Neostadius in tract. pact. autennupt. obseru. 9.*

ASSERTIO XCVI.

*Matrimonii institutio juris est naturalis & diuini,
nullaque lege vsus conjugii prohiberi potest,
etiam ministris Ecclesiæ.*

OMNIBVS quibus non est donum continentia à Deo datum, jure diuino & naturali permixtum est matrimonium contrahere. Sic enim discretè pronunciat Apostolus *1. ad Corinth. 7. vers. 2.* Propter fornicationē suam quisque vxorem habeat, & proprium quæque virum habeat. Neque vlli ordini

ordini aut generi hominum facultas contrahendi conjugii legibus humanis auferri aut interdici potest. Vnde apparet grauite errare, & contra septimum Decalogi præceptum non fornicaberis, aperte delinquere Papiſtas, dum maxime patii hominum, puta pærſhyteris, monachis & virginibus veſtibus monaſterio incluſis conjugii uſum interdiciunt. Non enim vota cœlibatus mandatum aut ordinationem Dei tollere poſſunt, quod ita habet. Propter fornicationem vitandam vnuiſque ſuam vxorem h. beat. Imò expreſſe etiam iſtis Apoſtoliſ permiſſum fuiſſe vxores ducere, teſtatur Apoſtoluſ Pauluſ *1. ad Corint. 9.* hiſce verbis. Annon habemus poteſtatem vxorem ſororem circumducendi, vt & reliqui Apoſtoli & fratres domini, & Cephaſ? vbi aperte traditur Cepham. *h. e.* Apoſtolum Petrum vxorem habuiſſe. Quod & manifeſte probatur ex *1. cap. Marci*, vbi ſeruator noſter Ieſuſ Chriſtuſ locum Petri febricitantem à morbo liberauit, Ad hæc *Ambroſiuſ ſuper epiſt. 2. ad Corint.* dum exponit Apoſtoli verba. Deſpondi voſ vni viro virginem caſtam exhibere Chriſto, ait omneſ Apoſtoloſ fuiſſe in coniugio præter Paulum & Ioannem. Vnde & in ſynodo Nicæna Paphnutiuſ Epiſcopuſ, qui erat expertuſ nuptiarum, pronuntiauit caſtitate eſſe cum propria vxore concubituſ vt habetur in *tripart. hiſto. lib. 2. cap. 14.* & apud *Sozom. lib. 1. hiſt. eccl. c. 21.* Quinimo & legibuſ naturalibuſ, omniumque gentium, promiſcuè uſuſ conjugii quibuſuiſ hominibuſ eſt conceſſuſ, vt liquido patet ex *l. 1. §. 2. ff. de juſt. & iu. iuſt. de iu. nat. gent. & ciui. in prin.* Idcoque nulliſ legibuſ Pontificiſ, ciuilibuſ, aut humaniſ, imo nec pactiſ aut conuentionibuſ hominum, nulloque pœnæ vinculo libera facultat contrahendi matrimoniũ conſtringi aut coëmeri poteſt. *l. Titia 134. de V. O.* quia iura naturalia diuinà prouidentia conſtituta perpetua ſunt & immutabilia. *§. penul. Inſt. de iu. nat. gent. & ciuili.*

Obijciunt Papiſtæ primo pro deſenſione voti cœlibatuiſ, quod in genere lege diuinà ſancitum eſt, peccatuſ committi ab hominibuſ, ſi votuſ ſemel emiſſuſ non ſeruetur, ad quod probandum citant locuſ *Deutero. 23.* vbi ita habetur. Si voueris votuſ Iehouæ Deo tuo, ne diſſerto ſoluere illud, nam omnino repoſceret Iehoua Deuſ ab te, & eſſet in te peccatuſ. Reſp. Deuſ non omnium votorum, ſicut etiam non omnium iuramentorum, quacunque ea ſint, impletiõem ſub interminatione æternæ damnationiſ exigat, & de iuramento Sauliſ de occidendo filio Ionathan. *1. Samuel. 14.* traditur; Item de iuramento Davidiſ de perdendo Nabale, cū omnibuſ q; ejus erant, *1. Samuel. 25.* & de iurejurando Herodiſ, *Matth. 14.* proponitur. Cum igitur opiõioneſ annexæ votuſ cœlibatuiſ, ſint impiæ & blaſphemæ, & repugnent verbo Dei, *1. ad Corint. 7. 1. ad Timoth. 5.* nequaquam cum huiuſmodi impiis opiõioneſ cultuſ ſcilicet diuini, & meriti, ſeruanda ſunt vota cœlibatuiſ.

Secundò

Secundò opponunt Pontificij pro defensione voti cœlibatus seu continentiae, locum. *1. ad Timoth.* 5. vbi Paulus viduas quæ semel in ministerium Christi receptæ sunt, nubentes, priorem fidem abnegasse dicite. Verba Apostoli hæc sunt. Viduæ cum lasciuire cœperint aduersus Christum, nubere volunt. Ex eo damnandæ; quod primam fidem rejecerint. Resp. Illis verbis, Viduæ postquam lasciuire cœperint aduersus Christum, iterum nubunt, Apostolus intelligit, quod scilicet amisso pudore omnem honestatis curam abiciunt, & ad omnem lasciuiam se prostituunt. Præterea Apostolus illic eam ætatem præscribit, quæ sit communiter extra periculum incontinentiæ, nam solas mulieres sexagenarias admittit ad diaconissas, vt pauperibus ministrant. Itaque Paulus velle viduas post votum nubere, non simpliciter damnat, sed lasciuendo contra Christum & abjectâ fide velle nubere, hoc verò damnat. Ita tradunt *Caluin. lib. 4. Institut. c. 13. Chemnicus in examine Concilij Tridentini. in loco de cœlibatu & virginitate cap. 9.*

Tertiò aduersatur locus *1. ad Corinth. c. 7. vers. 1.* vbi inquit Apostolus. Bonum fuerit viro mulierem non attingere. Resp. Bonum ibi non significat honestum, quod opponitur malo, sed expediens & commodum, propter tot molestias & sollicitudines, quæ conjugatos manent. Itaque quod ibi bonum opponitur, Paulus Apostolus vocat tribulationem & afflictionem carnis. Nec dicit simpliciter bonum esse, sic manere vt ego sum, sed bonum esse propter vrgentem necessitatem. *vers. 26. ejusdem cap.* Ita hunc locum eradit post Augustinum explicant *Erasmus & Beza d. c. 7.*

Denique hanc sententiam, quod voto cœlibatus homines non sint necessario adstricti, sed liceat iis etiam post pactum cœlibatus, si continere non potuerint, nubere & matrimonium contrahere, saniores & orthodoxi patres approbant. Quod confirmat inter alia multa testimonia, celebris illa & nota *Cypriani* sententia, quæ extat *lib. 1. epist. c. 11.* Si virgines sese ex fide Christo dicauerunt, publicæ & castæ sine vlla fabulâ perseuerent, & ita fortes & stabiles præmium virginitatis expectent. Sin autem perseuerare nolunt aut non possunt, melius est vt nubant, quam vt in ignem suis deliciis cadant. Certe nullum fratribus aut sororibus scandalum faciant. Hæc manifesta est sententia, virginibus etiam quæ voto virginitatis semel se obstrinxerunt, si postea ita perseuerare non possint; imò etiam si nolint perseuerare, melius esse nubere quam vri. vel scandalum dare lasciuendo. Plura insignia testimonia Patrum, quibus vota cœlibatus rejiciuntur & improbantur, citat & allegat *Chemnic. d. c. 9. de cœlibatu & virginitate. in examine Concilij Tridentini.* Illud obiter notandum, quod primus Papa Syricius, (qui visit circa annum Domini 400. & Ambrosij ætate,) definiuit & iunxit sacerdotes cœlibes manere oportere, cui deinde suffragatus est Papa Calixtus, de quo isti versus cantantur:

S

O bone

*O bone Calixte totus mundus perodit te,
Quondam presbyteri poterant vxoribus vis
Hoc destruxisti, postquam tu Papa fuisti.*

Planè ante illa tempora presbyteros fuissè conjugatos, comprobatur exemplo Gregorij Nazianzeni, qui fuit doctòr facundissimus, cujus pater Episcopatum gessit in Ecclesia. Et de eo canit Baptista Mantuanus, vt refertur in libro 4. Catalogi testium veritatis. Præfule patre satus (nam tunc id jura sinebant) Pastorale pedum gessit post funera patris.

ASSERTIO XC.VII.

*Liberi naturales per subsequens matrimonium legiti-
mantur, etiamsi dotalia instrumenta non
intervenierint.*

DISPVTATUR inter DD. An si pater cum eâ muliere quam prius concubinæ loco habuit, postea nuptias contraxit, si dotalia instrumenta non intervenierint, liberi tamen nihilominus fiant legitimi. Et verior probabiliorque est sententia, liberos nihilominus effici legitimos, licet dotarium instrumentorum confectio non intervenit. Nam beneficium legitimæ liberos à Iustiniano non instrumentis dotalibus aut doti tributum est, sed nuptiis, & iustæ sequenti conjugali conjunctioni. Proinde ubicunque constabit nuptias esse contractas, idem beneficium locum habebit, *l. in omnibus causis 68. ff. de R.I.* Perficiuntur autem nuptiæ solo contrahentium consensu, & dos quidem sine nuptiis consistere non potest, at nuptiæ sine dote & dotalibus instrumentis esse possunt. *l. nuptias. ff. de R.I. §. nuptias. Novel. de nupt. l. 3. ff. de iur. dot. l. ult. C. de donat. ante nupt.*

Sed grauius obstat. *l. cum quis. 10. & l. nupt. 11. C. de natu. lib. §. ult. Inst. de nupt.* in quibus locis Iustinianus dicit se hoc beneficium tribuere iis, qui dotalia instrumenta cum muliere fecerint, seu qui ad dotalia instrumenta peruenerint. Resp. Iustinianus non ad substantiam, sed ad probationem matrimonii tantum exigit dotalia instrumenta, ne quid hic à conjugibus simularetur ad statum liberorum confirmandum, cum illis temporibus non aliter certò solet constare nuptias seriò fuissè contractas, quam dotalibus instrumentis interpositis, quam & causam Imperator ipse reddidit in §. illud quoque *Nov. 74. Quib. mod. natur. eff. sui.* Hodie autem moribus nostris, cum in publico Ecclesiæ cœtu matrimonia publicè contrahi debeant, & à ministris publicis piisque precationibus benedicì, ita vt de iis dubitari non possit,

possit, nihil amplius ad fidem matrimonii, & confirmationem liberorum exigendum est. Eaque sententia hodiè magis recepta & approbata est jure Canonico, in *c. santa. extra. Quib. fil. sint legit.* Quod jus Canonicum in materia matrimonii, tanquam spirituali, judicando & consulendo sequimur *c. penult. & ult. ex. de secund. nupt.* Verior itaque & sanior est opinio, quod hodiè instrumentorum dotialium confectioe opus non sit, quoties per subsequens matrimonium liberi legitimantur, sed quod solo consensu tale matrimonium perficiatur. *l. penult. C. de incest. nupt.* Quinimò cum matrimonia usque ad extremum vitæ spiritum solo consensu rectè contrahantur, *l. hoc genus 105. ff. de cond. & demon.* Ideò etiam in extremo articulo mortis hoc modo nuptiis cum concubinâ sola voluntate & professione confectis, liberi legitimari possunt. Ita decidunt Baldus in *Ausb. licet C. de nat. liber. Angel. & VVeeseb. ad §. ult. Inst. de nupt.* Iason in *l. sed est quasitum num. 5. §. 6. & 7. ff. de lib. & posth. Donel. 2. com. jur. c. 21. in fine. Cujac. lib. 13. observ. 4.* Fachinus autem libro 3. *controuer. c. 51.* decidit jure Canonico liberos quidem per subsequens matrimonium legitimari, sed non jure civili, quando non interueniunt dotalia instrumenta.

ASSERTIO XCVIII.

Sponsi de presenti non aliter participant lucra dotalia, nisi matrimonium copulâ fuerit consummatum, vel deductio in domum secuta.

QUÆRITVR, Vtrum si sponsalia per verba de presenti sunt contracta, neque secuta fuerit traductio in domum mariti, nec copula carnalis, sponsi sint participes lucrorum, quæ alterutro moriente ex statutis superstite debentur? Et verius est, legibusque magis consentaneum, sponsos de presenti non aliter participare lucra dotalia, nisi matrimonium copulâ fuerit consummatum, vel sponsa in domum mariti deducta. Rationes decidendi sunt, quia videtur facta promissio seu datio dotis, sub conditione, si ipsa virgo ducatur in domum, & sequatur copula, prout fieri solitum est ab omnibus. *argum. l. stipulationem. 21. l. non enim. 37. l. promittendo. 41. in princip. ff. de jure dot. l. cum veterum. C. de donat. ante nupt.* Vnde cum impleta non fuerit conditio, debet cessare lucrum & acquisitio ipsius dotis. Altera ratio est, quia mens statuti defert lucra nuptialia in compensationem onerum matrimonii, onera autem non subit maritus ante contractum re ipsâ

matrimonium. *l. pro oneribus 20. C. de jur. dot. l. si quis pro vxore. 21. §. 1. ff. de donat. int. vir. & vx.*

Obijcitur primò, quod conjuges sint inter se socii rerum diuinarum atq; humanarum. *l. aduersus C. de crim. expil. hare. l. 1. ff. de rit. nupt. & infortunia vnus debent esse communia alteri.* Quæ ratio etiam in sponsa de præsentì locum habet. Resp. Tunc demum verè ipsa societas omnium commodorum & incommodorum incipit, cum matrimonium per copulam ad effectum est deductum. Nam tunc demum conjuges labores & operas suas communicant, præbent sibi mutuò solatia in rebus aduersis, & laborantibus opem ferunt, juxta dictum licet Scripturæ. Non est bonum homini esse solum, faciamus ei adiutorium quod sit coram eo. *Genes. 2. v. 18.*

Secundò repugnat regula juris, quod nuptias facit solus consensus, neque ad essentiam earum concubitus requiritur. *l. nuptias, 30. de R. l. Ergo etiam ante copulam secutam sponsalia habentur pro vero matrimonio.* Resp. Habentur quidem talia sponsalia de præsentì pro vero matrimonio, quoad vinculum matrimonii, ita vt ab hisce sponsalibus recedere non liceat etiam utriusque partis consensu. *l. si inter. ex. de sponsal.* Sed tamen is sponsus, qui stetit in meris finibus voluntatis, nec id compleuit, propter quod nubimus, mariti appellatione non censetur denominandus *l. 1. extra de frigid. & malefic. l. vlt. C. de sponsal.*

Tertiò opponitur. Statutum vt conjunx superstes lucretur dotem vel alia lucra dotalia, est fauorabile: atqui in fauorabilibus sponsa de præsentì vxoris loco habetur. *l. si sponsa. 74. ff. de ju. dot. l. lex Iulia. ff. de fund. dot. l. item apud. 15. §. sponsum. ff. de injuriu. l. 2. §. si sponsa. ff. de priu. cred. l. non sine ratione. C. de bon. que lib.* Resp. verba statuti debent accipi prout vulgo ex consuetudine loquendi accipiuntur. *l. Labeo. ff. de sup. leg.* Sed vulgo eum appellamus maritum, non qui tantum cum sponsa desponsatus est, sed qui cum effectu & re ipsa matrimonium compleuit. Ergo quamuis priuilegia nuptiarum ex certo fauore desponsatis plerumque competant, tamen cum agitur de dote viro applicanda, nulla ciuilis ratio permittit in præjudicium feminaum de nuptis ad desponsatas fieri extensionem.

Quarto obijcitur *l. penult. C. de incest. nupt.* Vbi dicitur, quod non licet mihi fratris vxorem ducere in conjugem, etiamsi cum ea non interuenierit carnalis copula, quia satis est inter eos interuenisse sponsalia de præsentì, vt sint vir & vxor. Resp. Propriè per sponsalia de præsentì non contrahitur affinitas, sed publica honestas & verecundia quadam introducitur, propter quam ab hujusmodi nuptiis abstinendum est. *l. si qua. 12. §. 1. ff. de rit. nupt. l. Seruius. 8. ff. de grad. & affin.*

Quinto aduersatur. *l. si vxor. 13. §. Diui. ff. ad L. Iuliam de adult.* vbi etiam cum sponsa de præsenti committitur adulterium. Ergo si in odiosis sponsalia de præsenti habentur pro matrimonio, multo magis in fauorabilibus. Resp. Et si committatur adulterium in sponsa de præsenti, tamen non dicuntur propterea sponsalia de præsenti verum esse matrimonium, quia additur in tex. nec spem qualemcumque matrimonii violare est permillum. Adde quod hoc propter publicam vtilitatem est introductum: publice enim interest delicta non inanere impunita, & pudicitiam coli. *l. ita vulneratus. ff. Ad L. Aquil.*

Sexto opponitur hoc modo. Si alicui relictum sit legatum sub conditione, si matrimonium contraxerit cum Titia, debetur legatum, si cum Titia contraxit matrimonium per verba de præsenti, etiam si Titia ante consummatam copulam decedat. *l. cui fuerit. 15. ff. de cond. & demon.* Resp. Hoc verum est, si legatum ab extraneo aliquo relinquatur iuueni vel puellæ: hoc enim debetur, statim vbi consensu matrimonium est peractum. Verum lucrum quod ex statutis superstiti coniugi debetur ex bonis prædefuncti conjugis, hoc non debetur, nisi matrimonium facto & re ipsa consummatum, quia debetur partim propter officia & obsequia sibi inuicem à conjugibus præstita, partim propter onera matrimonii nomine sustentata.

Septimò refragatur hoc argumentum. Donationes prohibita inter virum & uxorem, censentur etiam prohibita inter sponso de præsenti. *l. penul. ff. de donat. int. vir. & vx.* Ergo & lucrum quod debetur superstiti coniugi ex bonis prædefuncti, statim ei acquisitum censetur, cum matrimonium consensu solo est peractum. Resp. Simples donationes prohibita sunt inter conjuges vel sponso de præsenti, sed hæc lucra dotalia de quibus hic agimus, non censi debent puræ & simplices donationes, sed contrahuntur ob causam, scilicet in honorem bene transacti matrimonii. Ergo non debentur nisi matrimonium plenè & cum effectu sit consummatum, per ingressum thori maritalis.

Octauò obijciunt. Dos non potest dici, vbi matrimonium non est contractum. *l. 3. ff. de jur. dot.* Sed quod sponsus accepit à sponsa, habet nomen dotis ante aliam consummationem. *l. 2. §. ult. ff. de prim. cred.* Item priuilegium legis Iuliæ de fundo dotali habet etiam in sponsa locum, sicut in vxore, non possit alienare fundum dotalem. Resp. Hæc non obstant assertioni nostræ, quia ea accipitur de lucro & commodo quod acquirit superstes ex bonis prædefuncti conjugis. Verum prædictæ leges loquuntur de iis bonis, quæ ob futurum matrimonium data sunt in dotem, hæc repetuntur iuste, si matrimonium cum effectu non sit consummatum per copulam.

Postremò opponitur. *l. non sine. C. de bon. qua lib.* vbi traditur, quod si cur quæ sita seu donata à marito, vxor non acquirit patri, nisi quoad vniuersum

Quam, sic nec quæ sita à sponso. Resp. In eâ l. constituitur, quod ea tantum lucratur sponsa, quæ illi à sponso expressè donata sunt in testamento vel inter vivos, nihil verò disponitur ibi de lucris dotalibus, quæ ex consuetudine vel statuto superstiti conjugii debentur. Ita decidunt *Fors. in pract. in for. libel. quo vxor agit ad dotem, in glossa vxoris, quondam. num. 5. Anton. Guibertus de sponsal. cap. quid sint sponsalia. num. 8. & seqq. Sneider. ad Inst. lib. 3. tit. 1. in cap. de success. viri & vxoris. num. 121. Chass. in cons. Burg. rubr. 4. §. 6. in verbis femme mariée, vbi refert ita in Parlamento Parisiensi fuisse iudicatum, licet ipse videatur contrariæ sententiæ ad stipulari, quod scilicet sponsi de præsentietiam non secuta copula gaudeant lucris dotalibus ex consuetudine vel statuto superstiti conjugii debitis. Boër. decis. 22. num. 33. vbi tradit de consuetudine à jure & à Doctoribus communiter approbata, requiri quod sponsa fuerit ad domum viri traducta, & ibi ipse vir cum ea cubuerit, aut etiam alibi, licet carnaliter non fuerit ab eo cognita, pro qua sententia facit, quod dicitur, *Au coucher gaigne la femme son douaire. Cujas. lib. 2. feud. tit. 9.**

ASSERTIO XCIX.

*Polygamia omni jure tum diuino, tum humano
prohibita est.*

NON licet alicui Christiano duas pluresve vxores simul habere. Quæ sententia multis sacre scripturæ testimoniis comprobatur, ex quibus hæc duo præcipua sufficiant. Primum adducitur tex. in 1. *Genes. 2.* vbi Deus author & ordinator conjugii ita pronuntiat. Propter hoc relinquet homo patrem & matrem suam, & adhærebit vxori suæ, & erunt duo in carne vna. Non dixit tres vel plures, sed duo, nec dixit adhærebit vxoribus, sed vxori. Secundò hanc legem latam in prima conjugii institutione, Christus redemptor noster, in Nouo Testamento, *cap. 19. Matthei* repetit, hisce verbis. Propterea relinquet homo patrem & matrem, & agglutinabitur vxori suæ, & qui duo fuerunt, erunt vna caro. Adhæc ibi subiungitur. Quod qui dimiserit vxorem suam, & aliam duxerit, mœchatur. Si vxore dimissa alia duci de jure non potest, longè fortius nec aliam ea retenta ducere fas erit. Quod ad jus civile attinet, hæc decisio satis manifestè conuincitur ex definitione matrimonii tradita in *l. 1. ff. de rit. nupt. & §. 1. Inst. de pat. test.* vbi matrimonium definitur, quod sit maris & femine conjunctio, indiuiduam vitæ societatem continens

continens. His verbis *Maris & fœmine*, Ictus ostendit matrimonium iustum vnius maris & vnius fœminæ conjunctione constare, Imò & sacratissimis Imperatoribus Romanis polygamia displicuit, eamque grauitèr detestati sunt. Sic in *l. 2. C. de incest. nupt. Impp. Diocletianus & Maximianus* releserunt, Neminem qui sub imperio Romano viuit, posse simul duas vxores habere. Adhæc ei, qui binas vxores vel bina sponsalia eodem tempore constituta habet, infamia irrogatur. *l. i. ff. de his qui nota. infam.* Imò pœna stupri & adulterii tenetur. *l. cum qui duas, vbi gloss. & DD. C. Ad l. iul. de adult.* Quinimò & pœna capitalis, hoc est gladii, in ordinationibus impetrati in vtrovis sexu in hoc genere delicti est decreta. *Ord. Imp. c. 121.* Vide *Vvesemb.* paulò aliter distinguentem in *parat. ff. ad l. iul. de adult. nu. 8.* Menoch. de arbit. iud. cap. 420. n. 96. & seqq. qui statuit iudicis arbitrio pro qualitate facti & personarum hos esse feriendos per text. in *l. 2. C. de incest. nupt.*

Sed obijcitur, quod in veteri testamento multi sancti viri plures vxores habuisse leguntur. Sic Lamech duas accepit vxores. *Genes. 4. vers. 19.* qui primus digamus fuit, & legitimi conjugii corruptor. Sic Iacob duas habuit vxores vno & eodem tempore, Rachelem & Leam. *Genes. 29* idque Deus tunc temporis tolerauit. Resp. Polygamia nunquam fuit iure diuino permessa, & talia patrum exempla non imitanda, sed admiranda sunt, ab initio enim non erat sic, vt inquit filius Dei *Matth. 19.* vbi nos reuocat ad primam institutionem conjugii, nempe quod debeant esse duo, & non plures in carne vna. Ergò quod primæ institutioni respondet, id rectum bonum iustum ac Deo acceptum est. Nec refert quid Patres & alii homines fecerint, quia sequi oportet non hominum consuetudinem, sed veritatem Dei, teste Cypriano. Ideo autem Patres plures vxores simul habuerunt, propter promissum semen mulieris, quod contritutum erat caput antiqui serpentis, quod Patres summo desiderio expectabant & petebant, sicut Christus testatur *Luce. 10.* Vnde & Tertullianus in libro de Monogamia, vocat patrum polygamiam licentiam passiuam. Cum ergo Deus non probauerit patrum polygamiam, sed per coniuuentiam tolerauerit tantum, ideo illorum exempla non sunt imitanda. Et non tantum spectandum est, quid Romæ factum est, sed quid fieri debuit. *l. sed licet. 12. ff. de off. presb.*

Secundo in contrarium adducitur locus ex *cap. 19. Matth.* vbi traditur, quod Moyses permisit maritis dare libellum repudiij vxoribus suis, & iis dimissis alias ducere. Ergo si hoc Moyses concessit Iudæis, electo Populo Dei, videtur polygamia aliquando licita fuisse, & per consequens Christianis non deneganda. Resp. In eodem loco mox subiicitur responsio ad hanc argumentationem, quod hoc Moyses non concesserit quasi licitum & rectum, sed propter duritiem cordis Iudæorum hoc genus repudiij tolerauit, & diu-

& dissimulat, tanquam leuius malum, ne grauius quicquam ab iis committeretur. Vnde ibidem Christus hanc licentiam tollit & abrogat, & ad primam institutionem conjugii nos reuocat, vt scilicet quilibet tantum vnam uxorem eodem tempore ducat, eique indiuiduo & perpetuo nexu vsque ad mortem adhareat. Hoc solum nobis licitum & rectum censi debet, quod lege diuina nominatim conceditur, cuius sola voluntas statuit boni & mali discrimen, cuiusque lex tantum uobis esse debet sancte pieque viuendi regula. Plura de hac quaestione eleganter differentem, vide *Bezam in tract. de polygamiis*, & *Martyrem in Classibus locor. commun. class. 2. c. 10.* & in *librum. 1. Samuelis, c. 25.* Dissentit *Bernardus Ochinus in libro de Polygamia*, quem accuratissime refutauit *Th. Baza in elegantii tractatu suo de Polygamia*, & *Pet. Martyr in locu communibus. class. 2. c. 10.*

ASSERTIO C.

Matris & tutorum consensus non requiritur de jure civili in sponsalibus vel nuptiis filia seu pupilla.

DISPVTATUR inter DD. An etiam in puellæ sponsalibus vel nuptiis de necessitate requiratur consensus matris vel tutorum. Et statuendum est tanquam verius & probabilius de jure civili, quod matris vel tutorum consensus in sponsalibus vel nuptiis pupillæ vel adultæ non requiratur. Ratio hujus decisionis est manifesta, quia eorum tantum consensus desideratur in nuptiis, qui patriam potestatem in contrahentes habent. *Inst. de nupt. in princ. in verb. in quorum sunt potestate l. 2. ff. eodem.* Ad verò cum liberi non sint in potestate matris, multò minus in potestate tutorum vel curatorum. §. *famina Inst. de adopt. l. in copulandis. 8. C. de nupt.* Idè eorum voluntas ad nuptias non censetur necessaria. Huc facit, quod nec approbatione patris, filio filiaue emancipatæ, jure civili ad essentiam nuptiarum est opus. *l. filius 25. ff. de rit. nupt.*

Sed huic decisioni grauius repugnant. *l. 1. l. vidua. 18. l. in conjunctione. 20. C. de nupt.* vbi statuitur, quod filia minor. 25. annis, siue sit virgo, siue vidua, inò etiam si sit emancipata, nihilominus debet adhibere consensum patris. Si verò patre est orbata, adhuc debet consensum matris & tutorum impetrare. *Cujac. lib. 6. obs. 3. cap. 5.* putat hac in re differentiam statuendam esse inter filium & filiam, ita quod filius emancipatus etiam si sit minor. 25. annis, non teneatur in nuptiis adhibere consensum patris; filia autem etiam emancipata consensum patris adhibere debeat. Quod si patre mortuo filia minor. 25. annis sui juris sit effecta, tunc matris & tutorum consensum etiam impetrare

impetrare cogatur. per d.l.l. *vidua. & d.l. in conjunctione. C. de nupt.* Ideo autem magis districtè & necessariò vult in nuptiis filiae adhiberi consensum parentum & tutorum, quam in nuptiis filii, quia filiae propter sexus imbecillitatem magis quam filii in contrahendis nuptiis errare & decipi possunt, cum sæpe contra propria commodà feminae laborareprehendantur, *l. si pater. 4. C. de sponsal.* Sed nihì probabilius & rectius ita videtur statuendum, quod matris consensus non sit necessarius in nuptiis filiae. Et quod *l. 1. C. de nupt.* etiam matris consensum efflagitare videtur, id non necessitate concludit, sed pudori & reuerentiæ filiae reliquit. Ita statuit *Wesemb. ad princ. tit. Inst. de nupt. num. 6.*

Quod ad tutores attinet, tutorum consensus videtur necessariù fuisse in sponsalibus pupillæ. *d. l. 1. C. de nupt.* quia pupilli sunt quasi in horum potestate, cum tutor magis detur personæ quam rebus. *l. in copulandis. C. de nupt.* Nam nuptias ii quibus tutores præsumunt, id est, impuberes contrahere non possunt, ideoque in iis frustra disputatur de consensu tutorum. Ceterum cum hodiè propè sublatum sit omne tutelæ & curæ discrimen, & tutores iidem maneant, qui & curatores, idem in tutoribus statuendum videtur in nuptiis vel sponsalibus pupillæ, quod in curatoribus obtinet, ut scilicet tutorum consensus & approbatio necessariò non requiratur. *d. l. in copulandis l. sciendum. ff. de ritu nupt.* Hæc de consensu matris, quod scilicet necessariò non requiratur in nuptiis liberorum, obtinent de iure civili, cum mater liberos non habeat in potestate. *§. ult. Inst. de patr. pot.* Verùm cum iure diuino par reuerentià debeat patri & matri, secundum præceptum *5. Decalogi*, non solum patris, sed etiam matris consensus necessariò requiritur in nuptiis liberorum. Etsi enim inæqualis est eorum potestas, tamen parentibus pietas æqualis debetur. *l. furiose. C. de curat. furios. l. parentes. ff. de in ius voc.* Et hæc sententia in benè constitutis Rebuspub. & reformatis Ecclesiis moribus obseruatur, quod scilicet utrorumque parentum suffragium in liberorum præsertim minorum, 25. annis nuptiis contrahendis de necessitate requiratur, nec absque eo nuptiæ contrahi possint. Si tamen nuptiæ sint contractæ, & per copulam consummata, ob parentum dissensum non dissoluantur. *arg. l. patre. ff. De his qui sui vel alie. iur. sunt. l. 1. in fi. & l. seq. ff. de lib. exhib.* Ratio est, quia res integra esse desiit, & magna fieret injuria puellæ, si postquam viriata esset, simul cum virginitatem maritum quoque amitteret. *c. cum causa. ex. de raptor.* Si verò iniuncta tantum sunt matrimonia, vel sponsalia de præfenti contracta, possunt ob dissensum parentum rescindi, quoties parentes habent iustas & probabiles causas contradicendi. Ita decidit *Wesemb. in parat. ff. de ritu nupt. nu. 3. & 8.*

MISCELLANÆARVM ASSERTIONVM CONTROVERSARVM,

SEV

ENANTIOΦΑΝΩΝ.

ASSERTIO I.

*Dos non pertinet ad substantiam matrimonii, nec ob dotem
promissam non solutam, maritus uxorem
expellere potest.*



DOS datur & constituitur propter nuptias, neque sine nuptiis aut matrimonio dos esse potest, è contra autem, nuptiæ sine dote benè possunt contrahi. Non enim dotibus, sed affectu & amore conjugali matrimonia contrahuntur. tex. sunt in l. ult. §. sicut C. de donat. ant. nupt. Nouel. 117. c. 3. Hinc legem expressè cautum & decisum est, quod vir ob dotem non solutam, uxorem in domo suâ expellere non possit, l. ult. C. de repud. §. sic itaque matrimonia. vers. si quis sub potestate. Nou. 22. de nupt. Defendunt hanc sententiam VV. senb. in parat. ff. de jur. dot. num. 6. Gaul. lib. 2. obs. c. 87. nu. 11. 3. Fachin. lib. 3. controuers. c. 48. Horon. in tractat. de doub. in cap. quo agit de iure dotium quod ante matrimonium spectatur. Contrariam opinionem sequuntur Castreus. ad l. insulam. §. v. n. 135. ff. Solut. marr. lajon in §. fuerat. num. 98. Inst. de acq. Gomez. ad l. tauri. l. 30. num. 31. Boer. decif. 22. num. 2. & 3.

Sed opponitur huic sententiæ. l. ult. C. Ad SC. Vellæa. cujus hæc sunt verba. Neque sciendum est mulierem fieri indotatam, & sic à viro forsan repelli, & distrahi matrimonium. Resp. In illa lege Imp. non permittit marito. vi uxorem expellit propter dotem non solutam, sed tantum indicat periculum esse, ne vir uxorem ob eam causam de facto expellat, & matrimonium distrah. Itaque Imp. ibi tantum proponit casum, qui de facto propter non solutam dotem contingere possit, quod scilicet propter eam causam possit vir uxorem

rem

rem expellere, & ei repudium mittere, non autem affirmat ibi Imp. hoc à marito iure & rectè fieri posse, sicut eum tex. multi perperam intellexerunt. Ita respondet Nobilissimus IC. Ioachim. a. Benj. in 2. parte de matrimo. c. 66. Quæ sententia habet eundem & firmam rationem, quia marito potest alio remedio consulere, ad dotem consequendam, nempe ope & officio iudicis. Vel aliter etiam respondetur, quod hæc l. ult. C. ad SC. Vell. per Nouellas constitutiones abrogata & emendanda est scilicet No. 22. §. si itaque matrimo- nit. No. 53. §. ult. No. 74. §. ult. & No. 117. vbi statuatur, ne mariti eadē causa vxores repudient, quod sint indotatæ, & si fecus faciant: & vxores suas repu- dient vel expellant propter non acceptam dotem, quod tunc quartam par- tem bonorum eis relinquere coguntur. Ita respondet Hotom. in tract. de do- tib. in c. voi. agit de iure dotium, quod ante matrimonium spectatur.

Secundò obicitur, gloss. in §. ult. Nou. de non elig. secund. nubent. mulier. in verb. ouera, dum inquit, quod videatur iniquum, quod vxor alatur à viro non tradita dote sibi promissa; sed licet hoc verum sit, non tamen ex eo rectè infertur, vxorem posse à viro ob dotem non solutam expelli. Planè illud notandum est, quod non tenetur sponsus sponsam in vxorem ducere, si do- tem quam promisit, non soluat, dummodò res adhuc sit integra, & copula non sit secuta. Io. Andr. Inola & alij in cap. quemadmodum de iur. ju. per tex. in cap. de illis de cond. appo. iuxta communem intellectum, l. si ita stipulatus fuerit 97. §. si tibi nupsero. ff. de V. O. Covar. 1. par. de sponsal. c. 7. fac. l. si dona- turus. 9. §. 1. ff. de cond. cau. da. vbi dicitur, quod maritus non cogitur vxor- em indotatam habere. adde l. purè §. §. sed & similiter. ff. de dol. mal. & mei. exc. vbi dicitur, non esse permittendum, ut mulier fiat indotata. l. ult. §. 1. ff. Que in fraud. cred. vbi dicitur, non esse præsumendum quenquam in- dotatam vxorem ducturum.

A S S E R T I O II.

*Dos ab hæredibus mariti, propter adulterium mulieris
retineri non potest.*

SI vxor commisit adulterium, & maritus cum esset ejus ignarus, decessit nulla instituta accusatione contra vxorem: quaeritur an hæredes mariti possint retinere dotem propter adulterium vxoris. Et verior, junque magis consentanea est sententia, hæredes mariti dotis retentionem non habere. Quæ opinio hinc argumentis præcipue comprobatur, quod de his quæ maritus æquo animo tulit, hæredes ejus conqueri non debent.

Secundò iudicium de moribus non transit ad hæredes. *l. rei iudicata. §. 1. ff. solut. matr.* vbi dicitur, quod morum coercitio non transit ad heredes mariti. Tertiò actio injuriarum quæ defuncto competeat, non transit ad hæredes, si defunctus eam non intentavit, *l. 1. ff. de privat. delict. l. injuriarum. 13. in princ. ff. de injuriis.* Atqui hoc iudicium de moribus comparatur actioni injuriarum. Et regulariter actiones quæ ad vindictam comparatæ sunt, ad heredes non transeunt, *l. 1. ff. de reuoc. donation.* vbi dicitur, quod si donator in vita sua non reuocauit donationem ob ingratitudinem donatarii, hæredem ejus reuocare non possit, & sic jus reuocandi non transit ad heredem. *l. 1. §. vltim. ff. Ad SC. Sillan. l. omnimodo 30. C. de inoff. testam.* vbi sancitur, si pater filios ingratos non exclusit à sua hereditate, non licet heredibus ejus hos ingratos nominare, & hujusmodi querelam introducere. id est, si liberi non sunt à patre propter ingratitudinem exheredari, non possunt heredes patris contra eos licet ingrati erga patrem extiterint, querelam inofficiosi testamenti instituere, & sic eos à paterna hereditate excludere.

Sed opponitur huic decisioni hoc argumentum. Nemo præsumitur actionem seu jus suum repudiare, quod ignorat libi competere. *l. mater. 19. ff. de inoff. testi. l. legitimam. §. ff. de petitione hereditatis.* Ideoque cum maritus ignorans adulterium ab vxore commissum (quod in dubio præsumitur. *l. mariti. 29. in princ. ff. ad l. iul. de adult.*) non instituta accusatione decessit, non censetur hanc injuriam remisisse, ideoque ejus hæredes rectè & vtiliter adhuc experientur, & dotis repetitionem impedire poterunt. Resp. Non ea ratio istius juris, quod accusatio de moribus defuncti non competat heredibus, est præsumta tantum defuncti voluntas, qui censetur hanc injuriam remisisse, sed odium istius judicij, quod ad vindictam comparatum est, propter quod perinde habetur maritus, qui conquestus non est de crimine & vitio vxoris, ac si omnino vxori hoc delictum ignouisset. Sic & actio injuriarum non competit heredi, quæ à defuncto instituta non est, cui hoc iudicium rectè comparatur. Hanc decisionem, quod ab hæredibus mariti dos retineri non possit propter adulterium vxoris, si maritus in seipso perpetrati criminis decessit, nulla instituta adulterij accusatione, defendit *Duarenus ad l. rei iudicata. 15. ff. Solut. matr.* Dissentiant *Menoch. de arbitrar. judic. lib. 2. cent. 5. cas. 419. num. 58. & seqq. Anton. Guiper. in tractatu de dotib. c. 6. num. 28.* Prædictam assertionem comprobant *Bart. ad d. l. rei iudicata. §. 1. ff. Solut. matr. specul. in tit. de donat. §. quod si mulier. Bald. cons. 132. vel 732. incip. petens de firmo. volumine 5.* Vbi addit quod heres maritus conuentus de restitutione dotis non solum non potest excipere de adulterio ab vxore commissio, sed nec accusare eam adulterij potest. Pœna enim priuationis bonorū propter delictum,

delictum, non transit ad heredes delinquentis *l. eius qui delatorem 29. & illi Bart. ff. de iur. ffs. Eandem sententiam approbat Guid. Pap. sing. 431.*

ASSERTIO III.

Tutela est vis ac potestas in capite libero, ad tuendum cum, qui per aetatem se defendere nequit, iure civili data & permiffa.

EX TAT hæc definitio tutelæ à IC. Servio Sulpitio tradita in *l. 1. ff. de tutela & §. 1. Inst. eo.* quæ absoluta est & elegans, desumpta à causâ efficiente, materiali & finali. Generis loco posita hæc sunt. *Vu & potestas*, id est, auctoritas gubernandi personam, & administrandi bona pupilli, non vt perperam Accurs. qui vim hic accipit pro violenta potestate. *In capite libero.* Hæc verba materiam & subiectum tutelæ continent, & referenda sunt ad pupillum qui sui juris esse debet, & à dominica vel patriâ potestate solutus. *Ad tuendum, &c.* Hæc causam finalem tutelæ, scy effectum & officium tutorum respiciunt, qui in hoc dantur, vt vitam mores bonaque pupillorum tueantur. Postremo quod subijcitur. *iure civili data & permiffa*, hoc ad causam efficientem pertinet: data scilicet legitima & dativa tutela, quæ à lege & magistratu deferuntur, perit illa scilicet testamentaria, quam lex dari permittit à testatore *l. 1. ff. de test. tut. l. 1. ff. de legit. tut.*

Hinc definitioni pleraque aduersantur. Et primò videtur tutela malè definirî potestas, quia ii qui in tutela vel curatione sunt, sui juris esse dicuntur, & in aliena potestate esse negantur. *Inst. de tutel. in princ.* Resp. Aliter accipitur potestas, cum dicitur quis esse in potestate, aliter cum tutela potestas definitur. Quod traditur hic, quod tutela sit potestas, hoc de auctoritate, item gubernatione personæ, & administratione bonorum intelligendum est, quod scilicet tutela est potestas, quæ circa gubernandos mores pupilli, & bona ejus est occupata. Tutor enim datur imprimis, vt pupillum cum sua familia aliat & tueatur, eumque studiis optimisque vitæ moribus imbuat, deinde vt bona pupilli curet & administret. *d. cum plures 12. §. cum tutor. ff. de adm. tuto.* Non autem tutor habet potestatem in personam pupilli, si jns status vel capitis respicias, quæ potestas soli domino & patri in personam serui & filii competit. Vnde pupilli caput liberum esse dicitur.

Secundò hinc enunciato quo asseritur, tutelam esse potestatem in caput liberum quod perinde valet, ac si dicas in pupillum liberum vel sui juris, restitatur. *l. ult. §. minores C. de senten. pass.* vbi filio f. mil. tutor datur, Item

aduersatur *l. si impuberi 13. ff. de tuto. dat. ab his*: ubi pupillo seruo tutor datur. Ad priorem *l.* respondetur, quod ibi pater filiam. erat deportatus in insulam: quo casu patris potestas extinguitur, quoad datur pena deportationis, & interim ei tutor datur, quatenus patris testamento in praesentium statum deponit officium tutelae, & jus administrationis reuertitur ad patrem. Ad posteriorem *l.* respondetur, quod hoc singulari iure constitutum est, ut seruo impuberi, cui simul à domino libertas per fideicommissum est relicta, propter certam spem in dubitatum ac infallibilem initantes libertatis tutor detur, ut & alibi saepe seruus agit contrahitque *l. & eleganter. §. seruus. ff. de dolo. l. vix certus. 53. ff. de iudic.*

Tertio ei quod traditur tutelam esse iure civili inuentam, repugnat. *§. vlt. inst. de Attil. tut.* ubi statuitur, tutelam esse iure naturali introductam. Naturale enim est, ut is qui perfectae aetatis non est, alterius tutela regatur. Resp. Quoad originem, institutionem ac materiam, à jure gentium seu naturali tutela producta est, incrementum verò & formam accepit à jure civili. Naturali si quidem rationi conueniens est, ut impuberes qui propter lubricum animi consilium & aetatis infirmitatem se ipsos regere non possunt, à prudentioribus, qui firmum jam habent iudicium, regantur & defendantur.

ASSERTIO IV.

Tutor rem pupilli emere prohibetur.

NE duplici officio frangatur tutor, & venditoris & emtoris, rem pupilli emere non potest; neque etiam in rem suam auctor fieri potest, tex. est in *l. si in emptione. 34. §. vult. ff. de coner. empt.*

Sed grauius aduersatur. *l. cum ipse. §. C. de contr. empt.* ubi affirmatur tutorem posse bona pupilli palam & bona fide comparare. Resp. Sub distinctione. Aut tutor solus emit rem pupilli & à se ipso, & talis emptio nulla est & inutilis. *l. pupillus. §. §. item ipse. ff. de auctorit. tut.* ubi IC. requirit, ut valida sit emptio rerum pupillarium, ut tutor emit à contutore, vel contutoris auctoritate. Hoc enim est palam & bona fide emere. Aut tutor emit rem pupilli cum auctoritate contutoris, & hæc emptio valet, tanquam palam & bona fide contracta. *l. non existimo. §. 4. de admin. tut.* ubi addit IC. Multum referre utrum tutor palam aperteque se debitorem, ut extraneum & quemlibet faciat pupilli, an sub administratione tutelae latenter sua cominoda pupilli pecunia adiuuet. Minor enim aut nulla doli praesumptio est contra eum, qui palam aliquid facit, ne tum quidem cum delinquit. *d. l. §. §. sane si ipse. ff. de auct. tuto. d. l. cum ipse §. C. de contr. empt. l. vlt. ff. de tut. nupr.*

Secundò

Secundò opponitur. *l. tutor. rerum. §. ff. de administrat. tuto.* ubi statuitur, quod pupillus non potest vindicare rem, quam tutor etiam solus emit à pupillo, si modo pretium soluerit, & in rem pupilli converterit. Resp. In eo casu, quod antea solenniter & publica auctoritate iudicis dictum erat, tutor emptore non solvente emit, & sibi retinet, quo casu emptio valet, si modo tutor pretium vltima licitatione oblatum soluat, & in rationes pupilli referat. Nam sic nulla captionè afficitur pupillus, neque tutor ab initio rem pupilli emit, sed ab alio rem emptam sibi eodem pretio senat, cum etiam potuisset ab emptore. Denique notandum, quod & isto casu emptio valet, si tutor à creditore pupilli rem vendente bona fide emit; hoc enim & quilibet extraneus facere posset. *d. l. pupillus. §. item i. ff.* Vide de hac quæstione *Corrasium. libro sexto Miscel. cap. 14.*

ASSERTIO V.

Imperitis literarum excusatur à tutela.

IMPERITIA literarum legitima est excusationis causa à tutela. Quod probatur in *§. similiter Inst. de excus. tuto.* ubi traditur, eos qui literas nesciunt excusandos esse à tutela, D. Pius referipit. Dicuntur autem imperiti literarum, ut rectè interpretatus est *Duare lib. 1. disp. c. 9.* qui literas pingere, & legere nesciunt: per *l. 3. §. 1. & 2. ff. de accusat. l. pater 93. §. 1. ff. de a. q. her.* Hac imperitia literarum merito tribuit vacationem à tutela. Cum enim in tutela confici inuentarium, & conscribi rationes necesse sit, certè qui literarum imperiti sunt, hæc præstare non possunt, ideoque nec tutelam pro commodo pupillorum idoneè administrare queunt. Neque recipienda est eorum sententia, qui existimant illiteratos à tutela non esse excusandos, si modo ea naturali solertia, & rerum experientia præditi sint, ut ad negotiorum administrationem sufficiant. Idque probare nituntur ex *d. §. similiter*, ubi postquam scriptum erat, imperitos literarum excusandos esse à tutela, additur exceptionis loco, nisi tales sint, ut negotiorum administrationi possint sufficere. Quod non est admittendum. Nam ille verba, *Quamvis & imperiti literarum possint negotiorum administrationi sufficere* ita sunt accipienda, quamvis aliorum negotiorum administrationi quam tutelæ, puta priuatorum & suorum bonorum gubernationi sint idonei. Illa ergo est ejus. *§.* sententia, imperitos literarum omnimodo esse excusandos à tutela: quippe ita esse excusandos à tutela, ut quamvis alioqui extra tutelam possint administrationi negotiorum sufficere, tamen à tutela sunt excusandi.

Sed.

Sed pugnat cum d. §. *similiter. Inst. de excus. tuto. l. si duas* 6. §. *ult. ff. eodem.* Cujus hæc sunt verba; Mediocritas & rusticitas interdum præbent excusationem, secundum epistolas Divorum Hadriani & Antonini. Ejus qui negat se literas scire, excusatio non debet accipi, si modo non sit expertus negotiorum. Resp. Hic imperitus literarum paulò generalius debet accipi, pro eo scilicet, qui non est imbutus studiis literarum. Quod probatur ex eo, quia postea excipitur is, qui propter imperitiam est expertus negotiorum, hoc est, qui ita est imperitus, ut negotia per omnia rectè administrare non possit. Quod in eo accidit, qui neque pingere literas, neque legere novit. Itaque cum epistolà Divorum Imperatorum Hadriani & Antonini excipitur hæc species imperitorum, necesse est, ut prius acceperit imperitiæ genus latius patens, quam speciem, quæ excipitur. Hanc sententiam, quod imperiti literarum excusentur à tutela, eleganter defendit *Donel. lib. 3. comment. c. 9.* Cui suffragatur *Anto. Augustin. lib. singulari de excusationibus ad Modestinum ad d. l. si duas* 6. §. *ult. ff. de excus. tuto.* *Petrus Grangianus in Paradox. iur. civil. cap. 43.* ubi eleganter probat imperitum literarum, hoc est qui pingere aut scribere non didicit, esse à tutela excusandum per *l. libellorum. ff. de accusat.* Comprobant hanc sententiam, *Hotoman. ad §. similiter. Inst. de excus. tuto. Cuiat. ad d. c. 6. §. fin. ff. de excus. tuto.* Dissentit *Pacius cent. 5. quest. 82.*

ASSERTIO VI.

*Tutor statim in ipso negotio præsens debet auctor fieri,
post tempus autem, aut per epistolam ejus aucto-
ritas interposita, nihil agit.*

CONFIRMATVR & expressè probatur hæc decisio in *l. obligari. 9. §. tutor. ff. de auctor. tuto. §. tutor. Inst. eo.* Forma namque interponendæ auctoritatis est, ut tutor in ipso negotio pupilli præsens suam auctoritatem interponat. Ex intervallo autem non rectè interponitur. Ratio est, quia quæ pertinent ad solennitatem actus vel contractus, à contractu dividi non possunt. *l. 1. §. 1. l. continuum 137. ff. de verb. obligat. arg. l. heredes palam. §. ult. ff. Qui test. fa. pas.*

Obijciunt *l. si per epistolam. 50. ff. de acqui. hered.* ubi traditur, quod per epistolam tutor auctoritatem interponat. Resp. In ea lege non de auctoritate, sed de jussu agitur. Tutor absens per epistolam jubere potest, at absens tutor per epistolam auctor fieri non potest. Ratio diversitatis est, quia auctoritas verba requirit. *l. 3. ff. de auct. iur.* & ideo mutus tutor dari non potest.

potest. *l. i. ff. de tutelis.* Iussus non requirit verba, sed per epistolam aut nuncium jubere possumus. *l. i. ff. Quod ius.* Deinde iussus præcedere debet. *l. si quis mihi. §. iussum. ff. de acqui. hered.* Auctoritas interponitur in ipso negotio, vel etiam perfecto negotio.

Secundò aduersatur. *l. si quis mihi. §. iussum. ff. de acqui. hered.* vbi IC. docet, quod etiam perfecto negotio tutoris auctoritas interponi possit. Igitur malè dicitur tutorem statim in ipso negotio debere auctorem fieri. Resp. Quod dicitur, tutorem statim in ipso negotio debere auctoritatem interponere, id cum aliquo temperamento temporis intelligimus. Statim dicitur interposita auctoritas, si vel initio, in ingressu ipsius negotii fuerit interposita, vel si statim perfecto negotio fuerit apposta, antequam contrahentes ad extraneos actus diueterint. Sic in stipulatione dictum cominus esse respondendum, id est, confestim & è vestigio. *l. continuum. ff. de V. O.* & tamen cominus, id est, confestim responsum censetur, si illo die quo promissor interrogatus est, responderit, antequam respondens alium extraneum actum aggressus fuerit. *d. l. continuum.*

Tertiò opponitur. Ratihabitio mandato comparatur, *l. i. §. sed & si. ff. de vi & vi arm. l. semper. ff. de R. l. l. vero proe. tutori. 12. §. ult. ff. de solut. l. ult. C. Ad SC. Maced.* Igitur non est necesse, quod statim in ipso negotio tutor auctoritatem suam interponat. Resp. Verum est antecedens, nisi lex nominatim requirat, vt statim in ipso negotio quid fiat, tunc enim id de formâ ipsius negotii esse dicitur. Er vbi certa forma data est à jure, non sufficit illam impleri per æquipollens. *Boërius in decis. suis. decis. 1. & 2.* Ideoque quamuis ratihabitio mandato comparetur, tamen cum de auctoritate tutoris interponenda agitur, non sufficit ratihabitio, quia pro forma exigitur, vt tutor statim in ipso negotio præsens suam auctoritatem interponat. Ergò quod pupillus sine tutore gessit, ratum postea haberi non potest, sed ex integro contractum iniri necesse est, vel à solo tutore vel à pupillo, adhibita tutoris auctoritate. Ita notat *Amo. Faber in Iurisprud. Papinianæ tit. xii. de tutel. princ. 6. illat. 23.*

ASSERTIO VII.

Tutor de rebus pupilli transigere potest.

CONFIRMATUR hæc decisio per tex. expreßum in *l. si pignore. 54. §. vlt. & l. interdum. 56. §. qui tutelam. ff. de iur.* vbi traditur, quod tutori licet transigere cum eo, qui rem pupilli fuito subtraxit, & sic permittitur ei super actione furti pupillo competente transigendo decidere, vbi subjun-

V

gitur

gitur hæc ratio, quia tutor loco domini habetur, in rebus pupilli administrandis. Confer. *l. ad ea que. 157. ff. de regul. jur.* ubi tradituri tutores & curatores dominorum vice haberi. Quod tamen ita per alias leges temperatur & restringitur, ut tum demum tutores in rebus pupilli loco dominorum habeantur, cum ejus bona administrant, non cum pupillum bonis suis spoliant. *l. qui fundum. 7. §. si tutor. ff. Pro empr. l. tutor. 27. ff. de administrat. tuto.* ubi eleganter notat Bart. quod tutor cum benè fecit, habetur loco domini. Denique hæc sententia comprobatur per *l. si plures. 9. ff. de pact.* ubi traditur, quod tutores possunt cum debitore pupilli, qui pauper est, transigere, remissa ei aliqua parte debiti.

Verum objiciet aliquis hoc modo. Tutoribus tantum permissum est debita pupilli exigere, non verò remittere aut pacisci de non petendo debito. *l. contra. 28. §. 1. ff. de pact.* Ad hæc tutoribus non permissum donare res pupillorum, nec vilo modo possunt eorum conditionem deteriores facere. *l. non omni. 16. C. de administr. tut.* Atqui hæc remissio litis, seu pactum vel transactio de non petendo debito, videtur esse donationis species, quia transactio nihil aliud est, quam rei dubiæ vel litis incertæ, aliquo dato vel retento, facta remissio. *l. 1. ff. de transact. l. transactio. 38. C. eo.* Præterea obstat. *l. Lucius. 46. §. ult. ff. de administr. tuto.* ubi respondetur, quod tutoribus non est permissum res pupilli donare, aut diminuendi causâ cum debitoribus pupilli transigere. Denique aduertatur *l. pactum. 22. C. de pact.* ubi statuitur, quod tutores possunt quidem exigere debita pupillorum, sed non possunt paciscendo debita eorum remittere. Hæc contrarietas tali distinctione concilianda est. Aut transactio illa decidendi causâ interponitur, hoc est super tali lite transigitur, cujus exitus poterat pupillo esse anceps & onerosus, & tunc licet tutori transigere super lite pupilli. *arg. l. præses. 12. C. de transact.* Aut tutores transigendo res pupillorum donant vel alienant, & tali modo tutores, sicut & alii administratores rerum alienarum, transigere non possunt, ut scilicet transigendo alienent aut diminuatur jura vel bona pupillorum. *l. non solum. 4. C. de præd. & al. reb. mino. arg. l. 1. ff. de off. procur. Casa. l. nulli. 13. ff. de transact.* Ita distinguit ex communi DD. sententiâ VVesemb. in *parat. ff. de transact. num. 4.*

ASSER.

ASSERTIO VIII.

*Testamentum est voluntatis nostræ iusta sententia, de eo,
quod quis post mortem suam fieri velit.*

DEFINITIO hæc est IC. Modestini tradita in *l. 1. ff. Qui test. fac. poss.* Ex qua hoc observandum, quod testamentum dicatur iusta, id est solennis & legitima voluntatis nostræ sententia. Quo vocabulo, iusta, satis distinguitur testamentum à codicillis, qui nihil aliud sunt, quam testati, vel intestati minus solennis voluntas. Sic alibi testamentum iustum dicitur, quod iuste factum est, & in quo solennia juris adhibita sunt. *l. 1. ff. de in iust. rupt. irrit.* Sic iusta vxor dicitur, quæ ritu, moribus, solennibusque omnibus Quiritum servatis ducta fuit. *l. si vxor. 13. §. 1. Ad l. Iul. de adult.* Sic iustæ nuptiæ dicuntur, quæ secundum præcepta legum coeherunt inter conjuges. *§. 1. Inst. de nupt. Donel. lib. 6. com. c. 4.* Vnde & Vlpianus in Enchiridio suo ita definit testamentum, quod sit mentis nostræ iusta contestatio in id solenniter facta, ut post mortem valeat.

Sed opponitur, quod hæc definitio nimis lata sit & ampla, quæ non solum testamentum, sed & codicillis conveniat. Nam codicilli quoque rectè ita definiuntur, quod sint voluntatis nostræ iusta sententia, de eo, quod post mortem nostram fieri velimus. Resp. Verbum *iusta*, satis distinguit testamentum à codicillis, quia codicilli non continent iustam & solennem sententiam, cum in ipsis nulla ordinationis solennitas desideretur. *§. vlt. Inst. de codicil.* neque in codicillis heres directo institui possit, quæ heredis institutio caput & fundamentum est testamenti. *§. ante hered. Inst. de legat.*

Sed contra solutionem instatur hoc modo, quod in codicillis quinque testes intervenire debent. *l. vlt. C. de codicil.* qui numerus pertinere videtur ad solennitatem codicillorum, cum in aliis actibus & negotiis sufficiant duo testes. *l. vlt. numerus. 12. ff. de testib.* Resp. Numerus iste non solennitatis, sed probationis tantum causâ adhibetur codicillis, ut liquidè docet *l. vlt. C. de fideicom.* Nam non solum in codicillis, sed in omni scriptura, in qua pecunia soluta memoratur, similis numerus testium exigitur, *l. testium. C. de testib.* Deinde in codicillis non requiruntur rogati testes, ut in testamento, imò & mulieres testes intervenire possunt in codicillis. *l. vlt. C. de codicil. in fin. Vigl. ad §. testes. Inst. de testa. ord.*

Secundo opponit Accursius quod definitio hæc sit angustior suo definito, quia non continet institutionem heredis, quæ tamen est substantialis

pars, imò caput & fundamentum testamenti. Resp. Non opus est hoc supplemento Accursij, quia institutio hæredis, sub vocabulo *Iusta*, satis continetur, cum institutio hæredis sit potissima pars solemnitatis in testamento necessaria. §. *ante hæredum*. *Instit. de legat.* Vgl. *ad tit. Instit. de testam. ordin. numer. 24. C. 32.*

ASSERTIO IX.

Testamentum ad alterius interrogationem conditum non valet.

QUÆRITVR an ad alterius instantiam & interrogationem testamentum fieri possit? puta si Notarius roget testatorem an velit huic vel illi hæredem instituere, & ille profiteatur se velle: Et statuendum est, testamentum ad alterius interrogationem conditum non valere. Quæ sententia probatur primò per *l. iuberimus*, 29. C. *de testam.* vbi disertè sancitur quod testator debet nomen hæredis in suo testamento propria manu scribere, vel si scribere non possit, debet nomen hæredis coram testibus nuncupare, additurque in eadem lege iusta & aperta decidendi ratio, ne fallitas in elogiis & testamentorum confectiōe committatur. Secundò confirmatur hæc sententia hac æquissima ratione, quod testamentum debet esse iusta & libera voluntatis nostræ sententia. *l. i. C. de sacros. Eccles.* Atqui non est libera voluntas quæ ad importunam instantiam alicujus est extorta. *l. i. C. 2. Si qu. aliq. test. probi.* Denique probatur hoc euidenter per *l. heredes palam*, 21. ff. *de testam.* vbi dicitur quod testator debet in testamento nuncupatio heredes palam nominare, vel si in scriptis faciat testamentum, debet per se vel per alium heredis nomen testamento inscribere.

Opponitur primò huic sententiæ, *l. hac consultiissima*, §. *at cum humana. C. qui test. fac. poss.* vbi statuitur, quod quis possit testamentum suum committere alteri scribendum, ut deinde scriptor seu Notarius hoc testamentum coram testatore & testibus recitet, quod testamentum valet. Resp. Illa constitutio loquitur in testamento, seu vltima voluntate cæci, cui permittitur, ut cum ipse scribere non possit, alii suum testamentum scribendum committat, attamen ipse testator nihilominus debet Notario prius suam vltimam voluntatem exponere, & apertè declarare quos velit hæredes instituere, alioqui ad solam Notarij vel testium interrogationem non potest vtiliter hæres institui, vel testamentum ordinari.

Secundò aduersatur *l. vlt. ff. Si qu. aliq. test. probi.* vbi valet testamentum mariti, in quo vxor ab eo hæres instituta est, cum blanditijs & affabili sermone

monē maritum ad hoc induxisset. Concordat. *l. vlt. C. eodem.* vbi dicitur, iudicium vxoris in se maritali sermone prouocare non est criminiosum. Resp. Valet quidem institutio hæredis quam blando sermone & maritali affectione vxor à marito impetrauit, dummodò tamen non sit captatoria institutio, hoc est, si modò hæres non fallacia, aut dolosa persuatione, aut per vim seu coactionem vltimam voluntatem extorsit. Interim debet hæres viuā voce à testatore nuncupari, aut scripturā designari, nec sufficit ad interrogationem alterius institutio facta; Ita eleganter declarat *Petr. Pockius de testament. conjug. lib. 1. c. 9. & 17.*

Tertiò obijcitur. *l. Pamphilo. 39. §. propositum de leg. 3.* vbi valet fideicommissum, quod testator reliquit fideicommissario ad interrogationem. Resp. Idè valet hoc fideicommissum, quia primò testator viuā voce exposuerat fideicommissario, quod destinasset illi certa quædam prædia per fideicommissum relinquere, deinde coram testibus testamento confectò, ad interrogationem fideicommissarii testatus est, se prædicta prædia per fideicommissum illi concedere. Tale fideicommissum ad interrogationem alterius relictum valet, idè, quia præcessit declaratio & dispositio testatoris, quod talia prædia illi destinaret per fideicommissum relinquere. Latius de hac questione vide *Mench. de presumpt. lib. 4. præf. 8. Gomez. ad l. tauri, l. 3. num. 109. Vigl. ad §. sed cum paulatim. nu. 9. Inst. de testa. ord.* Dissentit *Fachin. lib. 5. contra. cap. 69. & 70.* Imò communis est opinio DD. quod valeat heredis institutio, quando testator non ipse nominauit heredem, vel scripsit, sed interrogatus à Notario, vel alio quouis, num Titium heredem suum esse velit, & respondeat velle. *Addit. ad Gomez. in var. resolut. tit. de vlt. volunt. c. 2. VVesemb. ad §. vlt. Inst. de testam. ordin.* Quæ tamen opinio communis tum demum vera est & procedit, si hæc duo interueniant, scilicet vt testator prius exponat suam voluntatem Notario, qui deinde eam redigat in scriptis, & postea interroget testatorem an velit ita testari. Nam eo casu si respondeat quod sic, vique valet, quod gestum est. Deinde requiritur vt testator non sit nimium infirmus, nam solent lipenumero à valde infirmis statim motibus talia testamenta extorqueri: quod vehementer iniquum est, & fraudibus obnoxium. Ita tradit *Clarus. in recapit. sent. 6. testamentum.*

ASSERTIO X.

Testamentum patris inter liberos, absque testibus confectum valet, contra C V I A T I V M.

C O M M U N I S & recepta est DD. opinio, quod testamentum patris inter liberos valeat etiam absque vllis testibus confectum, si modò patris vel liberorum subscriptio interuenerit. Scedula igitur à patre scripta vel subscripta, aut subscripta à liberis, etiam si nulli testes adfuerint, vel subscripserint, continens diuisionem hæreditatis inter liberos, validi testamenti loco est. Ita decidunt *Inluis Cla. us in recept. opin. §. testamentum, q. 8. & 14. item qu. 37.* vbi dicit hanc opinionem in iudiciis teneri. *Fachin. liv. 4. contro. c. 1.* Ita consuluerunt *Scurffius cent. 2. cons. 28. Elbertus Leoninus cons. 98. num. 4. Gail lib. 2. O. fer. pract. c. 112. Anto. Fab. de erro. pragmat. decade 35. errore 2. Fachin. libro controuer. 4. c. 1. & 4.* Probatum hæc sententia claro & euidenti tex. in *l. ult. & Auth. seq. C. Fam. ereise.* vbi sanciuit Imperator Constantinus, quod quæ liber dispositio patris de hæreditate sua valeat inter liberos, etiam si omni legum solennitate fuerit destituta. Secundo apertè eandem sententiam confirmat *Auth. ex imperfecto. C. de testam.* vbi Imp. Theodos. constituit, ex imperfecto testamento tenere voluntatem patris inter solos liberos. Denique hæc decisio manifestè comprobatur per *No 107. de testa imperfecto.* vbi Iustinianus statuit, si quis inter liberos voluerit vltimam consistere voluntatem, quod sua manu tempus adscribet, deinde filiorum nomina, ac insuper vnciarum quantitatem, in quibus ipsos scribat hæredes, propria manu declarabit. Cæterum si extraneis voluerit relinquere legata aut fideicommissa, tunc demum si coram testibus hanc dispositionem scripserit, firmiter valebit patris testamentum. Ex hoc loco manifestè confirmatur communis DD. opinio. Cum enim tum demum requiruntur testes, cum pater extraneis aliquid legauerit, sequitur cum inter liberos solos paterfam. testatur, etiam absque testibus seuuand. in ejus vltimam voluntatem. Ratio autem huius affectionis, quod testamentum imperfectum inter liberos valeat, hæc est, quia hoc fauore liberorum est introductum, cum eis etiam jure naturali debeatur parentum hereditas *l. cum ratio 7. ff. de bon. damn.*

Contrariam sententiam primus conatus est defendere *Cynacrus in suis consultationibus, consultat. 1. vbi test. mentum patris inter liberos sine testibus non valere* asseruit. Pro suæ opinionis confirmatione duo adducuntur argumenta. Primum est, quod nec codicillus, nec testamentum dici potest ea voluntas, cui desunt testes: In testamentis enim solemnibus exiguntur septem testes, in codicillis

codicillis quinque *l. hac consultissima. 21. §. 1. l. cum antiquitas 28. §. vlt. C. de testam. l. vlt. C. de codicil.* sicut & in testamento rusticorum quinque testes. *l. vlt. C. de testament.* & in nuda voluntate tres testes requiruntur *l. sancimus. 27. C. de testament.* Resp. Etiam si ista voluntas patris inter liberos testibus destituta, non habeat vim seu formam testamenti aut codicillorum, tamen valet, ut qualicumque ultima dispositio, aut ordinatio bonorum patris inter liberos.

Secundò mouetur Cujac. hoc argumento, quod testamentum dici non possit ea voluntas, cui testes desunt, eamque collectionem probat summo argumento, ab etymologia, quia nemo in testamento substantia à testibus deducitur. Resp. Testamentum non tantum à testibus, quam à testatione, id est, declaratione mentis deriuatur, mens enim testatoris in testamentis præcipue dominatur, & ex voluntate testatoris omnia pendent, quæ in testamento disposita sunt, *l. in conditionibus. 17. ff. de cond. & demonstr.*

Obstare etiam videtur huic allegationi. *l. peto. 69. §. mater. de legat. 2.* ubi in testamento non iure factò etiam fideicommissum debetur extraneo relicto. Resp. Ibi fuit testamentum imperfectum vel minus tolerante tantum, quod dationem tutoris, quoad alia verò erat perfectum. Nam ideo erat testamentum ibi imperfectum, quia mater filiis tutorem dederat, atqui mater filiis testamento tutorem dare non potest. *l. 1. & 2. ff. de confir. iur.*

Denique notandum, quod dicitur, ex testamento imperfecto voluntatem inter liberos tenere, sic esse accipiendum cum Accursio, quando est defectus ratione solennitatis, sed si defectus sit ratione voluntatis, ut si testamentum coëptum esset à patre, necdum absolutum, hoc non valeret ne quidem inter liberos. Cujac. *ad l. si in qui. 25. ff. Qui test. fac. p. ff. B. ut ibidem nu. 1. Castren. in d. l. hac consultissima nu. 5. And. Gail. lib. 2. obs. 112. num. 14.* Ideoque si testator habens duos filios, dum id agit, ut inter eos hæreditatem diuidat, ita dicit, lego tale prædium filio meo, & præ hæc verba obtulit, filiis in diuisione bonorum paternorum id prædium præcipuum habere non debet. *arg. d. l. si in qui. Costal. ad l. si filio. 20. §. si pater. ff. Fam. ercisc. Anto. Fab. de erro. pragmat. decade. 35. erro. 8.* aliam adhibet distinctionem, videlicet, quod si imperfecta sit voluntas patris respectu liberorum, quod non valeat dispositio patris. At si imperfecta sit voluntas patris quoad extraneos, quos fortè voluit filio coheredes dare, valebit nihilominus voluntas patris iure intestati inter liberos. Non obstat *l. fin. C. Fam. erc.* ubi dicitur coëptum & imperfectum testamentum patris valere inter liberos. Hoc enim intelligendum est, si sit imperfectum quoad solennia juris. At si sit imperfectum ratione voluntatis, non valebit ne quidem testamentum patris inter liberos. *d. l. si in qui 25. ff. Qui test. fa. pos. Facun. lib. 4. contro. c. 4.*

ASSERTIO XI.

Nuda voluntate testatoris non tollitur testamentum.

TESTATORIS nuda voluntate nunquam testamentum infirmatur, quamvis illic testator dixerit se testamentum quod fecit, valere nolle. §. *ex eo autem. Inst. Quib. mod. test. infirm.* Quæ decisio confirmatur hac regula juris, qua generaliter traditur, quibus quidque modis constituitur, iisdem & in contrarium actis soluitur. *l. nihil tam naturale. l. ferè. ff. de r. i.* Testamentum non constituitur nuda voluntate. §. *ult. Inst. Quib. mod. test. infirm.* proinde nec nuda voluntate tollitur.

Adversatur huic assertioni, quod dicitur ambulatoriam esse hominis voluntatem usque ad supremum vitæ spiritum. *l. 4. de adm. lega.* Vnde etiam colligi videtur, sola & nuda testatoris voluntate testamentum tolli. Resp. Est quidem ambulatoria voluntas hominis, ut possit quovis tempore prior voluntas à testatore reuocari, sed ita, dummodo reuocetur legitime, & quomodo jure oportet. Nam quod aliter fit, pro infecto habetur. *l. quovis. ff. Qui falsisda. cog.* Tunc contraria voluntate infringitur testamentum, cum id fit solemniter & legitime, puta alio testamento solenni & perfecto postea facto. *l. 1. & 2. ff. de injust. rup. irr.* Imperfecto vero posteriori testamento prius perfectum non tollitur, quoniam imperfectum testamentum jure non magis valet, quam si testamentum non ellet. *l. 3. l. hæc consul. iussima, §. ex imperfecto. C. de testa.*

Secundo repugnat *l. sancimus. 27. C. de test.* vbi prius testamentum perfectum rumpitur per posteriorem contrariam nudam & imperfectam voluntatem, si à tempore prius facti testamenti decennium sit elapsum & posterior voluntas coram tribus testibus vel apud acta sit manifestata. Resp. Non sola nudaque voluntate reuocatur prius testamentum, sed si hæc concurrant, nimium ut testator coram testibus non minus quam tribus, aut apud acta alicujus judicis testatus sit se nolle prius testamentum quod fecit, valere, deinde si à tempore primi conditi testamenti decennium eluxerit, ut voluntas posterior & relatione idonea, & tam longa temporis diuturnitate confirmetur.

ASSERTIO

ASSERTIO XII.

*Testamentum tempore pestis coram quinque testibus
conditum, non valet.*

COMMVNITER DD. statuunt, in testamento tempore pestis condito non requiri septem testes, sed sufficere numerum quinque testium. Hæc est communis DD. opinio, vt notant *Afflicius decis. Neapol. 25. num. 8. Turz. in com. opin. concl. 45. Gail. lib. 2. obs. c. 118. Clarus in recept. sentent. 5. testamentum. quest. 56. Boer. decis. 228. num. 7. 8. 9. 10. & 11.* qui tamen distinguit hoc modo. Aut pestis non est magna, aut est magna, vt hoc casu cum paruo numero testium valeat, illo non valeat, & ita iudicatum fuisse testatur. Verum de iure scripto contraria sententia est verior, quod scilicet ab eo qui contagioso morbo pestis laborat, non sufficiat quinque testes adhibuisse, nec satis sit, si testamentum ejus quinque testes subscripserint, vel consignauerint, sed requiritur legitimus numerus, hoc est septem testium præsentia. Nec quicquam facit pro communi DD. sententia, l. casus 8. C. de testam. ex qua fundare nituntur suam opinionem, vbi dicitur, propter morbum contagiosum remitti aliquid de solennitatibus juris. Nam vt ex d. l. 8. verbis diserte patet, nihil in eâ l. remittitur de numero testium, sed hæc solennitas tantum remittitur, quod licet aliàs opus sit ad testamentum legitimè ordinandum, vt testes eodem loco conuocentur, & singuli coram testatore & aliis testibus simul signent testamentum. l. si vnus. 12. l. hac consultissima. 21. C. de testa. nihilominus tamen testamentum valeat à contagioso morbo laborante conditum, licet testes vnà non sint conuocari, nec in præsentia testatoris simul sociari, sed quod possint seorsim à testatore testamentum obfirmare, valeatque testamentum peste laborantis, licet testes cum non videant, sed tantum audiant: contra l. si non speciali. 9. C. de testam. Hæc solennitas simul coram testatore conueniendi, & coram eo testamentum obfirmandi, tantum hoc casu remittitur testibus, quod apertissime indicant hæc verba legis, testes huiusmodi morbo oppresso (scilicet testatori) eo tempore jungi atque sociari est remissum: non etiam legitimi numeri eorum observatio sublata est. Ita h. l. interpretatur *Castrens. ibid. & Cujas. lib. 16. obs. c. 10.* Facit etiam plurimum pro confirmatione hujus sententiæ. l. confirmantur 8. §. 1. ff. de iure codic. vbi dicitur, quod licet casu vel de necessitate non potest inueniri copia testium, tamen non valet testamentum sine legitimo numero eorum.

In contrariam DD. ita argumentantur. Propter necessitatem remittuntur solennitates legales, & recedunt à regulis juris communis. *l. de atate. ff. ad Sc. Trebel.* Item sicut testamentum à milite coram duobus testibus factum valet, ita & à testatore peste oppresso valebit, quia tempus belli & pestis equiparantur, cum tempore pestis censeatur esse bellum inter Deum & homines. Ad prius responderetur. Necessitas superueniens testatori, tantum eum excusat ab interpolatione actus extranei, ut scilicet possit interrompere actum testandi, vel propter summionem cibi vel medicamenti, vel depositionem necessarij operis naturæ: tunc nihilominus valebit testamentum, licet alias vicietur actu extraneo interueniente, *l. cum antiquitas. 28. C. de testa.* Verum nusquam traditur propter necessitatem pestis licere in testamento omittere solennem numerum testium. Secundo non obstat, quod valeat testamentum à milite conditum coram duobus testibus. *l. 1. ff. de bon. poss. ex test. mil. l. vlt. ff. de milit. test.* Hoc enim singulari privilegium tantum tributum est militibus, non autem laborantibus morbo contagioso, at verò jura singularia non debent extendi & ad consequentias produci. *l. quod verò. 14. ff. de legib.* Vide *Fachin. lib. 5. contro. jur. cap. 92.* qui placè huic nostræ sententiæ & assertioni suffragatur & subscribit, quod scilicet testamentum tempore pestis conditum coram quinque testibus non valeat. Moribus tamen testamentum tempore pestis conditum, valet, si vltima voluntas testatoris peste decumbentis probeatur per duos testes fide dignos. Quod iudicatis Cameræ imperialis observatur, uti notat *Gail lib. 2. Obser. c. 118. in fine.* cum pluribus ibi allagatis.

ASSERTIO XIII.

*Nemo potest heredi suo testamenti factionem
adimere.*

DE C I S I O hæc euidenter & clarè confirmatur ex *toto tit. ff. & C. si qu. aliq. test. prohib.* ubi statuitur sub pœnâ confiscationis hereditatis, ne quis aliquem prohibeat testamentum facere, aut testamentum factum mutare. Facit ad hujus assertionis probationem *l. 1. C. de SS. Eccl.* ubi traditur, nihil esse quod magis hominibus debeatur, quam ut supremæ voluntatis liber sit stylus, & licitum quod iterum non redit arbitrium.

Verum in hac propofita decisione duo occurrunt juris loca valdè discrepantia. Nam primum in *l. cum pater. 77. §. mando. ff. de legat. 2.* traditur, quod si pater in testamento suo ita disposuit: Mando filiæ meæ, ut quoad liberos tollat, testamentum non faciat, quod hac formula non censeatur fideicommissum

commiffum relictum, eò quod pater non de fua pecunia teftari, fed juri communi derogare voluit, teftamenti fuctionem filia prohibendo. Contrarium ftatuitur in *l. qui filium: 74. in princ. ff. Ad SC. Trebel.* vbi cum pater ita teftamento difpofuiffet, Mando tibi filia mea, ne facias teftamentum, priusquam liberos habeas, Imp. pronunciauit fideicommiſſum ex hac ſcriptura deberi, vt fic accipiat perinde ac ſi rogaffet filiam fuam, vt hæreditatem fratri ſuo reſtitueret.

Pacius cent. 6. conciliat. quaſt. 17. hanc antinomiam ita diſſoluit, quod ſi ea verba ſcripta ſint in teſtamento, inducant fideicommiſſum, ac ſi tunc videatur pater id fideicommittendi gratia adſcripſiſſe, ſicut factum eſt in *d. l. qui filium.* Si verò teſtator hanc formulam extra teſtamentum adſcripſit, non videtur fideicommiſſum inducere.

Mihi magis placet communis DD. reſponſio, qui hoc modo diſtinguunt. Aut teſtator ſimpliciter grauauit filium hæredem ſuum, ne faciat teſtamentum: & tunc quia directò non valet hæc diſpoſitio, quia aufert alteri liberam teſtamenti fuctionem, valet in vim fideicommiſſi, vt ſcilicet hæres cenſeatur grauatus de reſtituenda hæreditate, proximis hæredibus venientibus ab inteſtato, vt accidit in *d. l. qui filium.* Aut verò teſtator non mandauit ſimpliciter filio ſuo, ne teſtamentum ordinaret, ſed tantum in modum conſilii præcepit, quo caſu nõ cenſetur per fideicommiſſum hæreditas relictæ proximis hæredibus ab inteſtato, ſicut fecit teſtator in *d. l. cum pater. §. mando, de leg. 2.* Vbi pater in modum conſilii hanc formulam protulit. Volo filia ne facias teſtamentum priusquam liberos ſuſcipias, adhibita ratione ſuaſionis, vt ita poſſis ſine periculo viuere. Quæ verba quia prolata ſunt in formam & modum conſilii, nullum juris effectum, neque fideicommiſſum inducunt. Ita tradit *Gomez. in var. reſolut. tomo. 1. c. 4. n. 6.*

ASSERTIO XIV.

Teſtator prohibere poteſt jus accreſcendi.

HÆc propoſitio euidenter comprobatur in *l. 9. §. ſi duo. ff. de hered. inſt.* vbi deciditur, teſtatorem non poſſe ita hæredes inſtituere, vt vnus ſuccedat in beſſe fundi Corneliani, alter ex triente ejuſdem fundi, niſi teſtatoris voluntas euidentiffimè refragetur. Vnde ſequitur, quando hoc apertè voluit teſtator, tunc poſſe eum in certis bonis teſtato decedere, & ſic prohibere, ne reliqua bona accreſcant hæredi inſtituto. Diſſentit *Fachin. libro quarto contro. c. 15. in fi.* vbi notat quod dicitur in *d. §. duo,* quando duo ſunt heredes ſcripti, vnus in triente fundi Corneliani, alter in beſſe, detracta

fundi mentione, quasi sine partibus heredes scriptos, hereditate potituros, nisi voluntas testatoris refragetur, hunc esse horum verborum sensum, nempe potituros hereditate, quasi sine partibus, & sic æquis partibus scripti essent heredes, nisi voluntas testatoris manifestè refragetur, id est, Si manifesta voluntas designata fuerit, erunt quidem heredes, sed non æquis partibus, perinde ac si sine partibus scripti heredes essent, sed ex partibus inæqualibus, vnus ex triente, alter ex beisse hereditatis, detracta fundi mentione. Eadem sententia abundè confirmatur per *l. peto. 69. ff. de leg. 2.* vbi traditur, quod valeat institutio in certis rebus, seu bonis: si testator voluit reliqua bona peruenire ad legitimos hæredes succedentes ab intestato. Vt puta si testator cum instituisset Titium ex assè, postea subiecit. Peto Luci Titi, ut pro hereditate quam tibi dedi, quæ ad fratrem meum iure legitimo rediret, contentus sis centum aureis. Denique hæc decisio apertè stabilitur per *l. dominus. 57. ff. de usufruct.* vbi statuitur si testator reliquit vñusufructum prædiorum pluribus libertis ad alimenta, quod vno ex iis decedente pars deficientis non accrescat collegatario, sed ad dominum proprietatis reuertatur. Igitur testator aliquando potest jus accrescendi prohibere.

Obijcitur decisione §. *hereditas. Inst. de hered. inst.* vbi traditur, quod si testator instituit hæredem ex semisse, quod totus as in semisse erit, hæc adjecta ratione, quia nemo potest ex parte bonorum testatus, ex parte intestatus decedere. *l. 7. ff. de R. l.* Resp. Hoc tunc demum procedit, quando testator simpliciter hæredem instituit ex parte, vel certis partibus hereditatis, aut certis rebus hereditariis, puta ex domo vel fundo, tunc enim tacite cætera partes hæredi instituto accrescunt. *l. 1. §. si ex fundo. l. si ita quis. 74. ff. de hered. inst. l. cohæredi. 41. §. vlt. ff. de vulg. & pupil.* Si verò testator ideo pro parte certa hæredes instituit, quia cætera bona voluit ad legitimos hæredes ab intestato peruenire, tunc potest pro parte bonorum testatus & pro parte intestatus mori, & per consequens prohibere, ne reliqua bona hæredi instituto accrescant. *argum. d. l. peto. 69. in princ. l. si quis ita. 82. ff. de hered. inst.*

Secundò aduersatur regula juris tradita in *l. Nemo. 53. de leg. 1.* quod nemo in testamento potest cauere, ne leges in suo testamento locum habeant. Resp. Quædam sunt, quæ dependent ab expressa vel tacita testatoris voluntate, & in his potest testator facere quod vult, exprimendo suam voluntatem, sicut accidit in iure accrescendi. *d. l. 9. §. si duo. ff. de hered. inst.* Quædam sunt, quæ non dependent ex voluntate defuncti, vt sunt solennitates testamentorum, & in his nemo facere potest, quod leges non habeant locum in suo testamento. Ita distinguit Barr. in *d. l. quoties. 9. §. si duo.* vbi approbat & confirmat hanc sententiam, quod testator potest prohibere jus accrescendi.

Sequitur

Sequitur Gomez. *tomo. 1. Var. resolut. cap. de jure accrescendi. num. 20.* Dissentiunt Viglius ad §. *hereditas. Inst. de testa. ordin. & Gothofr. ad l. jus nostrum 7. ff. de R. l.*

ASSERTIO XV.

Conditio testium in testamentis spectatur tempore conditi aut signati testamenti.

CONDITIONE testium qui testamentis adhibentur, inspicere debet tempore testamenti, non tempore mortis. *tex. est in l. ad testium 22. §. 1. ff. Qui test. fac. poss. l. 1. C. de testa.* Si ergo testis tempore testamenti idoneus fuit, non refert, si postea fiat inidoneus. Ratio est, quia jus testamenti & testium spectatur ex eo tempore, quo testamentum conscribitur & signatur. Regula enim juris dicat, quod ea quæ ab initio vtiliter constituta sunt, propter adventitium aliquod vitium non infirmantur. *l. in ambiguis. 85. §. non est novum. ff. de R. l.*

Objicitur huic sententiæ, quod duobus temporibus requiritur, ut testis testamentarius sit idoneus, scilicet tempore conditi testamenti, deinde eo tempore, cum tabulæ testamenti aperiuntur & publicantur, & testes in judicio testimonii dicendi causâ producuntur. *l. 3. §. duæ. ff. de Carb. edit. l. 4. ff. Testa. quem. aper.* Resp. Et si testis sit in habilis eo tempore quo producitur apud Prætores, siue quo tempore tabulæ testamenti aperiuntur, tamen propterea non corrumpitur testamentum. Nam communiter à DD. receptum est, posse etiam testamentum per duos testes probari, si fortè vel ceteri testes mortui sint, vel instrumentum testamenti deperditum fuerit. *per l. 2. C. Quem. adm. testa. aper. arg. l. 2. C. de bo. poss. sec. tab. Rotom. ad d. l. ad testium §. 1. Pulcrè Vigl. ad §. sed cum aliquis. Inst. de testa. ord. & Conna. lib. 9. comment. c. 3.* Notant DD. in *l. 2. C. de bo. poss. sec. tab.* per *tex. ibidem*, ubi tradunt amissis tabulis testamēti, per duos testes testamentarios ultimæ defuncti voluntatem plenè probari posse. Ergo si amissio testamenti potest probari ultima voluntas per duos testes, etiam vno teste mortuo, vel illegitimo facto, vel pluribus, subsistet nihilominus testamentum: quia per aliorum testium subscriptiones & sigilla, ultima defuncti voluntas comprobabitur. Denique ad quem usum sit testamentum in scriptura, si per eam ultima voluntas defuncti probari nequit? Vel quid differt testamentum scriptum à nuncupatio, si & illud à testium voce aqualiter pendet? Idem latè confirmat *Sichard. ad l. 1. C. de testam.*

ASSERTIO XVI.

Non tantum annulo, sed etiam alio quouis sigillo characterem habente, testamentum signari potest.

QUÆRITVR an testes annulo tantum, an verò alio signo vice annuli testamentum signare possint. Et quidem vulgaris lectio in *l. ad testium* 22. §. *signum*. ff. *Qui testa fac. pos.* habet, quod annulo tantum quis signare possit testamentum; dum tamen habeat *χαρᾶν* i. sculpturam vel imaginem aliquam. Quod & hac ratione comprobari videtur, quod si alia signa fortuita in testamentis admittantur, tunc veteris juris solennitas in testamentis introducta valdè labefactabitur. Verum rectius *Baro & Hotomannus in d. §. signum*, addunt negativam; legentes. Et magis est, ut non tantum annulo quis signare possit, adstruentes quouis signo posse signari testamentum. Quam lectionem sententia d. §. *signum*, omnino exigit, Nam illa verba, dum tamen habeat *χαρᾶν* subiiciuntur loco exceptionis à præcedenti generali oratione. Oportet itaque precedere hanc generalem orationem, licere non tantum annulo, sed quouis impresso signo signare, dum tamen habeat characterem, id est, insculptam sigilli imaginem. Confirmat quoque hoc ratio à Icto Vlpiano in *d. §. signum* adiecta, dum inquit, Variæ enim homines signant. Alioqui in oratione exclusivâ, quâ diceretur, licere tantum annulo signare, ita scribendum fuisset, sed magis est, ut tantum annulo quis signare possit, & quidem eo qui habet characterem. Eaque sententia, quod non tantum annulo, sed & quouis alio sigillo possit signari testamentum, usu & consuetudine servatur; teste *Accursio & Bartolo in d. l. ad testium §. signum*. Quos sequuntur *Conna. lib. 6. comment. cap. 2. & Donel. lib. 6. comment. cap. 8.* Dissentit *Viglius ad §. possunt autem. Inst. de test. ordin.* qui vult annulo tantum posse signari tabulas testamenti, eò quod testamentum sit res maximi manenti, continens dispositionem de omnibus bonis defuncti. Hæc verò nostra sententia quod quouis signo vel sigillo testamentum à testibus possit subsignari, constitutione imperij est comprobata. *van Notarien. sub rubr. van testamenten vers. Nvv die form eines testaments.*

ASSER-

ASSERTIO XVII.

*Filiusfam. ne quidem consentiente patre testamentum
facere potest.*

QVI alieno juri subiecti sunt, ut filiusfam. testamentum facere prohibentur. *l. 6. ff. Qui test. fac. poss. Instit. Quib. non est perm. fac. test. in princ.* Quod adeò verum est, ut ne quidem consentiente patre testamentum facere possit. *d. l. 6.* Ratio est, quia testamenti factio juris publici est, hoc est testamenti faciendi facultas tribuitur jure publico & legibus, non priuatorum hominum voluntate *l. 3. ff. Qui test. fac. poss.* Atqui jus publicum exigit, ut paterfamil. sit, qui de bonis suis testari volet. Iuri autem publico priuatorum pactis derogari non potest. *l. jus publicum 38. ff. de pact.* Proinde nec filiusfam. legata aut fideicommissa codicillis relinquere possunt, quia hæc omnia pendent ex factione testamenti. *l. 2. ff. de legat. 1.*

Sed opponitur huic decisioni, quod filiusfam. in causis publicis habetur loco patrisfam. *l. filiusfam. 9. ff. de his qui sui vel alien. jur. sunt.* At testamenti factio est juris publici. *l. 3. ff. Qui test. fac. poss.* Vnde & filiotam. permitti debet testamentum de bonis suis condere. Resp. Lex *xii. tab.* expressè requirit, ut paterfamil. sit, qui de re sua pecunie testari volet. Sic enim habent verba legis. *xii. tab.* Paterfam. uti super pecunia, tutelave sua legassit, ita jus esto. Deindè quod dicitur in causis publicis filiumfam. haberi pro patrefam. hoc intelligendū est de officiis & muneribus publicis, ut videlicet filiusfam. nō minus quā paterfam. tutor esse, item magistratū gerere possit.

Secundò objicitur. Filiusfam. potest consentiente patre mortis causa donare *l. tam u. 25. §. 1. ff. de mort. caus. donat.* Ergò & testamentum facere potest permittente patre, quia mortis causa donatio est ultimæ voluntatis species. *§. 1. Inst. de donat.* Resp. Longè dissimilis causa est inter donationes causā mortis, & testamenti. Nam donatio est juris privati, testamenti verò factio juris publici. Atqui quæ privati juris sunt, priuatorum pacta admittunt, secus verò ea quæ ad publicam utilitatem sunt constituta. *l. 3. ff. Qui test. fac. poss.* In publicis enim causis nihil potest conventio priuatorum. *l. jus publicum ff. de pact.* In castrensisibus tamen & quasi castrensisibus bonis permittitur filiofam. testamentum facere etiam invito patre. *Inst. Quib. non est perm. fac. test. in princ.* Ratio est, quia in hisce bonis filius habetur pro patrefam. *l. 2. ff. Ad SC. Maced.* Ideoque etiam filiusfam. Doctor, lites Medicus, Aduocatus, Magister artium, Notarius, possunt testari de bonis ratione officii vel professionis suæ acquisitis, quia hæc omnia computantur in quasi

in quasi castrensi peculio. *l. ult. C. de inoff. test. l. fori. & l. aduocati. C. de advoc. divers. judic.* De profectitiis igitur & aduertiitiis bonis filiisfam. testamentum facere non licet, ne quidem consentiente patre.

ASSERTIO XVIII.

Hæredis appellatio non solum ad proximum heredem, sed & ad ulteriores refertur.

TRADITUR pro regulâ juris, quod hæredis nomine non solum primus hæres, sed etiam ultiores, hæredisque hæres significatur, & cæteri deinceps longa serie succedentes. Vnde & hæredis hæres, primi testatoris hæres esse dicitur. *l. hæredis. 65. & l. sciendum 70. l. hæredi 170. ff. de V. S. l. qui per successionem 197. de R. l. l. ult. C. de hered. inst.* Exemplum est in *l. in annalibus. 22. C. de lega.* ubi rescriptum est, quod legatum annuum alicui & hæredibus ejus relictum, ejus quoque hæredibus in infinitum relictum censetur. Hinc & illud decisum est, si alicui in testamento conditio imposita est, ut hæredi daret, hæc etiam conditio in hærede hæredis adimpletur, *l. cum ita datur. 94. §. 1. ff. de condit. & demonstr.* Huc facit *c. 1. de homicid. in 6.* ubi ab Innocentio quarto Pont. sancitum est, quod Pontifex Romanus licet indignus & immeritus sit, hoc est, licet infinitis passibus à doctrina & moribus Apostoli Petri turpiter defecerit, nihilominus successor ejus dicatur, quamvis maximo numero alii medii intercesserint.

Opponitur primò *l. qui liberis. 8. §. ult. ff. de vulg. subst.* ubi cum testator filio suo ita substituisse, *Quisquî mihi hæres erit, idem impuberi filio hæres esto*, de primo hærede tantum intellexisse videtur, neque hæredis hæres admittitur. Resp. Cessat hæc regula in substitutione pupillari. Ratio est, quia illi demum hæredes per hanc substitutionem vocati censentur, qui certi sunt, & quos affectione aliqua testator prosequitur, at ergà hæredem hæredis ut ignorum nulla versatur testatoris affectio. Vnde nec talis persona à patre filio substituta censetur.

Secundò aduersatur *l. antiquitas. 14. C. de usufruct.* ubi deciditur, quod si testator Titio, ejusque hæredibus usufructum legauerit, primo tantum hæredi, non verò ultioribus hæredibus usufructum reliquisse censetur. Resp. Dispositio hujus regulæ non procedit in legato usufructus hæredibus relicto, hoc enim legatum ad primum tantum hæredem pertinet, ne proprietas pertuò inutilis reddatur, sublata omni spe consolidationis.

Tertiò objicitur *l. sciendum 70. de V. S. & §. illud. Nov. 78.* Ut de cætero liberti, &c. vbitraditur, quod ingrati accusatio, qua permittitur patrono & ejus

ejus hæredibus libertum ut ingratum accusare, & in seruitutem reuocare tantum conceditur proximo hæredi filio, non etiam si hæredi hæres extiterit. Resp. Hoc specialiter receptum est, quod ingrati liberti accusatio ultra primos hæredes patroni non extenditur. Idque ea ratione accidit, quia ingrati accusatio odiosa est, quæ libertum sub pristinum seruitutis iugum reuocat, ideoque ultra primos hæredes patroni non porrigitur. l. 1. 7. & vlt. C. de reuoc. donat. l. penult. C. de libert. & eo. liber.

ASSERTIO XIX.

*Instituti iis hæredibus qui jure ciuili institui non possunt,
hereditas non ad fiscum defertur, sed ad hæredes
ab intestato pertinet.*

HÆREDES illi tantum institui possunt, cum quibus est testamenti factio, hoc est, qui ex testamento vel ipsi capere, vel alij acquirere hereditatem possunt. l. si alienum 49. § 1. ff. de hered. inst. § testamenti. Inst. de hered. qual. & d. ff. § legari Inst. de legat. Testamenti autem factio est solum cum ciuibus Romanis. l. 1. ff. Ad l. Falc. Hinc deportati, & in opus publicum perpetuo dati, ut sunt qui moribus nostris damnantur ad triremes, quia damnatione ciuitatem amittunt, fiuntque *ἀπολλυδεις* i. sine ciuitate. l. 2. § 1. l. sunt quidam 17. ff. de pæn. nec hæredes institui possunt tanquam peregrini. l. 1. C. de hered. inst. Sed quæritur, si tales qui hereditatem jure ciuili ex testamento capere non possunt, instituti sint, an tunc hereditas perueniat ad hæredes ab intestato, an vero ad fiscum. Et verior est sententia, ad proximos hæredes ab intestato hereditatem incapacibus personis relictam pertinere, non vero ad fiscum. Quod probatur per d. l. 1. C. de hered. inst. ubi traditur, quod si deportati scripti sint hæredes, quod tanquam peregrini hæredes esse non possunt, sed hereditatem in ea causa esse, in qua esset, si scripti hæredes non essent. At si scripti hæredes non fuissent testamento, tunc hereditas peruenit ad proximos hæredes ab intestato, nec prius admitteretur fiscus, quam isti omnes exclusi essent. l. in plurimum. 70. ff. de acqui. hered. l. 1. §. Si tal. testam. nul. ext. l. 1. in princ. & §. qui semel. ff. de success. edict. Ideoque & deportatis hæredibus institutis, hereditas ad proximos hæredes ab intestato, non ad fiscum pertinebit. Idem distictè traditum in l. 3. ff. De his qui pro non script. vbi generaliter traditur, si quid relictum sit in metallum damnatis, vel aliis incapacibus, pro non scripto haberi, nec ad fiscum pertinere. Et hanc esse veram & communem DD. opinionem testatur Iul. Clarus in receptis.

Y

sentens.

sentent. § testamentum, quest. 22. quod scilicet, deportato instituto hereditas non applicetur fisco, sed pertineat ad heredes ab intestato, perinde ac si deportatus institutus non fuisset.

Opponitur huic assertioni *l. cum quidam 12. ff. de his que vt indig.* vbi dicitur, quod cum quidam scripsisset heredes quos instituere non poterat, quamuis institutio non valeat, heredibus tamen vt indignis, qui non habuerunt supremam voluntatem, auferri hereditatem à Senatu & fisco applicari. Resp. Non dicitur in illa lege, quod quidam scripserat heredes, qui omnino institui non poterant, sed quos ipse scilicet testator instituere non poterat, vt intelligamus agi de heredibus, qui conditione quidem suâ institui poterant, verum iis quos testator ob priuatas causas instituere non poterat, qualis est, qui instituit mulierem quam adulterio cognouerat. Hoc casu & similibus hereditas vt indigno auferitur, & fisco vindicatur. *l. Claudius. & l. mulierem. ff. De his quib. vt indig.*

Secundo obijcitur *l. si deportati. 7. in princ. de leg. 3.* vbi dicitur, si deportati seruo aliquid relictum sit, id ad fiscum pertinere. Resp. Id quod deportati seruo relictum est, pertinet ad fiscum. Cum enim omnia quæ deportatus post deportationem & publicationem bonorum acquisit, pertineant ad fiscum *l. 2. C. de bon. proscript.* hinc fit, vt quod seruo quem deportatus post deportationem acquisiuit, relictum est, perinde censeatur, ac si ipsi fisco relictum esset, cum fiscus sit verè dominus ipsius serui. Vnde & legatum seruo deportati relictum, fisco acquiritur, tanquam vero domino serui, vt res solent per seruos domini acquiri. Verum quod ipsi deportato relictum est, hoc non pertinet ad fiscum, sed ad heredes ab intestato, quasi pro non scripto sit, quod relictum est. *d. l. 3. ff. De his que pro non script. hab.*

ASSERTIO XX.

*Institutio heredis facta sub turpi demonstratione,
vitiat institutionem.*

TVRPIS demonstratio heredis vitiat institutionem, vt puta si hæres institutus non appellatus sit suo nomine, sed turpi aliqua demonstratione, qualis contra meliæ causa adjici solet. tex. in *l. quoties. 9. §. si qui nomen. ff. de hered. inst.* Similiter & legata sub turpi conditione relicta sunt inutilia, *l. turpia. 54. de leg. 1.* vbi ita respondit IC. Pomponius, quod turpia legata, quæ denotandi magis legatarij gratia scribuntur, odio scribentis pro non scriptis habentur. Exempli gratia ille qui nuper in hac ciuitate fustibus calus est, ille quem fama est, latrocinium his diebus commillum perpetrasse, ille qui nominatur

natur in hac urbe scurra, mōrio, hāres mihi esto, vel tale legatum capiat. Hæc institutio hāredis, hoc legatum jure improbat, etiam si constet, quis ille sit, qui fustibus cæsus est, quis item ille, de quo sit superior fama & opinio. *d. l. turpia.* vbi additur ratio, quod odio scribentis, legata turpia, quæ denotandi magis legatarii gratia scribuntur pro non scriptis habentur.

Sed opponitur huic decisioni hæc regula juris, quod scienti & volenti nulla fiat injuria, vel dolus. *l. nemo videtur 145. de R. l.* vbi statuitur pro regula, quo nemo videtur eos fraudare, qui sciunt & consentiunt. Ideoque si hāres hac demonstratione insignitus nihilominus agnoscat hāreditatem, vel legatum, nulla potest videri injuria illi à testatore irrogari. Resp. Ideo hoc legatum, hæc institutio hāredis nulla est & inutilis, quia pugnat cum fine institutionis & legati. Nam institutionis & legati hic finis est, vt hāredi instituto & legatario honos exhibeatur. At turpi demonstratione designato hārede vel legatario, institutio & legatum hos dedecore & probro afficit. Non enim possunt ex eā demonstratione hāreditatem vel legatum petere, nisi prius concesserint se eos ipsos esse, quibus sunt demonstrati, quod illis turpe esset & probrosum. Pulchrè *Donel. lib. 6. com. c. 19.*

Secundò obijcitur *l. hu verbis 48. §. 1. ff. de hared. inst.* vbi dicitur, quod valet illa institutio, si Filius meus impiissimus, malè de me meritis hāres esto. Resp. Valet illa institutio cum maledicto, dum tamen absit contumelia. Unde ista institutio valet, Filius de me malè meritis, hāres esto, quia pater videtur maledictum dicere magis admonendi & objurgandi filii causa, quam vt illi notam quandam contumeliæ inurat. Sed si contumeliæ causa adjicitur maledictum, quod maximè & præcipuè fit in hāredibus extraneis, tunc odio scribentis institutio pro nulla habetur. *d. l. turpia. Duar. ad tit. de hared. inst. c. 3.*

ASSERTIO XXI.

*Quæ institutio, item quod legatum ab initio non constitit,
ex post facto non conualescit.*

QUÆSTIO mouetur à IC. an si ab initio non subsistit institutio hāredis, item legatum vel fideicommissum, vel propter vitium personæ. cui legari non potest, vel rei quæ legari non possit, si hoc impedimentum postea sublatum sit, redieritque in eum locum, à quo incipere possit legatum vel fideicommissum, an conualescat legatum, an verò non conualescat, quia legati initium spectari oporteat? Exempli gratia, deportato legatum relictum

relictum est, is postea beneficio Principis in ciuitatem rediit, quæritur an legatum illi relictum conualescat? Item res mea mihi legari non potest, deinde à me alienata, mea esse desiit, quæsum est, an hæc res ètè mihi legetur. Et hæc regula Catoniana sic decidit, Quod si testamenti facti tempore decessisset testator, inutile foret, id legatum quandocunque testator decessit, non valere. *l. 1. ff. de reg. Cato.* Quibus verbis hæc vniuersa quæstio deciditur, vt siue alicui legari non potuit, siue res aliqua ab initio legari non potuit, ita ab initio inutile sit legatum, vt nulla mutatione personæ, aut rei postea incidente conualescat. Eaque sententia aliis duabus regulis juris confirmatur, quæ ita habent. Quæ ab initio inutilis fuit institutio, tractu temporis conualescere non potest. Item quod ab initio vitiosum est, tractu temporis conualescere non potest. *l. quod initio 29. l. qua ab initio, penult. ff. de R. I.* Sic deportato legatum relictum non valebit, & ne quidem si viuo testatore ciuis Romanus esse coeperit, legatum conualescet. Similiter res mea mihi legari non potest, si legata sit mihi, quamuis viuo testatore sit alienata, nihilominus legatum conualescet, quod ab initio non constitit. *l. cetera. 41. §. 1. de leg. 1.*

Sed obijciunt *d. l. 1. ff. de reg. Cato.* Cujus hæc sunt verba, Item si tibi legatus esse fundus, qui scribendi testamenti tempore tuus es, si eum viuo testatore alienaueris, legatum tibi debetur. Relp. Hæc verba non ita accipienda sunt, ac si tibi prius legatus esset fundus proprius, vt si eum viuo testatore alienaueris, nihilominus tibi debeat, sed ita intelligenda sunt, vt tibi fundus tuus legatus esse dicatur, sub hac conditione, si eum viuo testatore alienaueris, ac tum respondeatur hoc casu legatum deberi. Loquitur enim IC. Celsus illic de legato conditionali, atque regula Catoniana ad legata conditionalia, & conditionales institutiones non pertinet. *l. penult. ff. de reg. Cato.* Idem confirmat breuiter & dilucidè Paulus in *l. mea. 98. ff. de condit. & demonstr.* vbi respondit in hæc verba. Mea res sub conditione mihi legari potest, quia in huiusmodi legatis non testamenti facti tempus, sed conditionis expletæ spectari oportet. Similiter si deportatus institutus sit sub conditione, cum capere poterit, aut alia quauis, & tempore expletæ conditionis capere poterit, rectè institutus censetur, & capax factus hæreditatem capiet. *arg. l. in tempus. 62. ff. de hered. inst.* Regula enim Catoniana tum ad conditionales institutiones, tum ad legata conditionalia non pertinet, hoc sensu, vt quamuis quid legatum sit, quod si initium spectaremus, non valeret, tamen vtile sit, si tempore existentis conditionis vtiliter relinqui potuit, vt hoc tempus euientis conditionis potius spectemus, quam facti testamenti. *d. l. mea. 98. ff. de condit. & demonstr.*

ASSER-

ASSERTIO XXII.

*Milites coram testibus saltem duobus testamentum
sine scriptis condere possunt.*

MILITES quamvis à testandi solennibus immunes sunt, eorum tamen ultimum elogium coram testibus saltem duobus exponi debet, quoties sine scriptis testantur, quo probari postea possit illorum voluntas. Neq; enim si in conuiuio aut congressibus familiaribus miles aliquem heredem dixerit, continuo hoc pro testamento habebitur. §. *planè. inst. de test. mil.* Solemus enim aliquando in familiari colloquio, commemorantes alicujus erga nos merita, ciuilitè & honoris gratià magis, quam ex animo dicere, nos vicissim velle, vt bona nostra post mortem ad eum redeant. Debet igitur certò constare de militis voluntate, quod seriò testari veluerit, l. *Lucius 40. ff. de test. mil.* Quod aut scripto militis qualicunque, quod certum sit ab eo esse profectum, constabit, vel sine scripto idoneis testibus, coram quibus miles ultimum suum iudicium protulit. Quam ad rem ex regula communi duo testes sufficiunt, duo tamen vt minimum necessarij. l. *vi. ff. de testib.* Non autem opus est, vt miles testes solenniter conuocet, quia rogatio est actus juris ciuilis, cujus solennitatibus milites non sunt adstricti.

Sed obijcitur §. *planè. inst. de test. mil. & l. Diuus. 24. ff. eodem.* vbi dicitur, vt valeat testamentum militis, requiri vt coram testibus saltem duobus ad hoc conuocatis vltimam suam voluntatem exponat, quem scilicet velit sibi esse heredem. Resp. Quod ibi dicitur, quod conuocatus ad hoc hominibus miles testatus est, illa verba duntaxat narratiuè non dispositiuè sunt posita. Continent enim facti tantum narratione, quod scilicet ita de facto euenerat, quod miles coram testibus vocatis de bonis suis disposuerat; Verba autem enunciativa seu narratiua nihil disponunt. Ita rectè *Viglius in d. §. planè*, contra communem interpretum opinionem decidit, quod videlicet cum de militis vltima voluntate constat irritum non fiat ejus testamentum ob hoc, quod testes ad testamentum faciendum non conuocauit. Cui sententiæ ad stipulantur. *VVesenberg. Stephanus Bodaus & alij.*

ASSERTIO XXIII.

Hæreditas non adita ad hæredes non transmittitur.

EX T A T variis locis hæc definitio seu regula juris, quod hæreditas non adita, aut bonorum possessio non agnita, ad hæredes non transmittatur, quæ traditur in *l. quoniam. C. de jure delib. l. vnic. §. in nouissimo. C. de caduc. toll. l. emancipata. C. Qui admit. ad bon. poss.* Cujus regulæ hæc est sententia, quod hæreditas non adita à defuncto, ne quidem ita ad hæredes transmittatur, vt possint eam adeundo consequi, jus enim adeundi hæreditatem ad hæredes non transmittitur. Mortuo itaque hærede ante aditam hæreditatem, ita hæreditas morte ejus amittitur, vt jam adeundo ab hæredibus defuncti amplius acquiri non possit.

Sed aduersatur huic decisioni hoc argumentum. Hæres succedit in omne jus defuncti. *l. hæres in omne. ff. de acqui. hered. l. hæreditas. ff. de R. I.* Atqui jus adeundi habuit hæres defunctus, ergo illud transfert ad hæredes suos. Resp. Ad ea quæ personæ coherent, hoc juris axioma non pertinet, quia quod personale est, ad hæredem non transit. *l. non solum. §. tale. ff. de liber. leg. l. quia tale. 13. ff. Solut. matr.* Atqui jus hæreditatis delatæ adeundæ est personale, quia personæ conditio locum facit huic beneficio. *l. in omnibus causis. ff. de reg. jur.* eò quod in hoc jure tribuendo, personæ hæredis, meriti, dignitatis, reuerentiæ ejus, aut similium rerum personæ coherentium ratio habetur. Defertur enim hæreditas aut ob præcedens aliquod meritum plerumque hæredibus scriptis, aut ob conjunctionem sanguinis, proximis hæredibus ab intestato, liberis puta, parentibus, aut cognatis. *l. nec adiecit. & l. seq. ff. Pro soc.* Itaque cum beneficium delatæ hæreditatis adeundæ cohereat personis hæredum scriptorum, aut proximorum cognatorum, idè cum persona extinguitur, nec transit ad hæredes, *d. l. quia tale. ff. Solut. matr.*

Secundò obicitur *l. cum antiquioribus. C. de ju. delib.* vbi sancitur, quod mortuo hærede, qui scit sibi delatam esse hæreditatem, ante aditam hæreditatem intra annum, jus deliberandi & vnà adeundi hæreditatem transmittat ad hæredes suos quoscunque, intra id tempus, quod ipsis, si viuerent, ex eo anno ad deliberandum reliquum esset. Resp. Hic specialis casus excipitur à generali regulâ, quæ traditur hæreditatem non aditam non transmitti ad hæredes. Cujus specialis juris hæc est ratio, quia cum sciunt hæredes sibi delatam esse hæreditatem, neque adeunt, existimantur deliberate de hæreditate adeunda, & id jus deliberandi, atque ex eo jus adeundi, si expediat, sibi sumere, quod futurum, & velut suum factum, non mirum si ad hæredes suos transferant.

Tertiò

Tertiò aduersatur *l. vnic. C. de his qui an. aper. tab.* tibi traditur, quod liberi parentum hæreditatem sibi delatam, nec aditam, quamvis juris sui ignari, ad liberos cosdemque suos hæredes transmittant. Resp. Speciali favore liberorū, hoc est singulariter indultum: quia enim hæreditas parentum liberis debetur naturali jure sanguinis, sit vt hæc transmissio hæreditatis parentum non aditæ facilius permittatur, vt ita nepotes ad autam hæreditatem aui sui, filio fortè præmortuo, sine vllā temporis præscriptione perueniant.

ASSERTIO XXIV.

Juri adeundi hæreditatem 30. annis præscribitur.

COMMVNIS & recepta est DD. sententia, quod juri adeundi hæreditatem 30. annis præscribitur. Ita notant *Accurs. & communiter DD. in l. 3. ff. de acqui. hered.* Hæc sententia probatur primò hoc argumento, quod omnia jura personalia, siue publica siue priuata, 30. annorum præscriptione tollantur. *l. omnes. & l. sicut. C. de præscript. 30. anno.* Itaque & jus adeundi hæreditatem, longissimi temporis spacio, videlicet præscriptione, 30. annorum tollitur & extinguitur. Secundò eadem sententia confirmatur per *l. licet. 8. & ibi gloss. C. de jur. delib.* vbi dum negat tex. juri adeundi hæreditatem vel juri immiscendi se hereditari præscribi longo tempore, puta decem annis inter præsentēs, viginti inter abscntes, à contrario sensu colligitur juri adeundi præscribi saltem longissimo tempore, vt puta si quis per 30. annos cessauit adire hæreditatem, jam sit exclusus à jure adeundi, & præscriptione 30. annorum possit à petitione hæreditatis repelli. Tertiò facit ad hujus sententiæ comprobationem firma & efficax ratio, quia illud longissimum tempus inducit tacitam repudiationem. *l. si filius. C. de petis. hered.* quæ est fortior & efficacior quam verbalis repudiatio. Ita notat *gloss. in l. si quis suum habes. ff. de jur. delib. per l. 3. C. de jur. & fact. igno.*

Contra hanc communem & receptam DD. sententiam mouetur tale argumentum. Jus adeundi hæreditatem non est in bonis nostris, sed facultas tantum quædam censetur, seu potentia adeundi. *l. pretia rerum. 63. vers. sed nec hæredem. ff. Ad l. falc.* Atqui quæ nudæ & meræ facultatis sunt, nullo tempore præscribuntur. *l. viam. ff. de via publ.* Ergò & jus adeundi hæreditatem nullo quantumvis longissimo tempore præscribitur. Resp. Propositio hujus argumenti falsæ est, nam jus adeundi hæreditatem non est mera facultas duntaxat, sed est jus quoddam acquirendi hæreditatem, ex quo postquam est in actum deductum, producit & nascitur petitio hæreditas. *l. 3. C. de insti.*

de instit. & substit. Præterea quod dicitur, impræscriptibilia esse, quæ meræ facultatis existunt, publicæ utilitatis fauore procedit. Itaque in iis, quæ publicæ utilitatis sunt, vt in via publica, locum habet. Nam quæ sunt priuata utilitatis, præscriptione tolli possunt. *l. si quisquam. ff. de diuers. temp. præscript. l. in bello. §. si quis seruum. vers. ideoque transacto tempore ff. de capt. & postl.*

Secundò opponitur hoc argumentum. Ius adeundi hæreditatem in solo animo consistit. *l. si aui. C. de iur. delib. §. ult. Inst. de hered. qual. & diff.* Sed cum præscriptio sine possessione non procedat. *l. 3. ff. de vsucap. & nemo sit, qui alteritis animum possideat, hinc sequitur nec juri adeundi hæreditatem præscribi. Retp.* Non agitur hic propriè de præscriptione, sed extinctione iuris adeundi per non vium longissimi temporis. Nam in iuribus incorporalibus, quæ propriè non possidentur, satis est argui ejus negligentiam, qui jus sibi competens exercere negligit. *l. sequitur. §. si viam. ff. de vsucap. l. corruptionem. C. de vsufructu.* Hæc sententia quod juri adeundi hæreditatem, 30. annis præscribatur, communiter à DD. recepta est & approbata, ideoque ab eâ in iudicando & consulendo non est recedendum. Ita attestantur *Sichard. ad l. licet. C. de iur. de liber. Gomez. Variar. resol. tom. 1. c. 9. nu. 17. & 28. Suarez in thesau. recept. senten. num. 60. in litera A. Approbat Corra. lib. 6. Miscel. cap. 21. Dissentiunt Salycet. & Fulgos. ad d. l. licet. Aliter statuit Mins. cent. 2. obs. 71. qui vult juri quidem adeundi hæreditatem, 30. annis præscribi, sed juri immiscendi, quod competit suis hæredibus, nullo vnquam tempore præscribi posse. per *l. vni. C. de his qui ante apert. tab. & quia additione hereditatis opus non habent. Cui sententiæ ad stipulatur Cuias. vir multæ doctrinæ atque eruditionis in parat. C. de iur. delib. vbi inquit, Si neque à ludice, neque à Principe datum sit tempus ad deliberandum, jus, vt opinor, adeunda hereditatis est perpetuum. l. 1. C. de su. & legit. & ita notant Græci ad l. 4. C. Qui adm. ad co. pos. τὸ πολιτικὸν δικαίον χρεὶν εἶναι ἀσυνέλεστον. Quibus crediderim magis, quam arguantis L. tinorum ductis malè vel ex l. 8. C. de iur. delib. vel ex aliis locis. Postremo illud singulariter notandum, quod si filij ex capite vnde liberi ob 30. anno. um præscriptionem à patris hereditate repellantur, ad eandem ex capite, Vnde legitimi vel agnati nihilominus admittuntur intra alios 30. annos. Ita communiter receperunt esse à DD. notat *Suarez in thesau. recept. senten. nu. 262. in litera F. p. r. l. 1. §. si videndum. ff. de succes. edu. Eandem sententiam approbat & confirmat Alcia. lib. 4. Paradox. c. 4.***

ASSER-

Q Vo
tris,
concentie
nam 22. ff.
re aut opp
que nec p
minem. 2
posse, vi
ne filiar
Sed
quod fil
patre. A
est bono
statum
cunque
Haben
æ
tionem
dicitur
stratic
plicia
tum
adm
ptur
sine
boni
25.

ASSERTIO XXV.

*Filius viuo patre non est dominus bonorum
paternorum.*

QUOD filius viuo adhuc patre nullum habeat dominium in bonis patris, hisce argumentis liquidò satis comprobatur. Nam filius patre non consentiente manumittere non potest seruos paternos *l. si consentiente. 16. l. festinum 22. ff. de manumiss.* Adhuc filius viuo patre rem nullam paternam alienare aut oppignorare potest. *l. 4. C. si res alie. pig. data sit. l. 3. C. de pat. pot.* Denique nec pro herede se gerere potest, filius viuo patre in bonis paternis *l. ne minem. 27. ff. de acq. hered.* vbi quod dicitur, neminem pro herede gerere posse, viuo eo, in cuius bonis gerendum sit, ita intelligendum est, neminem, ne filiumfam. quidem in bonis patris viuo patre se heredem gerere posse.

Sed obstat huic decisione *l. in suis. 11. ff. de liber. & postu.* vbi traditur, quod filius quodammodò dominus est bonorum paternorum viuo adhuc patre. Resp. Dupliciter, vel quod fictione juris filiusfam. tantum dominus est bonorum paternorum *κατὰ ἐλπίδα* & in spe, quod scilicet mortuo patre statim necessariò filius consequetur dominium bonorum paternorum. Quicunque enim filii sunt, necessariò etiam heredes existunt in bonis paternis. Habent ergò filiusfam. quasi dominium bonorum paternorum viuo patre, *καὶ πρὸ ἀρχῆς*, id est per anticipationem, quoniam pater retinet administrationem bonorum suorum quamdiu viuit, filiusque post mortem patris non dicitur consequi nouum dominium, sed magis liberam bonorum administrationem. *d. l. in suis.* Vel secundò responderi potest, quod filius non simpliciter & absolute est dominus bonorum paternorum, viuo adhuc patre, sed tum demum, si pater consentiat, & concedat illi plenam suorum bonorum administrationem & dispositionem. Sic rectè *Lactant. lib. 4. Inst.* scriptum reliquit, Filium minorem esse dominum, patrem maiorem, ita vt sine patris arbitrio & voluntate filius nihil gerere & administrare possit in bonis paternis. Ita tradunt *Vaconius à Vacuna lib. 3. declar. c. ult. Cujat. lib. 25. obseru. c. 14.*

ASSERTIO XXVI.

Hæredes tenentur ad defuncti bona exoluenda pro portionibus hæreditariis.

REGULA juris est desumpta ex legibus. 12. tab. quod hæredes debitoris tenentur ad æs alienum defuncti, creditoribus hæreditariis exoluendum pro portionibus hereditariis. Quæ regula relata extat in *l. 1. C. Si cert. pet. l. ea qua. 6. C. Fam. ercisc. l. 2. & ult. C. de hered. act. l. hæredes. 25 §. idem juris. ff. Famil. ercisc.* Idem autem diuiditur æs alienum pro portionibus hæreditariis, quia cum hæredes teneantur, quatenus sunt hæredes, necesse est, ut pro ea parte teneantur, ex qua sunt hæredes. Quatenus enim ponitur causa, eatenus ponitur effectus. Successio est causa obligationis in hæredibus: Ergo eatenus obligantur quatenus succedunt. Aded autem verum est obligationem ipso jure scindi inter hæredes pro partibus hæreditariis, ut pacto ipsorum hæredum effici non possit, ut vnus ipsorum teneatur creditoribus hæreditariis in solidum *l. pacto. 26. C. de pact.*

Sed contra hanc assertionem pugnat *l. 2. C. de hered. act. & l. 2. C. Si vnus ex plurib. hered. credit.* vbi traditur, si heredes debitoris possideant res pignori obligatas à defuncto, tunc non conueniuntur singuli hæredes, qui possident res pignoras pro hæreditariis portionibus, quas habent in pignore, sed in solidum, quoad totum debitum exoluant, vel pignore quod detinent, in totum cedunt. Resp. Decisio prædicta procedit in actionibus personalibus, non verò in hypothecaria actione; nam eà actione conueniuntur heredes debitoris, si possideant rem pignori obligatam, singuli in solidum pro debito conueniri poterunt. Ratio duplex est; prima, quia hypotheca seu pignus obligatur in solidum, ut tam diu teneatur vinculo obligationis, donec omnis pecunia soluta fuerit *l. si rem. §. omnu ff. de pig. act.* Altera ratio est, quia actio hypothecaria sequitur rem pignoratam, & contra ejus possessorum competit. Itaque cum hæredes debitoris actione hypothecaria conueniuntur à creditoribus, alio coherede facto paupere, coheredes pro parte ejus tenentur; Quod non eodem modo obtinet in actionibus in personam, in quibus vno ex hæredibus facto paupere, alius pro ejus parte conueniri non potest. *l. legatorum 33. de leg. 2. Costal ad l. hæredes. 25. ff. Famil. ercisc.*

Secundò in contrarium adfertur *l. si possessor 55. ff. de rei vend.* vbi statuitur, si vnus ex pluribus heredibus possessor totum fundum possedit, quod in solidum condemnari debeat. Resp. Præscripta assertio obtinet tantum in personalibus actionibus, non verò in actione in rem seu rei vindicatione,

nam

nam ibi vnusquisque hæres qui possidet rem petitam, in solidum tenetur, damnaturque in solidum, non pro hæreditaria portione. Ratio est, quia actionem in rem parit possessio aduersarii. *d. l. si possessor. 55. ff. de R. V. l. 1. C. de alie. iud. mut. caus.*

Tertiò aduersatur *l. 2. §. ex iis l. in executione. 85. ff. de V. O.* vbi proponitur, quod hæredes debitoris qui promisit iter dari, vel opus fieri, singuli teneantur in solidum. Regula supra scripta non obtrinet, si conueniantur coheredes de re indiuiduâ, puta ex stipulatione iter dari, vel opus fieri, tunc enim singuli hæredes tenentur, damnanturque plerumque in solidum.

ASSERTIO XXVII.

Codicilli nullam solennitatem ordinationis desiderant.

CODICILLI sunt voluntatis supremæ imperfecta testatio, de eo, quod quis post mortem suam fieri velit. Differunt hac notâ codicilli à testamentis, quod testamentum sit plena & perfecta dispositio de omnibus bonis defuncti, codicilli verò sunt imperfectum testamentum. Hinc testamento tantum rectè hæres instituitur, at codicillis hæres institui non potest. *§. codicilli. Inst. de codicil.* Codicilli etiam sunt imperfectum testamentum, quoad solennia, quia non peraguntur codicilli certis solennibus, sicut testamenta. *§. sed cum paulatim. Inst. de testam. ord. l. hac consultißima. in princ. C. eod.* Hinc scriptum est, in *§. vlt. Inst. de codicil.* quod codicilli nullam solennitatem ordinationis desiderant.

Sed obijcitur prædictis, quod codicillis etiam hæreditas relinqui potest, per fideicommissum. *l. 2. C. de codicil.* Resp. Ex hoc apparet totam hæreditatem codicillis vtiliter relinqui non posse, quoniam semper quarta Trebellanica apud hæredem remanere debet, qui hæreditatem restituit, illudque interest vtrum hæreditas relinquitur testamento, an petatur ex codicillis per fideicommissum. *l. 2. in fin. ff. de iur. codicil. l. coheredi. §. cum filia. ff. de vulgar. & pupil. subst.*

Secundò grauiter aduersatur *l. vlt. C. de codicil.* vbi statuitur, quod ad hoc vt valeant codicilli, requiratur vt adhibeantur quinque testes, item si fiant in scriptis, tunc subnotationem seu subscriptionem testium exigant. Ex quibus ostenditur, codicillos non omnino esse sine solennitate ordinationis, & sic hoc non conuenit cum eo, quod scriptum est in *§. vlt. Inst. de codicil.* codicillos nullam ordinationis solennitatem desiderare. Resp. Quod dicitur codicillos nullam ordinationis solennitatem desiderare, hoc referendum est ad jus vetus Institutionibus comprehensum. At iure nouo per constitu-

tionem Theodosii, quæ longo post intervallo introducta est, hoc statutum est, vt in codicillis exigantur quinque testes, & præterea eorum subnotatio requiratur, si fiant codicilli in scriptis. Præterea illietiam in codicillis testes esse possunt, qui in solennibus & iustis testamentis testes esse vetantur. Hinc mulier ad testamentum testis adhiberi nequit, in codicillis verò testis esse potest, *l. qui testamento. 20. §. mulier ff. Qui test. fac. poss.* Denique in testamento non nisi testes rogati interuenire possunt, at in codicillis testes rogati an fortuitò intereant, nihil interest *d. l. vlt. C. de codicil.* Pulchrè *Donel. lib. 7. com. c. 19.*

ASSERTIO XXVIII.

*Rei legata dominium acquiritur legatario statim
ab aditâ hereditate.*

DOMINIUM legati post mortem testatoris acquiritur legatario, ex quo scilicet adita est hereditas. *l. si tibi homo. 86. §. cum seruus. l. se. num. 44. §. 1. de leg. 1.* Non verò dominium legati acquiritur prius, nec legata citius deberi intelligantur. Ratio est, quia potest hæres relictam sibi hereditatem repudiare, atque sic hereditate non adita, irritum fiet quicquid in testamento est scriptum. *l. si nemo. 9. ff. de test. iur.*

Sed aduersatur *l. à Titio. 64. ff. de iurr.* vbi statuitur legata rectâ viâ à defuncto ad legatarium transire. Vnde colligunt DD. dominium legati statim à morte testatoris transire in legatarium. Resp. Hoc illa lex non probat, sed tantum significat, seruus legatum nunquam factum hæredis, cum nec ante, nec post aditam hereditatem illius esse poruerit, eo quod dominium legati rectâ in legatarium transeat. *l. legatum 80. ff. de legat. 2.* Prouidè si ante aditam hereditatem seruus legatus rem hereditariam surripiat, poterit hæres ob eam causam contra legatarium experiri, quia noxa caput sequitur, licet seruus, delicti perpetrati tempore non fuerit legatarii. Æquum enim est, vt quem commodi cuiusque rei sequuntur, eum quoque comitentur incommoda. *l. secundum naturam. ff. de R. I.* Ita hanc controuersiam definiunt. *Anton. Guib. lib. 1. qu. iur. c. 14. Fab. lib. 6. coniect. c. 1.*

ASSER-

ASSERTIO XXIX.

Legata relicta ab instituto, à substituto tacitè repetita censentur.

C A V T U M est jure & pro regulâ traditum, quod legata ab instituto relicta, tacitâ voluntate testatoris à substituto repetita censentur. Quæ decisio proponitur in *l. licet. 74. ff. de legat. 1. l. non iustum. 4. C. ad SC. Trebel. l. si rito. 61. §. 1. de leg. 2.* Conjectura voluntatis sumitur ex his rebus. Quod testator legauit alicui, id voluit ei omninò præstari. Nihil autem causæ est, cur id velit præstari ab instituto hærede, nolit autem à substituto præstari, quia minus dilexit substitutum quam institutum, cum institutum prætulit in hæreditate substituto. Hinc facit, quod substitutus testatoris iudicio eandem hæreditatem consequitur. Igitur consentaneum est, ut substitutus qui in cæteris iudiciis testatoris agnouit, etiam in hac se agnoscere debeat. Accedit & hæc ratio, quod testator substituendo heredi instituto, dicatur substituere in omnibus. *l. Iulianus. ff. de herede. Insti. l. coheredi in princ. ff. de vulg. & pup.*

Sed aduersatur huic regulæ *l. sub conditione. 73. ff. de hæred. insti.* ubi traditur sub conditione heredi instituto si substituamus, eandem conditionem non censeri repetitam in substitutione, sed purè substitutum intelligi. Resp. Atia est voluntas testatoris in legato quod ab instituto relicta est, alia in conditione institutioni adjecta. In legato ea mens est testatoris, ut omninò perueniat ad legatarium, itaque sic perueniet, si quod ab instituto legatum est, repetatur etiam à substituto. In conditione autem institutioni adjectâ, aut solum institutum onerare voluit eâ conditione testator, aut voluit soli substituto consultum, quo magis hæreditas ad eum deficiente conditione perueniret. Itaque non alium conuenit onerari conditione, quam testator voluit, multò etiam minus conditionem nocere ei, cui testator ea conditione prodesse voluit.

Secundò obstat quod Scauola respondit in *l. quidam. 14. ff. de iur. codicil.* ubi legatum ab instituto datum, qui in viuis non erat tempore testamenti, à substituto ejus repetitum non censetur. Resp. Ea demum legata relicta ab instituto, repetita censentur à substituto, quæ ab initio constiterunt. Atqui legatum relicta ab eo hærede qui in viuis non erat tempore codicillorum, nullius est momenti; Ideoque à substituto ejus non debetur.

Tertiò repugnat assertioni *d. l. licet.* ubi dicitur, si euident fuit voluntas testatoris in contrarium, non censeri legata ab instituto relicta, repetita à substituto. Resp. Superiori regulæ locus est in dubia & obscura voluntate testa-

toris: Cæterum vbi est manifesta voluntas testatoris in contrarium, quod scilicet testator noluit legata repetere à substituto, cessât hæc regula, Quæ voluntas ex duabus rebus colligitur: prima est, si testator eidem fideicommissario, vel legatario aliam rem reliquerit à substituto, quam ab instituto non reliquerat; tunc enim non censetur cogitasse de repetitione. *d. l. licet.* Secunda est, si fideicommissarium ipsum, cui ab instituto reliquerat legatum vel fideicommissum, ex parte substituerit hæredi instituto, quia tunc alterutro contentus esse debet, vel legato, vel substitutione. *d. l. licet.* Eleganter de hac questione disserit *Donel. l. b. 8. com. cap. 29.*

Quartò opponitur *l. si plures. 98. de legat. 3.* cujus hæc sunt verba. Si plures gradus sint hæredum: & scriptum sit, Hæres meus dato, ad omnes gradus hic sermo pertinet, sicuti hæc verba: Quisquis mihi hæres erit. Itaque si quis velit non omnes hæredes legatorum præstatione onerare, sed aliquos ex his: nominatim damnare debet. Ex quibus postremis verbis colligitur, quod si ab instituto legatum sit relictum nominatim, non videtur repetitum à substituto. Resp. Illa lex disponit de pluribus institutis qui eodem gradu sunt, quod non tenetur alter scilicet cohæres, qui non est grauatus: cum grauatus adierit. Ita respondit *Comens. in d. l. licet. col. pen. vers. ad l. si plures.*

Quinto objicitur textus in *l. pater meus 29. §. quod aliquis. ff. de leg. 2.* vbi deciditur, quod quis fidei hæredis nominatim committit, ita demum videtur dari voluisse, si ille extitisset hæres. Resp. Ille textus loquitur in cohærede, qui venit per jus accrescendi, nos vero in substituto. *Alciat. de præsumtion. reg. 2. præsumt. 35. nu. 4.*

Sextò aduersatur *l. quarebatur. 20. §. ult. ff. de milit. testam.* vbi traditur, quod quando substitutio est directâ militaris, legatum relictum ab instituto, non censetur relictum à substituto. Resp. Hoc specialiter receptum est in testamento militis. Rationem vide apud *Menoch. de præsumt. lib. 4. præsumt. 108. nu. 53. & seqq.* Aliter respondent, *Coras. in rubr. C. de impub. & aliu substit. num. 9. vers. aliam autem.* Duarenus in tit. de militari testam. cap. penult. Approbat hanc decisionem *Fächinam libro 5. controuer. juris. cap. 39.*

ASSERTIO XXX.

Legata & fideicommissa in testamento non solenni relicta, ne quidem naturaliter debentur.

VERIOR est sententia, legata & fideicommissa in testamento minus solenni relicta, nullo jure, & ne quidem naturaliter deberi; quæ probatur hæc

tur hæc sequentibus argumentis. Primum sumitur à causa obligationis. Cessante causa cessat effectus, atqui causa cur debeantur legata, est aditio hæreditatis, *l. 3. §. vlt. & l. 4. ff. Ex qu. caus. in poss. ea.* Cum igitur ex testamento imperfecto non adeatur hæreditas, consequens est, nec legata deberi. Prio regula enim traditum est, hærede non aduente hæreditatem, nihil valeat quod in testamento scriptum est, *l. si nemo. ff. de testam. iur. l. si nemo. 181. de R. l.* Secundum argumentum à simili depromitur. Vt enim ex stipulatione non rectè facta non oritur obligatio naturalis *l. 1. §. si quis ita. de V. O. l. 1. §. cum qui. ff. de const. pec.* ita etiam non oritur ex testamento non rectè facto. Tertium argumentum ducitur ab effectu, nam hæc legata soluta repetuntur per conditionem indebiti, *l. fideicommissum. 7. C. de condit. indeb. l. 2. §. 1. ff. eodem.* Ergo non debentur naturaliter, alioqui naturalis obligatio impediret repetitionem soluti *l. naturaliter 13. ff. de condit. indeb.*

Contrariam sententiam, quod scilicet naturaliter debeantur legata ex testamento minus solenni, metur Accursi. in *l. 4. C. de jur. & fact. ign.* eamque probat hoc argumento. Ex testamento solenni oritur naturalis & ciuilis obligatio: simul igitur ex testamento non solenni oritur naturalis obligatio tantum. Resp. Non valet consequentia, uam ex testamento non solenni & imperfecto nulla oritur obligatio. Nec magis valet argumentatio Accursii, quam si quis ita argueret. Ex vero testamento oritur naturalis & ciuilis obligatio simul, ergo ex falso testamento oritur naturalis obligatio tantum.

Secundò obijciunt *l. 2. C. de fideicom.* ubi dicitur, fideicommissum inutiliter relictum, non repeti ab eo qui soluit, per conditionem indebiti, quia non ex sola scriptura, sed ex conscientia fideicommissi relictæ videtur hæres satisfecisse voluntati testatoris: Hinc ergo apparet naturaliter deberi, quia nisi naturaliter deberetur, posset repeti. Resp. Fideicommissum in specie illius legis ideo non potest repeti, quia solutum fuit ab hærede scienter, non per errorem: Cujus autem per errorem soluti repetitio est, ejus consulto dati donatio est, *l. cuius. 53. ff. de R. l. l. 1. ff. de cond. indeb.*

Tertiò opponitur *l. in testamento 38. ff. de fideicom. libert.* ubi testator alumnæ suæ libertatem reliquit, & fideicommissa dedit in testamento imperfecto: Filii verò succedentes ab intestato manumiserunt alumnæ, Imperator pronunciauit, eam rectè manumissam, & fideicommissa quoque ab intestato ei deberi. Resp. Hoc speciale est in alumna, ut ipsa verba legis ostendunt, pium enim & fauoris plenum est legatum, partim fauore libertatis, partim in gratiam alimentorum relictum, quæ pax sunt & fauorabiles causæ.

Quartò quod legatum & fideicommissum testamento minus solenni relictum, debeat naturaliter, videtur confirmari ex *l. vlt. ff. de reb. eo. qui sub. iur.* ubi voluntas testatoris efficax est, licet in testamento irritò & inutili est ex-

est expressa. Resp. Ea voluntas non inducit obligationem, idè autem fortitur effectum, quia tutor eam voluntatem secutus sponte prædia pupillaria vendiderat, ergo rectè distraxit, quia Principis oratione cautetur, ut distrahi possint secundum voluntatem patris, neque requirit oratio, ut ea voluntas sit in testamento solenni expressa, *l. 1. §. 1. ff. de reb. eo. qui sub tute.* Quocunque igitur modo de eâ voluntate constet, venditio sustinebitur. Verior itaque & probabilior est sententia, legata & fideicommissa in minus solenni vel imperfecto testamento relicta, nullo jure deberi. Attamen legata in testamento imperfecto & non solenni relicta, in foro conscientia: & animæ, ut loquuntur, esse præstanda & implenda latè probat *Fachinus libro quarto controuerf. juris cap. 5.*

ASSERTIO XXXI.

Clausula hæc, Si non sequar juris solennitatem &c. non inducit fideicommissum.

SI testator adscripsit testamento suo, se nolle secundum nimiam & miseram vel scrupulosam diligentiam testari, sed potius animi sui rationem sequi, quam juris solennitates, & id testamentum aliquo modo propter omiffas solennitates irritum fiat, quæri solet ab interpretibus, num valeat saltem jure codicillorum hæc dispositio? Et communiter à DD. receptum est, valere, teste *Ripa. ad l. 3. nu. 24. de leg. 1.* Sed contraria sententia tanquam verior sequenda est, & pro certo statuendum est, quod quoties quis testamentum facere instituit, pro codicillis hanc dispositionem non esse habendam, nisi id nominatim testator expresserit. Quod manifestè probant *l. coheredi. 41. §. quæ ita locum. ff. de vulga. & pupil. l. ex testamento. 29. C. de fideicommiss. l. 3. vers. quemadmodum. ff. de milit. test.* quæ leges vnanimi consensu statuunt, tunc demum testamentum valere codicillorum jure, quando testator adiecit clausulam codicillarem, hoc scilicet modo. Si testamentum non valet jure solennis testamenti, valeat saltem jure codicillorum. Nec refert quod testator noluit juris solennitates in testamentis ordinandis requisitas sequi. Si quidem nemo potest cauere, ne leges in suo testamento locum habeant. *l. nemo potest. 55. de leg. 1.* Quinimò & legibus testamentorum Imp. qui mundi dominus est, se obstrictum fatetur, & hereditatem se non posse ex testamento imperfecto vendicare, ipsi Imp. rescripterunt, addita hac eleganti sententia, quod nihil tam proprium sit imperii, quam legibus viuere. *l. 3. C. de testa. l. ex imperfecto. 23. de leg. 3.*

Sed obijcitur huic decessioni Scæuolæ responsum in *l. Lucius. 88. §. ult. de leg. 3.*

leg. 2. vbi traditur, quod si quis ita in testamento scripsit. Si quid aliquid minus legitimè vel peritè fecero, pro iure legitimo haberi debet sani hominis voluntas, quod propter hanc clausulam adiectam, relicta fideicommissa ab intestato debeantur. Resp. Ideò sustinetur ibi ista dispositio in vim codicillorum, quia testator eos, ad quos hæreditas sua ab intestato perventura esset, rogauerat, & consequenter clausulam codicillarem testamento adiecerat. Quod enim dixit, si quid minus peritè sit factum, pro iure legitimo haberi debet sani hominis voluntas, ita intelligi debet, ut si testamentum quod testator facere destinavit, ob defectum alicuius solennitatis corrumpatur, tunc vltima voluntas eius valeat ex causâ intestati. Nam iuris legitimi appellatione, successio quæ ab intestato defertur, designatur. l. si aut nullum. l. lege duodecim. §. cum aliam & §. seq. l. ult. in princ. & §. cum igitur. C. de leg. hered. l. 2. ff. de su. & legit.

ASSERTIO XXXII.

In legatis posterior voluntas potior est priore.

SICUT in legibus & constitutionibus Principum posteriores semper prævalent prioribus. *l. ult. ff. de const. Princ. & quemadmodum pacta novissima derogant prioribus. l. pacta. 12. C. de pact.* Ita in legatis quoque pro regulâ servatur, quod posteriores scripturæ prævaleant, & potiores sint prioribus. *l. si mihi. 12. §. ult. de legat. 1.* Idque meritò receptum est, quia qui posterius scripsit, quod priori contrarium est, à priori voluntate recessisse videtur. Licet enim testatori, quoad vivit suam extremam mutare voluntatem. *l. 4. ff. de adimend. lega.* Porro sciendum est, quod prior & posterior scriptura dicatur duobus modis: nam aliquando scriptura prior est ordine, sed posterior est intellectu, & è contra, quæ scriptura ordine est posterior, prior est intellectu. Quoties autem illud accidit, tunc ordo intellectus potius, quam scripturæ attenditur. *d. l. 12. §. ult. l. si ita sit adscriptum. 14. ff. de leg. 1.* Exempli gratiâ. Si ita testator scripsit in testamento. Si cui bis legauero, semel ei deberi volo, deinde postea ei in testamento adscripsit duas quantitates, vel duos fundos, vnum tantummodò legatum valet, alterum ademptum censetur. *d. l. si ita sit adscriptum. 14. de leg. 1.* Nam etsi ademptio datione sit prior, ordine scripturæ præpostero inspecto, natura tamen sue intellectu est posterior.

Sed huic prædictæ. *l. 14. grauitè obstat l. si quis in principio. 22. de leg. 3.* vbi dicitur, si quis in principio testamenti ita scripserit. Cui bis legauero, semel deberi volo, & postea eodem testamento, vel codicillis, sæpius eidem le-

A a

gauerit,

gauerit, plura esse legata, & posteriorem scripturam seruari, non priorem. Resp. Hoc ideo ibi ita statutum est, quia ut subiicitur in d. l. si quis, testator adiecit specialiter in testamento, se prioris voluntatis pœnituisse, & voluisse, ut legatarius plura legata acciperet. Hæc dicitur clausula derogatoria, quia derogatur priori voluntati, efficiturque ut posterior scriptura seruetur, non prior. Ratio decidendi est, quia nemo potest sibi ipsi eam legem dicere, ut à priori voluntate ei recedere non liceat, nemoque potest suam ipsius ligare voluntatem. l. quod autem. 7. §. penult. ff. de donat. int. vir. & vx. l. Diui. 6. §. licet. ff. de iur. codicil. Pulchrè Cuiat. lib. 14. Obsc. 7.

ASSERTIO XXXIII.

*Testator Trebellianica deductionem prohibere
non potest.*

NOBILIS est quæstio, an possit à testatore Trebellianica prohiberi. Et verior est, probabiliorque sententia, Trebellianicam non posse testatoris prohibitionem auferri. Quæ sententia expressis textibus probatur, scilicet, per §. sed quia stipulationes. Inst. de fideicom. hered. ubi statuitur, siue hæres habeat quartam Trebellianicam ex voluntate testatoris, siue minus, siue penitus nihil, ut tunc, quando nihil, vel minus quarta apud eum remaneat, liceat ei quartam vel id quod quartæ deest, ex S. C. Trebelliano retinere. Eadem decisio confirmatur per l. si vt allegas. xi. C. ad l. falc. ubi statuitur, si pater filium hæredem instituit, & iussit eum fratribus hæreditatem restituere, certisq; rebus pro Trebellianica esse contentum, quod non obstante ista dispositione testatoris, possit nihilominus integram Trebellianicam retinere.

Verum in contrarium adfertur. Nov. de hered. & Falcid. §. si verò expressim, ubi statuit. Imp. prohiberi posse à testatore Falcidiam, ergo & Trebellianica prohiberi poterit. Nam Falcidia & Trebellianica æquiparantur, & paribus passibus ambulant. l. Macellus. §. quod autem ff. Ad S. C. Trebel. imò ad exemplum legis Falcidiæ Trebellianica detractio est inducta. l. pater filiam. ff. Ad l. Falcid. l. iubemus. C. Ad S. C. Trebel. Denique eadem videtur ratio subesse in Trebellianica, quæ est in Falcidia: scilicet ut hæredes hoc lucro & commodo affecti hæreditatem adire non recusent, & sic defuncti voluntas exitum sortiatur. Resp. Non obstantibus istis rationibus contraria sententia est verior: quandoquidem legislator non ignarus, quid commune sit Trebellianicæ cum Falcidiâ, Falcidiam prohiberi posse consti-

constituit, de Trebellianica verò nihil adjecit in *d. No. de hered. & Falcid.* Adhæc ante hanc Nouellam certum fuit Trebellianicam prohiberi non potuisse, quia nemo facere potest, quin leges in suo testamento locum habeant. *l. nemo potest. de leg. 1.* & satis id luculenter probant. *d. l. si vt allegas. C. Ad l. Falc. & d. 5. sed quia heredes.* Sed per dictam Nouellam contrarium non est constitutum, ergo manet jus antiquum incorruptum, vt à testatore nequaquam prohiberi possit detractio quartæ Trebellianicæ. Ad argumentum verò objectum, quod scilicet magna sit affinitas & similitudo Falcidiæ & Trebellianicæ, responderetur, quod licet hoc ita sit, non idem tamen si in vno simili corrigitur jus antiquum, idem statim in alio correctum esse censetur. Ideoque vt maximè in plurimis conueniant Falcidia & Trebellianica, tamen standum est juri antiquo, donec expressè sublatum sit, nec per vllam consequentiam, aut tacitam interpretationem licet nobis illud corrigere aut emendare. Adhæc perspicua ratio diuersitatis militat in hoc casu inter Falcidiam & Trebellianicam. Nam Trebellianicæ detractio competit hæredi grauato restituere hæreditatem per fideicommissum, quia inuitus cogi poterat à fideicommissario adire & restituere hæreditatem. *l. 4. ff. ad S. C. Trebel.* Falcidiæ autem beneficium datur hæredi grauato ad legata præstanda, qui quidem inuitus cogi non poterat à legatarijs ad adeundam hæreditatem. *l. si quis ommissa. 17. ff. Si qu. ommiss. cau. test.* Ideoque cum hæres fideicommissio grauatus hæreditatem restituere, in eo sit deterioris conditionis, quam hæres oneratus legatis, quod scilicet cogi possit à fideicommissario ad adeundam & restituentdam hæreditatem, meritò pro compensatione talis incommodi hoc lucro dignus censetur, vt Trebellianica priuari non possit à testatore, licet heres oneratus legatis Falcidia priuari possit. Hanc sententiam, quod testamento Trebellianica prohiberi non possit, defendunt & amplectuntur *Fachin. lib. 5. contro. c. 4. & 5. Vaudus lib. 2. quest. c. 17.* Dissentiunt communiter *D D. in Auth. sed cum testator. C. Ad l. Falcidiam.* longa serie congesti ab *Antonio Gabriel. in lib. 4. conclus. tit. ad Trebellian. conclus. 1. nu. 2.* qui testatur hanc esse communem, & ita iudicatum fuisse refert *Joan. Pap. in suo Recuel. tit. de substitutionis. arref. 19.* Declaratur hæc communis opinio, vt locum non habeat in liberis primi gradus. *l. si vt allegas. C. Ad l. falc. Guid. Pap. decis. 51. num. 1. & conf. 122.* vbi inquit in iudicando & consulendo ab hac declaratione non esse recedendum. Sequitur & approbat *Andr. Gail. lib. 2. Observat. cap. 138.* Dissentit *Menoch. de presumpt. lib. 4. presunt. 198. nu. 5.*

ASSERTIO XXXIV.

Sumtus studiorum à filio post mortem patris facti, de suis proprijs bonis, non ex communi hæreditate solui debent.

PROBATUR hæc assertio per l. si filia. §. idem scribit. ff. Fam. ercisc. vbi traditur, quod si filius post mortem patris munera aliqua suscepit, & æs alienum eo nomine contraxit, ab his oneribus cohæredes siue fratres ejus & sorores, liberi & immunes esse debent. Idem confirmatur per l. ex parte. 39. §. filius. ff. eo. vbi deciditur, quod si filius debita quædam post mortem patris contraxit, fratri suo pro parte hæreditaria ea reputare non potest, licet paternam hæreditatem communem possideant. Denique hæc sententia stabilitur per l. Lucius. 21. §. idem respondit. ff. ad Munic. & l. 3. §. ult. ff. de munerib. & honorib. vbi statuitur, quod si filius post mortem patris honores vel munera aliqua suscepit, puta si Doctoratus insignia consecutus est, vel Senator aut decurio factus est, hos sumtus in hanc dignitatem consequendam factos non de communi patrimonio, sed de proprijs suis bonis sustinere debet, licet pater viuis pro altero filio hæc onera expedierit.

In contrarium facit. d. l. si filia. §. idem scribit. ff. Fam. ercisc. vbi statuitur, quod si pater pro filio in vita ejus incæpit aliquod munus suscipere, quod hoc post mortem patris perfici debet ex communibus bonis, ac si hoc patris æs alienum fuerit. Secundo adducitur in contrariam partem. l. hæres socij. 40. ff. pro soc. vbi traditur, quod hæres socij, quamvis socius non sit, tamen debet negotia per defunctum inchoata perficere & absolvere. Resp. Eatenus tenentur hæredes negotium à patre incæptum continuare & finire, quatenus ipse pater ad hoc erat de necessitate obligatus. Sed pater non tenebatur in vita sua ad hoc, vt ad finem & consummationem, vltque studiorum filio suo suppeditaret sumtus. Ergo nec hæredes patris ad hoc de jure obligati censentur, quia hæres debet ejusdem esse conditionis, cujus fuerat defunctus. l. hæredem. ff. de R. I. Hæc solutio confirmatur euidenter per l. etsi filium. 15. ff. de mun. & honor. vbi traditur, quod si pater consensit in vitâ suâ filio in decurionatu consequendo, sumptusque ad hoc munus sustinendum filio suppeditauit, quamvis decurionatus sit initium ad alias dignitates. l. honores. §. is qui. ff. de decur. tamen hæredes & successores patris non tenentur ad onera sustinenda aliorum

^aliorum munerum seu dignitatum, quæ filio post mortem patris injungentur. Accedit pro confirmatione hujus sententiæ & hæc ratio, quod æquum est cum sustinere onera & incommoda, ad quem lucra & comoda perueniunt. At verò cum emolumenta & lucra studiorum ratione quæ sita, puta ex munere Doctrinæ vel aduocationis ipsius filij commodo cedant, neque ea fratribus suis communicare cogatur, æquum etiam est, ut ipse solus pro patrimonij sui portione sumtus studiorum sustineat. Secundò obstat. *l. vnc. C. de peric. success. paren. lib. 10.* ubi onus dignitatis quæ sita per patrem transit ad heredes. Resp. Hoc idè dispositum est, quia viuo patre filius accipit honores. Hanc sententiam, quod sumtus post mortem patris ad perficiendum studium à filio impensi, pertineant ad onus ipsius filij, non verò cohæredum, tueretur & approbant *Bart. lucerna vetikatis ad l. 1. §. nec castrense. num. vli. ff. de collat. Sichard. ad l. filia. C. Famil. ercisc. Sneider. ad §. quadam actiones. num. 34. Inst. de act. Vital. in tracta. de collat. quest. 37.* A quibus solus dissentit *Dynus ad l. Lucius. 21. §. 2. ff. ad Municip.*

ASSERTIO XXXV.

Habitationis facultas alicui donatione concessa, morte donatoris finitur.

PROBATVR hæc decisio manifestè in *l. Lucius. 32. ff. de donat.* ubi traditur, quod mortuo eo, qui gratuitam habitationem domus vel cœnaculi alicui concessit vel donauit, possint heredes donatoris, donatarium à concessâ habitatione prohibere. Quæ decisio adeò vera est, ut etiamsi adjectum sit in donatione, ut donatarius quamdiu vellet domo vel hospitio uteretur, tamen nihilominus poterunt donatoris heredes mortuo donatore eum prohibere: quia hæc clausula quamdiu vellet, eatenus accipienda est, quamdiu donatarius vellet viuo donatore, vel eo mortuo, quamdiu permittent heredes donatoris.

Sed vehementer obstat dicta *l. Lucius. l. Aquilius. 27. ff. de donat.* ubi expressè traditur, quod si donator, qui dedit alicui vel concessit gratis habitationem alicujus domus, mortuus sit, non possint heredes ejus mortuo donatore donatarium habitatione prohibere. Resp. Illa lex loquitur & procedit in donatione remuneratoriâ, quæ largius & benignius interpretanda est, quam absoluta, mera, & simplex seu propria donatio. Itaque cum in *d. l. Aquilius*, discipulus donauit præceptori habitationem

A a 3 remunc-

remunerationis loco, quia eum doctrinâ suâ & eloquentiâ meliorem & doctiorem reddiderat, rectè deciditur hanc donationem transire etiam ad hæredes donatarij, neque posse hæredes donatoris prohibere, quominus donatarius quoad vixerit, donatione fruatur. Donatio inquam quam facit discipulus præceptoris, non est simplex, sed remuneratoria donatio, quia doctrina nullâ mercede pecuniariâ æstimari potest, & ut inquit eleganter Plato, Deo, parentibus, & præceptoribus non potest reddi æquivalens. Quinimo Alexander Macedonum Rex dicebat se plus debere præceptoris suo, quam patri, quia ab illo benè vivendi, ab hoc vivendi tantum principium & originem esset consecutus. Itaque donatio habitationis in aliquem collata, si pura propria & absoluta sit donatio, non transit ad hæredes donatoris. Donatio verò remuneratoria ad hæredes donatoris omninò transmittitur. Hæc enim remuneratio potius solutionis quam donationis loco censetur. *l. si pro patre. 10. §. si domini. ff. de in rem vers. imò permutationis vicem hæc donatio repræsentat. l. sed etsi lege. 25. §. consuluit. ff. de pet. hered.* Idèdque cum à merâ propriâ donatione longissimè differet, transit etiam ad hæredes donatoris. Eleganter Cujas. *lib. obs. 17. c. 33. & lib. 21. c. 37.*

ASSERTIO XXXVI.

Donatio non revocatur, etiam si donatarius inopi donatori non præstet alimenta.

QUÆRITVR, si donator in aliquem contulerit omnia sua bona, vel maximam partem bonorum, & deinde ad paupertatem perveniat, an debeat aliâ donatario, & si non alatur, an iustè reuocari possit donatio. Et quidem putat Accurs. in *l. ult. C. de reuoc. donat.* posse ob hoc reuocari donationem. Verior tamen & juri magis est consentanea contraria sententia, quod scilicet ob denegata donatorialimenta à donatario rescindi non possit donatio. Quæ opinio primò probatur per *l. ult. C. de reuoc. donat.* ubi sancitur ob quinque tantum causas ingratitudinis reuocari posse donationem, inter quas tamen non recensetur hæc causa denegatorum alimentorum. Deinde ex eo confirmatur hæc decisio, quod donatarius nulla obligatione adstringitur ad alendum donatorem. Obligatur quidem donatarius naturaliter ad remunerandum donatorem. *l. sed etsi. §. consuluit. ff. de pet. hered.* sed non obligatur ad alimenta illi vel vllam rem certam præstandam, deinde obligatur illi tantum naturaliter ad remun-

ad remunerandum, ex quâ obligatione nulla nascitur actio. *l. naturales ff. de obligat. & act.*

Pro contraria sententia, quam tuetur *Baldus in d. l. ult. C. de reuocand. donat.* quod scilicet iusta causa reuocandæ donationis sit, si donatarius non præstat donatori alimenta, adfertur *l. decurionibus ff. de decur.* vbi traditur, decurionibus lapsis facultatibus alimenta de publico decerni permissum esse, maxime si ob munificentiam in patriam patrimonium exhausserunt. Resp. Tribuitur hoc jus tantum decurionibus, seu Senatoribus Reipub. non tam quia bona sua donarunt patriæ, sed quia decuriones sunt, nam etsi nihil donarint patriæ, tamen illis ob inopiam à Repub. decernuntur alimenta. Adde quod non dicitur, decurionibus lapsis facultatibus alimenta decerni debere, sed permissum esse: quo verbo significatur, posse quidem ciuitatem alimenta decurionibus decernere, si velit, sed non necesse habeat, si nolit. Cui enim permittitur, vt possit aliquid facere, hic non necessario cogitur. *l. sapè cum l. seq. ff. de off. praef.*

Secundò opponitur hoc argumentum. Liberi debent in opes parentes alere. *l. si quis à liberis. ff. de agnos. lib.* Sed donator omnium bonorum patris loco est donatario. Ergò hic donatori tanquam egenti alimenta præstare debet. Resp. Per donationem nemo efficitur alicui patris loco, quia pater tantum vel naturâ efficitur per nuptias, vel iure ciuili per adoptionem. Sed extraneus donator, etiam per donationem omnium bonorum non efficitur loco patris.

Tertib hoc modo argumentantur in contrarium. Reuocatur donatio ob injuriam non leuem à donatario illatam donatori. Sed non leuis est injuria, si donatarius locuples & fruens bonis donatoris, donatorem egenum alere recuset, ideo quod ad antidora ei est obligatus. *d. l. sed etsi lege. §. consuluit. ff. de pet. hered.* Ergo & ob denegata donatori alimenta jure potest donatio reuocari. Resp. Ob atroces tantum injurias illatas donatori, enumeratas in *l. ult. C. de reuocand. donat.* rescinditur donatio, inter quas non refertur ea, si donatarius locuples non præstet egeno donatori alimenta. Facit quidem contra officium viri boni, imò ingratus & inhumanus est donatarius, qui pauperem donatorem in præstandis alimentis operâ & auxilio non subleuat, sed tamen jure publico ad hæc præstanda non cogitur. Nam aduersus eos, qui beneficia acceperunt, nulla jure ciuili actio est prodita, ad quicquam ab ijs eo nomine exigendum, vt nec aduersus ingratos vlla est actio ingrati concessa. *Pulchrè Danel. lib. 14. c. 27. Dissentit Clarus lib. 4. recept. senten. §. donatio quest. 2.* vbi notat communem esse DD. opinionem, quod reuocari possit donatio prætextu ingratitudinis, si donatarius donatori non præstiterit alimenta. Idque ex ea ratione, quia cum

cum negans alimenta quodammodo videtur necare; sequitur, quod hæc legitima sit causa propter quam donatio prætenu ingratitudinis possit reuocari. per l. necare. ff. de liber. agnos. Et ita tenuit Gl. in d. l. vlt. C. de reuoc. dona. in verb. reducit.

ASSERTIO XXXVII.

Bonæ fidei possessor non tenetur ad restitutionem fructuum consumptorum, licet ex iis factus sit locupletior.

BONÆ fidei possessor fructus consumptos in iudiciis particularibus, vt in rei vindicatione restituere non cogitur, etiam si ex iis factus est locupletior. Quæ sententia apertis textibus comprobatur, scilicet per § si quis à non domino. Inst. de rerum diuis. §. csi hereditas. Inst. de off. iud. l. 4. §. 2. ff. Fin. regund. l. quæstrum. 40. ff. de acqui. rer. dom. Quæ leges vnanimi consensu docent, bonæ fidei possessorem lucrari fructus consumptos, pro culturâ & curâ. Stabilitur etiam hæc doctrina hac ratione, quia si bonæ fidei possessor eo casu teneretur fructus consumptos restituere, quo factus est locupletior, sequeretur istas leges, quæ affirmant eum fructus consumptos lucrari, tunc demum procedere, cum bonæ fidei possessor fructus inutiliter consumsisset, quod sanè absurdum esset, cum nemo suum præsumatur iactare. l. cum de indebito 25. ff. de probat. Idèdque non est verisimile, leges ad eum casum respexisse; qui rarò euenire solet.

Aduersatur huic assertioni. l. 1. C. de pet. hered. & l. item veniunt. 20. §. eos autem. l. sed etsi. §. consuluit. ff. cod. In quibus deciditur bonæ fidei possessorem in petitione hæreditatis, si ex fructibus consumptis locupletior effectus sit, eorum nomine conueniri posse. Resp. Hoc singulare est in iudiciis vniuersalibus, vt in petitione hæreditatis, & in actione familiæ erciscundæ, quod bonæ fidei possessor etiam fructus consumptos restituat, quatenus ex iis factus sit locupletior. d. §. consuluit. l. non est ambiguum. 9. C. Famil. ercisc. Ratio est duplex; Prima quia fructus percepti augent hæreditatem tanquam jus vniuersale. l. item veniunt. 20. §. non solum. vers. fructus ff. de pet. hered. Secunda ratio est, quia fructus petuntur iure actionis, perinde atque ipsa corpora hæreditaria. d. vers. fructus. l. 1. & 2. C. de pet. hered. aliter atque in rei vindicatione, qua conuentus bonæ fidei possessor, non iure actionis, sed tantum officio iudicis fructus extantes restituere tenetur; Ira-

quæ in

que in consumptis fructibus repetendis cessat omne remedium. *l. 4. §. post litem. ff. Fin. reg. Wesenb. ad d. §. si quis à domino.*

Secundo in contrarium adfertur argumentum ex æquitate. *l. si me & Titium. ff. de reb. cred.* vbi dicitur, æquum esse, quod ex re mea ad te peruenit, id mihi restitui, item ex æquitate, quæ vetat neminem cum alterius damno locupletari. Resp. Equitas tradita in *d. l. si me & Titium.* huc non pertinet, quia illa lex docet æquum esse, vt pecunia mea, quæ ad te peruenit, mihi reddatur, hic autem agitur de fructibus, quos bonæ fidei possessor lucratur pro cultura & cura. Deinde iusta causa est, cur bonæ fidei possessor lucratur fructus cum alterius iacturâ, quia loco domini pendet est. *l. boni fidei. 48. ff. de acqu. rer. dom.*

Tertio repugnat *l. item verberatum §. 1. ff. de rei vend.* vbi dicitur possessorem præstaturum, si fructus perceptos distraxit. Resp. Illa *l.* accipienda est de possessore, qui pendente iudicio fructus distraxit. Idque ea ratione confirmatur, quia si bonæ fidei possessor ante litem contestatam rem & fructus distraxisset, non posset rei vindicatione conueniri, cum nec possideat, nec dolo possidere desierit. Hanc sententiam sequuntur & approbant *Facin. lib. 1. contro. iur. c. 58. Faber. lib. 4. coniect. cap. 17. Dissentiunt Bart. ad l. & ex diuerso. nu. 7. ff. de rei vend. Couar. lib. 1. variar. resolut. c. 3.*

ASSERTIO XXXVIII.

Traditionibus & usucapionibus, non nudis pactis, dominia rerum transferuntur.

PRO regula juris traditum est, quod traditionibus & usucapionibus, non nudis pactis & contractibus dominia rerum transferantur. Quæ regula proponitur in *l. traditionibus. 20. C. de pact. l. quoties. 15. C. de rei vend.* Traditionibus transfertur dominium à domino ex iusta causa factis, usucapionibus, si traditiones factæ sint à non domino. Traditionibus jure gentium, usucapionibus jure ciuili. Nudis autem pactis seu contractibus, nudaue conuentione dominium non mutatur. Exempli gratia. Et si emptio nudo consensu perfecta est, tamen dominium non mutatur, nisi & res tradita sit, & pretium sit numeratum. *§. vendita. Inst. de rerum diuis.* Ratio hujus regulæ est, quia dominia rerum cœperunt à naturali possessione. *l. 1. ff. de acqui. poss. l. 1. ff. de acqu. rer. dom.* Ergo ad translationem dominii opus est traditione, id est, datione possessionis.

Opponitur primò huic regulæ *l. vlt. §. penult. & vlt. C. de S. S. Eccles.* vbi traditur,

Bb

ditur, quod si quid venditum, donatum vel promissum est Ecclesijs, & locis ad pauperum alimoniam destinatis, puta Xenodochiis, orphanotrophis, & aliis similibus locis, quod statim solis pactis & contractibus sine ulla traditione transferatur in ea corpora dominium. Resp. Speciali & singulari jure hoc beneficium Ecclesijs & aliis pijs locis concessum est, ut statim in hæc corpora transferatur dominium, si quid ex emptione, donatione vel alio contractu sibi comparauerint, licet nondum illis res sint traditæ. Vnde & pro his rebus venditis & donatis, licet non interueniret traditio, datur Ecclesijs & Xenodochiis non solum actio in personam, sed etiam in rem. Ergo dominium transfertur in hæc pia loca sine traditione, quia nulla datur in rem actio, nisi illis qui iure civili aut gentium dominium acquisierunt. *Li. rem. 23. ff. de rei vend.* Hoc ergo speciale privilegium conceditur in d. l. ult. C. de sacr. eccl. ecclesijs & alijs pijs locis, puta Xenodochiis & orphanotrophis, quod ipso iure dominium sine traditione in eos transferatur. Quod & in eadem l. ad civitates extenditur, ut & in rebus per hereditatem relictis, legatis venditis & donatis civitatibus, dominium in eas sine vlla traditione transferatur. *tex. in d. l. ult. in verb. nec non in civitatibus.* Ecclesia enim fideus & civitates plerumque paribus passibus ambulant, & iisdem privilegijs fruuntur. *I. Resp. publ. ca. C. Ex quo cau. maio. l. Rempublicam. C. de iur. reipub. lib. xi. Gl. elegans in l. quas actiones. C. de sacr. eccl.*

Secundo opponitur, quod dominium legati transit recta via in legarium sine vlla traditione defuncti, aut hæredis, vel possessionis apprehensione. Sicut & eodem modo acquiritur donatio causa mortis donatario, ad exemplum legati. *l. à Titio. 64. ff. de furt. l. 2. ff. de Pub. in rem act.* Item additione hereditatis hæres fit dominus omnium rerum hereditariarum, licet nondum earum rerum possessionem sit nactus. *l. hæres in omne. 37. ff. de acq. hered. l. cum hæres. 23. ff. de acq. poss.* Resp. Prædicta regula intelligenda est de actibus & contractibus inter viuos celebratis, in his non transfertur dominium absque traditione. Quod ex eo satis constat, quia cum dicatur dominia non transferri nudis pactis, apparet de actibus inter viuos sensisse Imperatores. Itaque quoties agitur de dominio inter viuos transferendo, hoc non aliter fit, quam traditionibus & usucapionibus; atqui ex ultimis morientium voluntatibus, ut puta testamentis & successibus ab intestato, transferuntur dominia etiam absque traditione, videlicet per aditionem hereditatis, & legati agnitionem.

Tertiò opponitur, quod ex pacto legis commissoria, quo paciscitur venditor, ut nisi intra certum tempus pretium solvatur, fundus sit inemptus, detur venditori existente conditione rei venditi. *l. licet nondum sit ei traditio facta. l. 4. C. de pact. int. emp. & vend.* Idem obtinet in pacto aditionis

ditionis in diem, quo conuenit, vt si alius meliorem conditionem offerat intra certum tempus, fundus sit inemptus. *l. si quis hac 41. ff. de rei vend. Resp.* In his conuentionibus non nouum dominium acquiritur, sed vetus quod ante habuerat dominus, retineri fingitur. Nam ea conditione res erat tradita ab inuito, vt statim rediret ad dominum, conditione existente, seu vt res esset inempta.

ASSERTIO XXXIX.

Ministri Ecclesiarum bona propria habere & possidere possunt.

MINISTRI ecclesiarum possunt etiam proprias facultates possidere, quia Euangelium approbat etiam politicas ordinationes, quæ omnibus concedunt propria bona. Item cum Christus dicit, Dignus est operarius mercede sua, tribuit eis proprietatem bonorum, quia merces est cuiusque propria. Vnde & ex Hieronymo citatur *c. 16. q. 1.* vbi dicitur, quod Apostolicis viris & Euangelizatoribus Christi in necessarijs vñibus nolle tribuere, seipsum condemnare est.

Sed opponitur locus *Luca 9. vers. 3.* Non licet vobis possidere argentum in zonis. *Resp.* Hoc dictum non tollit vñsum aut proprietatem rerum, neque vetat ministros proprias facultates tenere, sed prohibet principaliter in ministerio quæri aut spectari priuata commoda, hoc est, vetat ministerium ad quærendas opes, aut potentiam comparandam suscipere, vetat ministerium deseri propter inopiam. *P. Melanth. in Ethicis.* Licet ergo ministris & pastoribus ecclesiarum proprias opes & facultates possidere, nam & ipse Christus habuit proprios oculos, ex quibus suis & suorum necessitatibus, & alijs indigentibus prouidebat, *Luca 8. v. 23.* sed ita voluit Deus facultates & bona propria possideri etiam à ministris ecclesiarum, dummodo propter ea principaliter non seruiatur Deo, neue propter inopiarum timorem iustitia deferatur. *c. habebat. 12. quest. 1.* Qui enim Deum non propter Deum quærunt, sed propter temporalia commoda sequuntur, mercenarii sunt, non autem pastores. *c. sunt in ecclesia 8. q. 1.*

Secundò obstat locus *Actor. 4. vers. 32.* vbi dicitur. Multitudinis eorum qui credebant, erat cor vñum & anima vña, nec quisquam aliquid eorum quæ habebat, suum esse dicebat, sed erant eis omnia communia. Concor-
dat. *c. dilectissimi. & c. duo sunt. 12. q. 1.* vbi traditur quod clerici victu & vestitu contenti, nullam inter se proprietatem habentes, debent habere

Bb 2

omnia

omnia communia. Resp. Hoc institutum de communione bonorum in-
eunda, & retinenda eos demum obstringebat, qui vltro propriis diuitiis
& facultatibus renuntiauerant; quo casu cum vltro semel se adstrinx-
erant ad communionem bonorum, neque quid proprium possidere decre-
uerant, huic voto & promissioni seruandæ serio obligabantur, alioqui
extra illam obligationem licet vnique etiam ministro ecclesiæ, pro-
prias facultates legitime possidere. Adde quod eo loco Lucas Evangelista
vniuersis non præscribit legem, quam necesse habeant sequi, dum recitat
quid egerint illi in quibus singularis quædam spiritus sancti efficacia se
exeruit, nec sine exceptione de omnibus loquitur. Proinde ex eo loco
non potest colligi inter omnes Christianos debere vniuersalem omnium
bonorum communionem constitui, eò quod quidam tantum peculiari-
ter in primitiuâ ecclesiâ bona sua vendebant, & in commune posside-
bant. Verum licet ex ministerio Evangelij vitæ necessaria accipere de-
beant ministri, tamen non debet hic præcipuus esse scopus ministrorum,
vt acquirant opes & diuitias ex prædicatione Evangelij, sed debent esse
contenti necessarijs vitæ alimentis, iuxta illud Hieronymi. Quicquid
præter necessarium victum, ac simplicem amictum retines de altari, tuum
non est, rapina est, Sacrilegium est. Item, Clerici qui bonis parentum su-
sultentari possunt, si quod pauperum est, accipiunt, Sacrilegium commit-
tunt, & per abusum eiusmodi, iudicium sibi manducant & bibunt. Ita re-
fertur in c. clericos. 1. & 2. quest.

ASSERTIO XL.

*Alvei mutatio transfert dominium, sed sola inundatio
dominium agri non mutat.*

SI flumen agrum alicuius ita occupauerit, vt ex eo fecerit alueum,
prior dominus amittit fundi sui dominium, & ager ille à flumine in
alvei formam redactus, incipit eiusdem iuris esse, cuius est flumen, id
est publicus. §. quod si naturali. Inst. de rer. diuis. Ideò autem alvei mutatio, hoc
est cum flumen ex agro alicuius facit alueum, auferit & mutat dominium,
quia non potest amplius dici idem ager, eò quod mutatur prioris agri
forma. Ideòque si flumen hunc alueum, quem fecerat occupatione agri
alicuius priuati, iterum deferat, & redeat ad priorem alueum, ager qui ab
alueo occupatus erat, non redit ad priorem dominum, sed eorum incipit
esse, qui propè ripam eius prædia possident. d. §. quod si naturali.

Sed

Sed huic §. grauitè refragatur Cajus in l. ad c. 7. §. quod si toto. ff. de acq. rer. dem. vbi tradit, si agro alicujus occupato flumen postea redeat ad priorem alueum, & derelinquat agrum occupatum, tunc stricto jure non redit quidem ager ad priorem dominum, quia ager ejus esse desuit amissa forma, sed tamen IC. ait, vix esse vt id obtineat. Ergo vult IC. quod per aluei mutationem non amittatur prorsus agri dominium, sed quod alueo à flumine derelicto, redeat ager à flumine ante occupatus ad priorem dominum. Resp. Cajus ex benigna æquitate, contra scrupulosam juris subtilitatem id statuentis, propter priuationem prioris formæ, id receptum dicit. Quæ benignitas neglecto subtili jure seruanda est, & retinenda, & stricto juri præferenda, vt ita domino prior ager suus à flumine occupatus iterum restituatur. Si flumen enim non totum ejus agrum, sed partem aliquam occupasset, propter vicinitatem alueus ad eundem dominum rediret. Ita eleganter tradit Baro ad §. insula Inst. de rer. diuis.

Alia est causa inundationis, si ager alicujus totus inundatus sit, quia illa inundatio, sicut aluei mutatio non mutat speciem fundi. Inundatio enim sola non mutat formam agri, sed aluei immutatio, dum flumen excauat fundum, atque in aliam formam redigit. Et ob id si flumen ab agro, quem inundauerat, recesserit, fundus ejus manet, cujus & fuerat ante. §. alia sanè. 24. Inst. de rer. diuis. l. 7. §. aliud. ff. de acq. rer. dom. l. cum vj. usufructum. 24. ff. quib. mod. usufruct. amitt.

Sed obicitur huic decisioni l. quid tamen 10. §. agri. & l. si ager. 23. ff. quib. mod. usufr. amitt. vbi in inundatione maris & fluminis usufructus & proprietates agri inundati amitti dicuntur. Resp. Quando inundatio longo tempore durauit, & flumen tam diu occupauit agrum, vt formam eius mutauit, vel alueum ex agro fecerit, aut agrum in stagnum vel paludem transformauerit, tunc dominium & usufructus agri extinguitur. At verò si flumen impetu aliquo agrum occupauit, & mox repentino refluxu iterum recedat, tunc proprietates & usufructus agri eius manet, cuius fuit & ante. Accurs. in d. l. si ager.

Secundo videtur ob stare l. 3. §. Labeo. & l. qui vniuersas. 34. item quod mari. ff. de acq. poss. l. cum vnus. 12. §. fin. ff. de reb. act. ind. poss. vbi traditur, quod per inundationem maris vel fluminis possessio agri amittitur. Resp. Amittitur quidem possessio agri per inundationem, dominium tamen non mutatur, quia possessio cum proprietate nihil habet commune. l. naturaliter. §. nihil commune. ff. de acq. poss. Quod tamen ita intelligendum est, vt ita demum inundatione amittatur possessio agri, si magna & diuturna sit inundatio, ita vt ager omnino non videatur nec coli possit. Castrens. ad d. §. Labeo. Ex quo sequitur, quod si fundus à flumine occupatus sit, quem alius cæperat

possidere & vſucapere, quod per hanc inundationem vſucapio cœpta interruptum patet: quia ſine poſſeſſione eaq̃ue continui non procedit vſucapio, ac verò per inundationem interrupta eſt poſſeſſio d. l. ſi azer. ff. quib. mod. vſuſfr. amitt.

ASSERTIO XLI.

Vſucapio eſt adreſſio domini per continuationem poſſeſſionis temporis à lege definiti.

HÆc definitio eſt Modeſtini tradita in l. 3. ff. de vſucap. Sed obijcitur hoc argumentum. Si per vſucapionem dominium adipiſcimus, dominium ex pluribus cauſis continget. Etenim ex plurimis cauſis vſucapimus, quia ex plurimis cauſis poſſidemus. At dominium nobis ex vna cauſa tantum contingere poteſt, non ex pluribus. l. 3. §. ex pluribus. ff. de acq. poſſ. Ergò dominium vſucapione non acquiritur. Reſp. Falſum eſt, quod dicitur, ex pluribus cauſis nos vſucapere, licet ex pluribus cauſis poſſideamus. Vt puta ſi rem emi à Titio, & poſtea Titio hæres ex iſtam, eandem rem ex pluribus cauſis poſſideo, pro emptore, & pro hærede, ſed tamen ideò ex pluribus cauſis non vſucapio, quia quod meum eſt, amplius meum fieri non poteſt. §. ſic itaq̃. Inſt. de actio. Vſucapionis cauſa proxima eſt poſſeſſio. Titulus eſt cauſa poſſeſſionis. Itaq̃ue plures cauſas & titulos poſſeſſionis habere poſſumus. Idque plurimum prodeſt, magnumque habet effectum, quia ſi ex vno titulo poſſeſſionem non probemus, ex altero probare poſſumus. Vſucapionis non niſi vnica & proxima eſt cauſa, ſcilicet poſſeſſio, vniciuſque tantum titulus eſt domini.

Secundò opponitur hoc argumentum. Definitio continere debet omnia ſubſtantialia rei definitæ. Sed hæc definitio ea non continet. Ergò eſt vitioſa. Nam ad vſucapionem neceſſarius eſt titulus, & bona fides Inſt. de vſucap. in princ. l. nullo 2. & C. de rei ven. l. & tamen eorum non fit mentio in definitione vſucapionis. Reſp. Non eſt neceſſe, vt omnia ſubſtantialia membra rei definitæ expreſſè comprehendantur definitione, ſed ſatis eſt, ſi ea tacitè ſubintelligantur. Ad vſucapionem requiritur quidem titulus & bona fides, ſed ea tacitè ſub definitione comprehenduntur. Cum enim dicitur in definitione, vſucapionem eſſe adreptionem domini, per continuationem poſſeſſionis, intelligimus huiusmodi poſſeſſionem, quæ iuſta eſt & legitima, hoc eſt, quæ iuſto titulo & bona fide fundata eſt, & manita.

ASSER-

ASSERTIO XLII.

Ad vsucapionem perficiendam titulus est necessarius.

HÆc enunciatio comprobatur apertis textibus. Primò in l. unica. C. de vsucap. transfor. in verb. vt in omnibus iusto titulo possessoris cœptade-
tencia non interrumpatur ex posteriore alienæ rei scientia. Secundò
idem asstruitur in l. vlt. C. de præscript. long. temp. in verb. bono initio possessionem tenu-
tu. Deinde hoc confirmatur hac evidenti ratione, quod ad complendam
vsucapionem requiritur iusta possessio. l. 3. ff. de vsucap. Atqui nulla possessio
iusta censetur absque titulo. Titulus enim nihil aliud est, quam causa pos-
sidendi, iustificandæque possessionis, hoc est, qua defenditur cuiusque
possessio ab impugnatione alterius. Dicitur enim titulus à tuendo, quod
factum auctoris sui defendat ac tueatur. Denique idem comprobatur in
l. nullo 24. C. de rei vend. & l. diuturna 4. C. de præscript. long. temp. vbi statuitur, quod
sine iusto titulo vsucapio vel præscriptio longi temporis non procedit.

Opponitur primò, l. quod vulgo 11. ff. pro emptore. vbi error falsæ causæ, siue
titulus putatiuus ad vsucapionem prodest, puta, si quis putet se emis-
se, cum reuera non emerit. Resp. Non quilibet error seu opinio tituli sufficit
ad vsucapionem, sed tunc demum putatiuus titulus ad vsucapionem pro-
dest, si procedat ex iusto & probabili errore, qui scilicet procedit ex fa-
cto alieno. l. vlt. ff. Pro suo. Iusta & magna causa erroris debet subesse in
titulo putatiuo, vt puta in exemplo allegato in d. l. quod vulgo si seruo aut
procuratori meo mandauero, vt rem mihi emeret, & ille profectus ad rem
emendam, & reuersus eam attulerit, & persuasit mihi se emis-
se, qui tamen
reuera non emit, atque ita mihi tradiderit. Nam hic error est probabilis,
quia non solum ex traditione, sed etiam ex mandato serui, aut procura-
toris ducitur, & sic ex facto alieno, qui error iustus est & tolerabilis. d. l.
vlt. ff. Pro suo. Error verò, qui ex proprio facto procedit, quia iniustus & im-
probabilis est, ad vsucapionem nunquam prodest. l. Celsus 27. ff. de vsucap. l.
quauquam. 7. ff. Ad SC. Vell.

Secundò obstat l. 2. C. de præscript. 30. anno, vbi dicitur ab iis possidendi
non requiri iustum initium, qui sibi possident. Resp. Illa l. agit de præscri-
ptione 30. annorum, in qua præscriptione initium iustum, id est titulus & be-
na fides iure ciuili non requiritur. per l. filiberam. 10. C. Quod cum eo qui alie-
por. Ita decidit Cuiacius in parat. C. ad tit. de vsucap. transfor. in fin.

Tertiò opponitur l. cori. C. de per. hered. vbi traditur, quod nemo cogitur
ostendere titulum sue possessionis. Resp. Ad præparationem iudicii reus
titulum

titulum seu causam possessionis suæ dicere cogitur, sed ad commodum suum & victoriam obtinendam, defendendamque possessionem tenetur possessor titulum allegare & probare. *Castrens. in d.l. cogi.*

ASSERTIO XLIII.

*Contra ciuitatem non currit nisi centum annorum præscriptio,
in rebus hæreditariis, item legato, donatione, &
venditione ciuitati acquisitis.*

DONATVM est hoc priuilegium specialiter ciuitatibus, vt in rebus illis hæreditario iurè relictis, item in rebus illis venditis, legatis, & donatis habeant tantum centum annorum præscriptionem, ita vt quoties ciuitatibus hæreditas, vel legatum, vel fideicommissum fuerit relictum, siue donatio vel venditio processerit, sit eorum penè perpetua vindictio, & ad centum annos extendatur. Hæc decisio hisce expressis verbis tradita extat in *l. ult. C. de sacrosanct. eccles.* Hoc ergo speciale priuilegium concessum est ciuitatibus, in his quæ ciuitatibus priuato iure ex prædictis causis debentur, vt scilicet aduersus ea debita sola valeat præscriptio centum annorum. Porro idem priuilegium præscriptionis centenariæ conceditur in *eadem l. ult.* etiam ecclesiis, item iis quæ pijs locis, pauperum vñbus, & captiuorum redemptioni sunt relicta.

Sed obijcitur *Nov. III. de temp. action. que sac. loc. comp. item Nov. 131. de eccles. titul. §. pro temporalibus.* vbi abrogata est præscriptio centenaria in rebus Ecclesijs, & alijs pijs locis relictis, ac constitutum est, vt remoueantur *XL. annorum* præscriptione, postquam illis actio aduersus aliquem est nata. Ergo videtur etiam præscriptio centenaria, antea ciuitatibus data, esse abrogata. Resp. In rebus & actionibus ciuitatis nihil immutatum legimus. Proinde incumbit ciuitati saluum jus agendi per totos centum annos, in rebus ciuitatis omnibus, pro vt hoc jus illi primum datum est. *d. l. ult. C. de sac. Eccles.* Hæc enim regula perpetuò in iure tenenda est, quæ traditur in *l. precipimus. C. de appellat.* Quicquid lege posteriore priores innouante specialiter non est correctum, id veterum constitutionum regulis relictum intelligitur.

Secundò obijcitur tale argumentum. Non debet esse maior fauor ciuitatis quam Ecclesiæ, sed par, aut etiam Ecclesiæ maior. Atqui cum in ijs casibus, in quibus eadem ratio militat, idem ius statuendum sit. *l. iund. ff. Ad l. Aquil.* sequitur etiam, vt sicut præscriptio centenaria in Ecclesijs abrogata sit,

lit, & a
Resp. In
uerum
liter em
rentian
arum lib
detur e
scap. q.

Q
non ne
O
trad
testa
Qto
Qu
rele
sed
rup
sta

ff. a
de
te
g
vñ
ti
te
m
te
P
S
n

fit, & ad quadragenariam reducta, idem in ciuitate obtinere debeat. Resp. In casu omisso idem jus statui debet, nisi constet in eodem casu diuersum jus prioribus legibus statutum esse. Efficitur enim, nisi id speciãliter emendatum sit, id veteribus legibus relinqui oportere. Hanc sententiam amplectitur Barr. in Auth. quas actiones. C. de sac. eccl. Approbat Alciatus lib. 2. de verb. signif. num. 36. Doucl. lib. 5. com. c. vlt. In hanc sententiam videtur etiam inclinare Fachin. lib. 8. contro. iur. c. 37. Idem sentit. Cuias. lib. obs. 5. cap. 5.

ASSERTIO XLIV.

Res inter alios iudicata, aliis nec prodest, nec nocet.

QUOTIES sententia inter alios prolata est, aliis qui non litigant, nec prodesse nec nocere potest. l. 1. ff. de except. rei iud. l. sep. ff. de rei iud. tot. tit. C. Res inter alios actas, vel iud. al. non nocere. toto tit. C. Quib. res iud. non noc.

Opponitur primò huic assertioni l. posthumus. 6. §. 1. ff. de inoff. test. vbi traditur, quod si ij egerunt querela inofficiosa, qui ad successionem ab intestato non admittebantur, & casu vicerint, nemine eos repellente, victoria ipsis non prodest, sed aliis succedentibus ab intestato. Resp. Querela inofficiosa id efficit, vt testamentum à iudice rescindatur, quo rescisso, hæredes proximi ab intestato succedunt, non vigore sententiæ, sed ex dispositione legis, quâ cauetur, quod vbi testamentum irritum, ruptum vel iniustum pronuntiatum est, quod tunc successioni ab intestato locus sit.

Secundò aduersatur l. Papinianus. 8. §. penult. ff. de inoff. test. Et l. 3. in princ. ff. de pign. vbi statuitur, quod si in querela inofficiosa testamenti pro hærede legitimo contra hæredem scriptum pronuntiatum sit, quod hæc sententia noceat legatis & libertatibus, ita vt legatarii non possint sua legata ex eo testamento consequi. Resp. Hoc idè receptum est, quia vbi testamentum corrumpitur, vt pote quia irritum aut inofficiosum pronuntiatum est, vel quia nemo hæres ex eo testamento hæreditatem adiit, tunc nihil ex eo testamento debetur, nec libertates, nec legata. d. §. penult. Sed huic solutioni iterum refragatur. l. 1. ff. de except. rei iud. vbi contra testamentum fuerat iudicatum, & nihilominus legata & libertates rectè peti possunt. Resp. Sub distinctione. Aut is egit & obtinuit contra testamentum, cuius potissimum interest, vt puta hæres ab intestato egit querela inofficiosa, & testamentum irritum & inofficiosum declaratum est,

Cc

hæc

hæc sententia nocet legatarijs. *d.l. Papinianus. §. penult.* Aut egit is cuius principaliter non interest, puta legatarius, & superatus fuit, & tunc sententia ejus alijs legatarijs non nocet. *l. 1. ff. de except. rei iud.* Ratio est, quia testamentum non penderat legatis, proinde contra vnum legatarium lata sententia, neque hæredi scripto, neque alijs legatarijs nocet. Contra quia institutio hæredis est caput, & fundamentum totius testamenti, & ab eo pendunt omnia, quæ in testamento disposita sunt, sequitur, vt si hæres scriptus egit petitione hereditatis super hereditate sibi testamento relicta, & superatus est, quod sententia, hæc reliquis etiam ex testamento agentibus. puta legatarijs noceat. Ita *d.l. Papianus. §. penult. ff. de inoff. test. cum. l. 1. ff. de except. rei iud.* conciliat. *Castrens. ad l. 2. C. de fide instr. Cuiat. lib. Obs. 2. c. 7. Pac. cent. 3. autim. quæst. 32.*

ASSERTIO XLV.

*Iudex certæ rei vel pecuniæ sententiam ferre debet,
etiã si de incertâ quantitate
sit actum.*

AD iudicis officium pertinet, vt certæ rei vel quantitatis sententiam ferat, licet de litis æstimatione, aut alioqui de incertâ quantitate, vel re apud eum sit actum, & ex est expressus in *§. curare. Inst. de action. l. vnic. C. de sent. quæ pro eo quod interest &c.* Hinc iudex frustra & inutiliter ita pronuntiat; omnem debiti quantitatem cum vsuris competentibus solue, vel hoc modo. Quæ bona fide accepisti, solue, nisi forte aliquâ parte actorum certa quantitas sit comprehensa. *l. penult. & vlt. C. de sent. quæ sine cert. quant. l. in sententijs 59. ff. de re iud.*

Verum huic decisioni primò aduersatur. *l. si iactum. 12. ff. de act. empt. vbi* Celsus respondit, si iactum retis quis emit, & piscator rete iactare noluit, incertum eius rei æstimandum. Ibi deciditur, quod quando venditor capturæ seu iactus retis, non vult iactare rete, tunc iudicem debere incertum iactus seu capturæ retis æstimare. At quomodo potest iudex id æstimare, quod non extat in rerum natura? cum non entis nullæ sint qualitates, nulla accidentia, nullæ demonstrationes. Resp. Ex sententia Accursii, quod iudex æstimabit, quantum verisimiliter capi potuit, quod colligetur ex consuetudine piscatorum, qui ibi consueverunt piscari. Sed iterum cum *d. l. si iactum.* grauitèr pugnat *l. quæ modum. 29. §. item Labro. ff. Ad l. Aquil. vbi* deciditur, si culpâ nautæ dam retia alicuius piscatoris rupta sint, teneri

teneri quidem nautas ad damnum retium, sed tamen piscium qui ideò capti non sunt, non fieri æstimationem, cum incertum fuerit, an caperentur. Resp. Ideò in actione legis Aquilæ non habetur ratio incertæ capturæ piscium, quia in lege Aquilia tantum habetur ratio damni præteriti, non verò futuri. At in emptione jactus retis contrahentes senserunt de futura captura. Ergo hoc casu merito initur æstimatio piscium, qui verisimiliter possunt capi. Ita respondent *Accurs. & Bart. in d.l. si jactum.*

Secundo in contrarium ita quis potest argumentari. Sententia debet esse conformis libello. *l. vt fundus. ff. Commu. diuid. l. vlt. C. de fideicom. liberr.* At si ex incerta petitione vel incerto libello certa debeat ferri sententia, jam sequetur, quod sententia iudicis non sit conformis libello. Resp. Propter certitudinem sententiæ dici non potest, quod sententia non sit conformis libello: nam certum & incertum sunt qualitates, quæ non faciunt difformitatem inter libellum & sententiam. Hinc eleganter notat *Baldus in l. 1. C. Si plur. vna senten. &c.* quem sequitur *Præf. Euerhardus in loco à libello ad sententiam. num. 2.* quod sufficit, si sententia conformis sit libello in re petita, causâ, & actione. In re petita, vt puta quod iudex de alia re non pronuntiat, quam quæ in libello est petita. In causâ petendi, quod iudex aliam causam non proferat, in sententia, quæ ea, quæ ab actore in libello est proposita. Vnde si actor petat ex causâ depositi, iudex non poterit pronuntiare ex causâ mutui. Denique iudex sequetur naturam actionis, quam actor instituit, vt secundum eam reum condemnet vel absoluat. Ita eleganter tradit *Zazius ad §. curare. num. 16. & 17. Inst. de action.*

ASSERTIO XLVI.

Confessus in iudicio pro iudicato habetur.

TRADITVR hoc axioma, & pro regula proponitur. in *l. 1. ff. de confess. l. vnic. C. eod. l. prouide. 25. §. vlt. ff. Ad l. Aquil. l. post rem. 56. ff. de re. iud.* vbi hæc enunciatio expressis verbis refertur, quod scilicet confessi in iure pro iudicati habentur, addita hac ratione, quia se ipsos quasi proprio ore condemnauerunt.

Sed obstat *tu. C. Ne quis in sua causa iud.* vbi statuitur, quod nemo potest in propria causâ iudicare, & sic nec sese damnare. Resp. Quod confessus improprie dicatur condemnatus, sed quod perinde habeatur, ac si esset condemnatus. Sic in *l. vlt. C. de fideicom.* statuitur hæredis iuramento, quia ipse sibi quodammodo iudex est, & testis.

Secundò vehementer aduersatur huic decisioni. *l. Iulianus, & l. sequ. & l. qui Stichum. ff. de confess.* vbi habetur, quod requiratur sententia etiam post confessionem, itaque in iis legibus confessus non habetur pro iudicato, alioqui non requireretur sententia iudicis. Resp. Sic distinguendum est cum *Bart. Castrenf. & Zazio ad d. l. i. ff. de confess.* Aut reus confessus est coram iudice ante litem contestatam, & habetur pro condemnato, nec opus est, alia sententia, sed huiusmodi confessiones habent paratam executionem, & debitori confessio tantum sit præceptum à iudice, vt soluat debitum, quod confessus est se debere. *l. certam. c. §. vlt. ff. de confess. l. si debitori. 21. ff. de iudic.* Aut debitor confessus est post litem contestatam, & tunc non habetur pro condemnato, sed adhuc sententia ferenda est, & ita procedunt. *d. l. Iulianus & l. sequ. ff. de confess.* Rationem diuersitatis esse tradunt DD. quod qui ante litem contestatam confitetur, videtur hoc facere causa euitandi iudicii, qui autem post litem contestatam confitetur, videtur litem ingredi, & fundare iudicium, quod vtrique sententia finiendum erit. *Bart. & Zas. ad d. l. i. ff. de confess. Costal. ad d. l. proinde.*

Tertiò opponitur *l. si confessus. ff. de custod. & exhib. reo.* Vbi statuitur, quod si reus confessus est de crimine, adhuc contra eum ferenda est sententia. Resp. Lex illa loquitur de criminalibus causis, in quibus post confessionem etiam sententia opus est, neque confessio executioni mandabitur, nisi sententia subsequatur. *l. 2. C. Quot. app. non recip.* In civilibus autem causis sententia non opus est contra confessum. Planè illud quoque notandum, quod confessus ex sola confessione infamiam quoque non contrahat. *l. si reus. 73. ff. de procurat.* nam ad infamiam irrogandam sententia & condemnatio subsequi debet. *l. 1. & l. furti. 6. ff. de his qui nor. infam.* Sed prædictis adhuc obstare videtur *d. l. proinde. §. vlt. ff. Ad l. Aquil.* vbi dicitur, nullas esse partes iudicis in confitentes. Resp. Hoc sic explicandum est, vt reuera non possit iudex in ferenda sententia contra confessionem statuere, sed necessariò secundum confessionem indicabit & æstimabit: sententia igitur opus est. *Costal. ad d. l. proinde. §. vlt. ff. Ad l. Aquil.*

ASSERTIO XLVII.

*In interdictio vti possidetis, cum ambo aequalem possessionem vel
 titulum probant, cumque pares sunt utriusque probationes,
 iudex vel neutri possessionem adiudicabit, utrum-
 que ab eâ exire iubendo; vel singulis di-
 midiam partem possessionis
 assignabit.*

ARDVA & grauitè in varias partes inter DD. agitata est quæstio, quæ forma sit obseruanda ferenda sententiæ in interdicto vti possidetis, quando vterque litigantium profert pares probationes, puta si vterque æqualibus testibus vel probationibus suam possessionem comprobatur, vel ambo æqualiter titulo suam possessionem inuicem ostendunt, vel æquè antiquam possessionem demonstrant. In hoc articulo post varios opinionum conflictus, hæc videtur sanior sententia, quod tutius sit, vt neutri possessionem adiudicet, & ab eâ vtrumque exire jubeat; vel, quod factâ diuisione, partem vnâ possessionis vni, alterâ alteri assignet. Probatur prior sententia per *l. si fuerit leg. num. 10. ff. de R. b. dub.* vbi deciditur, quod in casibus maximè dubiis, quando de proprietate rei agitur, ita fieri consuevit. Pro altera sententia facit hæc ratio, quod iudicis est controuersias & rixas sedare, & componere, quod vbi alia ratione præstare non poterit, diuisione factâ, partem vni, & partem alteri assignabit. Quemadmodum fecisse Tiberium Cæsarem scriptum est in *l. & hac Tiberius. 41. ff. de hered. inst.* Hanc sententiam probant *Bart. in l. si duo. num. 5. ff. vti possid.* Dynus in *l. Tutia textores, per illum textum. ff. de leg. 1. Minoch. remed. 3. rer. poss. q. 87. num. 770. & 776.*

Contra hanc sententiam alii statuunt, iudicem debere ita pronunciare, *Vti possidetis, ita possideatis*, vt ita neuter vincat, nec vincatur. per *l. si duo. in princ. ff. vti poss.* Sed hæc sententia meritò reprobatur ex eo, quia sic sententia pronunciaretur incerta, quæ ipso iure nulla est & inutilis *l. ult. C. de sent. que funt. cert. qu. §. curare. Inst. de act.* Rursus ex ea sententia daretur occasio partibus contententibus veniendi ad arma, quod iudex ferre non debet. *l. si cuius. 13. §. si inter. ff. de usufruct.* Nec obstat *d. l. si duo.* quia loquitur (vt *Bart.* interpretatur) cum iudex pronunciat vtrumque possidere diuersâ possidendi specie, vt quia vnus possidet vt usufructuarius, alter vt

propriarius; Thelis verò nostra accipi debet cum ambo probant, se in solidum possidere, eadem specie possessionis, quod iure impossibile est; idcirco iudex non potest hoc modo pronunciare, quoniam sententia impossibilitatem contineret, vel saltem aliquid inconueniens produceret.

Secundò alii statuunt, iudicem debere curare sequestrari possessionem apud alium, ne contententes ad arma veniant *arg. d. l. si cuius. §. si inter.* Hanc opinionem sequitur Butrigar. Verum ab ea sententia discedit. *Bart. in d. l. si duo.* eà ratione, quod incognitum adhuc erit, quis possideat, quis non, atque ita ignorabitur, quis in iudicio petitorio actoris partes, & quis rei conuenti sustinere d. beat.

Tertiò, Alii sentiunt quod sorte hæc quæstio dirimenda sit, per *l. in tribus. ff. de iud. l. ult. in princ. C. Com. de leg.* Verum & hæc opinio rectè reprobatur. Nec iuvatur per *d. l. in tribus. & d. l. ult.* quia hæc quæstio facti est, non iuris, at quæstiones facti sorte non terminantur. *l. duo sunt. Tru. ff. de test. tut.* sed iuris quæstio sorte diuini poterit, de quâ dictæ leges sunt accipiendæ. Larius de hac quæstione vide *Men. b. rem. 3. ret. poss. q. 87.* ubi octo profert. DD. opiniones in hac propositione, quid iudex pronunciare debeat in interdictis vti possideris, cum vterque litigantium se æqualiter possidere probat. Adde *Eachim. lib. 8. contr. iur. c. 18. Donel. ad Lynic. nu. 18. 19. & seqq. C. vti possid.*

ASSERTIO XLVIII.

*Omnia interdicta de possessione vel quasi
obtinendâ competunt.*

INTERDICTA nihil aliud sunt, quam actiones, quibus de possessione vel quasi asserenda agitur, siue eam nunc primum adipisci, siue adepti retinere, siue ademptam & omissam recuperare velimus. *Inst. de interd. in princ.* Hæc interdicta tantum de possessione vel quasi obtinendâ competunt, & controuersia omnes de possessionibus hæc interdictis expediuntur & finiuntur. *l. 3. C. de interd. l. ordinari. 13. C. de rei vendic.*

Sed obiicitur huic decisioni, quod & pro rebus sacris, religiosis, publicis, & libero homine varia competant interdicta, & tamen hæc res nō sunt in hominum commerciis, nec possideri possunt. *l. qui vniuersas. 30. §. 1. ff. de acq. poss.* De hisce rebus hæc interdicta prodita extant. Ne quid in loco sacro fiat. Ne quid in loco publico vel itinere fiat. De libero homine exhibendo,

bendo, item interdictum de metuo inferendo. Resp. Hæc interdicta pro quasi possessione obtinenda competunt in hisce enim interdictis usus quasi possessio nominatur, de quo sic agitur, ut vel nobis, vel his ipsis rebus suam quodammodo asseramus possessionem, eamque ab aliorum injusto facto vel vindicemus. Sic locis religiosis puta sepulchrum, vel ius inferendi matuum in sepulchrum, non est in viro dominio, propter religionem, sed tamen sepulchri quod est in fundo nostro sicut quasi possessionem ita & quasi dominium habemus. *l. sunt persona. 43. ff. de relig. & sumpt. fun.*

Secundò opponitur *l. 2. §. quædam. ff. de interd.* ubi dicitur. Quædam interdicta continere causam proprietatis, veluti de itinere actuque priuato rescindingo. Qui enim hoc interdicto utitur, duas res docere debet, & se usum servitutis hoc anno, & sibi servitutem competere, quod ad proprietatis causam pertinet. *l. 3. §. hoc autem. 10. ff. de itin. act. priuat.* Resp. Quod dicitur quædam interdicta causam proprietatis continere, non idè dicitur, quod non sunt de possessione, & usu rei tuendo, sed cum sint de his rebus principaliter, per consequentiam adjunctam habent causam proprietatis, quia vincit is in hoc usu, qui jus de cuius usu agitur, ad se pertinere ostendit. *l. 1. 3. §. ait Praetor. & §. hoc autem. iuncta l. apparet. §. pen. ff. de itin. act. priuat.* Pulchre Cuiat. in aureis suis. Paratit. C. tit. de interdict. & lib. 5. Obser. c. 19.

ASSERTIO XLIX.

Pænæ constitutionis l. Si quis in tantam. C. unde vi. etiam tenentur feminae, minores, rustici.

CONTRA eos qui possessionem alienam per vim inuadunt, promulgata est constitutio. *l. si quis in tantam. C. unde vi.* Qua statuitur, quod alienam possessionem violenter inuadens, eam restituere vim passio teneatur, & si dominus erat inuasor, priuatur dominio; si verò non erat dominus, tenetur possessionem restituere, & condemnatur in æstimationem rei. Queritur nunc, an pænâ hujus constitutionis teneantur etiam feminae, minores, & rustici, & dicendum est, eos quoque obstringi: quia dicta constitutio generaliter loquitur de omnibus, qui rem ab alio possessam vi inuadunt Omnes ergo in pænâ hujus constitutionis incidunt, sine distinctione sexus, ætatis, aut conditionis.

Sed opponitur primò, quod mulier non teneatur pænâ hujus constitutionis, quia constitutio scripta est hoc modo. *Si quis, non si qua possessionem*

non violenter amiserit, Resp. Hæc quæstio decisa est ex iure certo, videlicet ex *l. 1. l. pronuntiatio. 195. de P. S.* vbi traditur, quod hoc verbum, *Si quis*, tam masculinum, quam fœminam contineat. Deinde non est hæc constitutio in odium sexus virilis, sed ad odium spoliatoris, & crimen violentiæ puniendum promulgata. Atqui vis maior est in fœmina quam in masculo, quia mulier inuadens alienam possessionem per vim, facit contra pudicitiam & modestiam sexui fœminino congruentem: magis igitur est punienda.

Secundò aduerfatur *l. 2. ff. Si quis in ius voc. non ier. & l. regula. in princ. ff. de iur. & fact. ign.* Vbi dicitur, quod minoribus 25. annis, fœminis, & rusticis permittatur in iure errare, quodque rusticitati & infirmitati sexus parcat, si magistratum edictis non obtemperauerint. Resp. Nullorum delictis patrocinatur iuris ignorantia, præsertim si delictum pugnet cum iure naturali, quale est crimen violentiæ, quia aliena per vim inuadere lege naturali & diuina prohibetur, vnde huius iuris naturalis ignorantia eos non excusat. *l. 2. C. de in ius vocand. l. si adulterium. 38. §. 1. ff. Ad l. Iuliam. de adult.* vbi traditur quod minores & mulieres excusantur, quidem à pœna incestus qui iure ciuili committitur, puta si cum sororis filia rem habuerint, At si incestum iuris gentium commiserint, puta cum priuigna, nuru vel nonerca, mulier & minor æquè puniuntur vt maiores & mares. Nam ius naturale seu gentium in omnes est diffusum, & ignorari à mulieribus & minoribus non potest, lus autem ciuile mulier & minor ignorare potest. Eleganter Cuiatius interpretum Iuris nostri princeps & coryphæus. *ad l. auxilium 37. ff. de minor.* Quinimò & iuri naturali repugnat ius sibi ipsi sua manu & propria auctoritate dicere, idèdque rustici, & mulieres hoc casu non excusantur. §. *penult. Inst. V. bonor. rapr.* At si quod delictum per negligentiam, seu omittendo, non verò faciendo sit commissum, hoc casu ignoscitur interdum fœminis, minoribus, & rusticis iuris ignorantia peccantibus. *d. l. regula. l. auxilium. 37. ff. de minor. l. 1. C. Si aduers. delict. l. vlt. C. de iur. & fact. ign.* Ita decidit Menoch. *remed. 9. recip. poss. q. 1. & 2. & de arbit. iud. casu. 194. num. 15.* Et approbat Donell. *ad d. l. si quis in tantam. num. 11. & 12. C. vnde vi.*

ASSER-

ASSERTIO L.

*Prædoni competit interdictum unde vi, etiam cum
ab ipso rei domino spoliatur.*

TANTA est violentiæ improbitas, tantum odium, ut spoliatus per vim suâ possessione, ante omnia sit restituendus, etiam si sit prædo. Probat hanc sententiam l. colonus. l. cum fundum. ff. de vi & vi arm. Eandem conclusionem probant l. 1. §. qui à me. ff. eod. & omnium apertissimè. §. recuperanda Inst. de interdict. vbi traditur, interdictum recuperandæ possessionis dari vi dejecto suâ possessione, ad restituendam possessionem, etiam si is à deiciente vi, clam, vel precario possideat. Ratio illa à D. D. adferri solet, quia sine citatione & actu judiciali nemo est à possessione suâ amouendus, nemoque sine causæ cognitione suâ possessione est priuandus. l. vlt. C. si per vim vel al. mod. Cum ergo prædonis possessio, possessio dicatur, ad eam dejectus prædo restituendus est. Quinimò & interdictum unde vi spoliato prædoni per vim, datur contra dominum spoliantem vel deicientem; neque enim dominii exceptio spoliato agenti interdicto unde vi obijci potest. arg. l. qui possessionem. 17. ff. de vi & vi arm. l. 1. in verb. sine vlla cunctatione possessioni eos restituunt. C. si per vim vel al. mod. text. in cap. literas; & c. in literis ext. de rest. spol. l. si quis ad se fundum, ibi eademq. protinus restituta. C. ad l. iul. de vi pub. Approbant hanc decisionem Wesemb. in parat. ff. de vi & vi arm. num. 11. Sneider. ad §. recuperanda. num. 23. Inst. de interd. Gomes. ad l. Tauri. l. 45. num. 182. Boer. decis. 238, qui plenè de hac questione disserit. Amplectitur Cachera. in Decis. Pedem. 116. num. 6.

Sed grauiter huic assertioni refragatur l. bona fides. 31. in fin. ff. de pos. vbi traditur, quod si prædo spoliauerit aliquem per vim, & postea eadem spolia deposuerit apud dominum, non possit ea repetere à domino, additurque æquissima ratio, quia non est æquum dominum rem suam restituere prædoni compelli. Respondeo dupliciter. Vel dicendum, quod illa lex accipienda est, quando agitur iudicio petitorio, hoc est, quando prædo experitur actione depositi, tunc enim deneganda est ei restitutio depositi, quia dominus præferendus est prædoni in restitutione rei suæ: Diuersum est cum agitur iudicio possessorio, in quo spoliatus, licet prædo sit, ante omnia est restituendus. Vel respondendū. Cum constat spoliatum esse prædonem notorium, & è contra spoliatorem esse dominum, tunc spoliatus non est ante omnia restituendus. Eaque sententia confirmatur per c. cum

D d

dilectus

dilectus ext. de caus. poss. & propr. Ex quo illa desumitur regula. Cum constet de jure proprietatis & domini, tunc illa causæ possessionis in sua executione prævalere debet. Ita eleganter respondet. *Menoch. remed. l. recuper. poss. qu. 11. num. 119.*

Secundò aduersatur *l. dolo. ff. de except. dol.* ubi pro regula traditur, quod dolo facit qui petit, quod restitutus est, unde prædo spoliatus non debet restitui contra dominum. Resp. Ista regula tantum locum habet in iudiciis petitoriis, non in possessorii. *l. 1. §. 1. ff. Quod leg. saltem recuperandæ possessionis Dyus in c. dolo facit. de Reg. iur. in 6. & cap. qui ad agendum eod.* Spoliatus enim ante omnia restituendus est, ne spoliator ex suo delicto commodum sentiat: alioqui si hoc non fieret, magna delinquendi causa & occasio præstaretur: contra *l. non est singulis. ff. de reg. iur. l. conuenire. ff. de pact. dor.* Esset enim in facultate domini sua manu sibi jus dicere, & vim illam acaudaciam prætextu domini tueri.

ASSERTIO LI.

Vim vi repellere licet, modo fiat incontinenti, & cum moderamine inculpatæ tutelæ.

QUod latronem injuriantem occidit, nullo jure tenetur. *§. iniuria. Inst. Ad l. Aquil.* modò tamen id fiat cum moderamine inculpatæ tutelæ. *l. 1. C. unde vi.* Moderamen hoc consistit in modo, tempore, & causâ. Modus est defensio necessaria, & præfens vitæ periculum. Tempus, si eo tempore fiat, quo impendit prouocato vitæ periculum, hoc est si in rixâ & incontinenti fiat, prouocato non descendente ad actus extraneos. Nam si ex intervallo fiat, defensio non est necessaria sed vindicta. *l. 3. §. cum igitur. ff. de vi & vi arm.* Causa est justa defensio ob personam facta, ut scilicet sit necessaria defensio, non ad vindictam facta. *l. 3. C. Ad l. Corneli. de sic.* ut scilicet quis non initio auctor rixæ fuerit, & operam rei illicitæ dederit. Ratio hujus decisionis est, quia aduersus periculum permittit se naturalis ratio defendere. *l. 4. ff. Ad l. Aquil.* Et vim vi defendere omnes leges, omniaque jura permittunt: *l. scientiam 45. §. qui cum aliter. ff. eod. l. 3. ff. de iust. & iur.* Huc pertinet elegantissimus locus in oratione Ciceronis pro Milone. Est hæc non scripta sed nata lex, quam non didicimus, accepimus, legimus, verum etiam, ex natura ipsa arripimus, hausimus, expressimus, ad quam non docti, sed facti, non instituti, sed imbuti sumus, ut si vita nostra in aliquas insidias, si in vim, in tela aut latronum, aut inimicorum incidissent,

omnis

omnis honesta ratio esset expediendæ salutis. Silent enim leges inter arma, nec se expectari jubent, cum ei qui expectare velit, ante iniusta pœna luenda sit, quam iusta repetenda.

Sed obijcitur, quod nemo sibi ipsi permittere debeat ultionem, cum tutela & defensio magistratus in medio sit constituta, quam quilibet læsus implorare tenetur. *l. nullus. 14. C. de iuda. l. non est singulis. ff. de R. I. Resp.* Non raro necessitas nos in eas angustias ducit, ut si leges expectare velimus, ante iniusta morte sumus perituri, quam iustam pœnam petitori. Ideo certis casibus permissum est sine iudice se vindicare *roto tit. C. Quand. lic. vnicuique sine iud. se vind.* & melius est intacta cuiusque iura servare, quam post vulneratam causam remedium quærere. *l. fin. C. in quib. caus. in int. rest. non est necesse.*

Hinc accommodatè hic quæritur. An ad moderamen inculpatæ tutelæ pertineat, necessariūque sit expectare primum ictum. Armorum minas & terrorem sufficere arbitror. *Bart. in l. 3. ff. de iust. & iur. Cynus in l. 1. num. 5. C. unde vi. per l. 3. §. qui armati. ff. de vi & vi arm.* Est enim defensio instantis siue illatæ vis atque iniuriæ propulsatio, modo non sit nudus armorum terror, vel solæ minæ, sed cum actu quodam ad nocendū sint coniunctæ. Hæc est sententia Baldi, ut reſert *las. in l. 3. num. 14. ff. de iust. & in. potentia enim proxima actui censetur ipse actus. arg. l. 1. §. si iusserim. ff. de acq. poss.* Hinc si adversarium meum video minaci animo è pharetra sagittam deponere, gladium è vagina extrahere, possum antequam arcum incuruet, aut gladium educat, præuenire, & vim instantem repellere. *l. 2. 3. & 4. C. Ad l. Cornel. de sicariis. arg. l. ult. C. in quib. caus. in int. rest.* vbi enim cunctatio periculosa est, melius est nascenti malo occurrere, quam post exitum medicinam quærere. *l. 1. C. Quand. lic. vnicuique siue in d. & c. Eleganter Fachin. lib. 1. contro. c. 50.*

Secundò quæritur, an insultatus cum fugere possit, fuga se tueri tenetur? Neminem fugere teneri puto, ne famam in discrimen vocet, quia turpis & probrosa est ingenuo viro fuga: *arg. l. item apud 15. §. 1. ff. de iniur.* crudelis verò est, qui famam negligit. Tum etiam periculosa est fuga, propter lapsum qui fugienti accidere potest, & fugienti à tergo vulnera infligi possunt. Ita concludit *lasen ad l. 3. ff. de iust. & iur.* Ad stipulatur constitutio criminalis Caroli V. *artic. 146. in verbis, Ohne gefarlikheit seines leibs, lebens, ehren und guten leumurhs.*

Sed obijcitur §. iniuria. 2. *Inst. Ad l. Aquil.* vbi ita demum permittitur alicui latronem insidiatorem occidere, si aliter periculum effugere non potuit. Atqui fuga poterit periculum vitare, &c. Ergo. Resp. Turpis est & probrosa honesto & nobili viro fuga, & periculosa propter lapsum. Ideoque fugere nemo tenetur, qui ab insidiatore seu sicario aggressus est, quia hoc

fieret cum magnoperculo, eò quod fugiēti à tergo vulneca infligi possent. Ita post alios decidit *Gail. lib. 2. pract. observ. cap. 110.* Sequitur *Bart. in l. 1. nu. 8. C. Unde vi. Wesenb. conf. 19. nu. 17.*

Porro obijciatur locus *Matthæi 5. v. 39.* vbi Christus dixit, Si quis tibi alapam impegit in dextram maxillam, obuertere illi alteram. Resp. Id faciendum est, cum videaste fratri tuo isto modo conducere posse, aut id conducere ad gloriam Dei illustrandam. Extra autem istos casus non est necesse ita facere, quemadmodum Christus, & Paulus suo exemplo docuerunt. *Iohan. 18. v. 23. Act. 23. v. 3.* Ita respondet *Martyr. in loc. commun. clas. 2. 6. 9. nu. 16.*

Illud denique notandum, quod si prouocatus & insultatus ab aggressore, modum excessit in defensione, non debet statuta ordinaria, sed extraordinaria & mitiori pœna plecti, propter culpam & excessum. Ratio est quia non est in tanta culpa, qui iustum dolorem temperare non potuit. *arg. tex. in l. si adulterium cum incestu 38. §. Imperatores. ff. Ad l. Iul. de adul.* vbi dicitur, quod difficillimum est iustum dolorem temperare. *tex. in l. Diuus. ff. ad l. Pomp. de parricid. tex. in l. si quis in gravi. §. si maritus. ff. de S. C. Sillan. tex. in l. 1. §. Queri. ff. ad S. C. Turpil.* vbi dicitur quod inconsultus calor vitio caret. Prouocatus enim homo intenso dolore non est in plenitudine intellectus, & non habet stateram in manu, idè quod non potest verbera dare ad mensuram. *fa. tex. in l. qui cum maior 14. §. si libertus. ff. de bo. libert.* cuius pulchra sunt verba, Ignoscendum est ei, qui prouocatus vlcisci se voluit. Et hæc sententia, quod aggressus si modum excessit, mitiori pœna sit afficiendus, communiter à maxima Doctorum phalange est recepta, vt eleganter notat *Gomez. in var. resolut. tomo. 3. in cap. de homicid. nu. 24.* quem sequitur & laudat *Emanuel à Zoarez. in thesaur. recept. sensen. in litera D. nu. 26.*

ASSERTIO LII.

Exceptiones non numeratæ pecuniæ, & diuisionis, sunt perpetuæ & peremptoriæ; exceptio verò ne quis conueniatur ultra id quod facere potest, temporalis & dilatoria est.

DIUIDUNTUR exceptiones, vt alia sint perpetuæ & peremptoriæ, aliæ verò temporales & dilatoriæ. Peremptoriæ sunt, quæ semper agentibus obstant, & rem de qua agitur perimunt. Temporales sunt, quæ ad tempus nocent, & temporis dilationem tribuunt. §. appellantur. *trist. de except. l. 3. ff. eod.* Porro nō differunt hæ exceptiones propriè à tempore proponendi has

has exceptiones, quasi illæ dicuntur dilatoriae, quæ intra certum tempus, puta ante litem contestatam tantum proponi possint, peremptoriæ verò quæ ante & post litem contestatam rectè allegentur; nam & exceptio ne quis conueniatur ultra id quod facere potest, dilatoria est, & tamen non solum antè, sed etiam post litem contestatam, imò post sententiam proponi potest. *l. Nescimus. 41. §. vlt. ff. de re iud.* sed potius differunt à tempore, quo durat effectus propositarum huiusmodi exceptionum. Nam peremptoriæ & perpetuæ exceptiones idèd appellantur, quia ex quo semel agentio oppositæ sunt, ita perimunt actionem in perpetuum, ut amplius agi non possit; exceptiones verò dilatoriae & temporales vocantur, quæ oppositæ non pariunt effectum perpetuum, sed temporalem, ita ut possit aliquando iterum rectè agi.

Quæritur an exceptio non numeratæ pecuniæ sit peremptoria, an verò dilatoria. Doctores dubitant. Sed dicendum est, hanc exceptionem esse peremptoriam & perpetuam. Nam etsi intra biennium opponi debet, tamen parit effectum perpetuum, ita ut post biennium actio denegetur.

Verum obijcitur *l. in contractibus. 14. in princ. C. de non num. pec.* ubi dicitur quod hæc exceptio ultra biennium non potest proponi, ideoque temporalis & dilatoria esse videtur. Doctores dicunt eam esse anormalam, quia cum perpetua sit, præter regulam juris tempore finitur. Resp. Exceptio non numeratæ pecuniæ est peremptoria, quia parit effectum perpetuum, & in totum actionem perimit, licet intra biennium proponi debeat. Præterea potest etiam post biennium proponi, si modo intra biennium querela sit mota, & protestatio facta. *d. l. in contractibus. §. vlt.*

Secundò quæritur, utrum exceptio inopiæ, quæ datur ei qui non est condemnandus, nisi in quantum facere potest, sit temporalis, an perpetua. Et verius est temporalem esse ac dilatoriam, quia parit effectum temporalem, cum fieri possit, ut reus iterum perueniat ad pinguiores fortunam, atque ita condemnatur in solidum. Quæ sententia confirmatur & hoc argumento, quia si is cui hæc exceptio competit, per errorem soluat solidum, non potest repetere. *l. 8. & l. seq. ff. de condit. indeb.* Quod proprium est exceptionum temporalium. *l. in diem. 10. ff. eo. tit.* Nam exceptiones perpetuæ pariunt conditionem indebiti. *l. si is qui. 24. l. si non forsem. 26. §. indebitum. & §. ad id. ff. eod.* Itaque hac ratione probatur esse dilatoria & temporalis hæc exceptio.

Tertiò dubitatur de exceptione diuisionis, quæ datur confidejssoribus, aliisve intercessoribus, ut actio inter singulos qui tempore litis cõtestatæ sunt soluendo, diuidatur. Sed verius est hanc exceptionem esse perpetuam &

peremptoriam, quia parit effectum perpetuum. Nam si fideiussor hac exceptione usus sit, non poterit postea conueniri in solidum, sed exceptio diuisionis illa quæ obijcitur ex epistola D. Hadriani, perpetuam vim habet. Hinc est, quod exceptio hæc proponi potest post litem contestatam *l. si fideiussor. 10. C. de fideiuss.*

ASSERTIO LIII.

Actio est ius persequendi in iudicio, quod sibi debetur.

TRADITVA hæc definitio actionis ab Imp. in princ. tit. de action. & in l. nihil. 51. ff. de obl. & act.

Huic definitioni primò repugnat, quod verbo persequendi propriè loquendo continentur tantum extraordinariæ actiones, vt puta petitiones fideicommissorum. *l. pecunia. 178. §. actionis. ff. de V. S.* Ideoque hæc definitio non omnibus actionibus accommodari potest. Resp. Verbum persequendi debet in hac definitione latius accipi, vt conueniat omnibus actionibus, quia definitio generalis est, & omnibus speciebus communis esse debet.

Additur in definitione. Quod sibi debetur, Quæ verba significant definiri hic actionem pertinentem ad iudicia priuata, ac distinctam tam ab actione populari, quam ab accusatione publica: quoniam in iudiciis popularibus aut publicis non persequimur, quod nobis debetur, sed ius Populi tuemur. *l. 1. ff. de popul. act. l. 4. §. 1. C. de hæret.*

Obijcitur quod in §. penales. Inst. de actio proponitur actio de albo corrupto, quæ est popularis *l. 7. in princ. ff. de iurisd.* Resp. Actiones populares quatenus mouentur ab iis, ad quos ea res pertinet, pro priuatis habentur. *l. licet. 42 in princ. & §. 1. & l. non cogendum. 45 ff. de procur.* Ergo intelligendum est dictam actionem de albo corrupto, in d. tit. de actionib. ea ratione considerari, quatenus ei datur cuius interest, & pro priuata habetur.

Tertiò opponitur, quod non semper quis per actiones petit, quod sibi debetur, sed interdum etiam quod alii debetur, vt tutor petit quod debetur pupillo, procurator quod debetur domino. Resp. Qui per alium quid facit, per seipsum facere videtur.

Vltimò contra verbum debetur, obijcitur, quod res nostra nobis deberi non potest. *l. Quintus. 17. §. argento. l. scribit. 34 ff. de au. & arg. leg.* Itaque videtur hæc definitio non conuenire actioni in rem, quoniam hac actione persequimur rem nostram, non rem nobis debitam. Resp. Actione quoque in rem persequimur, quod nobis debetur, non quod res nostra nobis

nobis debeat, sed quia debetur nobis rei nostræ seu possessionis rei nostræ restitutio. Quod latius & plenius declaratur supra *Centur. 4. art. 30.*

ASSERTIO LIV.

Nudaratio non constituit aliquem debitorem.

HÆc assertio aperto textu confirmatur in *l. nuda. 26. ff. de donat.* ubi pro regula traditur, quod nuda ratio non facit aliquem debitorem. Ideoque etiam si quis donandi animo referat in suas rationes, & scribat se alicui quid debere, non tamen valida & efficax intelligitur donatio. Dicitur autem nuda ratio, sicut nudum pactum, ea quæ causam non habet adjunctam, veluti si quis dicat se Titio debere centum, nec adijciat ex causa mutui donationis, vel alia simili. Hæc nuda ratio scribenti non officit, neque vllum operatur effectum, etiam si quis donandi animo scripserit se debere Titio centum *d. l. nuda.*

Sed videtur huic decisioni obstare; quod Justinianus constituit donationem perfici nudo consensu. *l. si quis argentum. 35. C. de donat.* unde in hoc casu qui scripsit, videtur obligari ex causa donationis, proinde poterit conveniri conditione ex lege ad tradendum, quod donavit. Resp. Donatio quæ nec stipulatione nec traditione confirmatur, est nudum pactum *l. 1. ff. de transact.* Ideoque non solius donatoris, sed utriusque partis, id est, donatoris & donatarii consensum requirit, ut contingit in omnibus pactis *l. 1. §. 1. ff. de pact.* Unde apparet *d. l. nuda.* non esse abrogatam per *d. l. si quis argentum,* sed generaliter statuendum esse, donationem non valere ex solo consensu donatoris, sed consensu utriusque partis, tam donatoris, quam donatarii perfici. Hoc aperte probat Justinianus in *§. 1. Inst. de donat.* ubi ait quod donatio sine traditione perficiatur nudo consensu, & ut ad exemplum venditionis tradendi necessitas incumbat donatori: quibus verbis significatur, ut emptio & venditio perficitur nudo consensu utriusque partis, idem etiam de donatione dicendum esse.

ASSER.

ASSERTIO LV.

Actiones sunt iuris ciuilibus, nomen autem actionis in libello exprimere non est necesse.

MAGNVS est DD. conflictus, an actiones sint juris gentium, an verò juri ciuili sint adscribendæ. Alii contendunt eas à jure gentium promanasse, nixi eo fundamento, quod cum exceptionis, quæ sunt defensiones reorum, sint juris gentium, ideò quoque actiones eodem jure censi debeant. *arg. l. 2. ff. de except.* vbi traditur exceptiones nihil aliud esse, quam exclusiones actionum, atqui contrarium eadem est disciplina & doctrina. Huc accedit, quod & apud alias gentes quam Romanos judicia vigerunt, vnde & colligitur, cum sine actione nemo in iudicio experiri possit. *l. si pupilli. 6. §. vlt. ff. de neg. gest. l. 1. ff. de eden. l. quoties 9. §. item si ff. de admin. tutor.* actiones ad jus gentium pertinere. Huc faciunt quoque *l. sunt quidam. 17. in fin. ff. de pen. juncta. l. si mandauero. 22. §. is cuius. ff. Mandat.* vbi dicitur, quod deportati qui amittunt ea quæ sunt juris ciuilibus, tamen possunt mandare alijs, vt sibi certas res emant, & competit eis hoc nomine actio mandati. Ergo deportati possunt sibi querere actiones, quæ ex jure gentium oriuntur, & sic quodam respectu dicuntur actiones esse juris gentium.

Sed verior & sanior est sententia, actiones juri ciuili esse adscribendas: Idque hisce duobus certissimis argumentis confirmatur: primò per text. *l. 2. §. deinde ex his legibus. ff. de orig. iur.* vbi disertè traditur, quod legibus. XII. tabularum actiones sunt conceptæ & compositæ, quibus inter se homines disceptarent, quas ne populus pro vt vellet, institueret, certas solenneque esse voluerunt legislatores, vnde appellatur hæc pars juris, legis actiones. Ibi disertè ostenditur, quod actiones à jure ciuili nomen formam & conceptionem propriam acceperunt. Secundò comprobatur hæc sententia hoc argumento. Iudicia constant tribus personis, actore, reo, & iudice seu magistratu, sed magistratus qui iudicijs præsent, cæperunt à jure ciuili. *l. 2. §. post originem. ff. de orig. iur.* Ergo & iudicia, & per consequens actiones ab eodem jure dimanarunt. Communiter tamen à DD. hæc tenetur distinctio. Aut loquimur de actionibus descendens ex contractibus juris gentium, & tunc respectu materiæ, puta contractum, actiones possunt dici iuris gentium, sed respectu formæ sunt juris ciuilibus, quippe jure ciuili in certam formam sunt redactæ. Aut loquimur de actionibus, ex contra-

ctu à

Et à jure civili inuento, competentibus, & tunc quoad materiam & formam actiones sunt iuris civilis. Ita tradit *Snedevv. ad tit. de action. in definit. action. num. 9.*

Opponitur huic decisione, quod etiam ante leges XII. tab. hominis judicia frequentantur, & actiones exercuerint, teste *Halicarnassio, libro 2. antiquit. Roman.* qui tradit actiones à Romulo fuisse institutas. Ergo non possunt dici à legibus XII. tabularum actiones esse compositæ. Resp. Habuerunt quidem & exercuerunt homines ante leges. XII. tab. actiones, sed rudes informes & confusas. Verum ius civile postea superuenit, easque actiones in ordinem redegit, certasque formas & conceptiones adaptavit, illasque formulas certo ordine digessit, & composuit. Hanc sententiam, quod actiones quoad formam & conceptionem sint iuris civilis, solidis rationibus conuincit *Zaz. lib. 2. sing. resp. c. 5. & ad §. 1. num. 3. Inst. de act. cui suffragatur ibidem Minsing. num. 4.* Approbant & tuerentur hanc sententiam *Conna. lib. 1. com. c. 5. nu. 6. & cap. 6. in fi. Coras. lib. 2. Miscel. c. 17. Vacanius à Vacina lib. 1. declar. c. 26. Borcholt. in tracta. de oblig. c. 1. nu. 14. & seqq.*

Quod ad alteram partem decisionis attinet, hæc opinio juri magis consentanea est, quod non est necesse nomen actionis specialiter in libello exprimere, sed sufficit factum ita narrare, ut ex eo iusta agendi causa colligatur. Quæ sententia confirmatur per *l. si mater. 11. & l. an eadem. 14. §. actiones. ff. de except. rei iud. l. quoties C. de dignitat. lib. 12.* & pro ea expressus textus citatur in *c. dilecti & c. examinata extra. de iudic. c. licet Heli, ex. de Simon.* Quæ etiam sententia ex l. 2. C. de formul. & impetrat. actio sublat. confirmatur, his verbis, Si aptam rei & proposito negotio competentem eam esse consiterit. Comprobatur etiam hæc decisio hoc modo, quod jure saltem Digestorum non erat necesse libellum in scriptis exhibere, sed simplici & nuda petitione poterat actor jussu suum in iudicio proponere, vel ex albo Prætoris demonstrare aduersario, quid esset petiturus. *l. 1. §. edere, & ibi Gl. ff. de edend. d. l. quoties.* Approbant hanc opinionem, quod nomen actionis in libello omitti possit, *Wesemb. in parat. de edend. num. 7. Mins. ad princ. tit. de act. num. 6.* Pulchrè *Oldend. in tractatu suo de forma inuestiganda actionis, in cap. De veteri actionum solennitate, quatenus hodie sit mutata.*

Obiiciuntur huic decisione pleraque iuris loca, scilicet. *l. 3. C. de eden. l. non videtur. 33. ff. de iudic. & potissimum l. vlt. C. de interdicit.* quæ expressè tradit, quod qui interdictum proponit, necesse habet in limine iudicii actionem exprimere. Ad hæc frustra à legislatoribus certa actionum nomina singulis negotiis essent imposta, nisi certum etiam in singulis facti speciebus nomen esset exprimendum *l. 1. ff. de ast. act. l. 1. & 20. §. 1. ff. de præscript. verb.* Resp. Regulariter non est opus certam actionem in libello exprimere, sed tamen

Ec

petente

petentere eo siue aduersario tenetur actor specialiter designare, quo actionis genere vti velit. Quod tunc maximè necessarium est, cum ex eodem negotio plures actiones simul competunt, tunc enim quia ex vna actione aliter fit condemnatio quam ex alia, nominatim debet actor in libello declarare, qua forma & modo agendi procedere velit, specialiter actionis nomen exprimendo. *l. in duobus. 28. §. colonus ff. de iur. iur. l. habebat. 13. ff. de inst. act. l. 1. & l. si colonus ff. Arb. furt. casarum. l. cum filius. 76. §. variis de leg. 2.* Ita decidit gloss. in *d. c. dilecti. ext. de iudic.* Idque ea quoque ratione confirmatur, vt iudex conuenientem petitioni & libello sententiam possit formare & pronunciare. Sententia enim debet esse libello conformis, & vltra id quod in iudicio deductum est, potestas iudicis excedere non potest. *l. vt fundus 18. ff. Com. d. uid. l. vlt. C. de fidei. libert.* vbi dicitur stultum esse iudicem qui super non petitis pronuntiat.

ASSERTIO LVI.

Quoties ex pluribus causis quid debetur, & quod solutum est, omnibus summis non sufficit, tunc in grauiorem causam solutum censetur.

CVM debitor ex pluribus causis diuersas summas debet creditori, & aliquam summam vel quantitatem soluit, nec exprimit in quam causam soluat, tunc in causam debiti grauiorem solutum censetur, qua scilicet illum primò quoquo tempore exonerari expedit. *l. 3. & 5. ff. de solut.* Quæ constitutio & interpretatio ICRORUM producta est ex illa naturali æquitate, quod fauorabiliore sunt rei quam actores, item quod procliniore esse debemus ad liberandum quam ad obligandum. *l. Arrianus ff. de oblig. & act.* Exempli causa, si debitor aliud purè & præsentī die debebat, aliud verò in diem vel sub conditione, & indistinctè aliqua summa ex his debitis soluatur, illud solutum censetur, quod purè debetur, & cuius dies venit. *l. 3. l. cum ex pluribus. 103 ff. de solut.*

Verum grauius cum *d. l. 3. pugnat. l. 1. ff. de solut.* vbi Vlpianus statuit, si debitor cum ex pluribus causis deberet, vnum debitum soluat, quod tunc illud debitum soluisse censetur, cuius dies nondum venit. Resp. In *d. l. 1.* pro illis verbis. *Aut illud*, legendum haud in illud, pro vt Russardus annotauit se in veteri exemplari legisse, vt sit sensus, quod indistinctè solutum est à debitore ex pluribus causis obligato, non esse imputandum in illud

illud debitum, cuius dies nondum venit, Quæ lectio textui quam optimè congruit, & omnem difficultatem tollit. Ita tradunt *Wesemb. imperat. ad tit. ff. de solut. Donel. lib. 16. com. c. 12. Quæ sententia probatur in laum ex pluribus 97. & l. cum ex pluribus 103 ff. solut.*

Secundò aduersatur decissioni superiori. *l. 1. C. de solut.* vbi statuitur, quod si debitor cum ex pluribus causis deberet, puta aliquam summam ex sorte principali, aliam ex vsuris, & indistinctè aliquid soluit, quod non sufficiat ad vtranque summam, prius in vsuras, deinde in sortem, id quod soluitur, accepto ferendum esse. Hic in dubio in eam causam solutum intelligitur, in quam accepto ferri expedit creditori, non debitori. Est enim vtilius creditori in vsuras solutum imputare quam in sortem, è contra debitori vtilius est prius in sortem, quam vsuras solutum acceptum ferre. Nam solutà obligatione vsurarum præteritarum, nihilominus salua manet creditori obligatio sortis & vsurarum obligatio accessoria. *l. eos in princ. C. de vsuris.* At verò solutà sorte tanquam obligatione principali, & extinguitur cursus vsurarum, tanquam obligatio accessoria. *d. l. eos. Resp.* Quod supra dictum est, debitum ex pluribus causis in grauiorem causam solutum censerì, seu in eam causam, quæ commodior vtiliorque est debitori, hoc ita intelligendum est, si ex pluribus causis æquè principalibus quid debeat, quia fieri hoc potest sine damno & injuriâ creditoris. Nam cum ex pluribus causis principalibus, quod soluitur, acceptum fertur in causam debitori grauiorem, pro ejus commodo, vnâ causâ per solutionem sublata, quæcunque ea sit, cætera debita tanquam æquè principalia nihilominus integra manent. At verò quoties quid debetur pro sorte & pro vsuris, tunc secus accidit, nam si creditor cogeretur id prius in sortem acceptum ferre quam in vsuras, tunc sorte soluta tolleretur simul etiam obligatio vsurarum, quæ tanquam obligatio accessoria sequitur obligationem principalem sortis. Hoc verò non fieret sine graui damno & injuria creditoris. Eleganter *Donel. in comment. d. c. 12.*

ASSERTIO LVII.

*Furta non iure ciuili scripto, sed ex consuetudine
laqueo puniuntur.*

QVOD furta jure ciuili Romanorum non puniuntur pœna mortis vel capitali, patet ex *No. 134. de vicar. seu locum tenent. §. quia vero. & ex Auth. sed nouo iure. C. de ser. fugit.* Cujus hæc sunt verba. Sed nouo

E c 2

iure

iure pro furto nec morietur aliquis, nec aliquod membrum abscindetur, sed aliter castigabitur. Fures verò appellamus eos qui occultè & sine armis aliena tollunt, non eos, qui vi, armis manu coacta grassantur latronum more.

Obiicitur constitutio Imp. Frederici quæ extat *lib. 2. fendo. tit. 27. de pace tenenda & eius violator. §. si quis quique*, vbi Imp. Fredericus constituit, vt fures de paribulo suspendantur, quoties furtum quinquè solidorum, id est aureorum Hungaricorum æstimationem excedit. Sin minus furati sunt, scopis & forpice excoriarì, & tundi debent. Resp. Illa constitutio Imp. Frederici tantum de casu fractæ pacis loquitur, seu de furto, quod adhibitis armis & per violentiam perpetuatur. Itaque ea pœna non statuitur in illos, qui simplex furtum commiserunt, sed qui violententer grassati sunt in bonis aliorum diripiendis, qui non tantum fures sunt, sed effractores & violenti raptores, punitque ea lex fures, non tantum quatenus fures sunt, sed quatenus pacis publicæ turbatores existunt. Quod apertè probat inscriptio tituli præfixa constitutione Imp. Frederici, quæ inscribitur, de pace tenenda & eius violatoribus. Ita rectè notat Baro ad §. ult. *Inst. de obligat. ex delict.* & communiter ita accipi attestatur *Gomes. in §. ex maleficiis. num. 2. & 3. Inst. de action.* Quæ sententia etiam verbo Dei consentanea est. Similiter enim in lege diuina constitutum est. *Exodi. 22. vers. 2.* vt si noctu venisset fur armatus, velletque aliquid rapere, impunè esset eum occidere. Huc facit quod traditur *2. Samuel. c. 12. v. 5.* vbi Dauid inquit, quod diues qui habet greges & armenta multa, si rapiat vnicum agnum pauperis, mortem meretur, & præterea quadruplum reddere tenetur.

Secundò obiicitur *l. penult. ff. de cond. caus. dat.* vbi pro simplici & exiguo furto quis iure ciuili pœna mortis afficitur. Resp. Illa lex disponit de furto à seruo cômisso, at cum serui in iure pro hominibus vilibus & abiectis habeantur, imò pœnidibus exaquentur, non mirū est, si in eos pro furto pœna mortis sit statuta, diuersum tamen in liberis hominibus obtineret. Illud enim etiā iure cautum est, quod in omni delicto seuerius serui, quam liberi homines puniri debent. *l. capitalium 28. §. ult. ff. de pan.*

Porro consuetudo hæc quæ pœnam pœcuniariam in corporalem mutat, optimo iure defendi potest, propter frequentiam scilicet furtorum, quia frequentia hæc furandi testatur nouissimis huius & deterrimis temporibus, leui animaduersione delictum hoc coëcere non posse. Sic enim & iure ciuili expressè decisum est, quod maleficiorum supplicia exacerbentur propter frequentiam & iterationem delictorum, quoties nimirum multis personis grassantibus & delinquentibus, seueriori exemplo opus est. *l. antefacta. 16.*

§. ult. l.

§.vlt.l. capitalium. 28. §. solent. & §. grassatores. & §. sumos. ff. de pœn. vbi dicitur quod latrones, & grassatores furca suspendi, vel capite debent multari. l. seruos. C. Ad l. iul. de vi pub. Adhæc in puniendo non tam res quæ violantur, quam qualitas delicti est consideranda, an & quatenus Rempub. lædat. Atqui fures non minus humanam societatem violant, quam adulteri & homicide. Non enim tantum opus est turo & concordie conuictus, ac castâ conjugum conjunctione, sed etiam distinctione dominiorum, & bonorum defensione ad societatem vitæ humanæ retinendam opus est, quam cum violent fures, meritò exemplo homicidarum & adulterorum, extremo supplicio afficiuntur. Pulchrè Wesenb. in parat. ff. de furt. nu. vlt. Forner. lib. 1. selection. c. 15. & 22. Didac. Couarru. lib. 2. var. Resol. c. 9. nu. 7. vbi eleganter tradit iure ciuili Romano fures pœna mortis non puniri, per d. Auth. sed nouo iure. C. de furt. sed iure Longobardico feudorum pœnam mortis furibus irrogari, per d. §. si quis quinque. tit. de pace tenen. & eius vidat. lib. 2. feudo. tit. 27. Atque ibi hanc pœnam iuste à Repub. infligi propter delinquendi audaciam & proteruiam scribit, vbi id variis gentium moribus & legibus comprobari adfirmat. Lege etiam xii. tabularum furem nocturnum occidere licebat, diurnum autem si se cum telo defenderet. Litaq. 4. ff. Ad l. Aquil. l. furem 9. ff. ad l. Com. de si car. Quinimò & qui arbores, & maximè vites ceciderint, puniuntur tanquam latrones. l. 2. ff. Arb. furt. cas. Quæ lex admodum dura & seuera est, eamque adhuc in Saxonia seruari intellexi.

ASSERTIO LVIII

Actio iniuriarum, quâ agitur ad palinodiam seu reuocationem iniuriæ, ciuilis est, non criminalis.

QUÆSITVM est à DD. An actio iniuriarum, quâ agitur ad reuocationem iniuriarum verborum, & restitutionem famæ læsæ, ciuilis vel criminalis censeatur. Et verior crebriorque est DD. sententia eam criminalem non esse. Eaque probatur hæc quatuor firmissimis rationibus. Primò quia cum agitur ad reclamationem iniuriæ, non potest dici quod agatur ad aliquam pœnam hisco applicandam, quod in criminali causa omnino est necessarium. gloss. & Barr. in l. Prætor. ff. de sepulch. viol. Secundò etsi iure ciuili in causis criminalibus appellatio sit permissa. l. addictos in fin. C. de epis. audient. moribus tamen Germaniæ non permittitur appellatio in criminalibus, verum quia in actione iniuriarum, qua agitur ad reuocationem, recepto more iudiciorum appellatur, consequens est

eam non esse criminalem. Tertio in criminalibus iudiciis procurator interuenire non potest. *l. penult. §. ult. ff. de publ. ind.* ar in actione iniuriarum reclamatoria procuratorem admitti constat. Quia hoc privilegium criminali iudicio datum est, ut eo pendente nulla civili quaestioni locus sit. *l. 2. §. sed si agant ff. de iud.* Iam si actio iniuriarum, qua agitur ad reuocationem, criminalis esset, sequeretur eam cum civili, quae ad aetimationem iniuriarum contenditur, cumulari non posse, cuius tamen contrarium usu obseruatur. Ex quibus omnibus liquidd apparet, actionem iniuriarum ad reuocationem institutam, potius civilem quam criminalem esse.

Obiicitur huic assertioni, quod actio qua agitur ad palinodiam infamat. Ergo criminalis est. Resp. Hoc non sequitur, nam & actiones mandati, depositi, de dolo, & aliae quam plures infamant, nec tamen propterea sunt criminales. Nam & eodem modo actio iniuriarum etiam civiliter intentata infamat. *l. athletas. 4. §. fin. ff. de his qui not. infam. §. ex quibusdam. Inst. de penis temere litig. ex* quo tamen inferri non potest eam esse criminalem.

Secundo opponitur hoc argumentum. Actio qua agitur ad reuocationem iniuriarum continet poenam, eaque poena quia non est pecuniaria, necesse est corporalem esse. Atqui cum poena sit corporalis & descendat ex delicto, necesse est hoc iudicium esse criminale. Resp. Non potest dici iudicium esse criminale, quia illud demum iudicium est criminale, quoties corpus delinquentis puniatur, aut poena pecuniaria fisco applicatur. *arg. l. locatio. §. quod illicit. ff. de publ. & vet.* Ita tradit Bart. in *l. ult. vers. quare quomodo cognoscam. ff. de priuatis delict.* & in *l. prator ait in princ. ff. de sepulch. viol.* Vnde cum neutrum interueniat in actione iniuriarum, qua agitur ad reclamationem iniuriarum, sequitur non esse iudicium criminale.

Tertio in contrarium adfertur. *l. 1. §. ult. ff. de suspect. tut.* vbi dicitur, quoties contra suspectum tutorem agitur, ut puniatur, tunc esse iudicium criminale, idedque non ad praetorem, sed praefectum vbi, qui tantum de criminibus cognoscit, remittitur tutor puniendus. Resp. Accusatio suspecti tutoris potest etiam criminaliter intendi, quo casu si grauius deliquerit tutor, videtur etiam corporaliter puniendus. *l. 3. §. tutor ff. de suspect. tut. l. 1. §. suspecti. ff. Ad SC. Turp.* Hanc sententiam, quod civilis sit actio, qua agitur ad palinodiam iniuriarum, defendunt *Quil. lib. 1. Obser. cap. 65. Minf. cent. 2. obs. 98.* vbi notant hanc veriore & receptiorem esse D D. opinionem, quae in Camera imperii iudicando obseruatur. *Wesend. in parat. ad tit. de iniuriis. num. 18. & cons. 22. nu. 18.* Dissentit Maran. in *Spec. aut. par. 4. dist. 1. num. 17.* Vnde & recte deciditur quod cum haec actio sit civilis, quod in libello super actione iniuriarum, utrumque iudicium, & quo agitur ad aetimationem iniuriarum, & quoad reclamationem contenditur, cumulari possit. Sic Boerius in *conduct.*

factu. Bi
eme rda
restituti
a & Mo

C
omni
idem
Stelle
§. vi
S
mo
cur
cu
Sic
ha
m
lo
Ig
ci
n
l
r
f
r

suetud. Bituric. conclus. 1. tradit, quod in causa iniuriarum agi potest ad binas emendariones, vtilem scilicet, id est pecuniariam, & honorariam, id est ad restitutionem honoris seu reclamationem iniuriæ, quod sequitur Gail. d. loco. & Mans. ad §. in summa. Inst. de iniuriis.

ASSERTIO LIX.

*Crimen stellionatus infamat, si cum aliâ civili
actione concurrat.*

CAVSA propter quam irrogatur infamia, est dolus, vel simile delictum, quod in dolum cadit, veluti perfidia, stellionatus, impostura, peritrium. *l. furti. 6. §. ult. ff. de his qui not. infam.* Stellionatus dicitur omnis fraus & impostura, quæ proprium delicti nomen non habet, & idem est in criminalibus, quod in civilibus iudiciis actio de dolo. *l. 3. ff. Stellionat.* Damnatus igitur de crimine stellionatus fit infamis. *l. quid ergo 13. §. ult. ff. de his qui notat. infam.*

Sed obijciatur *l. 2. ff. Stellio.* vbi dicitur iudicium stellionatus non esse famosum. Resp. Ex sententia Iohannis veteris gladiatoris probata ab Accurs. in *d. l. 13. §. ult.* quod tunc crimen stellionatus infamet, si concurrat cum aliâ civili actione famosa, puta actione de dolo. *l. 1. ff. de his qui not. infam.* Sic si debitor actione ex stipulatu conventus soluit æs pro auro, quia ex hac causa actio de dolo famosa competit, erit & crimen stellionatus famosum. Similiter si quis merces quas mihi debebat ex stipulatu, dolo malo corripit, & sic tradidit, tenetur actione civili de dolo, quæ est famosa. Igitur & hoc casu erit iudicium stellionatus famosum. Si verò actio quæ cum hoc crimine concurrit, non est famosa, crimen quoque stellionatus, non est famosum. Ut puta si venditor sciens rem alii obligatam, dissimulata obligatione, per calliditatem alii distraxit, aut debitor rem alii obligatam alii sciens dolo malo pignora vit, his casibus non datur actio de dolo, sed pignoratitia contraria, quæ actiones non sunt famosæ. Ergò nec crimen stellionatus erit ex iis causis famosum. *l. tutor. 16. §. 1. l. si quis in pignore. 36. §. id & si quis. ff. de pig. act. l. statuliberum. 9. §. 1. ff. de statulib. l. 2. c. l. infamatus 7. ff. de publ. ind.* vbi dicitur, quod quando publicum iudicium seu crimen concurrit cum priuato iudicio, quod infamiam irrogat, tunc etiam iudicium publicum infamiam condemnato importat. Ita post Accursium distinguunt Cuiuslib. 10. obf. c. 26. Duar. lib. 1. annue. dispot. c. 42. Iohannes Robert. lib. 4. sentent. in 4. c. 17. Aliter sentit Anto. Faber lib. 4. coniect. c. 2. qui crimen hoc stellionatus

stellionatus semper famosum esse contendit, & *ind. l. 2. ff. Stellion. expungit negationem.*

ASSERTIO LX.

Reus accusatus in criminalibus causis, præcedente iuramento calumniæ de veritate dicendâ, positionibus accusatoris respondere non tenetur.

PROBATVR & stabilitur hæc conclusio in *c. quis aliquando. de pœnitent. dist. 1. & in c. si peccauerit. 2. quæst. 1. vbi habetur, quod quis non tenetur se prodere & proprium delictum manifestare. text. in l. 1. ff. de bon. eo. qui sit. bi mort. & in l. qui cum maior. §. si patris. ff. de bon. liber. & in l. transigere C. de transact. vbi statuitur, quod qualitercumque licitum est vnique sanguinem suum redimere. Hanc etiam opinionem probat. text. singularis in l. 4. ff. de testib. vbi consanguineus intra certum gradum ibi definitum non cogitur dicere testimonium contra consanguineum. Ergo multò minus ipse delinquens accusatus non debet cogi dicere contra se testimonium. Hanc sententiam defendunt Bald. in l. 2. §. quod observari. C. de iure. calum. Hippo. de Mars. in pract. crim. §. postquam. 1. col. 1ul. Clar. in pract. §. ult. quæst. 45. vers. sed quæro. Contrariam sententiam sequitur Gomef. tomo. 3. variar. resolut. c. 12. de probat. delict. nu. 5. Adde pro prædictâ sententiâ hanc firmam & euidentem rationem, quod iudex non debet à reo exigere iuramentum, ex quo præsumptio periurii exurgit, & periculum lædendæ conscientiæ emergit, arg. text. in c. clericos. de coh. ab. cler. & mulier. Atqui in hoc casu maxima daretur occasio periurii, quia reus non præsumitur facillè tale testimonium contra seipsum perhibere, ex quo sibi ipsi possit creare pœnam mortis, vel aliam grauiorem pœnam corporalem.*

Sed in contrarium adfertur. l. 1. & 2. C. de iur. calum. vbi traditur quod generaliter in omnibus causis tam civilibus quam criminalibus habet locum iuramentum calumniæ, cuius duo sunt principalia substantialia membra, primum est, quod actor seu reus iuret se fouere iustam causam; secundum est, quod interrogatus in qualibet parte litis dicere veritatem. Resp. Istæ leges debent intelligi in iuramento calumniæ respectu primi articuli, quod scilicet iurent litigantes se fouere iustam causam, & dolum vel calumniam in lite non commissuros. Non verò tenentur iurare, quod interrogati adstringantur respondere de veritate dicenda.

Secundò obijciatur l. Marcellus §. 1. ff. Rer. amot. & l. lex Cornelia §. 5. hac lege. ff. de iurur.

de iniur. vbi traditur, quod in actione rerum amotarum, & iniuriarum, quæ descendunt ex delictis, habet locum delatio hujus iuramenti. Resp. Illæ leges habent locum in iuramento iudiciali, quod defertur à parte parti, & imponit finem liti & causæ institutæ, aliud verò obtinet in iuramento calumniæ de veritate dicendâ.

Tertiò opponitur *l. 3. §. ex quacunque ff. de iure iu.* vbi asseritur, quod in qualibet actione, siue rei persecutoria, siue pœnali, cogitur quis iurare. Resp. Ille locus intelligendus est de iuramento litis decisorio, quod iudiciale vocant D D. quo totalis dirimitur, non verò de iuramento calumniæ. Deinde procedit ille text. in causis civilibus tantum, non in criminalibus, nam in hisce causis decidendis non est locus delationi iuramenti, sed actor crimen quod intendit, liquidissimè docere, & probationes meridiana luce clariores adferre tenetur. *l. vlt. C. de probat.*

Quartò aduersatur *l. 1. & totus. iiii. ff. de quest. vbi* statuitur, quod per tortoriam cogitur quis respondere de veritate, super facto proprio, ergò à fortiori tenetur respondere interrogatus cum iuramento. Resp. Hoc locum obtinet, quando reus iustis suspicionibus est grauatus, & de delicto grauiter diffamatus, tunc enim quia contra illum vehementes militant præsumptiones, tenetur se à præcedente diffamatione & iustis suspicionibus purgare, ac præstato iuramento calumniæ veritatem syncerè confiteri; licet ex hoc incurreret pœnam mortis.

ASSERTIO LXL

*In criminalibus iudiciis ex solis præsumptionibus
nemo condemnari potest.*

QUÆSTIVM est à D D. vtrum ex argumentis & præsumptionibus reus, qui neque confessus, neque conuictus est, condemnari possit. Et verior, legibusque magis est consentanea sententia, quod ex iudiciis & præsumtionibus reus aliqua pœna condemnari non possit, sed tamen quod verisimilia indicia & probabilia argumenta ad torturam sufficiant. Quod si verò conditio causæ vel personæ id non patiat, reus est absolendus. Prima pars decisionis probatur per *l. qui sententiam. C. de pœn. & l. vlt. C. de probat.* vbi statuitur, quod in criminalibus causis non est perueniendum ad pœnalem sententiam, nisi reus fuerit maleficium confessus, vel clarissimis probationibus conuictus. His addenda est *l. absentem. ff. de pœn.* vbi expresse traditur, neminem ex solis suspicionibus de crimine esse

Ff

damnan-

damnandum. Altera pars decisionis fundatur in *l. milites. §. oportet. C. de quaestio.* vbi dicitur argumentis verisimilibus & legitimis inditiis conuictos, inuestigandæ veritatis gratiâ tormentis esse subiiciendos, si personarum conditio hoc patiatur. Huc facit *l. vniuersum. 18. §. reus ff. de quest.* vbi Paulus I. C. inquit, quod reus euidentioribus argumentis oppressus in quæstionem repêri potest. Non dicit condemnari debet, sed iterum torqueri, si in tormenta animum corpusque durauerit.

E contrariò quod ex solis præsumtionibus quis condemnetur in criminalibus causis, probatur ex *l. si qui adulterij. 34. & Auth. si quis ei. C. Ad l. In liam de adult.* vbi statuitur, quod si quis repulit crimen adulterij, quia dicebat se consanguinitate iunctum esse mulieri, si postea reperitur uxorem illam ducere in matrimonium, punitur tanquam conuictus de crimine adulterij. Respond. Hoc specialiter ibi constitutum est in odium eorum, qui cognationis prætextu adulterium celare student. Vnde ad alios casus omnes id generaliter producendum non videtur.

Secundò in contrarium adfertur *l. 1. C. Ad l. Corn. de fica.* vbi ex graui percussione, ex quâ mors secuta est, tenetur quis pœna homicidij, nisi probet non occidendi animo hominem à se percussum. Item *l. si non conuicij C. de iniur.* vbi si quis protulit in alium conuicia, tenetur actione iniuriarum, nisi probet se non iniuriandi animo dixisse. Resp. Illæ leges non probant quæquam ex solis præsumtionibus esse damnandum, sed istud tradunt, vbi constat crimen homicidij vel iniuriarum esse commissum, reum esse damnandum, nisi ipse probauerit vera esse, quæ ad defensionem suam allegat, veluti se casu vel defendendæ vitæ suæ gratia occidisse, vel iniuriandi animum non habuisse.

Tertiò obstat *l. vlt. C. de probat.* vbi dicitur etiam inditia indubitata sufficere ad condemnationem in criminalibus causis. Resp. Ibi inditia non significant præsumptiones iuris, sed indubitata & necessaria seu certissima argumenta, quando scilicet lex aliquid præsumit, & statuit, & super eo certum ius fundat, quæ vocantur præsumptiones iuris & de iure, vt in casu *l. si qui C. Ad l. In liam de adult.* vbi qui accusatus de adulterio, excusat se prætextu consanguinitatis, si postea cum eadem contrahat matrimonium, inducitur violenta præsumtio à lege, per quam condemnatur pœna adulterij. Hanc sententiam, quod ex præsumtionibus non possit aliquis condemnari in causis criminalibus, amplectuntur *Gomf. tomo. 3. Variar. resol. c. 12. num. 25. Fachin. lib. 1. contro. iuris. c. 29. Oldendorp. in tracta. de probat. Duaren. c. 10. tod. tit.*

ASSERTIO LXII.

Etiā inuoluntaria quādam delicta coërcentur.

QUOD delicta inuoluntaria, hoc est, non consulto & data opera, sed per imprudentiam commissā, iure ciuili etiā coërcentur, demonstratur primò ex definitione legis tradita à Papiniano in l. i. ff. de legib. vbi lex definitur, quod sit delictorum quæ sponte vel per ignorantiam committuntur, coërcitio. Secundò idem expressè & disertè confirmat. l. 2. ff. de ter. mo. vbi illi qui per ignorantiam vel casum fortuitum terminum agri loco mouerunt, vel lapides finales abstulerunt, verberibus coërcentur. Tertiò hanc sententiam comprobat l. qui ades. g. ff. de incend. ruin. naufr. vbi statuitur, quod qui casu quodam, non consulto data opera ædes struemue frumenti combussit, in eum est actio in duplum, vel si non est soluendo, extra ordinem coërcetur. Quartò confirmatur hæc sententia etiā iure diuino: nam vt *Deutero. cap. 19.* sancitur, lege diuina sex ciuitates, tres vltra, & tres citra Jordanem destinantur exilio voluntario, quo illi plectuntur, qui fortuito & per imprudentiam homicidium commiserunt, & propter inuoluntaria homicidia in hæc ciuitates securitatis causa se recipientes à pœna mortis liberantur.

Sed prædictæ decisioni vehementer ob stare videtur. l. Diuus. 14. ff. Ad l. Corn. de sicar. vbi traditur, quod in maleficijs voluntas non exitus spectatur, hoc est, si quis non habuit animum & propositum delinquendi, licet ille alteri iniuriam intulerit, vel damnum dederit, hoc factum, quia absuit animus & voluntas peccandi, non meretur pœnam. Resp. Non solum crimina & delicta admitti censentur consulto & data opera, seu per dolum, & malitiam ad delinquendum destinaram, sed etiā quandoque per imprudentiam & ignorantiam delinquitur, nam & in ignorantia quædam culpa interuenit. Quæ culpa tunc maximè punitur, si maxima & supina negligentia, vel lasciuia in peccando admissa sit. l. 4. §. 1. ff. Ad l. Corn. de sicar. Quinimò & in eum qui leuiore culpâ deliquit, competit ex lege Aquila actio. l. qui occidit. 30. §. penult. ff. Ad l. Aquil. Hinc & homicidium casu factum legibus punitur, vt manifestè probat. l. aut facta. 16. §. euentus ff. de pen. vbi traditur, quod homicidia casu fortuito admissa, seu ab homine clementissimo perpetrata in eum, quem quis nullo modo oderat, puniuntur voluntario exilio. Planè vno singulari casu, quando in homicidio omnis voluntas occidendi ab fuit, censetur omnino pœna homicidij remittenda. Quod accidit, cum in colluctatione vel publico certamine, vel in

campo sagittatio; dum pugiles & sagittarii se exercent, aliquis alterum occidit, quia gloriæ causâ aut virtutis, non verò contumeliæ aut injuriæ gratiâ videtur damnum datum, aut cædes perpetrata. text. est in l. 7. §. *sin colluctatione. ff. Ad l. Aquil.* Quâ de re pulchrè Plato in suis legibus fanciuit, hoc modo. Si quis in colluctatione vel publicis certaminibus aliquem amicum occiderit, purus & insons esto. Eleganter *Quiat. lib. obs.* 19. c. 10.

ASSERTIO LXIII.

Etiam cœptum sed nondum consummatum crimen punitur.

IVRE Romano non tantum effectus punitur, sed etiam conatus & voluntas. Vnde Seneca rectè scriptum reliquit *declam.* 7. scelera quamvis citra exitum subsederint, puniuntur. Quod & confirmatur l. 1. C. *Theod. Ad l. Iul. de amb.* hisce verbis. Pari forte leges scelera puniunt, & sceleris voluntatem. Porro & jure nostro Cæsareo expressis textibus approbatur hæc decisio, & primò per l. *quisquis. C. Ad l. Iuliam majestatis.* vbi traditur, quod eadem severitate, voluntatem sceleris, qua effectum puniri jura voluerunt. Secundò eadem sententia corroboratur in l. 1. ff. *de extraordin. crim.* vbi statuitur, quod sollicitatores alienarum nuptiarum, etiam si adulterium perpetrare non potuerint, tamen propter voluntatem perniciosæ libidinis extra ordinem coercentur. Tertiò conuincitur hæc assertio per l. *si quis non dicam. C. de episcop. & cleric.* vbi pari pœna plectitur qui rapuit monialem aut vestalem virginem, & qui nuptias ejus attentavit. Quartò hæc conclusio stabilitur ex eo, quod qui alienum seruum corrumpere tentavit, punitur in duplum actione de seruo corrupto, idèd quia consilium corruptoris ad perniciem probitatis serui introductum est, text. est in l. *si quis. 20. C. de furt.* Quintò & consilium voluntasque sola proditoris patriæ punitur, licet crimen non sit peractum, cum talis sit læsæ majestatis reus in d. l. *quisquis.* Sextò solus conatus punitur in parricidio, quando filius venenum emittit, ut patri daret, quamvis dare non potuerit. l. 1. in fin. ff. *Ad l. Pompeianam de parricid.* Denique certa & generalis juris regula est, quod in atrocioribus criminibus, quæ & naturali & civili jure damnantur, conatus & voluntas pro delicto punitur, licet delictum non sit ad exitum vel effectum productum. Ira notat gloss. communiter approbata in l. 1. §. *Hæc autem verba. ff. Quod quisque jur.* Huius

Huius rei memorabile exemplum refert *Bodin. lib. 4. de Repub. c. vlt.* vbi ita scribit. Cum nobilis quidam Normannus apud nos fraterculo sodali confiteretur se Franciscum Regem Galliarum occidere voluisse, nihil tamen ausum esse flagitiosæ voluntatis sponte pœnitere, sodalis reo cōfiteenti ac scelus deprecanti, quantum quidem poterat, ignovit: eundem tamen paulo post ad Regem derulit, qui reum comprehensum ad curiam Parisiorum mitti iussit, Curia capitali supplicio, quasi perduellionis convictum, damnauit vbi subiungit Bodinus, Prudentius tamen, opinor, rex ignouisset quia cogitationis illius ac voluntatis, quam propter scelerum atrocitatem leges cōcērent, hominem pœnituisse, ac sui ipsius proditor & accusator prius extitisset, quam accusaretur. per *l. cogitationis 18. ff. de pœn.*

Verum aduerfatur huic sententiæ *d. l. 1. §. 1. ff. Quod quisq. iur.* vbi dicitur non rem cœptam sed perfectam & consummatam legibus puniri, Idem confirmat *l. impuberem 22. §. sed si ei seruo. ff. ad l. Corn. de fals.* vbi traditur, licet quis quo ad cogitationem animi nocens sit, tamen quia effectus non est secutus, pœnæ eximendus est. Quod & comprobatur *l. cogitationis. 18. ff. de pœn.* vbi statuitur, quod cogitationis pœnam nemo pati debeat. Ex quibus omnibus liquido patet, quod conatus iure ciuili non puniatur, quando crimen non est consummatum, & ad effectum deductum. Resp. Prædicta regula quâ definitur, quod cœptum & inchoatum crimen etiam puniatur, licet effectus non sit secutus, procedit tantum in delictis atrocioribus, atqui in leuioribus criminibus ex solo conatu pœna legibus non irrogatur sed ibi locum habet hæc regula, quod conatus non puniatur pro delicto, quando injuria non habet effectum *d. l. 1. §. vlt. ff. Quod quisque iur.* &c. vbi hæc recitantur verba. Quid enim obfuit conatus, cum injuria nullum habuit effectum? Ita notat *Gl. communiter probata in l. 1. §. 1. ff. Quod quisque iur.* Assentitur *Cuias. lib. 15. obs. cap. 25.*

Secundò obijciatur argumentum ex Theologiâ petitum. Non est rationi consentaneum, vt cogitationes seu phantasiæ committendorum peccatorum, quæ temerè voluntantur in mente & cerebro hominis, & tandem euanescent, pro concupiscentiis damnentur, quantum sedes est in corde. Resp. Hic est quæstio de ejus generis phantasiis & cogitationibus, quæ dum mentibus obseruantur, simul animum cupiditate mordent & feriunt, quandoquidem nunquam venit in mentem optare aliquid, quin simul cor excitatum saliat. Ita respondet *Caluin. lib. 2. Institut. Christ. relig. cap. 8. nu. 50.* Hinc *Theodoro Balsamo in cap. 4. Neocæsariens. synodi v. c.* & scitè tradit, quatuor esse peccatorum gradus, Obiectum seu primum motum, luctationem, assensionem & actum. Piora duo quia primi animorum motus non sunt in nostra potestate, sunt extra noxam, postea

rora verò puniendā sunt. Ita eleganter notat *Fornerius ad l. fugitivus. 225. ff. de verb. signif.* Vide *Menoch. de hac questione, de arbitrari. iud. quest. cas. 360.* vbi explicat conatus ad delictum quando & qua pœne puniatur. Facit huc locus qui extat apud *Arnobium. lib. 8. contra Gentes*, dum inquit, Vos scelera admīssa punitis, apud nos & cogitare peccare est.

ASSERTIO LXIV.

Si aliquis ex domo inimici sui euaginato & sanguinolento gladio profugit, isque mox repertus sit vulneratus aut interfectus, hoc sufficiens indicium est ad inducendam condemnationem.

COMPROBATVR hæc assertio ex eo quod traditur in *l. ult. C. de probat.* vbi asseritur, quod in criminalibus causis ad condemnationem sufficiant indicia certa & indubitata. Atqui hæc prædicta indicia prorsus censentur esse indubitata, quæ omninò mouent & arctant iudicem ad credendum, ita quod non possit in contrariam partem inclinare. Si enim aliquis reperiatur esse occisus in domo sua, nec tamen testes adsint, qui viderint illum occidi, sed reperiatur aliqui, qui viderint inimicum ex domo ejus profugientem cum euaginato & sanguinolento gladio, certè hæc tria signa & indicia, quod inimicus fuerit, quod fugerit, quod sanguinolento strictoque gladio armatus fuerit, sunt apertissima & indubitata signa, quæ sufficiunt ad aliquem condemnandum pœna mortis. Ita tradunt *Bart. in l. 3. nu. 1. ff. de furt. Bald. & Salic. ad l. ult. C. de probat.* qui referunt antiquum Doctorem quendam Bononiensem Piperatam nomine, publicè disputando hanc sententiam obtinuisse. Quæ etiam confirmatur hoc argumento, quod in causis criminalibus exigantur probationes non solum ab accusatore; sed etiam à reo. *l. ult. C. de abolit.* Itaque si aliquo casu reus tenetur probare, præcipuè hoc casu tenetur, quo contra ipsum tam violentæ & magnæ presumptiones concurrunt ex inditijs manifestis, quæ efficaciter animū judicis mouere possunt ad condemnandū. Denique pro hac assertione plurimum facit, quod cum inditia manifesta ad condemnationem inducendam sufficientia, non sint specialiter legibus prodita, consequens est, vt arbitrio judicis ea committantur. per *l. 1. in fin. ff. de iur. delib. l. 3. §. eiusdem. ff. de testib.* Vnde cum leges hæc inditia arbitrio & potestati judicis permittant, certè hoc arbitrium prorsus tolleretur, si ex tam manifest-

manifestis prægnantibusque & indubitatis signis & inditiis, non posset iudex reum criminaliter condemnare.

Opponitur huic decisioni *d.l.vlr. C. de probat.* vbi lex ait in criminalibus causis requiri indicia indubitata & meridiana luce clariora. Resp. Ea dicuntur inditia indubitata, quæ urgent animum boni & constantis iudicis ad credendum, eaque sufficiunt ad condemnationem etiam in criminalibus causis. Atqui hæc prædicta indicia certò inflectunt animum iudicis ad fidem accusationi adhibendam. Neque enim requirimus in iudicijs criminalibus tam necessarias probationes, vt sunt demonstrationes mathematicæ. Alioquin nemo vnquam condemnaretur, & nulla probatio sufficeret, cum & testes possint esse falsi, & instrumenta eodem vitio laborare. Ideoque in proposito casu putarem reum pœna capitali condemnandum, nisi indicia obiecta purgaret, & innocentem suam ostenderet. Hanc sententiam tuentur ad. *d.l.vlr. Bald. Saty. & nouissimè Pacius*: à quibus dissentit *Gandius in tract. de malefic. rubr. de præsumtion. Angel. ad l.vlr. C. Quod met. causf.*

ASSERTIO LXV.

Mandans aliquem vulnerari, si sequatur mors ex vulnere, non tenetur ordinariâ pœnâ legis Corneliæ, sed arbitrariâ.

ARGUMENTVM hujus decisionis hoc est, quia in lege Cornelia non punitur culpa, sed dolus. *l. in lege. 7. ff. Adl. Corn. de sicar.* Atqui talis mandans non est in dolo, sed in culpa, quæ quidem culpa non sufficit, vt legi Corneliæ sit locus. Addi potest & hæc ratio, quia cum diligenter mandati fines in contractibus & priuatis negotiis sunt custodiendi, multò magis in delictis & criminibus mandati limites strictè & præcisè sunt obseruandi. Facit huc etiam *l. 3. §. adiectio. vers. sed ex SCto. ff. d. iur.* vbi scriptum extat, quod ea iussu fuit relegari, quæ non quidem malo animo, sed malo exemplo medicamentum ad conceptionem dederat, ex quo ea quæ acceperat, decessit.

Obijcitur *l. nihil interest. 15. ff. Ad l. Cornel. de sicar.* vbi dicitur, nihil interesse, an quis occidat. an verò mortis causam præbeat. Resp. Hic mandans non præbuit causam, sed tantum occasionem homicidij, quia iussit & voluit vulnerari, non occidi. Hæc duo, causa scilicet & occasio longè inter se differunt, Causa non potest esse sine effectu, sed occasionem quis potest præbere

præbere factò, licet factum vel euentus non sequatur. Contra solutionem instatur ex *l. qui occidit. 30. §. penult. ff. Ad l. Aquil. vbi dicitur, quod qui occasionem damni præstat, damnum fecisse videtur. Resp. Hoc procedit in lege Aquilia, in qua non tantum dolus, sed etiam culpa punitur.*

Secundo aduersatur *l. si quis aliquid 38. §. qui abortionis ff. de pœn. vbi qui poculum abortionis vel amatorium alicui dedit, licet dolo caruit, tamen in metallum damnatur, & si homo ex eo perierit, ultimo supplicio addicitur. Resp. Illa res est plena mali exempli, & longè grauius est veneno hominem è medio tollere, multo què perniciosior est humano generi mors, quæ veneno infertur, quam quæ armis vel gladio intentatur. tex. est notabilis in *l. 1. C. de malefic. & mathem. Ratio est, quia contra veneficia nemo sibi faciliè præcauere aut providere potest. Atqui contra apertam vim armis intentatam vel fuga, vel iusta armorum defensione se quis tueri potest, & ita eadem violentiam declinare, & vim illatam propulsare.**

Vltimò obijcitur, quod vulgò dicitur, rei turpis nullum est mandatum, nec vires aliquas habet. *l. si remunerandi. §. rei turpis. l. si mandauero. §. qui aderm. ff. Manda. Ergo nec mandanti delictum pœna extraordinaria est irroganda. Resp. Hæc non ita sunt accipienda, vt mandator impunitatem delicti speret, quasi non mandauerit, at eò pertinent, ne vllum ex eo mandato oriri possit iudicium inter mandantem & mandatarium, interim non obstat quo minus contra mandantem delictum eius nomine agatur, qui eius mandato vulneratus vel occisus est. Postremò notandum, quod aliud Iure Canon. decisum est, ibi enim statuitur, quod si quis mandet aliquem vulnerari, & mandatarius occidar, quod mandans teneatur de occiso. *c. ult. de homicid. in 6. Cuius decisionis hæc ratio ibi redditur, quod mandans fuerit in culpa, & hoc euenire posse debuerit cogitare. Hanc decisionem tuentur Fachm. lib. 1. contro. iur. cap. 36. Menoch. de arbit. iud. cas. 352. Vaudus lib. 2. quest. cap. 5.**

ASSERTIO LXVI.

Confessio vulnerati in articulo mortis, non est sufficiens indicium ad torturam.

QUOD confessio vulnerati in articulo mortis edita, non præbeat sufficiens indicium ad torturam, probatur manifestè per *l. 3. §. si quis moriens ff. Ad S. C. Syllan. vbi inquit Vlpianus non esse credendum domino, si moriens dixit à seruo vim mortis sibi esse illatam, nisi & hoc peruerit*

potuerit probati. Si ergo morientis domini confessio non potest præiudicare vel periculum adferre seruo, ad hoc vt ex ea tormentis possit subijci, multò minus extranei morientis confessio grauabit alium, vt contra eum ad torturam procedi possit, præsertim cum sit immensa potestas domini in seruos, & sint eis seruorum mores & facta maximè explorata. Et hæc sententia vsu forensi passim recepta & approbata est. teste *Claro in r. o. pt. sententia in quest. 21. vers. assertio vulnerati. Menoch. de præsumpt. lib. 1. quest. 89. num. 79. Boer. 10. d. c. 1. §. 10. num. 7.*

In contrarium adfertur *l. vlt. C. Ad l. Iul. repet. vbi dicitur, quod nemo præsumitur esse salutis eternæ immemor, præsertim in mortis articulo.* Vnde nemo præsumitur facile mentiri, & alicui moriturus periculum capitis & vitæ velle inferre. Resp. Non est præsumendum morientem velle mendacium in alicujus perniciem proferre, & ita impænitentem in peccato mortali discedere: Attamen nemo est tormentis & questionibus subijciendus, nisi certa & aperta argumenta & indicia sint in promptu, quibus iudex sufficienter indicatur ad torturam decernendam. Non præbet autem certum & probabile indicium ad torturam morientis confessio.

ASSERTIO LXVII.

Fures de se confessi non debent de socijs per torturam interrogari.

FVNDATUR & comprobatur hæc assertio in *l. repeti. 16. §. 1. ff. de quest. & l. vlt. C. accusat.* quibus legibus apertè deciditur, de se confessos non debere de aliorum criminibus per torturam interrogari. Subiungiturque ratio in *d. l. vlt. ne cum propriam salutem in discrimen induxerint, aliorum vitæ intentent.* Sed huic sententiæ repugnare videtur *l. Diuus. ff. de cust. & exhib. reo.* vbi in hæc verba describitur. *D. Pius sub edicto proposuit, vt Irenarchæ cum apprehenderint latrones, interrogent eos de socijs & receptatoribus.* Cum quâ sententiâ concordat *l. prouinciarum. C. de fer. vbi statuitur, quod à latronibus proditio sceleratorum consiliorum per tormenta exquirenda est.* Resp. Illæ leges disponunt & loquuntur de latronibus, qui à furibus distinguuntur: grauius namque & atrocius crimen est latrocinii quàm furti, cum latrones vias oblideant, prædentur & diripiant per vim non solum bona viatorum, sed etiam in vitam eorum sæuiant, atqui fures clàm tantum bona & facultates auferunt. Itaque in crimine latrocinii possunt latrones interrogari de socijs, per tormenta de se confessi, quia tale

G g

crimen

crimen absque sociorum conspiratione raro committitur, fures verò in caput sociorum torqueri non possunt. Hanc sententiam defendunt & tuerentur *Salycet. in l.vlt. C. de accusat. Gomez. in vari. resol. cap. de probat. delict. num. 16. Fachin. lib. 9. contro. cap. 92.* Porro ita demum debet confessus de crimine latrocinii super aliorum conscientia interrogari, si aliqua præcedat præsumtio, puta publica fama, tunc enim socio accusato iniungenda est criminis purgatio. *l. 1. C. de questio.*

Secundò aduerfatur hæc ratio, quod congruit officio præsidis purgare provinciam malis hominibus, *l. 3. ff. de off. pref.* ideoque debet iudex furem de sociis interrogare, præsertim cum talia furta sunt, ut sine sociis non committantur, ut scilicet alii quoque criminis participes puniantur. Resp. Id debet præses curare & exequi juxta modos à iure permiffos. Iura autem non permittunt de se confessos de aliis interrogari, nisi in criminibus exceptis, inter quæ furtum non numeratur.

Tertiò obijcitur *l. qui vltimò 29. in fin. ff. de pæn.* vbi traditur damnatos sæpe etiam ideo seruari solere post damnationem, ut ex his in alios questio habeatur. Resp. Intellectus illius legis restringendus est ad crimina excepta, iuxta mentem. *Salyc. in d. l. fin. num. 4.*

Quartò opponitur *l. prius. 17. ff. ad S. C. tum Syllanian.* vbi traditur servum de nece domini inquisitum, ob hoc solum, quod de se confitetur, posse de mandante interrogari, ut indicet cuius mandato fecit, prout asserunt & tenent *Thom. Grammat. decis. 28. num. 11. Menoch. de arbitrar. iud. cas. 474. num. 36.* Resp. Illa lex intelligenda est quando contra aliquem socium particularem, vel contra mandantem præcedunt iudicia, quia tunc potest servus de nece domini inquisitus nedum interrogari de consociis, verum etiam torqueri. Ita respondet *Ludov. à Peguera in decis. criminalibus. quest. 5. vni. 10.*

ASSERTIO. LXVIII.

*Iudex in arbitrariis criminibus potest imponere
pœnam mortis.*

QUÆRITUR & contenditur acriter à DD. An in criminibus, quæ iudicis arbitrio committuntur puniendæ, possit iudex extendere arbitrium suum usque ad pœnam mortis naturalis. Et verior est sententia, quod iudex in criminibus, in quibus pœna ejus arbitrio infligenda committitur, possit imponere pœnam usque ad mortem naturalem.

Quæ

Quæ sententia variis legibus confirmatur, & primò per *l. sunt quadam. g. ff. de extrad. crimin.* vbi est tex. expressus, quod iudex potest pœnam capitis, & sic mortis infligere illi, qui alteri mortem minatus est. Secundò eadem sententia confirmatur per tex. in *l. lex Iulia. §. hodie. ff. ad l. Iul. repet.* vbi statuitur, quod iudex qui pecuniam acceperit ad hominem necandum, vel calore iracundiæ contra innocentem pœnam mortis protulit, capite sit puniendus. Tertiò suffragatur huic assertioni *l. sacri legii ff. ad l. Iul. pecular.* vbi scribit Vlpia. proconsulem sacrilegos plectere, et aliquos ad bestias damnet, alios igne comburat, alios verò in furcas suspendat. Denique hanc sententiam approbat *l. 1. & 2. C. de his qui latro. ocul.* vbi contra eos qui latrones vel homicidas occultant, pœna mortis decernitur. Ex quibus legibus perspicuè patet, quod in criminibus quæ arbitrio iudicis punienda committuntur, vel quibus pœna extraordinaria irrogatur, iudex pœnam ad mortem extendere possit.

Sed aduersatur huic sententiæ *l. 1. ff. de fur. balnea.* vbi dicitur quod fures nocturni puniuntur extra ordinem, verum eorum pœna non debet excedere opus publicum temporarium. Ideoque non potest pœna ad mortem in arbitrariis criminibus extendi. Resp. Hoc fit propter criminis leuitatem, scilicet furtum, quia hoc iure civili non punitur capitaliter, vel pœna mortis. Atqui in grauioribus criminibus, vbi atrocitas delicti id exigat, iudex vsque ad mortem pœnam extendere potest. Adde quod I Ctus in *d. l. 1.* limitet & restringat potestatem iudicis ad opus temporarium, cum ergò iudex habeat potestatem limitatam, non potest pœnam à lege impositam excedere. Alioqui si tam magna esset grauitas & atrocitas delicti, ut mereretur mortem, licet iudici arbitrium ad mortem extendere. Sic si quis iudicem sedentem pro tribunali vulneret, imò vel alapam ei. infligat, pœna capitali propter atrocitatem criminis mulctari posset. Ita decidit Bald. in *c. 1. §. iniuria. de pac. iura. firm.* Approbat Mayan. in *disputat. legal. disput. 3. num. 13.*

Secundò opponitur. *l. 1. §. expilatores. in fin. ff. de effra. ro.* vbi statuitur iudicem posse ex arbitrio suo effraçtores, qui effringunt fores ut furentur, punire, eò quod in eos nulla specialis pœna legibus imposita est: sed tamen non potest in plebèis excedere operis publici pœnam, in honestioribus verò relegationis pœnam. Resp. Lex etiam in eo casu restrinxit & limitauit potestatem iudicis, ut opus temporarium vel relegationem egredi non possit. Vnde in his casibus; quibus iudicis potestas ad certam pœnam est restricta, iudex non habet licentiam procedendi vsque ad mortem ex arbitrio. Ad hæc generaliter statuendum est, non aliter iudici licere pœnam vsque ad mortem extendere, nisi crimen sit tam atrox & enorme, ut pœnam

nam mortis mereatur, vel nisi pro simili delicto commissio solet in illo loco infligi & imponi pœna mortis. *arg. l. sunt quadam vers. hanc rem. ff. de extra. crimi.* cuius verba sunt. Hanc rem solent præsidēs grauitē exequi vsque ad pœnam capitis, quia & ipsa res mortem minatur. Hanc sententiam amplectuntur *Maran. in Speculo aureo. d. sp. 3. Gomez. in var. resol. c. 6. de iniuria. nu. 8. Fachin. lib. 9. contro. c. 45. Mexoch. de arbitr. iud. lib. 1. quest. 86. num. 20. Dissentiunt Felin. in c. inquisitionis. de accus. Alex. conf. 121. in fi. lib. 7. Gravetta conf. 120. nu. 14. & conf. 224. num. 2. Decius sibi contrarium in l. qui iurisdictioni. nu. 9. ff. de iurisd. Afflict. decis. 276. nu. 9. qui negatiuam sententiam defendunt, quod iudex non possit in arbitrariis arbitrium suum extendere ad pœnam mortis naturalis: sed contraria sententia magis est communis.*

ASSERTIO LXIX.

*Furiosus de delicto ante furorem commissio
puniri potest.*

DISCEPTATUR à DD. An si quis tempore sanæ mentis homicidium vel aliud delictum commisit, & postea in furorem incidat, an durante furore possit condemnari pœnâ mortis vel alia corporali pœna. Et verior, legibusque magis consentanea est sententia, quod etiam in ipso furore puniri possit, neque superueniens furor adferat illi delicti impunitatem. Quæ sententia apertis textibus & iustissimis rationibus confirmatur: Primò pro hac parte est expressus textus in l. Diuus Marcus. ff. de off. præsid. cuius verba sunt hæc. *Si verò ut affolet, interuallu quibusdam sensu sanior est, & sortè eo momento scelus admisit, morbo eius non est danda venia.* Secundò probatur hæc decisio ex eo, quia cessat omnis ratio defensionis & excusationis, cum tempore habili & sana mente præditus deliquerit. Tertiò confirmatur hac ratione, quia in pœnis delictorum semper attenditur, qualis conditio rei fuerit tempore admissi criminis, non verò, quæ conditio fuerit tempore dicendæ sententiæ. *l. 1. ff. de pœn. l. iniuriarum. 21. ff. de iniur.* Quartò comprobatur hac sententia, quod iure decisum extat in l. ult. §. sed cum antiquitas. C. de curat. f. riof. quod si filius commiserit aliquam causam ingratitudinis, & post tempus fuere cæperit, nihilominus ex hæc dari potest, qui furiosus est, quia sanus deliquit. Hanc sententiam defendit *Gomez. lib. 3. vari. resol. c. 1. nu. 70. & 72.* præsertim in hoc casu, si delictum sit valde enorme. Quo loco subiicit, quod ex ista causa Serenissima Regina

Castella

Castellæ fecit puniri hominem furiosum, qui intulerat vulnus Serenissimo Regi Ferdinando marito suo. Attamen in contrariam partem, quam notat magis esse communem postea inclinat. Hanc sententiam approbat *Vandus lib. 2. varia. quest. c. 7.* Dissentit *And. Garl. lib. 2. Obs. c. 110.* vbi tradit moribus nostris non obseruari, vt furiosus de delicto ante furem commissio puniatur. Idque ea ratione, quia furiosus pro mortuo habetur. *l. bonorum 24. ff. Rem. rat. hab.* At mortuus non potest post mortem regulariter condemnari aut puniri. *l. defuncto. ff. de pub. iud.* Ergo nec furiosus post furem puniri potest, quia mortuo similis est.

Aduerlatur huic decihoni *d. l. Diuus. ff. de off. pres. l. pena. §. sanè. ff. Ad l. Pomp. de parric. & l. infans. ff. Ad l. Corn. de sic.* Quæ leges vnanimi consensu statuunt furiosum ob commissa delicta puniendum non esse, tum quia fati infelicitas eum excusat, tum quod satis grauiter ipso furore punitur. Resp. Istæ leges ita demum furioso impunitatem delicti indulgent, si eo tempore deliquit, cum furis agitabatur, iudiciiue & voluntatis expers erat, & consequenter talis, qui delinquere nullo modo potuit. Tunc enim fati infelicitas furiosum excusat, sicut infantem innocentia consilii. *d. l. infans.*

Secundò opponitur *l. 2. §. furiosus. ff. de iur. cod. l. vbi non voce. l. 24. §. ult. de R. I.* vbi traditur, quod furiosus habetur loco absentis, atqui absentes in criminibus pœnâ mortis vel corporali condemnari non possunt. *l. absentem. 5. ff. de pœn.* Ergo nec furiosi. Resp. Primò dicendum, quod fictè & in lata significatione furiosus loco absentis habetur: deinde in iis demum actibus & negotiis furiosi loco absentium habentur, in quibus consensus necessariò requiritur, vt pura in contractibus, testamentis, delictis, quæ quia non possunt iniri & committi nisi à consentientibus, & sine iudicio præditis, sit, vt in iis furiosi absentium loco habeantur. At verò, quia iudicia redduntur etiam in inuitum. *l. 83. §. 1. ff. de V. O.* hinc fit vt in iis furiosus non habeatur pro absente, quando scilicet agitur & pronuntiat de delictis, quæ reus ante furem, tempore sanæ mentis commisit.

ASSERTIO LXX.

Pœna non est minuenda ob id, quod à longo tempore delictum perpetratum fuit.

NON debet aliquis pœnæ diminutionem vel allevationem consequi, eò quod multum temporis à perpetrato crimine intercessit. Non enim longi temporis præscriptione impunitas criminum acquiritur, imò crimina quo diutius impunita manserunt, gravius potius vleiscenda censentur. Sic enim ipse Deus cum humano genere agere solet. Lento namque gradu ad vindictam in hominum peccatis animaduerrendis diuina procedit ira, sed tarditatem supplicij pœnæ grauitate compensat.

Obijcitur huic sententiæ *l. si diutino. ff. de pœn.* vbi traditur, quod si diutino tempore aliquis in reatu fuerit, aliquatenus pœna subleuanda erit. Vnde colligunt Accurs. Bart. & alii DD. minuendam esse pœnam ei qui crimen admisit, si longum tempus præterierit à perpetrato facinore. Resp. Ea non est sententia legis, quod criminis pœna sit subleuanda propter temporis diuturnitatem, sed quod reus qui longo tempore in reatu extitit, hoc est in tristi & sordido statu constitutus, quo solent accusati de crimine & in reos relati constitui, hoc mitius puniri debet. Reatus namque est habitus, qui tristem vultum ac vestitum reorum declarat, in quo sunt rei, donec absoluantur vel condemnentur. Solent enim inter reos relati in conspicuâ & miserandâ quadam calamitate constitui, vt scilicet squalore & illuvie confecti, promissâ barbâ, capillo intonso, habitu pannoso & sordido incederent, & sic misericordiam iudicum aucuparentur. Hic habitus pannosus & demissus status nomine reatus, non verò ipsum crimen significatur: *l. ult. ff. Ad l. Iul. Maiest. l. ult. §. de illo. ff. de bon. eorum qui sibi mort.* Itaque *d. l. si diutino*, vult eum lenius puniendum, qui diutius in eo miserabili statu reatus fuit constitutus. Nam antiquis hæc diuturna & miseranda calamitas, pars pœnæ, nec injuria vilâ fuit. Ita respondet *Cors. lib. 2. Miscel. c. 20.* Vide latius de hac quæstione *Fachin. lib. 9. contro. c. 38.*

ASSE

ASSERTIO LXXI.

Pœna capitalis appellatione vel mors vel deportatio continetur.

CAPITALIS pœna in jure dicitur, quando crimini vel pœna mortis naturalis, vel deportatio, quæ mors civilis dicitur, irrogatur. text. sunt expreſſi in l. ſed & ſi quis 4. an princ. ff. Si quis cau. l. edicto. §. rei capitalis. ff. de bon. poſſ. l. qui cum natu. maior. 4. §. is demum. ff. de bon. liber. l. 2. ff. de pub. ind. l. capitalium. 28. ff. de cœn. Atque hæc eſt communis & recepta DD. opinio, teſte Muſcorno in traſſa. de iuriſd. num. 88. Quæ ſententiâ præter allegatos locos etiam luce clariùs probatur in l. licet. 103. de V. S. in quâ diſerte ſcribit in hæc verba Modestiſſimus. Licet capitalis latinè loquentibus omnis cauſa exiſtimationis videatur, tamen appellatio capitalis, mortis vel amiſſionis ciuitatis eſt intelligenda.

Porro ſunt interpretes qui diuerſam ſuſtinent ſententiam, & ſtatuunt pœnam capitalem de naturali morte tantum intelligendam eſſe. Vnde quoties judex pœnâ capitali reum damnauit, eum pœnâ mortis naturalis afficiendum eſſe defendunt. Quæ ſententiâ non eſt recipienda.

Adferuntur autem pro contraria opinione hæc argumenta. Primò adducitur l. ſunt quedam. 9. ff. de extr. iord. crim. vbi Vlpianus tradit pœna capitis eoſe puniendos, qui *σκοπελίσμων* committunt, quia & res ipſa mortem comminatur. Reſponſio ad hanc legem facilis eſt. Nam verba ipſa, quia & res ipſa mortem comminatur, ſatis nobis iuſſit, eum de morte naturali pœnam capitis eo in loco intelligere voluiſſe.

Secundò opponitur l. qui eadem. 16. ff. Ad l. Corn. de ſica in qua dicitur, eos qui eadem amiſerunt, ſi in aliqua dignitate poſiti ſunt, deportari, ſi vero inferioris gradus ſint, capite puniri debere. Ibi pœna capitalis tantum de morte, non verò de deportatione accipitur. Reſp. Capitis pœna ſtriſſe eo loco intelligenda eſt, quia ad deportationis diſtinctionem appoſita eſt. Eodem modo ſolui poteſt, quod obijciunt ex l. ſia ff. de incend. ruin. naufr. vbi eodẽm pœnæ diſtinguuntur, qui conſultò incendium commiſerunt, & alii beſtijs obijciuntur, alij capite puniuntur, alij denique in inſulam deportantur. Poſtreind in contrarium adferunt hæc ratio. Verba, præſertim cum dubiſſimus, in propria atque naturali debent accipi ſignificatione. l. ſiſi. C. de ſiſi. qui ven. etc. Sed capitalis pœna caput hominis propriè ſignificat, ergo de illo intelligere eſt neceſſe, ſcilicet de amiſſione capitis, ſeu morte naturali.

naturali. Resp. Regula illius legis locum non habet, cum de pœnis infligendis agitur, quia benignior tempus in pœnis irrogandis accipienda est interpretatio. *l. penul. ff. de pœn.*

ASSERTIO LXXII.

Pœna non debet egredi delinquentem, sed suos debet tenere auctores.

REGULA hæc & legibus ciuilibus, & diuinis præceptis confirmatur & stabilitur. Sic enim Deus expressè per Prophetam *Ieremiam cap. 31. vers. 27. & Ezechielem cap. 18. vers. 2. & 26.* sancit, quod anima quæ peccauit, ipsa morietur, & filius non portabit iniquitatem patris, & pater non portabit iniquitatem filij. Hoc enim & diuinæ & humanæ iustitiæ consentaneum est, ne quisquam pro alieno delicto grauetur, & pœnas luat. Vnde & in *l. sancimus. C. de pœn.* statuitur, ne pœna transferatur in alios adfines vel cognatos, sed teneat authorem peccati. Ibi namque debet residere pœna peccati, vbi noxa est, id est, vbi delictum est admissum, nec vterius debet pœna progredi, quam delictum perpetratum reperitur. *Concord. l. crimen. 26. ff. de pœn.* vbi sancitur, quod crimen vel pœna paterna nullam maculam filio infligere potest.

Sed in hac quæstione pugnant duo loca sacrae scripturæ. Nam apud *Ezech. d. c. 18.* statuitur. Filius non portabit iniquitatem patris, sed quisque in peccato suo morietur. Contrarium affirmatur. *Exodi 20. vers. 5.* vbi Deus ait, se persecuturum iniquitatem patrum in filios in tertiam & quartam generationem. Resp. Hoc quomodo intelligendum sit, lex ipsa satis declarat. Nam additur odio habentes me. Verba textus quæ habentur *Ezech. cap. 18.* hæc sunt. Ego sum Deus æmulator, reddens iniquitatem patrum in filios, in tertiam & quartam generationem, iis, qui oderunt me. Vnde apparet non alios filios portaturos esse peccata maiorum, nisi qui illorum fuerint similes. Nam si ab eorum prauitate discedant, illorum peccata non portabunt. Hinc Deus *Deuter. cap. 24.* mandauit, ne filij pro parentibus occiderentur, aut parentes pro filiis. Vnde & pulchrè. Hieron. ait. Vindicat iniquitatem patrum in filios, non quod malos parentes habuerint, sed quod imitati sint patres. Tum enim filius portabit iniquitatem patris, quando ille itidem peccauit vt pater.

Secundò aduersatur locus *Iosua. c. 7.* vbi non tantum Ahas fuit occisus propter anathema quod sustulerat, verum etiam vna cum eo & filij & filia,

filia, & pecora. Resp. Hoc factum est singulari jussu Dei, nec legi in vniuersum lata præjudicat. *Mart. lib. 2. loc. com. cap. 4. num. 35.*

Obijcitur etiam *l. quisquis. §. filii. C. Ad l. Iul. maies.* vbi sancitur, quod filii reorum læsæ majestatis, h. e. quorum parentes contra Principem vel Remp. conspirarunt, graui pœnâ afficiuntur. Nam ex nullâ successione testati vel intestati possunt accipere aliqua bona, deinde perpetua infamia eos comitatur, neque ad vlllos honores vel dignitates aspirare possunt. Resp. Singulari jute in filios reorum læsæ majestatis tam grauis & acerba pœna est statuta, partim quia in filiis, paterni, hoc est hereditarii criminis exemplâ metuntur, partim verò vt alii hac grauitate pœnæ ab eo immani crimine, quod totum statum Reipub. vel ciuitatis euerit, deterreantur.

ASSERTIO LXXIII.

Ab interlocutoriâ sententiâ non appellatur.

TRADITUR passim in jure pro regula generali, quod ab interlocutoria sententia non appellatur, sed demum à definitiua, quæ decisio probatur in *l. ante sententia. C. Quorum appellat. non recip. Leos. §. super. C. de appell. l. ult. C. de sentent. l. liberis. 7. in fin. ff. de liberal. caus. l. apertissimi. C. de iudic.* Porro in hac quæstione differentia obseruanda est inter jus ciuile & Canonicum, nam jure ciuili non appellatur ab interlocutoria. Jure Canonico verò non solum ab interlocutoria sententia, sed à quolibet grauamine licet appellare. *cap. super eo. 2. ext. de appell. c. 1. cum Romana. 3. de appell. in 6.*

Huic decisioni primò repugnat *l. 2. ff. de appell. recip.* vbi traditur, quod quoties judex in ciuili negotio decreuit quæstiones seu tormenta adhibenda, vel in criminali causa contra leges hoc statuerit, tunc appellari posse etiam ante sententiam. Similiter obstat *l. arbitro ff. Qui satisf. cog.* vbi si per judicem interlocutum est, fideiussores à litigantibus datos esse idoneos, vel non, ab ea sententia appellatur. Resp. Quoties grauamen illatum per sententiam interlocutoriâ non potest reparari per definitiuam, tunc permissa est appellatio ab interlocutoria, vt in prædictis casibus accidit: si verò potest reparari, est illicita appellatio.

Secundò obijcitur *l. intra utile. 39. ff. de minorib.* vbi cum minor petiisset restitutionem in integrum, & probasset ætatem minorennem, judex quæ cum pronuntiasset esse minorem, ab hac interlocutoria licet appellare. Resp. sub distinctione. Aut talis est interlocutoria sententia, quæ perimit totum negotium, & tunc licet ab ea appellare, vt contingit in *d. l. intra utile. & ubi Costal.* Aut interlocutoria sententia totum negotiû non perimit, & tunc

Hh

non

non poterit ab ea appellari. *tex. in d.l. ante sententia. C. Quor. appell. non recip. & ibi pulchrè notat additio ad glossam. l. 2. C. de epis. audien. Ita respondet Bart. ad l. 2. num. 1. ff. de appell. recip.* Ita decidit quoque *Minsing. cent. 3. Obs. 35.* vbi notat quod quando interlocutoria sententia perimit totum negotium, tunc ab ea potest appellari. *per l. ait Prator. 7. §. per mittitur. ff. de mino. vt puta quando iudex pronuntiat vt debitores minorum soluant eis sine curatoribus, vel quando iudex pronuntiat se esse competentem iudicem, vel non, vel denique quando per sententiam interlocutoriam quis absoluitur ab obseruatione iudicii.*

ASSERTIO LXXIV.

In criminalibus causis etiam admittitur appellatio.

PROPOSITIO hæc manifestè probatur in *Leos. 61. addictos 29. C. de ap. pel. l. addictos. 7. in fin. C. de epis. audien. l. non tantum. 6. ff. de appell.* Porro manifestè conuictus & confessus de crimine non appellat, at confessus in criminali causa tantum, regulariter appellat. Idem est, si non sponte sit confessus, sed metu tormentorum? tunc enim quoque appellari potest. *l. 2. C. Quor. appell. non recip.*

Opponitur primò *l. constitutionibus. 6. ff. de appellat.* vbi dicitur latrones, seditionum concitatores, & factionum duces non posse appellare. Resp. Idèd hi non appellant, quia interest Reipub. propter atrocitatem criminum, hos sine mora & statim puniri, ne suis factionibus & conspirationibus Rempub. opprimant. Sic ob similem causam raptores virginum & matronarum non appellant. *l. vnic. in fin. princ. C. de rapt. virg.* Item falsi monetarii *l. 1. in princ. C. de fals. mon.* De generali tamen consuetudine Germaniæ in criminalibus causis non admittitur appellatio, vt notat *Wesemb. in parat. de appell. recip. Ord. Cam. par. 2. tit. 28. §. Item nach dem auch.*

Secundò opponitur *l. si quæ pæna 244. ff. de V. S.* vbi traditur, quod à pœnis non admittitur prouocatio: simul atque enim quis de aliquo crimine conuictus est, statim eius maleficii pœna, quæ à lege statuta est, debetur. Itaque si quis à pœna à legibus pro crimine statuta appellaret, videretur de iniquitate legum conqueri, quod non est admittendum. Resp. Hodie pœnæ delictorum certò non sunt amplius legibus definitæ, sed potius consistunt in arbitrio & potestate iudicis, qui potest eas pro delicti qualitate & circumstantiis extra ordinem augere vel minuere. *l. hodie 13 ff. de pæn.* Idèdque hodie etiam in criminalibus causis seu pœnis delictorum admittitur de iure scripto appellatio. Ita tradit *Cuiat. lib. Obs. 8. c. 33.*

ASSER-

ASSERTIO LXXV.

Bella iure Diuino inter Christianos licita sunt.

QUOD sacris literis bella etiam Christianis permiffa fint, variis & diuerfis facra scriptura locis demonstrari potest, sed ex multis tantum sufficiat hos tres adduxisse. Primò probatur hæc sententia ex *Luca cap. 3.* vbi cum milites à Johanne Baptista consilium salutis expetissent, responsum iis est, vt neminem concuterent, nemini iniuriam facerent, sed propriis stipendiis contenti essent. Si Christiana disciplina omnia bella damnaret, hoc potius consilium dedisset militibus salutis viam petentibus vt arma abijcerent, seque militiæ subducerent. Certè quibus proprium stipendium sufficere præcepit, militare vtique non prohibuit. Ita eruditè scriptum reliquit *D. Augustin. epist. 5. ad Marcellin.* Secundò pro defensione hujus sententiæ adfertur locus ex *2. Samuel. cap. 10.* vbi Joab tribunus militum populi Israelitici, & si euentum prælii in manu arbitrioque Dei esse agnoscit, non tamen inertie se dedit, sed aciem instruxit contra hostes, & quod sui officii erat, sedulò executus est, Domino autem permittit euentum moderari. Vnde sic proloquitur. Stabimus fortes pro gente nostra, & viribus Dei nostri, Dominus autem faciat, quod videtur bonum in oculis ipsius. Tertiò *Deuter. 20. cap.* à Moysè militares leges præscribuntur in pugnis & obsidionibus. Nam conceditur Judæis, quibuscunque Populis, qui se in deditionem eorum dedissent, tributum imponere, eos verò quos obsidione caperent, gladio ferire & prædari. Quod tamen ita intelligendum esse constat, si belli inferendi iustæ & probabiles causæ extitissent. Denique bellum etiam iustè & licitè ex ordinatione mandatoque Dei geri posse, patet ex definitione belli, quæ ita rectè traditur, quod bellum est dissensio hostilis, quæ edicto Principis vi & armis scelera coercentur, vt homines pacatè & tranquillè ex iustitia & pietate viuere possint. Bellum igitur, quod edicto Principis in eum finem indicitur, vt iustè pietque viuatur, iustum & licitum est. Hinc *Augustin. quasi. 10. in Iosue* ait, ius esse petere bello gentem aliquam quæ neglexit corrigere id, quod turpiter est admissum, & addit belli causam iustam esse, si ablata per iniuriam non reddantur. Idem recitatur in *1. dominus 23. qu. 2.* *Isidorus quoque lib. 17. cap. 1.* ait. Bellum rectè suscipi, vel de rebus repetendis, vel propulsandis iniuriis.

Contra hanc sententiam insurgunt Anabaptistæ, & prætendunt omnino non licere bellum gerere, & in eam rem proferunt argumenta quædam ex sacris literis, quæ ordine refutabo.

Hh 2

Primò

Primò obijciunt hoc modo. Bella suscipiuntur ad vindicandas injurias: sed non licet nobis injurias vindicare, ergo nec bellum gerere. Assumptionem probant. ex. *cap. 5. Matthæi*, vbi Christus inquit, Si quis tibi impegerit alapam in maxillam dextram, porrige illi & sinistram, si quis tibi tunicam eripuerit, dato illi & pallium, & postremò concludit. Nolite resistere malo. Item Christus Petro respondit, *Matth. 26.* Qui gladio ferit, gladio peribit. Hæc testimoniis & præceptis Christus eripit priuatis hominibus studium vindictæ, non verò magistratum exarmat, cui gladium dedit ad vindictam nocentium & laudem rectè agentium. *Rom. 14. vers. 4. 1. Petr. 2. 14.* Itaque in prædictis locis Christus instituit Apostolos, quos non erat facturus magistratus, sed missurus in orbem terrarum, tanquam agnos inter lupos: proinde docet, quid illos oporteat expectare, quod videlicet omnes qui in Christo piè viuere volunt, persecutionem pati cogantur. *2. Tim. 3.* Magistratui autem commendat gladiū ad vindictam malorum. *Rom. 13.* Quod autem Christus Petro dixit, Reconde gladium, qui gladio ferit, gladio peribit, iusta de causa respondit, nam Petrus priuatus erat, & malo spiritu mouebatur. Adhæc Petrus erat constitutus à Deo pastor animarum, & præco Euangelij. Vnde non debuit priuatæ vindictæ gratia gladium stringere.

Secundò in contrarium adducitur locus ex *Matthæo cap. 7.* vbi Christus inquit, Nolite iudicare, & non iudicabimini. At ille qui alteri bellum infert, eum contra quem pugnat, iudicat, & vsurpat sibi munus & auctoritatem Dei, & iudicat alienum seruum. Resp. Christus ibi non sustulit omne genus iudicii, sed illos reprehendit, qui aliorum errata tantum obseruant & diuulgant, non vt eos emendent, sed potius vt traducant & maledictis infestentur. Hoc quoniam ex odio, inuidia & superbia nascitur, Christus taxat. Idque Christum sensisse ex sequentibus apparet: dum inquit. Elice prius trabem ex oculo tuo, vt videre possis & tollere festucam ex oculo fratris tui. Nam alias aperta delicta, vt furta homicidia & adulteria, si modo absit amarulentia & exandescencia, licet nobis condemnare, quia Deus ipse ea condemnat.

Tertiò adfertur locus *Pauli 1. ad Corinth. cap. 6.* vbi ait Apostolus, Jam igitur omnino impotentia in vobis est, quod iudicia habetis inter vosmet ipsos: quin potius damnum accipitis, quin potius iniuriam patimini: quod si non licet litigare, multò minus licet bellum gerere. Respond. Paulus non tollit omnia iudicia, sed tantum ea quæ exercebantur à Christianis apud tribunalia Ethnicorum magistratum. Sed instatur contra responsonem. Imò Paulus prorsus à iudiciis homines reuocat, dum inquit, Cur non potius damnum sustinetis, cur non potius iniuriam accipitis. Resp.

Vult

Vult Apostolus, vt odium tantum & acerbiteriam inimicitarum, quæ in exercendis litibus internenite solent, deponant litigantes. Alioqui, quod litigare liceat, apparet satis ex eodem Pauli loco. Is enim monet tenuiores homines in ecclesia deligendos, qui cognoscant fratrum causas.

Quartò depromunt aduersarii pro sua sententia locum *Ioan. cap. 14.* vbi Christus inquit, pacem meam do vobis. Item citant locum *Pauli ad Romanos 12.* Cum omnibus hominibus pacem habete. Si Christus nobis pacem suam reliquit, ergo non licet bellum gerere. Resp. Christus ibi per pacem intelligit pacem conscientiarum: Hanc Christus nobis pretiosa sua morte & resurrectione peperit: præterea mandauit etiam pacem hominibus inter se colendam, sed hæc nihil pertinent ad magistratum, vel gladium illi à Deo commissum.

Quintò adducitur locus ex *Esaia cap. 2.* & *Mih. 4.* vbi Prophetæ aiunt lanceas conuertendas esse in vomeres, & gladios in ligones. Resp. Istis verbis denuntiant Prophetæ summam pacem & tranquillitatem inter homines, cuius felicitatis habemus quidem in hæc vita inchoationem quandam, sed complementum in vita æterna sentiemus. Et quidem si homines viuerent, vt Christianos decet, nihil opus esset gladio, vel armis neque bella vnquam inter homines excitarentur, si prout deberent homines; Christum pie sanctèque colerent.

Sextò & vltimò arguitur in contrarium; quod bella nostra spiritalia tantum esse debent, ideo *Paulus ad Ephes. 6.* instruit nos armatura Dei. Item *Paulus 2. ad Cor. c. 10.* inquit, Arma nostræ militiæ sunt spiritalia, quia non est nobis dimicatio aduersus carnem & sanguinem, sed aduersus coelestes nequitias. Resp. Verum est, quod arma nostra sunt spiritalia, quatenus Christiani sumus, sed quatenus homines sumus, noluit Apostolus arma eripere magistratui. Quod autem subiecti *Apostolus* non esse nobis luctam aduersus carnem & sanguinem, hoc non absolute, sed ex collatione accipiendum est, quod scilicet hæc lucta cum carne & sanguine nulla sit, si cum altera illa spiritali conferatur. Plura de hoc argumento solidè & doctè tractat *Mart. in loc. com. class. 4. cap. 16.* & *libro 2. Regum. cap. 2.* ex quo plurius me mutatum esse ingenuè profiteor.

Hh 3:

ASSER-

ASSERTIO LXXVI.

Duella iure Diuino & humano sunt probibata.

DVELLVM est pugna duorum, suscepta ex pacto & mutuâ voluntate alterum occidendi, siue priuato consilio, siue publico permisso. Hæc duella primo iure Romano sunt probibita, idque probatur per *Lynic. C. de gladiato. lib. 11.* vbi Imper. planè prohibet, ne cruenta spectacula in otis & quiete exercentur, idèòque gladiatores omninò à Repub. excludit. Idem statuitur in *Lynic. C. Ut armo. vsus inf.* Princip. sit interd. vbi seuerè Imperator armorum portandorum siue mouendorum copiam, sine Principis veniâ interdicit. Idem statuit Imper. in *No. 85. de armis. Fac. l. in arenam xi. C. de inoff. test.* vbi probibetur ne quis in arenam sponte prodire possit, vt cum aliquo pugnet, aut armis decertet. Ad hæc Iure Canonico in totum quoque duella distictè sunt interdita. per *cap. 1. 2. & vlt. ext. de purg. vulg.* vbi planè duella inter Christianos probibentur propter duas rationes: prima est, quia per ea sæpe innocentes & absoluedi condemnantur. Vincit enim in duellis plerumque non iustior, sed robustior, & exercitior. Secunda est, quia cum huiusmodi probatio & diiudicatio causæ per duella sit dubia & fallax, per ea Deus tentari censetur, quia committitur salus publica vel priuata fortuito euentui pugne. *monomarchiam 2. q. 4. & ibi Glossa.*

Sed opponitur huic decisioni locus 1. *Samuel. cap. 17.* vbi sanctus & pius rex & propheta Dauid prouocauit Goliath ad duellum. Quod factum scriptura non improbat, sed prorsus commendat: testatur enim dicto loco Samuel, quod Dauid abstulit probum ab Israël, & vindicauit præputiarum Philisteam, qui probro affecerat acies Dei viuientis. Resp. Dauid hoc fecit singulari reuelatione Spiritus sancti, & ex instinctu Prophetico. Igitur hoc singulare factum Dauidis non est imitandum, neque in exemplum trahendum.

Secundò arguitur in contrarium hoc modo. Sortes sunt licitæ, in quibus euentus causæ seu negotij committitur fortunæ. Ergo etiam permissum est calumnias & odia aduersariorum finire per euentum ancipitis pugne in duello. Resp. Hæc sunt valde dissimilia: primò quia in sorte non est periculum cedis, secundò non adhibetur fors in veritatis inquisitione, sed in diuisione rerum.

Tertiò opponitur. Jonas fuit eiectus ex naui ad euitandum naufragium ex iudicio sortis. Ergo etiam de innocentia & vitâ hominis statuere licet ex euentu

ex euentu fortuito. Resp. Hæc sortitio & ejectio Jonæ fuit facta ex singulari instinctu diuino, & tamen cum formidine, ideoque non sine peccato nautarum est commissa.

Quartoaduersatur hoc argumentum. Prælio rectè licet decernere, vbi jure res non potest expediri. Ergo & monomachia. Resp. Negatur consequentia propter dissimilitudinem. Nam in bello totis viribus defenditur justitia, at in monomachia temerario fortunæ euentus causa committitur. Ita eleganter tradit *Ursinus in exercitat. Theolog. quest. 11.*

Quintò opponitur l. 7. §. si quis in colluctatione. ff. ad l. Aquil. vbi traditur, quod si quis in colluctatione aliquem occidit, non tenetur lege Aquilia. Resp. Ille §. loquitur de colluctatione facta in certamine publico, puta inter hostes, vel à Principe inter priuatos virtutis causa concessio, eo casu permittitur duellum, jure tamen Canonico istæ concertationes virtutis causa interdixtæ sunt. c. 1. & 2. ex de torneament. Alciatus aliter in libro de singulari certamine respondet, idè colluctationes esse permissas, quia vix in eo ludo quisquam occidi poterat. Non enim armis aut fustibus, sed pugnis, calcibus, cubitis, nudi & in cæno vel arena se volutantes & inuicem supplantantes certabant.

Vltimò obijcitur ex jure feudorum. c. de pace tenend. & ejus violat. §. si quis hominem, vbi Jmp. Fridericus permittit, vt si quis homicidij ab aliquo accusetur, & si se innocentem asserat, possit se duello purgare. Resp. Eo tantum singulari casu permisit Jmp. duellum, quando quis non voluntariè sed casualiter, & ad vitæ suæ defensionem cædem admisit, videlicet si ab altero prouocatus ad pugnam, vitam suam defendit duello, & ita ad sui defensionem tantum duellum conceditur. Quod cunque enim quis ob tutelam sui corporis fecit, id jure fecisse existimandus est, l. vt vim. ff. de inj. & iur. l. 1. C. Vnde vi. Iaco. de Beltrio ad d. §. si quis hominem. Itaque cum hoc singulari casu tantum pro innocentie suæ probatione, & in casu necessariæ defensionis admittatur duellum, in contrarium obtinet jus commune, quo omni jure tam diuino quam humano duella sunt prohibita, & ne quidem à magistratu concedi debent, quia iniustæ cædes innocentum ex duello oriuntur, quas magistratus præcauere & auertere debet. Vide latius de hac questione disputantem *Martyrem, in loc. commun. claf. 4. cap. 18. De singulari certamine seu duello, & lib. 1. Samuel. cap. 17. Bodin. lib. 4. de Repub. cap. vlt.* vbi notat quod Henricus II. Rex Galliz, qui monomachiam decretam, magno illustrium virorum concursu terminari non sine acerbissimo dolore viderat, lege perpetua in posterum controuersias duello dirimi vetuit Anno 1584. additque ibi, Bodinus quod legibus Hispanorum duelli nulla iusta causa probatur.

A SSER-

ASSERTIO LXXVII.

Quælibet ciuitates tempore necessitatis subditis suis collectas imponere possunt.

VNACVÆQVE ciuitas, vniuersitas, collegium, licet non habeat regalia, tamen tempore necessitatis ciuibus suis collectas imponere potest. Nam hoc non est de regalibus. Probatur hoc per l.1. §. quod si nemo. ff. Quod cui vni. no. vbi dicitur, vniuersitatem, societatem, collegium arcam communem habere posse. Similiter in l. omnes. C. de oper. publ. Imp. referriperunt, incolas ciuitatum nouos muros debere facere, & vetere firmitus renouare, impendijs ad hoc ordinandis: hoc est collectis imponendis: vt Bart. interpretatur in l.1. C. de mulier. & in quoloco lib.10. Idem probat Gloss. in d.l.1. §. quod si nemo, in verb. praconsul. vbi inquit, Si nihil ciuitates habent commune, coguntur facere collectam, vt aliquod commune habeant. Idem tradit Gloss. in No. quib. mod. nat. eff. sui. §. si quis igitur. in verb. persoluit. Nota ait, quod villæ & castra sub ciuitate collectas facere possunt. Quod & discretè confirmat Bart. in l. placet. nu.13. C. de SS. eccles. dum inquit, Ciuitates quæ merum imperium præscriperunt, collectas imponere possunt. Idem Bart. in l. vnic. num.2. C. de superindicto. lib.10. Ciuitas inquit, pro necessitate imponere collectas potest, & cogitur. Eandem sententiam amplectuntur Bald. Iason. Angil. Alex. Costal. in l.1. §. Quod cui vni. no. vbi Angelus refert se hanc questionem Paduæ de facto habuisse & obtinuisse, quod villæ & ciuitates pro suis necessitatibus collectam indicare possunt. Sequuntur multi alij pragmatici relati à Borcholt. ad. c. vnic. Quæ sint. regal. num. 33. & 34. in vsibus feudorum. Sic vniuersitas potest imponere collectas pro dissoluendis debitis expediendis, litium impensis, & alijs similibus rebus. Similiter pro refectione & munitione viarum publicarum ciuitatis ciuibus collectæ imponi possunt, pro quantitate patrimonii. Bart. in l.2. nu.3. C. de immunit. nemini conced. lib.10.

Aliis interpretibus contraria sententia placuit, quod scilicet ciuitates jus imponendi collectas non habeant. Ita statuit Alberic. in rubr. de mun. & hon. num. 56. Iacobin. de S. Georg. in feud. super verb. cum mero mixtoq. imperio. nu.16. Qui suam sententiam comprobant hoc argumento, quod impositiones collectarum sint de regalibus, ideoque soli Principi competant per c. vnic. in verbo rectigalia. In vsibus feud. Verum contraria sententia & verior est, & legibus magis consentanea, pluribusque DD. auctoritatibus confirmatur.

Nec

Nec obstat, quod impositio collectarum videatur esse de regalibus, ideoque solis Principibus non recognoscentibus superiorem, & Imperatori eas indicendi potestas videtur concessa. Nam quoties indicuntur collectæ extra casum necessitatis pro utilitate publicâ, veluti ut donetur aliquid Principi in ejus nouo aduentu, vel ut noua aliqua domus pro ciuitate extruatur, tunc impositio collectarum est de regalibus, & soli Principi hos jus reservatum est. Cum autem necessitatis causâ collectæ imponuntur, tunc non pertinent ad regalia, & possunt imponi atque constitui à ciuitatibus absque Principis consensu. Ita vnanimi consensu receptum est à DD. referente *Guidone Papa in decisionib. Gratiano politanis. quest. 87. ut testatur Borcholt d. loco.*

Non obstat *l. vnic. C. de super indicto. lib. 10.* quæ videtur velle, quod nemo possit collectas imponere nisi solus Imperator, aut nisi fiat cum consensu Imp. vel Principis. Nam ille text. intelligi debet de collectis imponendis in toto imperio, & pro necessitate seu utilitate publica totius imperii, sed pro necessitate vnius prouinciæ vel ciuitatis potest etiam ipsa ciuitas imponere collectas. *Borcholt. d. loc. num. 54.*

Denique notandum, quod solus princeps vel Imp. Romanus vectigalia imponit. *l. cum qui. 16. l. inter publica. 17. §. 1. de V. S. l. 3. C. No. vect. inst. non pos. A ciuitatibus autem, præside vel curia constitui non possunt, l. 2. C. No. vect. inst. non pos. l. vectigalia. 10. ff. de publ. vect.* Hinc etiam rectè vectigalia seu telonia inter regalia computantur. *c. vnic. Quæ sint regal. In vsib. feud.* Ideoque vectigalia sine permissu Imperatoris imposita, licita vectigalia non sunt, etsi decreto ciuitatum, vel à Præsidente aut curiâ instituta fuerint. *d. l. 2. C. No. vect. inst. l. 10. ff. de publ. & vectig.* ut tale vectigal non modò impunè fraudari possit. *Borcholt. d. loc. num. 47. Mins. cent. 3. obs. 29.* sed etiam illud instituentes sine permissu Imperatoris. *l. Julia de ambitu & l. Julia de vi publicâ teneantur. l. vnic. ff. Ad l. Iul. amb. l. vlt. ff. Ad l. Iul. de vi publ. Borcholt. d. loco.*

ASSERTIO LXXVIII.

Ecclesiarum ministri ab ordinariis tributis & oneribus publicis non sunt immunes.

PERSONÆ ecclesiasticæ, ut sunt Clerici & ecclesiarum ministri, ab ordinariis tributis functionibus non sunt immunes, sed eas collationes seu contributiones non minus quam aliæ seculares persone

præstare tenentur. Ita statuunt Imp. Honorius & Theodosius in *l. placet* 5. in verb. *nihil præter canonicam illationem eis ingeratur. l. iubemus. 10. & l. seq. C. d. sacr. eccles.* Idem sancit Imper. Constantinus in *l. 3. C. de episc. & cleric.* Ab extraordinariis verò muneribus & collationibus ecclesiastici sunt immunes, vt ab onere suscipiendi hospites seu milites, & aliis similibus *l. 1. C. de episc. & cler.* Ordinaria tributa sunt, quæ habent certam annuum vel similem præstationem, & sunt imposita per constitutionem superioris. *Barr. ad l. placet. §. num. 13. C. de SS. eccles.* Talia sunt tributa quæ imponuntur prædiis & possessionibus. Item vectigalia quæ indicuntur mercibus, sunt ordinaria onera & realia tributa *l. Imperatores. ff. de publ. & vect.* Extrordinaria tributa sunt, quæ non sunt imposita per constitutionem Principis, vel legem scriptam, sed per motum superioris indicuntur, neque habent certam formam *l. 1. C. de vacat. publ. mun. lib. 10. Barr. d. loco.* Confirmat hoc eleganter *Ambrós. in §. cap. Luca. lib. 4. c. pen.* his verbis, Si tributum petit Imp. non negamus, agri ecclesiæ tributa soluunt. Si enim censum Filius Dei soluit, quis tu tantus es qui non puras soluendum. *Luca 17.*

Opponitur *Auth. Item nulla communitas. C. de episc. & cler.* vbi Imp. Fredericus sub graui pœnâ, videlicet restitutione tripli interdicat, ne ecclesiasticis personis vllæ exactiones vel collectæ indici possint. *Resp. Barr. ad d. l. placet. num. 35.* quod ecclesiastici siue clerici teneantur ad ordinaria & certa munera seu tributa, quæ ipsi rebus seu possessionibus indicuntur, sed ad extraordinaria indicta tributa, sicut aduenæ, seu peregrini, ita nec clerici tenentur. *d. l. placet. in verb. nihil extraordinarium hinc flagitetur C. de SS. eccles. l. iubemus 10. & l. neminem 11. C. eod. d. l. 1. C. de episc. & cler.* Ratio diuersitatis est, quia ordinaria munera, vt sunt tributa agrorum, item collationes ad sternendas vias publicas, & pontes reficiendos, ipsis possessionibus & fundis, item vectigalia mercium rebus ipsis & mercibus imponuntur, at verò extraordinariæ contributiones indicuntur ipsis personis. Quia verò Clerici non subiacent iurisdictioni sæcularium Principum, puta Regum, Ducum, Comitum, & liberarum ciuitatum, à quibus solis imponuntur huiusmodi tributa & collectæ, ab his oneribus clerici sunt immunes. Ab ordinariis verò tributis & vectigalibus, quæ non personis sed possessionibus agris, & ædificiis, item mercibus imponuntur *d. l. Imperatores. ff. de publ. & vect. l. 1. C. de indiction. lib. 10.* ecclesiastici non habent immunitatem. *Barr. ad d. l. placet. nu. 32* Probat hęc distinctio aperto textu, in *l. vlt. §. patrimoniorū. ff. de mun. & hon. vbi IC. Arcadius ait.* Nā onera, quæ patrimonii, possessionibus, & prædiis indicuntur, veluti agminales equi, & mulæ, angariæ atque veredi, quæ obsequia, qui neque municipales, neque incolæ sunt, agnoscere tenentur, si habet bona, vbi petuntur, & abs huiusmodi muneribus, neque primi pilaris,

pilari
Ponti
oneri
hum
est d
Sec
xes R
domu
Attax
pore t
num a
Ursin
nistri
rium
bere e
det M
taxer
deba
& de
Ener.
has a

E
minif
sente
absen
Sec
recte
fert p
pollic
tionis
rentis
que pa

pilaris, neque vetetanus, aut miles, aut Pontifex excusatur. vbi *Gl. in verb. Pontifex notat.* Ergo neque ecclesia, neque clericus immunes sunt ab his oneribus & collectis patrimonialibus, quia vt prædia possideant, à lege humana est, sed quod pro ea ius primitiarum & decimationis habent, hoc est à lege Dei, & ideò pro suo Episcopo propriè Principi sublit.

Secundò obijcitur locus sacrae scripturae, *Esdra cap. 7. vers. 24.* vbi Artaxerxes Rex legem sanciuir, & statuit, ne vllis sacerdotibus Levitis & ministris domus Dei canonem aut vectigal liceat imponere. Resp. Exemplum hoc Artaxerxis non est lex, sed singulare quoddam priuilegium, quod isto tempore tantum Rex concessit Israelitis, vt facilius templum Ierosolymitanum ædificare possent, & in eo officium diuinum præstare. Ita respondet *Ursinus lib. 2. exercitat. Theolog. quest. 70.* vbi decidit, quod si immunes sint ministri ecclesiarum certis in locis à tributis pendendis, beneficio magistratum, debere eos vti ista commoditate grato animo, sin minus, non debere eos propterea contendere. Aliter ad prædictum locum *Esdrae* respondet *Martyr lib. 4. locor. Commu. cap. 2.* videlicet quod ideò mandauerit Artaxerxes ne sacerdotibus tributa imponerentur, quia illi agros non possidebant inter filios Israël, sed tantum vivebant ex sacrificiis, oblationibus, & decimis. Vide *Martyrem libro 4. locor. com. cap. 13. nu. 23. 24. & seqq. & Nicol. Euer. in loc. legal.* in loco à verisimili, vbi egregiè defendit clericos & ecclesias ab ordinariis tributis & vectigalibus principum non esse immunes.

ASSERTIO LXXIX.

Absens ex pollicitatione non obligatur.

ET IAMS I pollicitatio Reipub. fiat ex iusta causa, vt oportet, tamen hoc non sufficit, vt producatur obligatio efficax, nisi fiat etiam promissio apud Rempub. vel præsentibus Reipub. curatoribus aut administratoribus *l. 9. ff. de pollicitat.* Non enim valet pollicitatio, quæ ab absente fit per epistolam *l. 5. ff. eodem*, sicut nec stipulatio contrahitur inter absentes per nuntium vel epistolam. *l. 1. in princ. ff. de V. O.*

Sed aduersatur huic decisioni *l. 2. ff. de pact.* vbi traditur, quod pactum rectè fit per epistolam, quam absens absenti mittit. Resp. In hoc casu differt pollicitatio à pacto, quia pacta legitime inter absentes concipiuntur, pollicitatio non item. Hoc manifestè probatur ex definitione pollicitationis, quæ traditur *in l. 3. ff. de pollicitation.* quod scilicet pollicitatio sit offerentis promissum. Verbum offerre satis indicat, requiri præsentiam vtriusque partis. Nec enim absens absenti rectè dicitur offerre, sed præsens

præfenti tantum, aut verbotenus, aut cautione interposita ex scripto per epistolam. l. de die 25. in princ. ff. de pos. Ita eleganter docet Cuias. lib. obf. 26. cap. 19.

ASSERTIO LXXX.

Fabulosa donatio Imp. Constantini Magni, quâ Pontifici Syluestro urbem Romam, ceterasque Italie prouincias falsò donasse fertur, iure non fuit licita.

QUOD donatio Constantini Magni, quâ Pontifices Romani suam dominationem & imperium stabilire nituntur, & falsò jactant, quod Imp. Constantinus Magnus Syluestro Pontifici, urbem Romam ceterasque Italie vrbes & prouincias donauerit, prout habetur. *in c. Constantinus. dist. 96.* ficta e mentita & fabulosa sit, abundè & copiosè scriptis suis demonstrant *Nicolaus Cusanus, Laurentius Valla, Volaterranus, & Aeneas Sylvius*, aliiq; eruditi & fide digni authores, qui tamen aliqui Pontificie sedis strenui antistites & patroni existerunt. Ita post alios nouissimè eleganter & dilucidè tradit *Baleus in tractatu de illustribus viris Anglia.*

Præterea quod prædicta donatio nec de facto vnquam processit, nec de jure diuino aut humano subsistere potuit, hisce decem solidis & firmis argumentis comprobatur.

Primò quod hæc donatio fabulosa & non hæsit, id ex ipsa inscriptione Canonis liquidò apparet: Nam prædictum *cap. Constantinus*, inscribitur palea à Compilatore Decretorum, quo apertè innuitur, quod supposititiu & adulterinus sit hic Canon, ut pote qui inter paleas iuris Canonici habeatur, & propterea fidem non meretur, neque in scholis vt ibidem Glo. notat, est legendus, cum non sit locus authenticus, sed inter paleas & zizanias ab ipsis Canonistis referatur. Licet illa palea multum grani attulerit ecclesijs, ex quo in immensum eorum opes creuerunt. Confirmat hoc euidenter *Platina in vitâ Pontificum, in vita Ioan. septimi.* hisce verbis. De donatione Constantini nihil certi habetur, paleamque iuris Pontificij periti appellant, quod sine frumento sit, quomodo de confirmatione constabit.

Secundò falsitas huius donationis inde apparet, quod optimi & fide dignissimi authores ejus donationis à Constantino factæ non meminerunt.

Tertiò

Ter
de rit
imper
suos f
auita
quod
Ponti
Qu
in d. c.
quatu
Hiero
be ter
tempo
ficata.
Qu
sias or
emine
ta est
epist. 3.
copi
men v
ab inv
sub q
cum c
stabil
Sex
quia t
exerci
tus, n
stanti
tuum
chi In
ta, à Ju
tifices
in Chr
Sep
nation
potent
functio

Tertio confirmatur hæc sententia ex eo, quod *Eusebius* disertè scribit *lib. 4. de vitâ Constantini Magni c. 51.* quod Imp. Constantinus Magnus vniuersum imperium suum, quod se ad extremas mundi partes extendebat, inter tres suos filios Constantium, & Constantinum & Constantem ita diuiderit, ut auita regna maiori natu filio, deinde Orientis partes huic ætate proximo, quod verò inter hæc medium interiacebat, tertio filio tribuerit. Ergo nihil Pontifici Romano relictum est.

Quarto comprobatur hæc decisio ex eo, quod traditur à Pontificibus in *d. c. Constantinus*, quod Imp. Constantinus tribuerit Syluestro super quatuor sedes, Alexandrinam, Antiochenam, Constantinopolitanam, & Hierosolymitanam principatum, & denique super omnes in vniuerso orbe terrarum Ecclesias Dei. Atqui Constantinopolitana ciuitas tunc temporis nondum erat extructa, sed à Constantino primum fuit exadificata.

Quinto refutatur solidè hæc donatio, & dominatio in omnes Ecclesias orbis, Pontifici collata, hoc argumento, quia vsurpatio huius præeminentiæ & dominationis in vniuersas ecclesias, certa & infallibilis nota est Antichristi. Sic enim ipse Pont. Gregorius Magnus *lib. 4. epistolarum, epist. 32. 34. 36. & 38. & lib. 7. epist. 30.* scriptum reliquit, quod vniuersalis Episcopi nomen soli & vni Antichristi præcurfiori conueniat. Hoc autem nomen vniuersalis Episcopi, & capitis Ecclesiæ, primus Bonifacius quartus, ab impurissimo Imp. Phoca circiter Annum Domini 607. sibi redemit; sub quo Imp. vno eodemque tempore crudelissimum imperium Turcicum duce Mahometo, & idololatricum regnum Pontificium erectum & stabilitum est.

Sextò falsitas Constantinianæ donationis hinc liquidò demonstratur, quia tradere imperium, est iuramento obligare Senatum Romanum, & exercitus, ut illi obtemperent, cui imperium traditur. Atqui nec exercitus, nec Senatus tunc iurabat Romano Episcopo. Sed Imperatores Constantinus, Iulianus, & Iustinianus, alique successores, soli fuerunt exercituum domini, qui & præfectos vrbis Romæ constituerunt. Deinde hexarchi Imperatorum vicarii fuerunt in Italiâ circiter annos centum sexaginta, à Justiniano secundo vsque ad Pipinum. Itaque historiæ testantur, Pontifices Romanos non tenuisse imperium vrbis Romæ, aut Italiæ. *Melanb. in Chronic. in vita Constantini M.*

Septimò etiam si ex prædictis satis liqueat, nunquam fuisse factam donationem vrbis & provinciarum à Constantino Imp. tamen etiam si hæc potentia oblata esset Syluestro Pontifici, non licuit illicam accipere in ea functione in qua constitutus erat, & successoribus tradere. Nam quilibet

debet officia suæ vocationis exequi, iuxta dicta S. Scripturæ. In hoc sitis ambitiosi, vt sitis quieti, & faciatis propria. Regis est gubernare exercitus, bella pacemque decernere, Pastoris autem seu Episcopi est verbo Deo docere, & instituere Populum sibi commissum. Itaque pastores destinati ministerio Euangelico, non debent etiam sibi offeratur, arripere politica imperia. Nemo enim militans Deo implicare se debet negotiis secularibus.

Octauo ex actis Pontificum, & aliorum historicorum monumentis abundè apparet, quod illa ambitiosa libido dominandi Pontificum, multa pernitiola schismata peperit in Ecclesiâ, & causam præbuit, quod longæuo & infinito tempore duo Antipapæ simul imperarunt. De quâ re in hæc verba *Ferrariensis in practica sua*, in *for. responsionis rei conuenit, in verb. præscriptionis*, eleganter scriptum reliquit. Schisma in Ecclesiâ Dei inde exortum, quod duo Papæ simul sunt creati, nunquam cessabit, neque Ecclesiâ vel Italia quiescet, quo ad Ecclesiâ ciuitates vel castra possidebit, & à Constantino donatio eidem facta (uti fertur) non fuit per aliquem probum & potentem Imp. penitus reuocata, cum non bene conueniat psalterium cum cithara, nec dictum sit à Christo nec à beato Petro, quod possidere debeant talia, sed quod est Cæsaris, reddatur Cæsari, & quod est Dei, Deo.

Nonò hanc donationem iure diuino non potuisse subsistere, neque iustè aut licitè Pontifices sibi vendicare iurisdictionem, aut merum & mixtum imperium in regna, prouincias vrbes, & ciuitates inde colligitur, quod Christus dixit Petro. *Matth. 26.* Conuerte gladium tuum in locum suum. Quicunque enim gladium acceperit, gladio peribit. Accipere autem gladium dicuntur, quibus à Deo non traditur, id est, qui præter vocationem gladio vtuntur, vt faciunt Pontifices Romani.

Decimò & vltimò confirmatur hæc sententia ex propriis Pontificiorum scriptis: sic enim refert *Gl. in can. 10. dist. 73.* Dum ergo potestates istæ Pont. & Imp. distinctæ sunt, est hoc argumentum, quod Papa non habeat vtrunque gladium. Idem probat Papa Alex. 4. in c. *si duobus. ext. de appell.* vbi rescribit, quod in temporalibus non possit ad Papam appellari, quia temporalia iurisdictionem Papæ non attingunt. Quod & disertè confirmat *Kranz. lib. 9. histor. Saxo. l. 15.* dum inquit. Gladius spiritualis Pontificum nihil habet commune cum gladio seculari Imperatorum, quia alter animam, alter corpus conficit. Quod & præclare comprobatur Ambrosius, dum inquit, Ad Imperatorem pertinent palatia, ad sacerdotem Ecclesiæ.

Contra hanc assertionem pro confirmatione donationis ab Imp. Constantino,

stancin
Primur
persona
tro, ali
& tene
imperii
et 20. ve
domina
dit, Re
Pontific
Sicenin
uit prim
Christi
Secur
Apostol
rò dixit
sanctam
compe
sponde
nam &
est, que
cat, Sat
rè respo
dini hist
Consta
nem Dig
plisse, in
porism
vbi han
Pont. R
& tiulu
eque f
exterior
retur.

stantino, Pontifici Romano factæ, adferunt aduersarii duo argumenta. Primum depromitur ex *c. ult. Euangelista Iohan.* vbi Christus Petro, & in eius persona, omnibus verbis diuini ministris dixit, *Pasce oues meas.* Ergo Petro, aliisque Episcopis data est etiam potestas politica imperia constituendi & tenendi. Resp. Hic locus Christi non designat externum & politicum imperium, sed tantum Euangelii ministerium, quia alio loco, *Matth. scilicet 20. vers. 25. & 26.* Christus taxans ambitionem Apostolorum, qui aliis dominari volebant, & sic lites & dissidia excitabant, in hæc verba respondit, *Reges gentium dominantur, vos autem non sic.* Imò ipsi Canones Pontificum expresse dominationem & primatum in Ecclesiis damnant. Sic enim Gregorius Pont. *in c. multi. dist. 40.* refertur. *Quicumque desiderauit primatum in terra, inueniet confusionem in cælo, nec inter seruos Christi computabitur, qui de primatu tractauerit.*

Secundò citant pro se Pontificii dictum, quod extat *Luce 22. vers. 38.* vbi Apostoli Christum hisce verbis alloquuntur. Ecce duo gladij hîc, ipse verò dixit. Satis est, quæ sententia citatur à Bonifacio *v. 111. Pont. in c. vnam sanctam. in extrauag. de obed. & maior.* quo loco probare nituntur Pontificii competere Pontifici duos gladios, scilicet externum & spirituales. Respondetur. Ex hac voce non sequitur Petrum armatum fuisse imperio: nam & ipse Filius Dei præliari cum prohibet. Et cum Christus inquit, *Satis est, querelam significat de duplici genere hostium, & pcrinde est, ac si dicat, Satis est & Pontificum & Pilati gladios aduersus vos stringi.* Ita eruditè respondet *Melanthion in Chronic. in vitâ Constantini Magni.* Vide *Fr. Guicciardini historiam de bello Italico, libro 4. sect. 12.* vbi latè de eadem falsa donatione Constantini agit. *Bodinum lib. 1. de Repub. c. 9.* vbi inter cætera inquit, Iohannem Digitorum, Constantini donationem quæ dicitur, aureis literis scripsisse, in cuius extremo hæc verba subiiciuntur. *Quam fabulam longi temporis mendacia finxerunt.* Adde *Camerar. in successibus mediat. centu. 1. cap. 61.* vbi hanc historiam non illepidam refert, quod cum Veneri aliquando à Pont. Rom. interpellati essent, vt iurisdictionis suæ in mari Adriatico ius & titulum ostenderent, respondisse, eos Pontifices habere in suis archiuis, eaque faciliè reperiri posse, si donationis Constantini membranæ pars exterior, in qua illa maiusculis literis scripta esset, accuratius inspiceretur.

ASSERTIO LXXXI.

Et iure naturali & civili fœminæ regni sunt capaces.

QUOD nec iure naturali nec civili prohibitum sit muliet imperium exercere in subditos, patet ex eo, quod iure feudorum ad successiones regnorum, ducatum & comitatum etiam fœminæ admittantur, modo tamen filii masculi deficiant. *cap. vnico. §. filia. de success. feud. in vsib. feud.* Eadem sententia probatur per *cap. dilecti 10. de arbit.* vbi dicitur, consuetudinem moribus approbatam pro lege esse seruandam, quod in partibus Gallicanis fœminæ præcellentes in suos iurisdictionem habeant subditos, idque ea etiam attenta ratione procedit, quod consuetudo etiam secundum iura ciuilia iurisdictionem tribuit. *l. 1. & ult. C. de emanc. lib. c. ex literis. de consult. l. 1. C. Que sit long. consu. lan. in totum 3. C. de adsp. priua.* Huius rei quoque illustria exempla tam in historiis diuinis, quam prophanis extant. Sic enim legitur *Isidicum 4.* Deborah fœminam prophetissam, vniuersum Populum Israëliticum iudicasse. Sic in Anglia, Hispania, Scotia & Lusitania, regni scepra etiam fœminis delata fuisse satis superque historiarum testantur.

Obijcitur huic decisioni locus in *Genesi c. 3. vers. 16.* vbi diuina lege sancitur, vt mulier sit imperio & potestati mariti subiecta, ergo ipsa non debet aliis dominari. Resp. Viris suis, id est maritis iubentur quidem lege diuina mulieres subesse, sed tamen non ideo cæteris parere debent: quinimo rectè subditis imperant, si iuste & legitimè regnum sit illis delatum.

Secundò videtur naturali iuri repugnare, quod scepra imperii fœminis deferantur, cum plerumque à natura aptiores & magis idonei sunt ad imperandum viri, quam fœminæ, propter prudentiam, robur, & animi magnitudinem. Resp. Est quidem magis aptum ad imperandum genus masculinum quam fœminium, sed tamen non semper ex lege naturæ efficitur, vt ex bonis boni nascantur, ex malis mali, nec consequenter vt quicquid masculinum gignitur, sit perfectius eò quod nascitur fœmininum.

Tertium argumentum colligitur ex *l. 1. ff. de legib.* vbi lex definitur esse prudentum virorum consultum: Vnde concludit Bart. fœminas non posse leges condere, & per consequens nec regni scepra tenere. Resp. Possunt & fœminæ, reginæ seu principissæ in iis terris in quibus hæreditario iure dominantur, leges ferre: faciunt id quidem prudentum virorum consilio,

consilio, sicut & reges, iustorum tamen vetitorumque autoritas est ab illis. *Co. namus lib. 1. tom. 1. c. 4.*

Quartò aduersatur *l. 2. ff. de R. l. & l. ult. C. de arbit.* Vbi statuitur quod fœminæ ab omnibus officiis & muneribus publicis, imò & à magistratibus debent esse remotæ, idque ex hac ratione, quod pudori & sexui fœminino non conueniat virilibus officiis se immiscere, tum quod propter pudorem & verecundiam eas cœtui publico demonstrari non deceat, ut ait Imp. Constantinus, in *l. 2. C. de his qui ven. atat. impetrar.* Resp. Ista regula non procedit, si hæreditario iure regnum seu ducatus à parentibus seu maioribus, ad mulierem, filiam, fortè Regis vel ducis, sit delatum: quemadmodum in Reginis & Comitissis receptum videmus, tunc enim licitè & iustè imperare possunt. per *d. c. dilecti. ext. de arbit. Decius ad d. l. 2. nu. 3.* vbi refert Angelum vidisse Ioannam Siciliæ Reginam in solio sedentem, & sententiam protulisse contra dominos de Ballo. Idem ante Decium refert Angelus *ad d. l. 2. & l. cum statur. §. ult. ff. de indic.* Similiter *4. c. iudic.* Vniuersos filios Israël ad Deborah in iudicium abiisse legimus, eamque fœliciter annos XX. regnum Judaicum administrasse. Hanc sententiam quod fœminis iustè Regna & imperia tribuantur, defendit *Cabotius lib. 1. disput. c. 15.* à qua perperam dissentit *Bodinus lib. 6. de Repub. c. 5.* Confirmat & hanc decisionem, quod fœminæ regni sint capaces, dummodò aliter lex vel consuetudo patriæ non disponat. *Lipsius libro 2. Politic. cap. 3.* vbi in notis pulchrè ait. An Augustum pœnituit Liviam suam audisse Ferdinandum Hispaniæ Regem, Isabellam? cui fœminæ Consaluum, Canarias, nouum orbem, eiectiones Mauros, & hanc magnitudinem suam Hispania in parte debet. Sic etiam nostro tempore vidimus regnum Anglicum sub prudentissimæ & piissimæ reginæ Elizabethæ imperio non tantum opibus & longa pace floruisse, sed etiam Ecclesias habuisse rectè & piè constitutas. Quam sententiam etiam solidis & eruditis argumentis confirmat *Pet. Gregor. lib. 7. de Repub. c. xi.* vbi postquam in vtranque partem prolixè disputasset, an fœminæ sint regnorum & feudorum capaces, tandem concludit in partem affirmatiuam fœminas ad feuda vel regna esse admittendas, nisi specialis lex, vel consuetudo obstat.

A S S E R T I O LXXXII.

Libri feudorum habent auctoritatem legis generalis.

QUÆRITVR ab interpretibus an libri feudorum in iudiciis ad decisionem causarum feudalium, & in scholis ad intentionis nostræ comprobationem, sicut reliqui libri ciuilibus & Canonici allegari possint. Et statuendum est, quod feuda valeant apud nos, totoque orbe Christiano non minus quam ius ciuile, obtineant legis auctoritatem. Quod duobus apertissimis arguentis comprobatur. Primum certum est libros feudorum in impetio tacite receptos & approbatos esse ab Imperatoribus & Principibus, & eam approbationem tacitam sufficere, ac tanti momenti esse, ac si expressè essent approbati. Longo etiam tempore quod excedit hominum memoriam, passim hi libri non solum in imperio, vt in Germania, sed etiam extra imperium, vt in Gallia, Italia, Hispania, Lusitania, Belgio in Academiis lecti sunt & approbati, & in foro usurpati, sciente non contradicente Imperatore, Itaque tacita approbatione sunt recepti. Nullus Princeps potest causare ignorantiam huius iuris. Quod enim publicè fit, eius causam nemo ignorare debet. *l. sed & si. §. prescribere. ff. de inst. ait.* Itaque iura feudorum sunt consuetudines vniuersales, non solum approbatione imperiali, sed etiam tacito Populi consensu introductæ, quapropter omnes ligant. *Curt. in 12. par. tract. feud. quest. 1. nam. 12.*

Secundò tempus illud memoriam hominum excedens, ius facere dicitur, & æquipatur priuilegio à Principe ex certa scientia concessio. *l. hoc in re. §. ductus aqua. ff. de aq. quot. & est.* Relinquitur ergò vltus feudorum in imperio & extra imperium legis auctoritatem habere, non solum in seculari foro, sed etiam ecclesiastico: vnde etiam in corpus iuris ciuilibus sunt insertæ. *Zaz. in proem. feud. num. 3.* Longè enim omnem auctoritatem legum superat, id quod moribus vniuersi consensu per multa iam sæcula receptum est & approbatum. *l. de quibus. & l. seg. §. de legib.* Hæc opinio etiam ganter defenditur à *Sonsbechio par. j. feud. nu. 22.* *Curt. ad loc.* *Zaz. in epit. feudo. in proliu. Fachin. lib. 7. contro. c. 2.*

Obijciunt, quod auctores seu compilatores feudorum fuerunt priuatae personæ, puta Obertus de Horto, & Gerardus Cagipisti, Consules Mediolanenses, qui non habuerunt auctoritatem legis condendæ. Resp. Inter feudorum libros extant etiam Imperatorum placita & constitutiones, editæ & promulgatæ ab Imperatoribus, Lothario, Conrado, Henrico, & Frederico, qui supremam habuerunt potestatem ferendarum legum. Præterea prædicti

prædicti Jupp. vetera iura feudorum in quibuscumque locis correxerunt, multa addiderunt & detraxerunt, vnde tacite cætera iura feudalia, quorum habuerunt notitiam, approbasse & ratificasse censentur. *arg. l. cum preter. ff. de iudic.* Denique refert Olden. in *class. & de action. beneficiar.* quod hi diuturni vsus feudorum confirmari sunt per Jmp. Fridericum II. precibus Bononiensis collegii.

Secundò opponitur. Consuetudines insertæ libris feudorum sunt potius speciales certorum locorum consuetudines, quam vniuersales. *c. 1. §. fin. Qui feud. dare poss. in verb. aliter in curia Mediolanensi obseruatur. cap. 1. §. ult. de alie. feud. pater. in verb.* Non est consuetudo Mediolani, licet contrarium præcipiat lex Longobardica. Ergò consuetudines locales non debent ligare vniuersos. *§. ius autè ciuile. Inst. de iur. nat. G. & cum. Resp.* Istæ cōsuetudines feudorum postquam sunt in scripturam redactæ, & tacito Populi consensu confirmatæ, vim legis cæperunt obtinere. *l. de quibus. ff. de legib. §. ex non scripto. Inst. de iur. natur. G. & cum.* Licet ergò à principio istæ consuetudines feudorum fuerint locales, tamen post quam sunt in scripta redactæ, & tacito Populi consensu vniuersaliter confirmatæ, vniuersales censendæ sunt. Ita respondet *Curt. par. 1. feud. quæst. 1. num. 12. & ult.*

ASSERTIO LXXXIII.

In feudis non acquirit filiusfam. vsumfructum patri.

DUBITARI posset, quando filiusfam. acquirit feudum, an patri eius debeat vsumfructus. Et verius est patri non acquiri vsumfructum. Ratio huius decisionis adferri potest duplex. Prima est, quia feudum cum detur propter seruitia militaria, est peculium castrense. Vnde Harmenopolus feuda rectè vocat *εργασιμα κληματα*, id est militaria prædia. Atqui in castrensi peculio filiusfam. vsumfructum non acquirit patri, sed ea quæ occasione militiæ filio obueniunt, in solidum ad filium pertinent. *§. 1. Inst. Quib. non est permiss. fac. testa. l. cum multa. C. de bon. quæ liber.*

Altera ratio est, quia filius laborem fert præstando seruitia militaria: ergo æquum est, præmia, hoc est commoda feudorum ad eum pertinere.

Opponitur huic decisioni hoc argumentum. In quibus causis ius feudorum nihil nominatim constituit, seruandum est ius ciuile scriptum. *c. 1. §. si renunt. de feudi cognit. lib. 2. feud. tit. 1.* Sed ius scriptum vult omnia, quæ à filiofam. acquiruntur etiam laboribus & industriâ suâ, quo ad vsumfructum acquiri patri. *l. cum oportet, in princ. in verb. vel laboribus suis ademptrueniant. C. de bon. quæ lib.* Ergo & vsumfructus feudi patri acquiritur. *Resp.*

Kk 2

feuda

feuda sunt bona castrenſia, quia occasione militiæ dantur, atq̃ſi in pecu-
liis caſtrenſibus patri non debetur uſusfructus, ſed filioſam. pleno iure ac-
quiruntur. *l. vnic. C. de caſtren. om. palat. pecul. lib. 12.*

Secundo obijcitur, quod peculia caſtrenſia non conſiſtunt in bonis im-
mobilibus. *l. ſi forte. C. l. caſtrenſe ff. de caſtrenſ. pecul.* Ideoq̃ue cum feuda con-
ſiſtant tantum in bonis immobilibus. *c. 1. In quib. cauſ. feud. amit. lib. 2. feud. tit. 23.* non poſſunt dici eſſe bona caſtrenſia. Reſp. In peculio caſtrenſi poſſunt etiam prædia aliaque bona immobilia computari, quando ſcilicet filio in bello vel caſtris agenti, vel contemplatione militiæ ea prædia ſunt donata. Tunc enim ea bona immobilia hoc modo data filioſam. dicuntur & cenſentur caſtrenſia, & proinde in his bonis ſicut & in feudis occasione militiæ filio conceſſis, excludetur pater quoad uſumfructum. *tex. c. 1. in l. 1. C. de caſtrenſ. pecul. milut. lib. 12. tit. 37.*

Tertiò mouetur hoc argumentum non parui momenti. Feudum nihil aliud eſt quam uſusfructus quidam rei immobilis *cap. 1. in fin. In quib. cauſ. feud. amit. lib. 2. feud. tit. 24.* Sed ſi uſusfructus filioſam. relinquatur, certum eſt cum patri acquiri. *l. ult. C. de uſusfructu.* Ergo & feudi commoditas atque uſusfructus acquireretur patri. Reſp. Procedit hoc argumentum quidem in ſimplici & proprio uſusfructu, qui filioſam. reliſtus, debetur patri. Verum aliud obtinet in uſusfructu feudi, qui non acquiritur patri, ſed apud filium manere debet. Idque ex ea ratione colligitur, quia vaſallus propter feudum domino ſeruitia præſtare tenetur, atque ſi careat fructibus & pro-
uentibus feudi, non poterit commodè domino ſeruire. Hanc ſententiam quod uſumfructum bonorum feudalium pater non lucrificiat, ample-
ctuntur & defendunt *Claudius de ſiſell. C. & Zar. in 4. par. tract. feud. vulturni de feud. c. 4. Borcholt. c. 5. num. 48. Fachin. lib. 7. contro. cap. 77.* Diſſentit *Sonſbecius par. 7. feud. num. 7.*

ASSERTIO LXXXIII.

Minor ſine auctoritate curatoris poteſt de antiquo feudo inueſtire.

MINOR antiqui feudi renouationem ſine auctoritate tutoris, cura-
torisve conſenſu facere poteſt? Quod probatur per *c. 1. Per quos ſi. inueſt. vbi indiſtinctè* Feudum dicit, quod inueſtitura de veteri feudo etiam à minore fieri poſſit. Ita ſentiunt *Borcholt. in tract. de feud. cap. 5. num. 40. vulturni de feud. cap. 3. num. 7.* Contrariam opinionem tenent *Hotto. in d. c. 1. Per qu. fiat in veſt. Duare. cap. 6. num. 19. Sonſbec. par. 6. num. 7.*

Obijcitur

Obi
pupill
ſtorita
Sonſbe
vaſallu
bet cur
ſentent
ueſtire
ſirmat
feudum
te appro
Secu
ditione
etu, tur
tutor. in
facere c
naſcitur
vaſallu
tex. ſir
Reſp.
melior
minori
matutè
rum ha
hoc caſ
pe cum
ant. tute

Q
p
vnic. An
alienat. p
fœmina
fœmina

Obijcitur *l.elligari. §. 9. §. pupillus. ff. de. auct. tuto.* vbi dicitur, quod soluere pupillus non possit sine auctoritate tutoris. Ergo nec potest absque auctoritate tutoris pupillus vel minor inuestire vasallum de feudo antiquo. Sossbeckius vult minorem posse antiquum feudum renouare, siue de eo vasallum inuestire, si non habeat curatorem, alias si habeat curatorem, debet cum eius auctoritate de veteri feudo inuestire. Verior tamen videtur sententia, quod minores sine curatoris auctoritate de antiquo feudo inuestire possint, quia non videtur alienare, qui veterem alienationem confirmat, *l. 1. §. aqueductus. ff. de aqu. quot. & alt.* & minor non alienat hoc casu feudum, sed quod alienatum erat à parentibus, juris necessitate impellente approbat.

Secundò opponitur hoc modo. Quoties pupillus vel minor suam conditionem faciunt deteriore, vel quoties obligantur ex aliquo contractu, tunc requiritur auctoritas tutoris, vel consensus curatoris. *Inst. de auct. tutor. in princ.* Sed pupillus concedendo feudum potest suam conditionem facere deteriore, quia obligat se vasallo, nam ex concessione feudi mutua nascitur obligatio inter dominum & vasallum, ita vt quibus ex causis vasallus feudo priuatur, ex iisdem causis dominus proprietate priuetur. *tex. sunt in c. unico. §. domino. Si de feud. def. conten. sit. c. vnic. Qual. dom. feud. priue.* Resp. Minor & pupillus non faciunt suam conditionem deteriore, sed meliorem, inuestiendo de feudo antiquo. Vtile enim est, atque interest minoris, quod semel debet soluere, & quod tradendum est semel, dare maturè, vt vasallum obligatum ad defensionem salutis suæ ac fortunarum habeat maturius. Quod si intersit minoris feudum datum non esse, hoc casu sine curatore nulla intelligi videtur facta fuisse concessio, quippe cum nec liquidem debitum sine eo solui possit. *l. obligari. §. pupillus. ff. de auct. tuto.*

ASSERTIO LXXXV.

Fœmina feudum dare potest.

QUÆRITVR an fœmina feudum dare possit. Et responderetur quod possit. *text. est in §. fœminam. Per quos si inuest. lib. 2. feud. tit. 3.*

Sed obijcitur, quod dicitur in *c. vnic. in fin. De inuest. in marit. sac. & c. vnic. An apud iud. vel curiam dom. quæst. feudi deb. termin. & c. 1. §. vlt. de prohib. feud. alienat. per Frederi.* Eum qui feudum dat, habere jurisdictionem, quod in fœminam cadere non posse explorati juris est, cum jure ciuili Romano fœminæ ab omnibus muneribus & officiis ciuilibus & publicis arceantur.

tur. *l. femina ff. de R. I. Resp.* Ingenerata consuetudo retinenda est, donec per contrariam consuetudinem tollatur. Moribus autem introduci potest, ut femine magistratum gerant, & officio iudicandi fungantur. *c. dilecti. ext. de arbit.* Sic vltreceptum videmus in Angliâ, Lusitaniâ, Hispaniâ, Scotiâ, ut femina regia sceptrâ teneant. Ita Angelus Johannam Siciliæ Reginam sedentem in solio se vidisse refert, & ferentem sententiam contra Donquinos de Balso. Notat *D. cum. ad d. femina.*

Secundò obstat, quod femina feudi capax non est, & proinde quod ipsa non habet, alteri dare non potest. *arg. l. nemo plus iuris. ff. de R. I. Resp.* Dubium non est, quin femina feudum habere possit, si ita expressè in investitura conuenerit, ut femina in feudo succedat, absque ea expressa conentione in feudo succedere non potest. *cap. 1. §. filia. de success. feud. lib. 1. feud. tit. 8.*

ASSERTIO LXXXVI.

Quobus inuestitis de feudo is præfertur, cui prius possessio feudi tradita est.

QUÆRITVR, si duo de eodem feudo sint inuestiti, diuersis temporibus; & alteri primò tradita sit possessio feudi, quis præferendus sit. Et statuendum est, quod ille præferendus sit, cui prius dominus possessionem feudi tradiderit, licet alter prius sit inuestitus. Confirmatur hæc decisio, quia per traditionem demum acquiritur feudi dominium, ideoque antequam feudum sit traditum primo inuestito, illius dominium manet penes dominum concedentem feudum. *arg. d. penult. C. de rei vend. l. alimatum 67. ff. de V. S.* Ac proinde feudum per traditionem transferretur in eum qui postea inuestitus est. *l. qui tibi. C. de hered. & ad. vend.* Quinimò manifesta, hujus sententiæ comprobatio extat in *l. quoties 15. C. de rei vend.* ubi statuitur, quod si dominus duobus diuersis temporibus eundem fundum vendidit, ille potior est & præfertur in dominio fundi, cui prius possessio fundi tradita est, licet alter prius fundum emerit. Hæc cum ita jure communi sint constituta, nec contrarium vltu feudorum sit statutum, videtur inhærendum juri communi. *arg. c. 1. de feudi cognit.*

Duo argumenta contra hanc sententiam adferuntur. Primum est, quod feudum alicui concessum, non potest ei sine iusta causa auferri. *c. 1. de feudo sine culpa non amit.* Ergo non licet domino, postquam vnum inuestiuit, alium inuestire in eodem feudo, quia videtur feudum priori datum

adimere

adimere sine iusta causa. Resp. sub distinctione. Aut dominus aliquem inuestiuit in feudo, tradendo ei possessionem corporalem, quæ dicitur inuestitura propria, & tunc non potest ei feudum adimere, & alteri dare, sine iusta causa. Aut dominus concessit alicui feudi inuestituram, per hastam, vexillum velensim, quæ dicitur impropria inuestitura c. 1. *Quid sit inuest.* & tunc tenetur quidem inuestitum in possessionem mittere. Sed si id non fecerit, velum alterum de eodem feudo inuestierit, & illi possessionem traderit, hic posterior inuestitus præfetur, sed dominus tenetur primo inuestito, id quod interest, præstare. Quoties enim dominus non habet facultatem tradendæ rei venditæ, ad id quod interest emtoris condemnatur. l. 1. ff. de action. empt. l. si traditio. C. cod.

Secundo opponitur, quod in feudis idem operatur inuestitura, quod traditio rei. c. *Quib. mod. feud. const. potest.* Ergo prior inuestitus de feudo adhuc præferendus est, licet non acceperit possessionem feudi. Resp. Quod dicitur, inuestituram idem operari, quod traditionem rei, intelligendum est, de vera & propria inuestitura, per quam possessio transfertur c. 1. *Quid sit inuest.* Abusiva verò & impropria inuestitura non eundem effectum obtinet. Hanc sententiam, quod is, cui possessio feudi tradita est, præferatur priori inuestito, amplectuntur *Mins. cent. 4. Obs. 67. Pistor. par. 2. quest. cap. 29. Fachin. lib. 7. contro. c. 32. & 33.*

ASSERTIO LXXXVII:

Clerici in feudis non succedunt.

QUÆRITVR an clericus in feudo succedat. Dicendum est, verius esse eum non succedere cum fratribus suis Laicis patri in feudo. Ratio est, quia impeditus divinis ministeriis, non potest domino servitia personaliter præstare. c. vnic. de rasul. mil. qui arm. bell. depos. Probatur & apertis textibus hæc decisio. c. 1. §. ex hoc. de feudo sacm. c. 1. §. qui clericus. Si de feud. desun. c. vñ. si. Defendunt hanc sententiam *Pistor. par. 2. quest. 1. 35. Mins. cent. 5. Obseruat. 49. Afflic. decis. 320.* vbi ita iudicatum fuisse scribit. Dissidet *Secus. ff. cent. 1. conf. 63. Mart. Laud. in tit. qui feud. dare poss. §. & quia. num. 19* post plures alios quos refert.

Opponitur. c. 1. §. ult. de capit. *Corradi.* vbi dicitur clericum rectè feudum accipere & possidere. Resp. Ab initio primum feudum rectè clericis confertur. Nam potest quilibet de rebus suis, vt est moderator & arbitrer rerum suarum, gratiam facere quibus vult. Potest enim dare quibuscumque, quare ergo eodem modo clerico in feudum dare non posset, sed non potest

potest clericus succedere in feudo jam ante familiæ suæ concessio, quia factus miles Christi non potest esse miles sæculi. Est enim talis, qui jam seruire non potest. *c. 1. de vasa. mil. qui arm. bell. depof. c. 1. in fin. Ant mutus vel al. imperf.*

Sed iterum obijciunt, si in militia seruendum esset in feudo nouo, jam non posset seruire, cum sit Christi miles. Resp. Hoc quidem verum est, sed jam seruiet per substitutum: Conseruatur enim hoc tacite conuentum inter dominum & vassallum. Cum enim dominus daret feudum, scieuit eum non posse seruire in propria persona, sicut quoque in fœmina obtinet, cui feudum confertur, quæ nec in persona sua in bello seruire valet. *c. 1. An mutus vel al. imperf. c. 1. de feudo fœm.* Ita tradit *Afflic. sup. cit. decis. nu. 3.* Verum quod feudum successione acquirere non possunt clericus, ideo est statutum, quia vassallus militi primò concessit, non clerico, & tali, qui suo proprio officio dominum iuuare posset, sed nunc assumendo clericatum reddit se talem, quod officium domino præstare non valet, nec debet. Ergo non succedit in feudo. *l. in omnibus causis. de R. l.*

Tertiò opponitur, quod clerici per substitutum æquè seruire possunt, ideoque in feudo etiam antiquo succedent. Resp. Illi soli vassalli per substitutum seruire possunt, qui nullo vel naturæ vel juris impedimento excluduntur, quo minus per se seruire possint, text. est, in *cap. 1. §. firmiter. de prohibis. feud. alienat per Frider. c. 1. in fin. An mut. vel alit. imperf.* ubi clerici æquiparantur surdis mutis, vel alias imperfectis & insanabilibus à natura, sed imperfecti tales natura, substitutum habere non possunt, secundum communem DD. opinionem, quia per se ipsi seruire non possunt. vt tex. inquit in *c. 1. An mut. vel al. imperf. in fin.* Rectè ergo nec clerici substitutum habere poterunt, quia illis æquiparantur. Ita rectè decidit *Somner. par. 12. feud. num. 144. Chass. in consue. Burg. in §. 3. in verb. excepte les religieux. tit. des fiefs.* Contrarium tenent Canonistæ, & tandem *Fridericus Schenck in c. 1. de vasa. mil. qui arm. bell. depof.* Quod non videbitur alicui mirum, quia Canonistæ trahunt omnia ad suum molendinum, & ipse Schenck fuit Episcopus Vltrajectinus, magnus fautor & patronus clericorum. Vide etiam de hac quaestione variè differentem. *Fachinæum lib. 7. contro. c. 35.* qui quatuor casibus tradit Clericos in feudo posse succedere: primus est, si dominus consentiat, & contentus sit, vt per substitutum seruiat, nec de præiudicio alterius, puta agnatorum agatur. Secundus est, si non præstandum sit seruitium personale, sed reale, puta annuus census pecuniæ, vel alterius rei. Tertiùs est, si feudum francum sit, pro quo nullum præstandum est seruitium. Quartus est, si feuda annexa sint dignitati Ecclesiasticæ. Ita accipiendus est tex. in *c. 1. §. ult. de capit. Corradi, & in c. verum. & c. ex transmissa. de foro compet.*

compet. Sic passim in Germania Episcopi, Abbates & alii Ecclesiastici Prælati feuda amplissima possident, annexa dignitari Ecclesiasticæ. Adde *Cacheranum decis. 27.* ubi lex fallentias ponit, & explicat. Prima est in feudo franco & libero. Secunda quando expressè cautum est, præstari debere seruitium reale, seu etiam personale, dummodò honestè illud per Ecclesiasticam personam exhiberi valeat. Tertia est quando feudum esset ad omnem hæredem transitorium, puta quia in inuestitura dictum sit, pro se & hæredibus quibuscunque vel quibus dederit. Quarta est, quando clericus admitti vellet per modum successionis, non per viam inuestituræ, tanquam vocatus ex veteri inuestitura. Quinta est in feudis ecclesiasticis. Sexta in fratribus Hierosolymitanis. Ratio adducitur hujus fallentiæ, Quia omnino arma non deposuerunt, cum Deo seruiant in armata militia contra infideles.

ASSERTIO LXXXVIII.

Fœminæ in feudo emittio non succedunt.

PROBATA hæc decisio per regulam feudalem, quæ sic habet. Quoties in certis partibus mutatur natura feudi, tunc in aliis partibus semper retinetur & seruatur feudi proprietas. *c. vnic. de feud. non hab. prop. nat.* Ergo licet feudi natura in eo mutatur, quod pecunia aquiratur, tamen in aliis partibus communem naturam feudi retinet, quæ hæc est, ut fœminæ à successionem fundi arceantur. Secundò probatur per alteram certissimam regulam feudalem, quod fœminæ à feudis excluduntur, nisi nominatim illis pacto sit prouisum, ut succedant in feudo. *c. 1. §. filia. de success. feud. c. 1. de nat. success. feud.* Contrariam sententiam, quod in feudo emittio fœminæ succedunt, licet pacto id non sit expressum, tenet *Odofred. in suâ summâ feudi. tit. Qui in feud. succedere possunt*, & conatur suam opinionem stabilire hisce argumentis.

Primò feudum emittitum non est propriè feudum, quia feudum non prætextu pecuniæ, sed ex amore & beneuolentia domini acquiritur debet. *c. 1. de feud. dato in vic. leg. commiss.* Ideoque nec leges quæ de proprio feudo loquuntur, in emittio locum habere possunt, & proinde cum à successionem feudi propriè sumpti arceantur fœminæ, consequens est eas in feudo emittio, tanquam improprio succedere. *arg. c. 1. de feud. fœmin.* Resp. Licet feudum emittum non sit propriè feudum, quoad hoc quod pecunia acquisitum est, jute tamè feudi debet censei, & in aliis partibus feudalibus, secundum regulas propriorum feudorum determinari. *arg. c. 1. de feud. non hab. prop. nat.*

L I

Cum

Cum ergo nusquam leges feudales excipiant feudum emittitum, debet secundum alias generales regulas feudi censerī, quæ sœminas à successione feudi excludunt.

Secundò in contrarium ita argumentantur. Quories feudum emittitum est, acquiritur potius ex contractu emitionis, quam iure feudi. Atqui in contractibus hæc servatur regula, quod contractus & pacta transcant ad hæredes tam masculos quam sœminas. *l. si pactum. ff. de probat. l. maximum vitium. C. de lib. prater.* Resp. feudum emittitum transit ad hæredes quidem, sed masculos tantum, non etiam sœminas, quia non amittit omnem suam naturam. Feudum enim manet & vocatur, licet emtum pretio fuerit. *c. 1. de natu. feud. in verb. vel nisi emerint feudum. c. 1. de feudo dato mini. valvas. c. 1. de benef. fratr.* Hanc sententiam quod in feudo emittito sœminæ non succedant amplectuntur *Sonstbec. in 9. par. feud. num. 121. Mins. cent. 5. obs. 73. Fachin. lib. 7. contro. c. 37.* Dissentit *Curius in tract. feudor. 3. part. princip. quæst. 1. num. 6. 7. & 8.*

ASSERTIO LXXXIX.

*Feudo alienato à vasallo sine consensu domini, ne quidem 30.
vel 40. annis præscribitur directum domi-
nium, in præiudicium domini.*

GRAVIS & ardua est quæstio, utrum spacio 30. vel 40. annorum directum dominium feudi à vasallo consensu domini alienati præscribatur aduersus dominum feudi. Et verior probabiliorque est sententia, quod accipiens feudum à vasallo inscio domino alienatum, ne quidem 30. vel 40. annis illud præscribere possit. Hæc sententia primò manifestè probatur per tex. *in c. 1. vers. præterea, de capit. Cerradi.* vbi Imperator describit in hæc verba. Præterea liceat dominis omnes alienationes feudi factas, nulla obstante præscriptione reuocare, qui textus non posset esse clarior. Secundò hanc sententiam plenissimè comprobatur. *c. 1. §. unde Imperator. de prohib. feud. alien. per Frideric.* cuius hæc sunt verba. Nos ad pleniorē regni utilitatem prospicientes non solum in posterum, sed etiam hæcenus illicitas alienationes perpetratas præsentī lege cassamus & in irritum deducimus, nullius temporis præscriptione impediēte. Quia quod ab initio de iure non valuit, tractu temporis conualescere non debet. Quæ verba non possent esse clariora, vbi cum Imper. Fridericus statuerit illicitis alienationibus nullam omnino obstare præscriptionem, procul dubio voluit etiam ne quidem 30. vel 40. annorum præscriptionem obstare. Re-

moto

moro enim genere, & omnes eius species remouentur. Eamque fuisse Imp. sententiam, diuè vrgentes & efficaces rationes ab Imperatore subiectæ liquidò demonstrant. Prima est, quia istæ alienationes & tricennales præscriptiones feudorum, in summam imperii diminutionem & Reipub. imteritum tendunt. Nam vasalli distractis bonis & sic feudis exuti, non possunt præstare dominis seruitia, per quod imperii vires maximè attenuantur, dum procures milites suos h.e. vasallos ad expeditionem Principis traducere non possunt, vt pulchrè habet. *c. 1. de prohib. alie. feud. per Loth. & c. 1. de prohib. feud. alie. per Frider.* Altera ratio est. Quia quod ab initio vitiosum est, tractu temporis conualescere non debet, quæ ratio etiam 30. annorum præscriptioni conuenit.

Obijcitur primo huic decisioni, quod omnis actio, siue in personam sit, siue in rem 30. vel 40. annis præscribatur, quæ longissimæ præscriptiones propter delides, rerumque suarum desertores sunt introductæ. *l. sicut. l. omnes. l. cum notissimj. C. de prescript. 30. anno.* Resp. Regulariter quidem verum est, actiones 30. vel 40. annorum spacio extinguì: nisi specialis quædam lex extet, qua caveatur nullam omninò præscriptionem locum habere: atqui in hoc nostro casu omnis præscriptio ab Imper. in vniuersum prohibita est per *c. 1. de capit. Corra. & c. 1. de prohib. feud. alie. per Freder.*

Secundò obstat tex. in *c. 1. §. porro. Qualit. olim feud. pot. alie.* vbi habetur, quod præscriptione 30. annorum dominus tam ignorans quam sciens à feudi repetitione submoueatur. Resp. Ille tex. non loquitur de illicita alienatione, sed tractat de tali præscriptione, per quam dominus excluditur à iure redimendi feudi, eo casu, quo alienatio valet. Deinde ante tempora Imp. Conradi poterat feudum pro parte vel totum alienatum 30. annis, vt ibi, præscribi. Verum Conradus & post eum Lotharius & Fridericus Impp. animaduertentes hoc cedere in detrimentum Reipub. postea simpliciter suis constitutionibus omnes præscriptiones prohibuerunt, iniquum existimantes, vasallos ex delicto compendium facere, dominos verò ex officio damnum sentire.

Tertiò opponitur. *c. 1. §. si quis per. 30. Si de feud. def. conten. sit.* vbi dicitur, si quis per 30. annos prædium aliquod tanquam feudum possedit, & seruitium domino exhibuit, quamuis de eo non sit inuestitus, quod 30. annorum præscriptione se tueri possit. Si ergo 30. annis res allodialis vt feudum præscriptione acquiri poterit, à contrario sensu sequitur, quod feudo à vasallo alienato, saltem 30. annis dominus possit amittere feudum: vt scilicet præscribens pleno iure illud sibi acquirat, tanquam prædium allodiale. Resp. Longè diuersa hæc sunt, nec eadem militat ratio, quia aliud est, feudum vt rem allodiale præscribere, aliud feudum præscriptione

acquirere, quia in casu. d. §. si quis per 30. non patitur Respub. detrimentum, sed augetur, quia tenetur iam seruire vassallus, secus in nostro casu, ubi periret seruitium. Præterea potuisset rem illam allodiam 30. annis vt propriam præscripsisse. l. 1. C. de anna. except. ergo multo magis vt feudum præscribet. Hanc sententiam, quod dominus 30. vel 40. annorum præscriptione non amittat feudum illicitè alienatum, amplectuntur & defendunt Iacob. de Ardizo in sum. suatit. Quib. mod. feud. acqui. Andr. de Iser. & Sebenck in c. præterea. de capit. Corra. Somsbec. par. 12. feud. num. 135. Fachin. lib. 7. contro. c. 61. Limitatur tamen hæc decisio nisi dominus, & ij quorum interest, præsentēs & scientēs patiantur alienari & præscribi feudum citra contradictionem. Illo enim casu etiam hodie posset præscribi feudum. per c. qui sacer. de R. I. in 6. c. con. tenebatur. De his que su. à pralat. sine consen. Capit. Ira etiam sentire videtur Glossa in c. 1. Quid iur. si post alien. feudi vassal. recip. arg. c. 1. §. præterea. Quib. mod. feud. amit. Somsbec. d. loco. num. 163.

ASSERTIO XC.

*Vassallus sine venia dominum feudi in ius
vocare potest.*

DIGLADIANTVR & contendunt aciter inter se DD. An vassallus dominum in ius vocare possit non impetrata venia. Et communior receptiorque est DD. sententia, quod vassallus coram patribus curiæ cum domino suo litigare volens, possit dominum feudi non impetrata venia in ius vocare. Ratio decidendi est, quia edictum Prætoris, quo certæ personæ sine permissu Prætoris in ius vocari prohibentur, vassallum non comprehendit. Ergo cum hoc edictum sit pœnale l. penult. ff. de in ius vocand. non debet ad alios casus in eo expressè non comprehensos extendi, sed in suis casibus duntaxat obtinebit. Hæc est communis DD. opinio, quam adfessores supremi tribunalis in Camera imperii iudicando sunt secuti, teste Minf. cent. 4. obs. 92. Borcholt de feudis. cap. 10. nu. 38. And. Gail. lib. sing. de p. gnorat. c. 15. nu. 4.

Contra hanc decisionem adfertur tale argumentum. Libertus patrum sine venia in ius vocare non potest, sed vassallus & liberus æquiparantur. Præf. Euer. in Topic. in loco à libero ad vassal. Ergo & vassallo opus est veniæ impetratione, si dominum in ius vocare velit. Resp. Licet in multis vassallus & libertus inter se pates & æquales habeantur, non tamen in omnibus hæc æquiparatio procedit. Longè enim arctius libertus adstrictus est

Quis est patrono, à quo accepit libertatem rem inæstimabilem. *l. libertas. ff. de R. l.* quam vassallus domino, qui tantum feudum accepit, vt ipse hæredesque eius domino fideliter seruiant. Adhæc æqualis est fidei relatio inter dominum & vassallum: sicut enim vassallus domino, ita è contra dominus vassallo reciproca fide est obstrictus. *tex. est singularis & notab. in c. vnic. de for. fidel.* quem textum ius sanctum continere, sed dominis terribilem esse. *Bald. ibid. notat.* Quod de patrono & liberto nullibi scriptum reperitur: fallax ergo est argumentandi genus à vassallo ad libertum. *Præf. Ever. d. loco. num. vlt. Minf. cent. 4. Obseruat. 91.*

Secundò in contrarium adfertur. *l. generaliter. ff. de in ius vocand.* vbi traditur, generaliter eas personas, quibus reuerentia debetur, in ius vocari non posse sine venia Prætoris. Ergo cum vassallus domino honorem fidem & reuerentiam exhibere teneatur, illum quoque absque venia in ius non vocabit. *Resp.* Dicendum est, quod ne prædicta lex superflua censeatur, illam hoc modo accipiendam esse, vt de illis personis accipiatur, quæ parentum loco habentur, vt sunt socer socrus, nouerca & vitricus. Præterea & propter reuerentiam marito debitam vxor eum non poterit in ius sine venia Prætoris vocare. *arg. l. alia. in fin. ff. Solut. matrim. Cuiat. lib. obs. 10. c. 10.*

Tertiò opponitur *c. vnic. de vassal. mil. qui cont. est.* vbi dicitur, quoties vassallus de domino conqueritur, debet adire curiam, & salua reuerentia de jure suo cum domino experiri. *Resp.* Hæc verba, salua reuerentia, ad famosam actionem quam vassallus honestis verbis moderari debet, non ad citationem sunt restringenda. Sic enim in simili liberi & liberti contra parentes & patronos actionem famosam de dolo intendere non possunt, sed loco eius actionem in factum omittit doli mentione proponere debent. *l. non debet. 11. ff. de dolo.* Itaque hæc sententia tanquam ventior, & juri magis consentanea retinenda est, quod vassallus dominum feudi sine venia in ius vocare poterit.

ASSERTIO XCI.

*Mutus, surdus, cæcus, furiosus, vel aliter imperfectus
in feudo non succedunt.*

COMPROBATVR hæc decisio hoc firmissimo argumento. Vassallus tenetur dominum inacie & prælio dimicantem adiuuare, & alia seruitia militaria ei præstare. *c. vnic. §. est & alia. Qua sue. pri. caus. benef. amitt. c. vnic. Quib. mod. feud. amitt. c. vnic. vers. & si siuero. de noua for. fidel.*

Hæc facere non possunt mutus, surdus, cæcus, furiosus. Ergo meritò à feudi successione arcentur.

Verùm in hac controverſa quæſtione duo occurrunt textus feudales mirè variantes & diſſidentes. Nam primò in *c. vnic. An mutus vel al. imperf. feud. retin.* ita conſtitutum eſt. *Mutus & ſurdus, cæcus, claudus, vel aliter imperfectus, etiamſi ſic natus ſit, totum feudum retinebit. Quidam tamen dicunt, eum qui talis natus eſt, feudum retinere non poſſe, quia ipſum ſervire non valet. In tit. verò, Episcop. & Abba. feud. dare non poſſ. §. vlt. in hæc verba reſponſum eſt. Mutus feudum retinere non poteſt, ſed ſi feudū fuerit magnum, quo ei ablato ſe exhibere non valeat, tantum ei relinqui debet, unde ſe ſuſtinere poſſit. Et hiſ caſibus feudum amittitur, & ad dominum reuerti debet. Communiter DD. hæc capitula ita conciliant. Aut quis eſt à natura imperfectus, mutus, ſurdus, cæcus & furtoſus, nullaque ſpes ſuper eſt conualeſcendi, & hic nec in feudo nono, nec in paterno ſuccedit. Aut factus eſt imperfectus ex accidenti, vitiumque hoc corporis vel animi medicorum arte eſt ſanabile, & tunc in feudo ſuccedet, & per ſubſtitutum præſtare poterit ſeruitia. Hanc ſententiam ſequuntur & approbant *Alia. rot. Prapof. Schenc & Baro in c. vnic. §. fin. Epif. vel Abba. ſonſ bec parte. 12. de feud. num. 133. Weſenb. de feud. c. 6. nu. 20.* Et hæc opinio videtur ſatis comprobari in *d. c. vnic. An mutus vel al. imperf.* ubi cum primo poſita eſſet opinio Gerardi & Oberti, quod mutus, ſurdus, cæcus, etiamſi ita nati ſint in feudo ſuccedant, poſtea ſubijcitur diuerſa & contraria opinio, hiſce verbis. *Quidam dicunt, eum qui talis natus eſt, feudum retinere non poſſe.* Ex quibus apparet in poſteriori ſententia & opinione, quæ plerumque derogat priori, feudorum authores conſiſtere, quod ſcilicet mutus, ſurdus, cæcus, vel aliter imperfectus, ſi ita nati ſint, feudum retinere, vel in eo ſuccedere non poſſunt. Si verò non ita nati ſint, ſed caſu aliquo ſuperueniente, vel ex accidenti cæci, muti, vel furdi facti ſint, tunc in feudo ſuccedant. Ita docet *Facim. lib. 7. contro. c. 34.**

Sed in hac difficili controverſia hæc potius diſtinctio, ranquam textibus iuris magis accommodata, mihi ſequenda videtur. Aut hi à natura ita procreati ſunt, & tunc in feudo non ſuccedunt. *d. c. vnic. §. fin. Epif. vel Abba.* Aut caſu aliquo ſine culpa ſua, & ex accidenti ita facti ſunt, & tunc quidem feudum ante imperfectionem inſtitutura vel ſucceſſione acquiſitum retinent, & per ſubſtitutum ſeruitia præſtabunt. Ita accipi debet. *c. vnic. An mut. vel al. imperf. in fin.* At in feudo nondum acquiſito non ſuccedunt, ſive imperfecti nati vel caſu aliquo facti ſint ante acquiſitionem feudi. Et ita intelligi debet. *c. vnic. §. fin. Epif. vel Abba.* Vel vtr breuius & aper-
tius dicam. Imperfecti quocunque modo, ſive à natura, ſive ex accidenti,
in feudo

in feudo non succedunt, sed retinent feudum acquisitum, si post acquisitionem & possessionem feudi vitium illud imperfectionis vel inhabilitatis superueniat. Ita decidit eleganter *Vultius de feudis. c. 9. nu. 64.* & hoc modo hæc duo capitula dissidentia conciliat.

Illud extra controuersiam est, quod feudum de nouo recipere possunt, qui ex accidenti, vel etiam à natura muti, surdi, cæci, claudi, dementes vel alias imperfecti sunt. *Bald. & Aluar. in c. ync. §. fin. Ipsi. vel Abba. &c.* Dominus enim illorum defectum sciens, & iisdem feudum concedens, ipsis etiam gratiam facere censetur, ut si per se commodè seruire non possunt, saltem per substitutum seruiant.

ASSERTIO XCII.

Liberi legitimi per subsequens matrimonium in feudo non succedunt.

NATURALES filii ex concubina nati in feudis non succedunt, siue extent alii liberi legitimi & naturales, siue non. *§. naturales. Si de feud. def. content. sit lib. 2. feud. tit. 26.* Quod procedit siue feudum sit paternum, siue maternum. Vnde licet filius naturalis vel spurius de iure communi matri succedat in bonis allodialibus. *l. si qua illustri. C. Ad SC. Orfic.* in feudis tamen non succedit, etiam si feudum sit formineum, materque nullos alios liberos habeat. *Andr. de Iser. in d. §. naturales.* Cuius iuris ratio hæc est, quod domino paribusque curæ minus sit honorificum, in suo consortio, siue sodalitia habere homines natalibus suis maculatos.

Sed quaeritur & controuertitur ab interpretibus, An legitimati per subsequens matrimonium succedant in feudis. Et quidem inspectis textibus feudalibus, hæc quaestio satis clarè est definita, quod scilicet legitimati quocunque etiam modo sint legitimi, arceantur à successione feudi, per *d. §. naturales. Si de feud. defunct. content. sit &c.* ubi expressis verbis deciditur, quod naturales filii, licet postea fiant legitimi, ad successionem feudi non admittuntur, ubi cum textus non distinguat in legitimatis, sed indistinctè omnes legitimatos à successione feudi repellat, neque nos distinguere debemus. Quod verò textibus feudalibus certò fuit decisum, id ipsi interpretes suis distinctionibus incertum fecerunt. Statuunt namque communiter DD. quod legitimati per subsequens matrimonium in feudis indistinctè succedant, non verò legitimati per rescriptum Principis. Ita tradunt *Luco. de Belni. & Andr. de Iser. in d. §. naturales.* Et hanc sententiam, quod legitimati

legitimi per subsequens matrimonium in feudis quoque succedant, receptam esse vfu in prouincijs Hollandiæ & West-Frisiæ, notat Nobilissimus IC^{us} Cornelius Neofficius in *tract. de success. feud. Holl. & Frisic. §. nu. 79.* Quinimò & in Camera Imperij hæc sententia iudicando approbata est, vt notant *Minscent. §. obser. 42. Wesemb. de feud. cap. 6.* Denique & hæc sententia quod legitimi etiam per rescriptum Principis tantum consequantur in bonis legitimantis quantum jus naturæ tribuit legitimis, iudicando comprobata est in curia prouinciali Hollandiæ in causa seu lite pendente inter fœminam quandam Santiam, & neprem ejus Mariam, quæ rescripto Principis erat legitima. Ita decisum extat in *decisionibus supremi Senatus Holl. Zeel. & West-Fris. decis. 10.*

Communis hæc distinctio DD. hoc fundamento niritur, quod per matrimonium subsequens omnis macula quæ erat circa natales, sit sublata, quodque tempus huius legitimationis jungatur cum tempore conceptionis, vt ita medium tempus nunquam fingatur in rerum naturâ existisse, atque adeò nunquam illegitimos fuisse, per *c. tanta ex. Qui fil. sunt legit.*

Sed ad hoc argumentum DD. respondetur, quod etsi matrimonio subsequenti omnia vitia purgata esse censentur, id tamen respectu ipsorum natalium magis fictione quam veritate subsistit. Et quidem vt rectè dicebat Baldus, vulnus natalium legitimatione consolidatur, interim remanet tamen aliqua cicatrix, quæ occasionem huic juri feudali inducendo dedisse videtur: cum omnem omnino maculam, imò & suspicionem maculæ alicuius, dominus feudi & pares curiæ à curiâ remotam vellent. Præterea iure quidem ciuili & Canonico omnia vitia priora tolluntur per subsequens matrimonium, ita vt qui est effectus vtriusque illius iuris, æquè pertineat ad legitimatos per subsequens matrimonium, atque ad eum qui ab initio legitime natus est. Sed quia hoc iure feudali non est constitutum, sed potius in genere legitimi sine distinctione modi legitimationis, à successione feudi arcentur, id quod iure ciuili & Pontificio constitutum est, jure feudali repugnante non est inferendum.

Non etiam valet expositio *Cuiati & Borcholti* ad illum tex. *d. §. naturales.* qui eum textum interpretantur, quod tum naturales legitimi in feudis non succedant, quando post delatam successionem fiunt legitimi. Nam casus de eo, qui legitimatur per subsequens matrimonium, ne fingi quidem nedom esse potest, successione iam delata, vt pote quæ non deferatur, nisi mortuo vasallo, cum iam amplius matrimonium contrahere nequeat, ac per consequens, nec per matrimonium legitimare liberos. Licet igitur hæc sententia, quod legitimi per sequens matrimonium in feudis succedunt, in praxi & vfu forensi consulendo & iudicando quotidie obseruetur,

cur,

tur, teste *Scrus. consil. 1. cent. 1. num. 17.* & secundum eam in Camera Imperii iudicandum testatur *Mus. cent. 5. obs. 42.* tamen secundum veritatem & decisionem textuum feudalium certior & verior est sententia, quod legitimati per subsequens patrimonium à successione feudorum arceantur. Id manifestè probat tex. in d. §. *naturales*, ubi cum in genere negetur legitimatos in feudis succedere, consequens est omnes species sub eo genere comprehensas hoc est tam legitimatos per rescriptum Principis, quam legitimatos per subsequens patrimonium à feudorum successione arceri. Id quo confirmatur etiam ex certissimo logicorum axioma, quod negato genere negentur omnes species sub genere comprehensæ. tex. ad hoc sunt in l. *vl. c. de vsur. rei iud. l. 1. §. for. ff. de su. & leg. hered. vbi not.* Ita eleganter tradunt *Sonfvec. de feud. par. 9. num. 72. Vulte. c. 9. de feudis, num. 94. Hoto. consil. 10. volu. 1.*

Legitimati autem per rescriptum Principis, omnino in feudis non succedunt. Ratio est, quia Principum beneficia ita restringenda sunt, ne noceatur aliis. Princeps non debet mihi auferre rem meam, & ius mihi quæsitum, nisi specialis, aliqua causa & commodum Reipub. intercurrat optimus est tex. in l. *ne cuius. 4. C. de emancip. lib. l. 2. §. si quis à principe. ff. No quid in loc. pub.* Si autem legitimati per rescriptum Principis in feudis succederent, magna fieret iniuria agnatis, quibus ex providentiâ & pacto primi vasalli semel ius succedendi in feudo quæsitum esset. Sed dubitatur, si legitimati sint naturales, antequam de feudo vlla incidat quæstio, an tunc cum legitimis ad feuda rectè admittantur. Et verius est quod naturalis non succedat in feudo licet tempore inuestituræ in veniatur legitimatus. *Curt. 3. part. princ. feud. memb. 2. nu. 39.*

ASSERTIO XCIII.

*Vasallus tenetur dominum feudi in bello iuvare etiam
contra patrem suum.*

TAM arcta est obligatio, quâ vasallus domino auxilium præstare tenetur, ut nec pater quidem, nec filius, nec frater exceptus reperiatur, imò verò discretè feudalibus consuetudinibus cauerur, vasallum contra hos teneri in militia iuvare dominum. *c. 1. §. fin. Hic finitur lex &c.* Quod etsi durum sit, & rationi naturali contrarium, servandum tamen esse, cum lex consuetudinis ita scripta sit, dicit *Zazius in epis. suâ feudo. par. 7. num. 28. arg. l. prope xii. ff. Qui & à quib. manu.*

M m

Sed

Sed hæc assertio omninò videtur repugnare præcepto diuino, quod dicitur honorandum esse patrem & matrem, quod jus moribus & legibus humanis utique præstare debet. Imò nisi ad normam legis diuinæ leges & consuetudines humanæ exigantur, corruptelæ potius sunt quam consuetudines. Et hoc probatur *in c. 1. §. sed est alia. Quæ su. pri. caus. benef. amis.* Aliud est inquit, *fortè si idè non seruierit*, quia non potuerit, tunc enim feudum non amittit. Quomodo autem auxiliari dicitur posse domino, à quo bona habet, aduersus parentes, quibus vitam debet? Quomodo potest seruare mores hominum, & contemnere præceptum Dei. 2. Resp. Hæc doctrina feudalis, qua generaliter & indistinctè traditur vasallum auxilium præstare debere domino contra patrem, reducenda est ad honestatem & principia iuris naturalis, ne conuellantur jura sanguinis quæ sunt & dicuntur immutabilia. *§. penult. Inst. de iur. nat. gent. & ciui. l. iura sanguinis. ff. de R. I.* Itaque sic distinguendum est. Aut vasallus interpellatur à domino, ut auxilium sibi præstet in ea causa, in qua ipse dominus iniuste offenditur, & tunc tenetur vasallus auxilium & opem præstare domino contra proprium patrem. Ratio est, quia pater iniuste dominum vasalli offendens, agit contra ius naturale, quo hominem ab homine beneficio affici potius quam lædi æquum est. Itaque indignus esse censetur, qui ipse agens contra ius naturale, beneficium iuris naturalis expectet. Aut verò dominus iniuste bellum infert patri vasalli, & tunc tantum abest, ut teneatur feudi nomine contra patrem seruire domino, ut prorsus ab huiusmodi bello & munere sit excusatus, quod contra quemlibet iniuste & inique decernitur, ex communi D D. sententia. *per c. 1. vers. & si sciueris. de no. for. fidel.* Ita eleganter & doctè tradit *Vultei cap. 10. de iure siue vsu feudi. num. 3. 3.*

Non obstat *rex. in c. vasalli. de pace Constan.* ubi quoniam in bello iusto patriæ filio patriam potius defendunt, quam patrum seu dominum feudi, hi feudo non priuantur. Nam id clementer receptum est liberalitate Imperatorum. *§. pacem. d. sit.* Itaque non extenditur ad consequentias. *l. quod verò. l. 4. ff. de legib.*

ASSER-

ASSERTIO XCIV.

*Vasallus habet interdictum vnde vi contra dominum,
spoliantem se possessione feudi.*

VASALLO qui spoliatus est possessione feudi, interdictum vnde vi accommodatur, quia verè possidet. *c. vnic. §. fin. de no. for. fidel.* Sed controuertitur an hoc remedium detur ei contra dominum spoliato-rem. Et sunt qui putant eum hoc remedio contra dominum vti non posse, sed quod contra eum actionem in factum proponere debeat. *arg. l. 1. §. interdictum hoc. ff. de vi & vi arm.* Ita statuit *Molin. in consuetudin. Paris. tit. 1. §. 1. glo. 4. num. 35. Menoch. remed. 1. recuper. poss. num. 90.* Verior tamen & receptor est sententia etiam interdictum vnde vi vasallis contra dominos dene-gandum non esse. Sic tradunt *Iacobi. de S. Georg. de feudis super verbis, & dicti vasalli. pro dictis rebus. nu. 6. Andr. de Iser. in c. imperialem. §. illud. de probib. feud. alien. per Frideric.* Eaque sententia in supremo tribunali Germaniæ iudicando obseruatur. Ita attestatur Academia Francofurtensis, *tertio tomo varior. consilior. consil. 21.*

Sed videtur repugnare. *l. 1. §. ex interdicto. 25. ff. de vi & vi arm.* vbi tradi-tur, quod interdicto vnde vi conuentus facinoris Reus arguatur: Vnde dominus hoc interdicto à vasallo conuentus potest excipere debitum sibi honorem non ex hiberi, quasi facinoris grauioris arguatur, quod scilicet malo more vasallo vim intulerit. Resp. Cum dominus vasallum non ha-bet vt vasallum, vasallus non compellitur dominum habere vt dominum. *arg. cap. esto subiectus. 95. dist. vbi dicitur, episcopi habeant clericos quasi cle-ricos, vt ipsi episcopis à clericis vicissim debitus honos deferatur: vbi adicitur, scitum est illud oratoris Domitii, cur ego te habeam vt Princi-pem, cum tu me non habeas vt Senatorem.*

Secundò opponitur, quod liberto in patronum interdictum vnde vi non competit. *l. 1. §. interdictum hoc. ff. de vi & vi arm.* Resp. A liberto ad va-sallum perpetuò non rectè argumentamur Vasallus itaque interdicta pos-sessoria etiam aduersus dominum habet. Et hoc tunc maximè procedit, quando vi armata aduersus vasallum vtitur: hoc enim casu vasallo aduersus patronum etiam interdictum vnde vi competit, *d. l. 1. §. interdictum hoc. Vers. aliter atque. ff. de vi & vi arm.* Ita rectè & bene deciderit *Borcholt. in tract. de feud. c. 9. de act. feudi. nu. 18. & 19.*

A S S E R T I O XCV.

Frater fratri in feudo nouo non succedit.

IN feudo nouo frater fratri non succedit, nisi ex pacto, hoc est, nisi hoc nominatim in inuestitura sit expressum. *§. fin. autem vnus. De his qui feud. dare possunt.* Id ex eo venit, feuda acquiruntur nobis & nostris posteris tantum, his deficientibus redeunt ad dominum. Et si duo fratres simul ab initio de vno eodemque feudo inuestiti sunt, vel simul habitantes communiterque viuentes, vnus eorum feudum acquisierit, tamen alter alteri non succedit. *c. vnic. §. duo fratres. de frat. de no. benef. inuest. c. 1. §. filia. de success. feudi.*

Quod tamen fallit, si feudum de nouo concessum indiuisibile sit: vt si iurisdictio, ius patronatus, ius venandi, piscandi, vel aliud ius incorporale in feudum concessum sit. *Laco. de Belui. Bald. & Aluar. in d. §. si duo fratres.* Si quoque nouum feudum duobus fratribus vel pluribus, & singulis insolidum concessum fuerit, domino excluso, non decrescendi iure alter alteri succedet, id est eo iure, ne superstiti fratri aliquid decreseat. *Bald. in c. vnic. de success. feudi per l. creditor. 60. §. duobus. ff. Mandati.* Tertiò fallit in duobus fratribus inuestitis hoc pacto, vt ipsi & post eorum mortem filii etiam habeant feudum tunc enim & frater fratri succedit. *c. vnic. de duob. frat. à Capita. inuest. Laco. de Belui. lib. 1. feud. tit. 1.*

Sed in hac questione occurrat difficilis antinomia. Nam in *c. vnic. de benef. frat.* statuitur, quod si fratres de communibus bonis feudum emerint, quod tunc frater fratri succedat. E contra in *c. vnic. §. quod si de frat. de no. benef. inuest.* deciditur, quod si à fratribus communi pecunia feudum sit acquisitum, ne tunc quidem fratrem fratri succedat. Hoc manius purat, diuersis feudorum auctoribus diuersum placuisse, & ita relinquit hoc in casu ius feudale dubium incertum, sicut in pluriimis ferè locis iura feudorum potius euerit quam concordat vel illustrat. Verùm cum bono interpreti potius conveniat iura in specie pugnancia conciliare, quam nouas contrarietates effingere, ita commodè hoc dissidium componi potest. Aut frater de communibus bonis emit feudum sciente domino, & hoc casu frater fratri succedit. Ita disponit. *c. 1. de benef. frat.* Aut verò ignorante domino emit feudum ex communibus bonis à fratribus, & tunc frater non succedit fratri, restituitur tamen fratri superstiti pars pecuniæ enim contingentis Atque ita accipi debet. *c. vnic. §. quod si de frat. de no. benef. inuest.* Eamque conciliationem suppeditat ratio adiecta in *d. §. quod si. ne inuito domino*

domino alius acquiratur vassallus, quam quem voluerit, ut ita scientia & taciturnitas domini illa conditione feudi videatur importare voluntatem domini. Ita eleganter & exactè tradit *Vultre. de feud. c. 9. de modis acquirendi feudi. num. 105. & 106.* Hæc obtinent in fratrum successione in feudo nouo. In veteri feudo rectè succedunt fratres, nam descendunt simul ex persona primi auctoris, feuda autem acquiruntur posteris. *c. vnic. §. huius verò deficiuntibus. de success. frat.*

ASSERTIO XCVI.

Vassallus feudum refutare potest sine consensu domini.

QUÆSTIO elegans est, an feudum refutari possit sine consensu domini, si vassallus domino vel agnatis proximis velit feudum cedere. Et prima facie videtur non posse, quia inter dominum & vassallum nascitur vltro citroque obligatio, unde contractus appellatur. *l. Labeo. 19. de V. S.* qui sine vtriusque contrahentis consensu solui non potest. Sed his non obstantibus verius est eum feudum refutare posse. Ratio est, quia vassallus obligatus est domino propter rem magis quam personam, *arg. l. cum fructuarius. 64. ff. de usufr.* ubi dicitur, si usufructuarius paratus est derelinquere usumfructum, onera propter eum imposita sustinere non cogitur. Ergo similiter cessat obligatio vassalli in feudo, desinendo rem possidere, non minus ac in usufructuario: quia vassallus valde similis est usufructuario. *c. 1. in fin. in quib. caus. benef. annit.* Quinimò textus apertus est in *c. 1. de vassal. qui cont. constit. Lothar.* quod vassallus inuito domino feudum renuntiare possit. Sic enim verba textus habent. Vassallus etiam sine voluntate domini rectè feudum refutare potest. Feudum enim principaliter conceditur in fauorem vassalli, ergo ipse potest fauori pro se introducto renuntiare. *l. penul. c. de pass.* Non tamen debet vassallus post refutationem feudi offendere dominum, hoc est, non poterit aduersus eum militare, licet non cogatur ei seruitium præstare: quia veteris beneficii memoria non debet aboleri. *d. c. 1. de Vassal. qui cont. constit. Lothar.* Hinc sequitur, si quis refutaret feudum antiquum, proximis agnatis cedendo, cessionem valere. *lib. 2. feud. tit. 39. de alien. feud. pater.* Vide amplius de hac questione differentem *Factum nam lib. 7. contro. c. 60.*

ASSERTIO XCVII.

*Feudo alicui, inconsulto domino, extra familiam legato,
ne quidem æstimatio debetur.*

QUÆRITVR, an si feudum alicui extraneo vasallo legetur extra familiam, qui aliàs successurus non erat in feudo, an saltem debeat æstimatio. Et verior videtur probabiliorque sententia, ne quidem æstimatiorem deberi. Sic decidit *Fachm. lib. 5. contra. c. 37.* Idque per subsequentes textus & rationes confirmatur. Primò quod nulla ordinatio in feudo defuncti rata permaneat vel valeat. *l. de feud. success. in princ.* Secundò quod refragatur tex. expressus in *§. donare. Qualiter ol. feud. alie. pos. vbi* traditur, quod nec feudum pro anima legari possit, & consequenter nec debetur æstimatio, *arg. §. non solum. Inst. de legat. l. apud Iulianum. §. constat. de leg. 1.* Adducitur & illud, quod ius testatoris in feudo morte eius extinguatur. Atqui tali casu, cum iuris merè personalis & cum defuncto perituri sit vlterior concessio, ea inutilis est, vt responsum est à Papiniano in *l. quod in verum 24. §. 1. de leg. 1. l. vxor patris. 20. de legat.* Et per consequens nec æstimatio deberi potest, ne videamur implicare contradictionem dicendo legatum inuitile esse, & simul vtile ratione æstimatioms.

Sed aduersatur. *l. non dubium 14. §. 1. de legat. 3.* vbi traditur, quod si quis rem alienam legauit, & dominus eam vendere nolit, vel immodico pretio vendere velit, quod tunc iusta æstimatio debeat. Idem traditur in *§. non solum 4. Inst. de legat.* Sed hoc argumentum non pugnat. Nam res aliena non est omnino extra commercium, sed eius legandi & disponendi potestas est etiam non domino, quo ad id saltem, vt heres vel eam à domino redimere cogatur, & præstare legatario, vel eius iustam æstimatiorem. At verò cum feudum extra familiam suam vasallus alienare non possit, neque extraneo eius possidendi ius sit, adeò legatum eius inuitile est, vt ne quidem æstimatio debeat. per regulam traditam in *l. cum seruus. 39. §. vlt. de legat. 1.* Quod quando aliquid legatur, quod non est in commercio legatarii, tunc nec debetur æstimatio. Ita decidunt *Curius in tract. feudo. par. 4. num. 126. Preses Euerat. in loco à feudo ad emphyt. num. 16.*

Secundò obijciunt. *l. 114. §. si quid alicui. de leg. 1.* vbi Martianus inquit, si quid alicui licitè fuerit relictum, quod ipse quidem propter corporis sui vitium,

vitium, vel propter qualitatem relictæ, vel aliam quamcunque probabilem causam habere non potuit, alius tamen hoc habere potuit, quanti solet comparari, tantam æstimationem deberi. Ergo cum vasallus extraneo legat feudum, qui eius relictæ non est capax, tamen debetur ei æstimatio feudi. Resp. In illa l. non fuit res legata, quæ non erat in commercio legatarii, sed talis res relictæ est, quam licitè & iustè habere potuit legatarius, verum ex probabili aliquâ causâ, veluti corporis vitiio, aut propter aliquam legati qualitatem, citra culpam suam fuit legatari incapax, eo casu debetur legati æstimatio. Aliud est in feudo citra consensum domini à vasallo extra familiam relictæ, quia hoc casu vel agnatis, ad quos esset feudum ex inuestitura peruenturum, vel ipsi domino, ad quem esset feudum reuersurum, præiudicaretur. Adde his, quod nulla defuncti ordinatio in feudo valet, quod si omnino non valet, nec quidem debetur æstimatio ei, cui feudum testamento est relictum. c. 1. de success. feud. c. 1. §. donare. Qual. olim feud. aliena pot. Ita decidit Fachin. d. loco.

ASSERTIO XCVIII.

Pater uni ex filiis feudum prælegare non potest.

CONFIRMATVR hæc decisio primò per c. 1. de success. feud. vbi statuitur, quod nulla ordinatio defuncti in feudo valeat. Ergo nec illa valet, qua vni ex filiis pater feudum prælegauit. Secundò hoc argumento comprobatur. Nemo potest legare ius, quod morte suâ perituum est. l. uxoris patris. C. de legat. l. quod in verum. 24. §. si vult usufructum. ff. de legat. 1. Atqui ius quod pater in feudo habet, morte sua extinguitur, & aliis deferretur, qui ex prima concessione vocati sunt. Ergò non potest pater de feudo ita disponere, vt vni filio illud relinquat, in præiudicium reliquorum. Tertiò omnes filii æqualiter in feudo succedunt. d. c. 1. de success. feud. Ergò non licet patri aliter disponendo, testamento efficere, vt vnus tantum ex filiis succedat, sed nihilominus filii reiecta dispositione patris in feudo æqualiter succedent. arg. No. 2. & 22.

Pro contraria sententia, quod scilicet pater possit prælegare feudum vni ex filiis, adferuntur hæc argumenta. Primò ius patronatus descendit in omnes liberos patrioni æqualiter. l. vt iuris arandi. 7. §. vt liberi. 2. ff. de op. liber. & tamen potest vni ex filiis assignari, aliis exclusis. l. 1. ff. de assign. liber. Deinde si quis rogatus sit aliquid familie relinquere, potest vnum eligere ex familia,

familiâ, cui relinquitur. *l. vnum ex familia. 67. de leg. 2.* Sed responderetur quod argumentum de jure patronatus ideò non obstat, quod pater de jure patronatus testari prohibitus non est, sicut de feudo prohibetur testari vasallus; imò testamento libertum assignare potest. *l. ult. ff. de assig. liber.* Similiter nec ille qui rogatus est aliquid familiæ relinquere, prohibetur de eo testari, dummodò vnum ex familia eligat, cui relinquitur. *l. pater. 38. §. quindocenti de leg. 3. l. voluntat. C. de fideicom.*

Secundò videtur obstat. *c. 1. §. omnes filii. Si de feud. def. contem. sit inter dom. & & agna.* ubi traditur, quod si feudum ex diuisione ad vnum ex filiis peruenit, ille solus tenetur fidelitatem domino præstare. Vnde videtur colligi, quod valeat dispositio patris, quâ vni ex filiis feudum testamento assignauit. Resp. Licet patri hoc modo hæreditatem suam inter filios diuidere ut feudum vni assignet, aliis verò filiis alia bona allodialia: sed non quasi testatoris illa dispositio valet, sed tanquam pactio voluntaria fratrum, quibus feudum inter se diuidere vel restitute licet.

Tertiò obijcitur hoc argumentum. Si pater vni ex filiis feudum prælegauerit, ideò consistit legatum, quia non potest alter filius voluntatem patris impugnare, cum sit hæres, *lax. quæ persona, ff. de R. l. cum à matre. C. de R. V.* Resp. Non est filius, qui hoc in casu voluntatem patris impugnare, sed est lex, quæ prohibet patrem de feudo testari, & consequenter ipsum feudum prælegare. Hæc est communis DD. sententia, quod patri non liceat vni ex filiis feudum prælegare. Ita statunt *Zaz. in 2. par. feud. in 3. part. vers. Et hanc partem, Tyraq. in retr. lu. cons. angu. §. 11. Gloss. 6. num. 23. Clarus in §. feudum, quest. 40. Curt. de feud. par. 4. num. 132. Fashin. lib. 6. contro. c. 62.* Limitatur hæc decisio, nisi feudum acceptum esset pro se & filiis & hæredibus, & per consequens feudum esset hæreditarium, tunc enim vni ex filiis pater posset feudum prælegare, quia non potest in feudo succedere, nisi sit hæres, ideoque factum testatoris impugnare non potest. *l. cum à matre. C. de rei vend.* Ita decidit *Curtius. d. loc.*

A S S E R T I O XCIX.

Feuda inter plures cohæredes diuidi possunt, etiam si unas ex consortibus tantum voluerit.

QUÆRITUR & controuertitur inter DD. An feudi deuifio fieri possit inter plures hæredes vasalli, etiam sine consensu domini. Et in hac quæstione hæc distinctio tenenda est & obseruanda. Aut sunt feuda

feuda regalia habentia annexam dignitatem, vt sunt, ducatus, marchionatus, electoratus, & comitatus: & hæc non recipiunt diuisionem. Itaque ditiones regales ducatum, marchionatum, vel comitatum, veluti immediata imperii membra, dominio vtili, dignitate vel titulo non possunt diuidi, quamquam administratio, & emolumenta propter publicam tranquillitatem aliquando diuidantur. *tex. est in §. præterea ducatus. de prohib. feud. alio. per Frideri.* Ratio duplex est. Prima ne dignitas diuisa ad nihilum redigatur. Altera est, quia vtilius est Reipub. per vnum regi, quam per plures. *l. 2. §. noui, simi. ff. de orig. iur.* Vnius namque politia est optima, & plurimorum politia difficile est vt bona sit, cum plures ad virtutis meritum peruenire sit difficile. Quod inter alia insigni illo Homeri testimonio comprobatur. *ἐκ ἀζαν πολυκοίρανι ἢ ἐκ κοίρανι ὅτι ἔσω.* Multos imperitare malum est, rex unicuique esto, quia Principum multitudo Reipub. est onerosa. & vt in veteri prouerbio dicitur, Multitudo Imperatorum perdidit Cariam. At feuda minora non habentia annexam dignitatem, si voluerint consortes, diuidi possunt, etiam sine consensu domini, quamuis vnus tantum ex cohæredibus ad diuisionem prouocet. *d. §. præterea ducatus. §. omnes filii. Si de feud. def. consen. fit inter dom. & agn.* Ratio huius decisionis est, ne cohæredes & consortes inuiti cogantur in communione manere, quia communio multas solet excitare discordias. *l. cum pater. §. diuersi sumus. de leg. 2.* Ita decidit & concludit *Gail. lib. 2. Obseruat. c. 153.*

Duo huic conclusioni videntur aduersari. Primò quod in feudis omnis alienatio inconsulto domino facta est prohibita. *c. imperialem. de prohib. feud. alienat. per Frideri.* Sed diuisio est species alienationis. *l. 1. C. Com. utr. iud.* Ergo & illa iure feudorum prohibita censetur. *Resp.* Voluntaria alienatio feudorum tantum est interdita, non verò necessaria, quam inuitis quis facere cogitur, vti est diuisio: ad quam hæres à cohærede prouocatus necessario cogitur. *l. Iulianus. 13. §. idem Celsus. ff. de act. empt.* Deinde diuisio potius est quædam refutatio & renunciatio feudi, quam alienatio.

Secundò contra id quod statuitur feudi diuisionem fieri posse, etiam si vnus tantum ex cohæredibus prouocet ad diuisionem, valdè aduersatur textus in *d. §. præterea ducatus.* vbi textus ita habet, Aliud verò feudum si consortes voluerint, diuidatur. Ibi videtur affirmari ita demum posse fieri diuisionem feudi, si omnes consortes voluerint atque consenserint ut diuisio fiat. Verior tamen & crebrior est DD. sententia, ad diuisionem feudi sufficere vnus ex cohæredibus consensum & prouocationem, & quod reliqui cohæredes prouocati cogantur vnus cohæredis voluntatem in facienda diuisione sequi. Ratio est, quia nemo inuitis cogitur in communione manere, *l. pl. C. Com. diuid.* nec contrarium iure

feudistico est receptum. Ergo jus commune est seruandum.

Nec obstant illa verba. Si consortes voluerint, quia ciuilitè exaudientur, hoc est, si omnes consortes voluerint, vel aliquis eorum ad diuisionem prouocauerit. Neque enim quis inuitus in communione detinendus est. Hanc sententiam, quod feuda etiam sine domini consensu inter cohæredes diuidi possint, etiam si vnus tantum ad diuisionem prouocet, amplectuntur & approbant *Alexand. conf. 7. lib. 5. Iason in l. stipulationes non diuiduntur. nu. 31. de verb. oblig. Molin. ad conf. Paris. Tit. 1. § 20. num. 4 & § 35. num. 2. Fachin. lib. 7. contro. c. vlt. Gail. d. obseruat. 153. vbi notat hanc opinionem se vidisse de facto fuisse confirmatam. Latè & pulchrè tractant hanc quæstionem Duaren. c. 12. feud. num. 2. Vult. lib. 1. feud. c. 8. Oldend. in topic. in loco à causâ generaliter.*

ASSERTIO C.

Feudi substantialia pacto tolli vel mutari non possunt.

SUBSTANTIALIA feudi sunt, sine quibus feudum consistere non potest, quæ feudum necessarîo comitantur, eique perpetuò adhærent.

Hæc per pactum alterari vel tolli non possunt. Quamuis enim feuda ex pactis potissimum varientur, mutantur, informantur, ita vt in feudis ante omnia inspici debeat tenor inuestituræ, qui omni iuri & naturæ feudorum derogat, teste Baldo in c. vnic. de frat. de no. inuest. arg. cap. vnic. §. vlt. rit. Per qu. si. inuest. tamen ea quæ pertinent ad substantiam feudi, pactis tolli, mutari, & infringi non possunt. Porro substantialia feudi hæc sunt. Primum quod feudum tantum consistat in rebus immobilibus, vel iis bonis, quæ vicem immobilium referunt. c. 1. in fin. de feud. cognit. Secundò ad substantiam feudi pertinet, vt sit gratuitum ex beneficio. Hoc disertè comprobatur rex. in tit. In quib. caus. feud. amit. §. vlt. vbi feudum definitur beneficium, quod ex beneuolentiâ dominus concedit vasallo. Hoc pactis abrogari & immutari non potest. Vnde non valet pactum quo debitor paciscitur cum creditore, vt si debitor statuto tempore pecuniam non soluat, pignus cedat creditori, & illud pro feudo habeat, sed transit hoc negotium in aliud genus contractus. c. vnic. de feud. dato in vic. leg. commif. vbi subiungitur hæc ratio, quod feudum non sub prætextu pecuniæ, sed amore & honore domini acquirendum est. Tertiùm substantiale feudi est, vt vasallus domino fidem, honorem & obsequium præstet: fidelitas namque est de substantia

substantia feudi, à qua feudum nomen accepit. Vnde & vassalli passim fideles in libris feudorum appellantur. Ideoque & fides pacto remitti non potest, & nullâ inuestitura ei fieri debet, qui fidelitatem facere recusat. *c. vnic. §. fin. Per qu. fi. inuest.*

Sed huic conclusioni pleraque juris feudalis loca aduersantur. Nam primo statuitur in *d. c. vnic. §. fi. Per qu. fi. inuest. & tit. Quæ fu. pri. cau. benef. amit.* quod illud pacto rectè effici possit, quod iuramentum fidelitatis à vasallo non præstetur, quod tamen ad substantiam feudi omnino pertinere videtur. Ad hæc de natura feudi est, vt frater fratri in nouo feudo non succedat, cum ex communi iure feuda acquiritur nobis, & nostris posteris tantum. At tamē pacto rectè cauerur, vt etiam successio noui feudi ad fratrem perueniat. *c. vnic. §. si duo fratres. de frat. de no. benef. inuest. c. vnic. §. fin. de success. feud.* Denique videtur & hoc esse de substantia feudi, ne mulieres in eo succedat. *c. 1. de success. feud. c. 1. de alien. feud.* Attamen & hoc rectè pacto mutatur, si vel muliebres est feudum, vel si masculinum sit, pactum accesserit de fœminarum successione. *c. vnic. De eo qui sibi vel hered. suis. c. vnic. de feud. fœm.* Ad has obiectiones ita respondendum, quod distinguere oportet iuter substantialia & naturalia feudi. Substantialia feudi dicimus, quæ feudum committantur necessarîo, naturalia quæ probabiliter & plerumque, Pacta non valent contra substantiam contractus feudi, at valent contra naturam feudi, quia res sine substantia esse non potest, at à natura sua recedere potest. Sic exempli gratia venditionis substantia consistit in merce, pretio & consensu. *§. 1. Inst. de emp. & vend.* Natura venditionis est venditorem teneri de euictione, & emptorem de periculo rei venditæ, etiam ante factam traditionem. *Lex emto. 1. ff. de act. empti. sor. tit. de peri. & com. rei vend.* Sine substantialibus res esse non potest, at verò sine naturalibus res rectè consistere potest. Non valet igitur pactum ne pretium detur in venditione. *l. cum in venditione. 36. ff. de contr. emt.* At valet vt venditor teneatur de periculo rei venditæ. *l. 1. ff. de peric. & com. rei vend.* Item ne teneatur venditor de euictione. *d. l. ex empto.* Sic etiam in feudis iuramentum fidelitatis pacto remitti potest, ipsa fides verò remitti nequit. *d. §. ult. tit. Per qu. inuest.* Nam fidem præstare substantiam feudi respicit, iuramentum fidelitatis naturam tantum concernit, nec propterea censetur remissa fides, si remittatur iuramentum fidelitatis. Similiter est de natura feudi, vt fœminæ non succedant in feudis, quia non possunt dominum in bello adiuuare, & seruitia militaria præstare, propter quæ feuda plerunque dantur. *tit. Quæ fu. pri. caus. benef. amit.* Attamen pacto nihilominus rectè cauetur, vt fœminæ in feudo succedant. Quo casu fides mulieris electa censetur, nō vt ipsa seruiat, quod nō potest, sed in alio diligenter ex bonaq; fide substituendo per quē seruiat.

Denique & hoc pertinet ad naturam feudi noui, ne successio eius deuol-
natur ad fratrem, sed potius ut ad posterios seu liberos vassalli pertineat:
non verò substantiam feudi respicit. Vnde & hæc proprietas feudi pactis
contrahentium mutari & variari potest. *c. vnic. de frat. de no. benef. inuest. fiunt-*
que per hæc pacta feuda impropria, sicut & iure communica quæ perti-
nent ad naturam contractuum, pactis rectè variantur & mutantur. l. pa-
cta. 72. ff. de contr. emp. l. contractus. 23. ff. de R. I. l. 1. §. si conuenit. ff. de positi.

F I N I S.



TRACTATUS BREVIS
PERSPICVVS ET SVCCINCTVS,
DE
PRIVILEGIIS
STVDIOSORVM,
DOCTORVM,
ET
PROFESSORVM.

Auctore

EVERARDO BRONCHORST
Daventriensi, IC.



LVGDVNI BATAVORVM
EX officinâ IACOBI MARCI,
Typographi Collegij Ill. Ordinum.

CLD. LD. CXXI.

NOVA CONSTITVTIO IMP. FRIDERICI.

Imp. Fridericus regni sui fidelibus.

HABITA quidem super hoc diligenti inquisitione, episcoporum, ducum, abbatum, omnium iudicum, & aliorum procerum nostri sacri palatii examinatione, omnibus qui causa studiorum peregrinantur scholaribus, & maxime diuinarum atque sacrarum legum Professoribus, hoc nostra pietatis beneficium indulgemus, ut ad loca, in quibus exercentur literarum studia, tam ipsi, quam eorum nuntij veniant, & in eis securè habitent. Dignum namque existimamus, ut cum omnes bona facientes, nostram laudem & protectionem omnimodò mereantur, quorum scientia totus illuminatur orbis, & ad obediendum Deo, & nobis eius ministris, vita subiectorum informatur, quadam speciali dilectione eos ab omni iniuria defendamus. Quis enim eorum non misereatur, qui amore scientia exules facti, de diuitibus pauperes semetipfos exinanunt, vitam suam multis periculis exponunt, & à vilissimis sapè hominibus (quod grauiter ferendum est) corporales sapè iniurias patiuntur? Hac igitur generali, & in perpetuum valitura lege decernimus, ut nullus de cetero tam audax inueniatur, qui aliquam Scholaribus iniuriam inferre presumat: aut ob alterius cuiuscunque Provincia delictum siue debitum (quod aliquando ex peruersa consuetudine factum audivimus) aliquod damnum eis inferat. Scituris huiusmodi sacre constitutionis temerariis, & ipsis etiam locorum rectoribus, qui hoc vindicare neglexerint restitutionem rerum ablatarum ab omnibus exigendam in quadruplum, notaque infamia eis ipso iure irroganda, dignitate sua se caritueros in perpetuum. Veruntamen si aliquis eis litem aliquam super aliquo negotio movere voluerit, huius rei optione data Scholaribus, eos coram domino, vel magistro suo, vel ipsius civitatis Episcopo, quibus hanc iurisdictionem dedimus, conveniat. Qui verò ad alium iudicem eos trahere tentaverit, etiam si causa iustissima fuerit, à tali conamine cadat. Hanc autè legè inter imperiales constitutiones, scilicet sub titulo, ne filius pro patre &c. inseri iussimus. Datum apud Roncalias Anno Domini M.C. LVIII. mense Novembri.

287

TRACTATVS BREVIS,
DE
PRIVILEGIIS STUDIOSORVM
ET
DOCTORVM.

Præmissa brevi & dilucida explicatione,

A D.

Auth. Habita C. Ne Filius pro Patre.



NOBILIS est *hæc Auth.* & ut refert Salyc. hic, digna quæ aureis literis scribatur, in qua Imperator Fridericus primus cognomento Enobarbus, seu Barbarossa, tria insignia privilegia, Doctoribus, Professoribus, Magistris, omniumque liberalium, artium & scientiarum studiosis concedit. Adjicitur præterea præclara bonarum literarum commendatio, quod nimirum doctorum hominum scientia totus illuminatur orbis, quodque per literas & studia, subditorum mores ad honestatem & virtutes informantur, ut Deo ac Magistratibus promptè obediant, ita ut totius civitatis vera felicitas in doctrina literarum consistat.

Primum Privilegium est, quod Studiosi non tenentur, pro suis personis, vel libris, vestibus, alijsque rebus, quas studiorum gratia ad Academiam aduehunt, vel inde avehunt, vlla pedagia, seu vectigalia exsoluere. I. Privileg. ut Studiosi liberi sint à vectigalibus.

Quod ex eo probatur, quod *textus huius Auth.* dicat Studiosos posse ad loca in quibus exercentur studia, securè venire, & ibidem securè habitare, Hanc sententiam veniendi interpretantur D D. ex emptionem

nem soluendorum vectigalium. Et rectè nam aliqui illud jus nullo speciales effectus haberet, cum alijs quoque omnibus concedatur securitas veniendi & proficiscendi ad publicas Scholas seu Academias, nedum literarum Studiosis, *Leon. ruit 13. ff. de offe. pref.* Itaque cum privilegia omnia ita interpretanda sint, ut aliquid operentur præter jus commune, ne frustra lata esse censeantur, *arg. l. si quando 109. in principio de leg. 1. l. 1. ff. de munici.* rectè inde colligitur à vectigalibus seu portorij alijsque oneribus Studiosos, & eorum libros, vestes & reliqua suppellectilia esse immunes. Ita tradit *Gloss. ordin. b. in verb. special.* quam approbat *Baldus h. num. 4. Salyc. & communiter DD.*

Idem confirmatur per *Lymerici C. de vectigal. & commerc.* ubi dicitur, quod pro ijs rebus quæ ad usus proprios deferuntur, non soluitur vectigal. Atqui Scholares deferunt libros in Academiam in usus proprios, scilicet ad incrementum & profectum studiorum. Ergo pro ijs non debet solui pedagium, vectigal, vel gabella. Pulchrè *Rebuff. de priv. Studios. Privileg. 146.*

Pœna publicanorum exigentium à Studiosis vectigal.

Potro sciendum, quod si Publicani cogant Studiosos soluere vectigal, perdunt privilegia, si quæ habent, *text. singul. in c. dilecti. 4. ext. de Privil.*

Præterea pœna capitali, id est deportationis seu exilij puniuntur. *d. l. vniuersi. l. penult. C. de nauicul. lib. xi. tit. 1. Rebuff. Privileg. 148. in tract. de Privil. Studios.*

¶ I. Privileg. ne Studiosi patiantur Repræssalios.

Iam Privilegium est, quod nullus debeat Studiosis inferre iniuriam, nec ob alterius delictum aut debitum, damno eos grauare, hoc est non possunt Studiosi, aut eorum bona capi pro Repræssalijs, nec pro alienis debitis possunt arceitari.

Casus hic accidit aliquando in persona *Azidi Elzevirij Filij Pedelli*, qui pro debito Illustrissimorum Ordinum huius Patriæ fuit arrestatus à *Vicario Regiæ Danicæ Ranzovio*. A quibus repræssalijs liberauit eum Senatus Academicus datis ad Dominum Ranzovium literis: quibus nomine Rectoris Academici ad eum scribebatur, ut eum ab arresto & repræssalijs liberum dimitteret, si quidem Studiosi, Pedelli, aliaque Academiæ membra, pro alienis debitis capi prehendi & detineri non possunt.

Adjicitur

Alieitur in hac *Auth. in vers. fecerunt*, hæc poëna, quod huius Priuilegij violatores, item iudices hoc vindicare negligentes restituant Studiosis ablata in quadruplum, atque infamia notentur, careantque dignitate & officio suo in perpetuum.

Triplex in eos qui exerceant in Studiosis Repraesentat.

Præterea notandum, quod hæc Priuilegia Studiosis concessa, etiam extendantur ad eorum Famulos, Pedellos, Nuncios, Notarios, Bibliopolas, & Typographos Academicæ. *text. h. in princ. in verb. tam ipsi quam eorum Nuncios. facit. l. non alias. 24. §. 1. ff. de iudic.*

Extensio Priuilegij.

* Ratio est, quia hisce personis Studiosi carere non possant, & sine horum ministerio non potest commodè Academia gubernari vel administrari.

III. Priuilegium est, quod qui litem inferre vult Studiosis debet eos apud Rectorem Vniuersitatis, vel Episcopum loci, si hoc maluerint Studiosi, conuenire. *text. h. in vers. Veruntamen. concordat. §. ult. in præfatione Digestorum.*

III. Priuileg. ut conueniantur Studiosi coram suo Rectore.

Itaque coram ordinatio iudice vel prætoris istius ciuitatis in qua Studiosi Academiam frequentant, non sunt conueniendi, quia Prætor vel Præfectus vrbi in eos non habet iurisdictionem, ex hac constitutione.

Qui vero Studiosos ad alium iudicem traxerit, etiam si causa iustissima fuerit, ea priuatur, h. e. litem amittit, *text. h. in vers. veruntamen.* Idem statuitur in Clericis. *Auth. statuimus*, ubi est *text. elegans. C. de Episc. & Cler.* quod scilicet qui trahit Clericum ad iudicem incompetentem, causa cadat; Et aliis pro regula generali traditur, quod trahens aduersarium ad iudicem incompetentem, causa cadat. *l. in criminali. §. C. de iurisd. omni. iudic.*

Sed an hoc Priuilegium etiam in causis criminalibus concedatur Studiosis? dubitatur. Et dicendum, quod Studiosi in criminalibus quoque causis, non possunt apud alium Magistratum, quam Rectorem accusari & puniri. Ita *Accurs.* statuit hic in verb. *litem.* Eaque est communis DD. opinio teste *Oldendorpio. in libello de iure singulari cap. 4. de Priuileg. Professorum.*

I V. Priuileg.
quod Studioſi & Profeſſores immunitatem habent à ciuilibus muneribus.

His adijungendum Vltim^{um} Priuilegium, quod ſcilicet Profeſſores DD & Studioſi ab omnibus nunciis perſonalibus, & quibuſdam patrimonialibus vacationem habent, vnde non poteſt de iure ipſis imponi collecta. *l. 1. & l. 2. C. qui eta. vel profeſſ. ſe excuſ.* vbi deciditur, quod Studioſi maxime iuri operam dantes, habent immunitatem à muneribus perſonalibus vſque ad annu m viceſimum quintu m. *lib. 10. c. 49. l. medicos & ibi Bartol. de Profeſſ. & medic. lib. x. C. tit. 52.* Hinc & hoſpitis recipiendi neceſſitas, & angariarum præſtatio (h. e. iumentorum, plauſtrorum, vel nauium ad vſum publicum tranſuectio) liberalium artium & ſcientiarum Profeſſionibus DD. atque Studioſis ſunt remiſſa. *l. vlt. §. vlt. ff. de mun. & honor. l. ab his. 10. ff. de vacal. mun.*

Vnde & ex ſtatutis huius Academiæ Leydenſis Studioſi exteri ſcilicet non ciues non tenentur ad excubias diurnas, vel nocturnas, vel ad cuſtodiam portarum ciuitatis, nec ad onus recipiendi hoſpites in ſuis domibus. Huc valde pertinet. *l. 2. C. de incol. lib. x. tit. 59.* vbi dicitur, Quod qui Studioſorum cauſa in aliquo loco degunt non ſunt incolæ, id eſt ad onera ciuilia non vocantur, neque parentes quia eos frequenter comitant, niſi ibi DECENNIVM conſumpſerint, tunc enim non ſunt amplius Scholaſtici, ſed incolæ.

Limitatio. I. Ceſſant hæc Priuilegia in Studioſis qui quinquennio ab Academia abſuerunt, quia tanto tempore Studioſi abſentes perdunt priuilegia. *arg. l. penult. & vlt. C. de com. mea. lib. 12. tit. 43. l. 2. C. de primicer. lib. 12. c. 7.* Intra quinquennium autem Studioſi, licet abſentes, retinent ſua Priuilegia, quia conſentur habere animum reuertendi. *arg. l. 5. in fin. ff. de capty. Bald. hic. nu. 22. Fac. l. ſi quis. C. de domeſt. & proteſt. lib. 12. tit. 17.* vbi dicitur quod qui quinquennio à publicis muneribus abeſt, tanquam deſes, omni dignitate ſpoliari debet. *fac. l. vlt. C. de aduoc. diuerſ. iud.* vbi Juſtinianus Imperator conſtituit, quod ſi Aduocatus vltra quinquennium abſuerit, de matricula penitus aboleatur. Pari modo ſi Studioſus per quinquennium ab Academia abſuerit, & eo tempore elapſo ad eandem fuerit reueſus, pro Studioſo non habetur, niſi de nouo immatriculetur.

Denique non fruuntur hiſce Priuilegijs Scholares, Vagabundi, qui non audiunt publicas lectiones, quia non funguntur officio Scholarium.

rium. *arg. l. 1. c. de tyron. lib. 12. tit. 44.* vbi dicitur quod nullus tyro vagus accedet ad militiam, nam vagabundus Scholasticus raro fit Magister, ut ait *Gloss. in d. l. 1. & notat Cynus in l. 4. c. de sponsal.* quod non sunt Scholares qui habent oculos ad fenestras, os ad bechirum, libros ad Hebræos. Debet ergo Studiosus continuò & assiduo labore inuigilare studijs secutus illud I Cⁱ Ioannis Fabri præceptum,

*Si quis forte velis Iuris-Consultus haberi
Continuet studium, velit à quocunque doceri
Invigilet nec vincat cum tortura laboris
Fortior insurgat, cunctisq; recentior horis.*

Moueat quoque eos exemplum I Cⁱ Ioann. Andrea qui ad *Specul. in tit. de salarijs. §. sequitur*, dicit se quinquaginta annos juri studuisse, & Baldi I C. qui in proemio feudorum se quadraginta annos Juris studio operam dedisse refert. Cato tanta legendi auditate tenebatur, ut nunquam satari posset, sed in curia semper legere solebat, dum cogeretur Senatus, facit huc illud vulgarum apopthegma, quod Studiosus juris, debet habere ferreum caput, plumbeas nates, & auream crumenam. Denique meminerint eius sententiæ quam dixisse fertur *Isidorus, in l. apud 20. ff. de fideic. libert.* Ego discendi cupiditate, quam solam vivendi rationem optimam in octauum & septuagesimum ætatis annum duxi, memor sum eius sententiæ, qui dixisse fertur, καὶ τ' ἕτερον πῶδα ἐν τῇ σῶρῳ ἐχω, ἐπὶ προσμαθῆν βουλοίμην.

V^{um} Privilegium est, quod Studiosi conuenti in foro Academico, non coguntur dare extraneos fideiussores, sed sufficit dare alios Studiosos & vades, licet ipsi sint ad conueniendum difficiles. *text. in l. 7. c. de priuileg. scholar. vrb. Romæ lib. 12. tit. 30. Rebuff. de Priuileg. Studios. priuileg. 171.*

V^{um} Privilegium est, quod Scholaris non finito tempore locationis recedens de domo conductâ, propter pestem vel aliam iustam causam, non tenetur ad pensionem totius anni, etiam si illam domum vel cubiculum illud per integrum annum conduxit, sed temporis solius quo illam domum vel illud cubiculum inhabitavit, *l. habitatores. 27. §. fin. ff. loca. Rebuff. de priuileg. Studios. xi.* Ratio est, quia pestis est fugienda c. negotiatorem Clericum fuge veluti quandam pestem. *dist. 88.*

Et Medicorum est consilium.

*Ilac tria præcipue tollunt aduerbia pestem
Longè, citò, tardè, cede, recede, redi.*

Menoch. remed. x. recup. p. 5. ff. nu. 106. Conarr. in pract. quæst. cap. 30. nu. 2. Forcholt. in tract. de feud. cap. 8. nu. 2. per d. l. habitatores. §. fin. vbi dicitur, quod si inquilinus ante finitum conductionis tempus emigravit ex domo conductâ, non debet mercedem soluere, si iusta fuit tumoris vel periculi causa.

VII. Privilegium est quod pater potest compelli administrare sumptus Studiorum, filio suo volenti studere. *l. de bonis 6. §. non solum. ff. de Carb. edict. cuius verba sunt, non solum præstari alimenta debent pupillo, sed etiam in studio & alias impensas debet impendi pro modo facultatum. l. Macedoniani. §. C. ad S. C. Macedon. Pelchre Rebuff. d. loco. p. mil. 53 d. qui filium. ff. vbi pupill. educ. deb. Facit illud sapientis Catonis,*

*Cum tibi sunt nati, nec opes, tunc artibus ipsas,
Instrue quo possum inopem defendere vitam.*

Intellige autem parentes tantum posse compelli ut curent liberos institui quoad Grammaticam, seu ut curent liberos scribere & legere, cum ista disciplina sit homini necessaria, in legibus vero & iure Civili non tenentur pater dare erudiendum filium, nisi hoc exigat qualitas ingenij, & quantitas bonorum. Quod iudicis arbitrio relinquetur. *Rebuff. d. loc.*

VIII. Privilegium est quod filius non tenetur sumptus à parentibus in studia collatos post mortem eius conferre, sed habebit eos præcipuos. *l. quia pater. §. o. ff. famil. erisc. Similiter quod pater expendit in promotionem, puta Doctoratum vel Magisterium filij, hoc filius habebit præcipuum, nec tenetur cum fratribus aut sororibus conferre. l. 1. §. nec castrense. ff. de collat. bonor. Eodem modo si filius familias scholaris viro patre debita studij causa contraxit, mortuo patre non tenetur cum alijs fratribus succedens, de sua parte totum debitum exolvere, sed satisfieri debet de communi hereditate, tanquam res alienum patris vel hereditum. l. si pila. 20. §. item scribit. & §. Neratius. ff. famil. erisc. Rebuff. d. loc. p. mil. leg. 59. Expensæ verò Studiorum patre mortuo factæ non debent à fratribus ex communi hereditate persolui, sed debet eos filius ex proprijs bonis præstare & satisfacere. l. Treius. §. idem respondit. vbi Bart. ff. ad Munic. l. 1. §. sed an. ff. de collat. bono. l. ex parte §. filius. & l. si filius. ff. Fam. erisc. l. 7. §. fin. consil. 80. num. vlt.*

IX. Pri-

IX Privilegium est, quod si filiusfam. cum voluntate patris in Scholis existens accepit pecuniam mutuo, etiam patre invito, hoc mutuum poterit à patre repeti. *l. item si filiusfam. 7. §. proinde ff. ad S. C. Macedon.* Dummodo non excedat filius eam quantitatem, quam pater solumbat filio subministrare. *d. §. proinde.* Et sic favore Studiorum cessat S. C. Macedonianum in Studiosis. *l. Macedoniani. 5. C. ad S. C. Maced. fac. l. si longius. 18. in fine ff. de indic. vel. ne egestate laborer filiusfam. viaticulo suo non recepto, quod ad sumptum Studiorum pater ei destinaverat.*

X. Privilegium est, quod Studiosus capi, vel abduci captivus ex Academia vel Schola publica non potest, *arg. c. quisquis & censuimus 17. q. 4.* ubi dicitur quod domus Episcopi habet immunritatem, quod inde captivus abduci non possit. Unde hoc fortius procedere debet in loco Academico. Pulchre *Rebuff. de Privileg. Studios. priuileg. 102.* Vbi id varijs argumentis & consuetudine receptum probat, aitque ob id quosdam satellites, qui Studiosum ex Academia extraxerant, suspensos fuisse in Academia Tolosana. Excipitur crimen hærescos. & laice Maiestatis. *c. 1. de homicid. l. quisquis. C. ad l. lul. Maiest. Rebuff. ibidem.* quia tunc potest dici: Ab altari euellere eos, ut moriantur.

XI. Privilegium est, quod licet filiusfamilias non possit testamentum facere, tamen Studiosi & liberalium artium Magistri, Doctores, Aduocati, Consiliarii, Notarii, licet filijfam. sint, possunt de bonis ex professione, vel patrocinij causatum acquisitis, tanquam de peculio quasi castrensi testamentum condere. *l. vi. C. qui testam. fac. pess. l. vi. §. de alijs. C. de inoff. testam.* Ratio est quia filijfam. in castrensi peculio vel quasi, vice patrisfamilias sanguinit. tenet. & *Gloss. in l. 2. ff. ad S. C. Macedon.* Ideoque consequens est eos testari posse. *§. 1. Inst. Qu. non est perm. test. fac.*

XII. Privilegium est, quod Scholares, qui absunt Studiosum causa extra continentia visis, pro praesentibus habentur. Unde gaudent commodis & Privilegijs eorum, qui praesentes sunt. *c. relatum. c. 2. tit. 2. de iur. iurati. 12. ex. de Cler. non resident. text. elegans in c. vii. ex. de Magistr. Non enim abesse videntur, qui Studiosorum causa absunt. *l. questum. 79. de lega. 3. l. Scia. 20. §. Pamphila. ff. de fund. Inst.* Et absentia Studiosorum causa dicitur iusta & probabilis. *l. si longius. 18. §. 1. ff. de iur. iur. l. nec nisi 28. ff. ex qu. cau. maior.* Ex hoc Privilegio & hoc tanquam consecrarium producit, quod Scholastici sine Studiosi praebendarum*

aut beneficiorum possessores, studentes in scholis vel Academicis privilegiatis, percipiunt fructus beneficiorum suorum, quos perciperent, si praesentes essent in beneficio, *C. tua. de Cler. non resident. l. cum ex eo. de elect. in 6. c. vlt. ext. de magistr.* Vide Horatium Iucium hoc latius explicantem in tract. de priuil. scholar. priuil. 98 Pet. Gregor. lib. 18 de Republ. c. 7. Rebus. in priuil. studios. priuil. 31. & 32.

XIII. Privilegium est, quod Scholaris potest expellere Fabrum malleo obstrepentem & pullantem & pullantem prope domum Scholaris, *arg. l. vnic. in fin. C. de stud. liberal. vrb. Rom. lib. 11. tit. 18.* Vbi prohibetur, ne discipuli vel magistri sibi invicem obstrepant, neue linguarum, aut vocum permista confusio, aures vel mentes quorundam à studio auertat. Que ratio etiam militat contra artificem, vel Fabrum malleo obstrepentem. Ergo & eadem Iuris decisio seruanda est. *l. illud. ff. ad L. Aquil. Horatius Iucius, de priv. scholar. priuil. 46. Bart. in l. 1. ff. solut. matr. in vlt. column. vbi dicit, quod ad officium Iudicis pertinet, quicquid fit juxta scholas, per quod lectura impeditur vel auditores turbantur, remouere.* Approbat & confirmat. hanc decisionem. *Reyger. in thesaur. iur. in loc. de artific. & mercator.*

Vnde etiam statutum in vrbe Leydensi extat, quod nulli Fabri lignarii, ferrarii, vel alij opifices, qui suo strepitu Professorum vel studiosorum exercitia turbare possunt intra. x. perticas possint circa Academiam vel Scholam triuialem habitare.


XIV. Privilegium est quod Scholares delinquentes mitius puniuntur quam alii. Quod tum demum procedit, si Scholaris excellenti ingenio & eruditione sit praeditus, *per. l. 1. ad bestias 31. in verb. Si eius roboris, vel artificij sint, Aigne Pop. Rom. exhiberi possint. ff. de poen.*

Quum legem primum adduxit & allegavit Azo, qui cum propter homicidium plectendus esset, & iam ad supplicium deduceretur, exclamauit AD BESTIAS, AD BESTIAS. Quod Iudicibus ab eo deludi existimantibus, tantum abfuit, vt gratiam sibi conciliaret, vt eorum iram ad necem vsque concitauerit, vt refert *Alciatus lib. 9. Parergon. cap. vlt.*

XV. Pri-

X V. Priuilegium est, quod licet Actor sequi debeat forum Rei. l. 2. & 3. C. de iurisd. tamen Scholares actores suos debitores coram suo Rectore Academicæ conuenire possunt *text. in Auth. habita. in fi. vers. Qui vero ad alium Iudicem costrahere tentauerit, à tali conatu cadat. Rebuff. priuileg. 162.* Quod & statuto huius Academicæ expresse cauetur, dum dicitur, quod Studiosi siue actores sint siue rei, siue illis cum Studiofo, siue ciue sit controuersia, non nisi Rectoris Iudicium subire cogantur. Idque obseruatum in causa Studiosi cuiusdam nobilis nominati Endelgeest qui Studiosus conuenit colonum suum ad soluendam pensionem prædij conducti in foro Academico, cum ipse colonus extra Academiam in pago Voorschoten habitaret.

SEQVVN-



SEQVUNTUR ALIQUOT PRIVILEGIA DOCTORVM,

E T

PROFESSORVM.

I.



DOCTORES propter summam dignitatem, omni carceris periculo vacant, etiam si æs alienum propter inopiam dissolvere non possint, neque bonis cedant. *l. medicos. C. de Professor. & medic. lib. 10. tit. 32. vbi notat Bartol. D D. non posse capi personaliter, seu duci ad iudicium, vel curiam, & ibi Gloss. valde notabilis, imo addit Bart. in l. 1. C. eod. quod extrahens Doctorem de domo sua, pœna capitis teneatur, per d. l. medicos. Ad d. l. miles. 6. ff. de re iud. vbi militibus hoc Privilegium conceditur, quod non teneantur ultra id quod facere possunt, sed etiam eorum habenda est ratio, ne egeant, l. sunt qui 16. cum ff. seqq. & l. inter eos. 19. in fi. ff. eod.*

At vero quod ibi de militibus statutum est, hoc extenditur ad Doctores legum, & Aduocatos. Nam hi comparantur militibus, ideoque non conueniuntur, nisi in quantum facere possunt, per l. Aduocati. 14. & l. fori. 3. vbi Aduocati militare dicuntur. *C. de Aduoc. diuers. Ind. Gu. Pap. qu. 388.* Imo nec pro debito capi, incarcerationi, aut arrestari possunt. *Pres. Euerardi in loc. leg. l. in loc. à milite arm. milit. ad militem caelest. milit. in princ.*

I I.

Doctores de crimine quamvis capitali suspecti in carcere detineri non debent, sed liberantur à pœna, vel custodia carceris, si fideiussores dent iudicio sisti, *text. in l. si grauis. 16. l. quoties 17. C. de dignitat. lib. 12.* Idque probant interpretes, per l. 1. ff. de custod. reor. Quod tamen ita temperandum est, vt Reus Doctoratu insignitus, non omninò liber dimitti, sed quod loco carceris ei ex arbitrio iudicis domus vel ciuitas certa cum custodia militum assignari, vel etiam remota custodia in certum locum arresto constringi debeat. Ita notat *Prosper Farrinacius in praxi criminali. tit. 4. qu. 38. 33. nu. 60. & seqq.*

III. Docto-

III.

Doctores quamuis de crimine suspecti & legitimis indicijs grauati, torturæ subijci non debent, *arg. l. milites. 9. C. de quest. vbi dicitur milites non esse torquendos.* Vnde colligitur neque Doctores torturæ subijciendos. Ratio est, quia omnia Priuilegia quæ militibus competunt, non propter imperitiam juris, sed dignitatis vel publicæ utilitatis causa, etiam D.D. concessa sunt. *Bart. Cyn. & Salyc. in l. 1. C. de iur. & fact. ignor. Idem quoque tenet Cynus in d. l. milites. 9. & l. 4. C. ad l. lul. Maiest.* Nani ne decuriones quidem, quorum minor est quam Doctoratus dignitas, torqueri possunt, *l. decuriones. 6. C. de quest. Idem addit. ad Gloss. expresse statuit in d. l. milites. 9. C. de quest.*

IV.

Doctores maximè legum, sicut & Aduocati, pro nobilibus sunt habendi, *l. prouidendum. 7. C. de postul. vbi Gloss. dicit, quod scientia nobilitat. fac. l. 1. ff. de extraord. cognit. vbi dicitur quod sanctissima ciuilis sapientia præio nummario æstimari vel comparari non potest.* Comprobat hoc *l. scire oportet. 13. §. aliud autem. ff. de excus. iur. vbi Scævola, Paulus, & Ulpianus, dicuntur Coryphæi. i. Principes, vnde nobilitiam Priuilegia etiam Doctoribus competunt. Bart. in l. medicos. C. de profess. & medic. lib. 10.* Vnde etiam Doctores, quia nobiles sunt, in delictis corporis pœna luendis mitius puniendi sunt, quam ignobiles. Sic enim quando agitur de pœna corporali, mitius puniuntur quam ignobiles. *Clar. lib. 5. sent. §. fin. nu. 24. per. l. aut facta 16. §. persona. ff. de pœn. l. sacrilegij 6. in princ. & §. 1. ff. ad l. lul. pecul. l. 3. §. pen. ff. ad l. Corn. de sicar. l. Padius. 4. §. 1. & l. ult. ff. de iuenc. ruin. naufr. Conarr. lib. 2. Var. resolut. c. 9. num. 3.*

V.

Doctores propter dignitatis seu nobilitatis prærogatiuam hoc habent Priuilegium, quod testimonij dicendi, vel iurisiurandi causa domo ad tribunal iudicis vel Magistratus euocari non debent, sed ad ipsum iudex quempiam mittere debet, qui iurisiurandum vel testimonium ab eo domi recipiat. *l. ad egregias. 15. ff. de iur. iur.*

VI.

Filij Doctorum & Professorum debent extraneis in lecturis præferri, nec aliquid pro examine aut alijs sumptibus Doctoralibus exsoluere coguntur. *l. iubemus. 3. circa medium. C. de Aduoc. d. iur. j. iudic. Pres. Euerardi. Consil. 193.*

VII.

Hoc etiam Privilegium Doctōri tribuitur, quod Doctōri quamvis unico testi attestanti de peritiā sui discipuli plena fides adhibetur. *l. mementi. xi. C. de Aduoc. diuersi. induciōr. vbi Baldus.*

VIII.

Doctores quouis tempore & loco arma gestare possunt, *arg. l. vlt. C. de prapof. sacri cubiculi. lib. 12. tit. 5. Bart. in l. medicos C. de profess. & medic. lib. 10. vbi dicitur, quod viri illustres possunt vti cingulo militari.*

IX.

Nonnō ex constitutionibus imperij in Comitij Francofurti Anno 1577. habitis concessum est Doctōribus eorundemque vxoribus ius vestimenta ornamenta, & aureas catenas, annulosque iuxta dignitatem & Prinilegia suagerendi. Idem confirmat *Guid. Pap. quest. 88. vbi notat, quod Doctōres juris censeri debent nobiles, quia à Populo taliter nominantur & reputantur. Vnde etiam gestant, ZONAM vel catenam DEAVRATAM, quod non faciunt plebeij.*

X.

Decimum Privilegium est, quod Scholares & discipuli inopi Doctōri & Præceptori alimenta suppeditare tenentur. Quod probatur exemplo Masturij Sabini qui propter inopiam plurimum à suis auditoribus sustentatus est. *l. 2. §. fin ff. de Orig. iur.* Idque euidens ratio naturalis dicat, quā naturali obligatione vt beneficientibus gratias rependamus, discipuli suis præceptoribus obstringuntur. *l. sed etsi. 25. §. consuluit. ff. de petis. hered. l. Aquilius Regulus. 27. ff. de donat.* Parentibus enim & præceptoribus (vt eleganter & præclare Seneca loquitur) non potest reddi æquiualens. Et Alexander Magnus Imper. pluris faciebat præceptorem suum Aristotelem, quam proprium patrem Philippum, quia ab hoc nascendi, ab illo bene nascendi initium sumpserat. Pulchre Lipsius in epistolis. *Nasci vulgare est bene institui, altera vita est.*

XI.

Vndecimum Privilegium est, quod Doctores immunes sunt ab omnibus oneribus & muneribus publicis & ciuilibus. *l. medicos. C. de profess. & medic.*

de medic. lib. 10. proinde non tenentur excubias agere, nec milites hospitio recipere, nec diurno nec nocturno tempore ad portas vigilare, nec loriceis vel alijs armis, quæ ciuibus imponuntur, instructi esse coguntur, nec de quæque collectam soluere tenentur. *text. notab. in l. sanctimus. 6. C. de Aduoc. diuersi iudicior.* vbi dicitur, quod Aduocatis nulla debet ingeri peræquatio. h. e. vt interpretatur Accurs. nihil eolletarum nomine debet eis iniungi, facit quod Sacerdotes à talibus contributionibus eximuntur, *c. clerici, de immuni Eccles. in 6.* Sed Doctores legum sacra ministrare dicuntur, & Sacerdotibus æquiparantur. *l. 1. in verb. cuius scilicet artis æqui & boni nos quis merito Sacerdotes appellet. ff. de Inst. & iur. Ergo & c. Guid. Pap. quest. 388. Latè Menoch. in arbit. iudic. quest. lib. 2. cent. 4. casu 379.*

XI I.

Duodecimum est, quod Doctor qui tranquillum & quietum habitandi locum ad studia sua excolenda nullibi in ciuitate, quam in ea placeat, vbi faber habitat, reperire potest, factum sibi obstrepentem & turbantem sua studia expellere potest. *arg. l. vnic. in fin. C. de liberal. stud. vrb. Rom. lib. xi. tit. 18.* Quod tunc maxime locum habet si Doctor præuenit fabrum in habitando, vt tunc à Doctore ex vicinia eius possit expelli, ne clamore & strepitu turbet eius studia. *arg. l. 2. §. si quis nemine ff. ne. quid in loc. publ. Mantua in dialo. glos. seu glossar. iuris class. 1. c. 14.*

XI II.

Doctores juris qui in Academijs XX. annos docuerunt illustres seu nobiles efficiuntur, & comitum Palatinorum titulo & honore gaudent *arg. l. vnic. C. de Profess. qui in vrbe Constantinop. lib. 12. tit. 15.* vbi eiusmodi Professores juris, qui per XX. annos publicè professi sunt, æquiparantur COMITIBVS & vicarijs Principum, quos propter suam dignitatem illustres esse constat. *Wesembec. consil. 40. num. 50. vbi ex d. l. vnic. recte notat, quod Professores juris, qui XX. annos docuerunt COMITVM dignitate potantur.* Hinc in Academia Salmanticensi in Hispania, item in Duacensi Flandriæ Acad. qui vigesimum annum expleuit in munere docendi, stipendio suo (immunis à legendo) quamdiu viuit fruitur, *Middend. lib. 7. de Acad. in cap. de Salmanticens. Academia.*

Hinc quamvis Professor itemque Doctor per substitutum legere non possit. *l. vlt. ff. de excus. tut. l. 1. §. ne autem. C. de calic. toll.* attamen quando XX. annorum spacio Doctor publica professione functus, illustis est factus, per substitutum profiteri potest *l. nullus qui in xxi. 60. C. de decur. lib. 10. tit. 31.* Cuius l. hæc sunt verba, Hi verò decuriones, qui honorario titulo illustrem dignitatem sunt consecuti periculo suarum facultatum, per substitutos curiæ muneribus satisfacere non vetentur.

Decimum quintum Privilegium est, quod qui Doctorem Iuris vel Professore publicum cuiuscunque facultatis verberat, pulsat, vulnerat, vel iniuria afficit, tenetur *l. Iulia de vi publ. l. lege Iulia. 7. ff. ad l. Iul. de vi publ. in verb. oratorem. 1. ut gl. interpretatur, artium vel legum Doctorem.*

Et hanc sententiam adhuc hodie in judicijs observari notat Hartmann. *ab Hartmanno in pract. Obseru. lib. 1. miscell. iuris civilis. c. 4.*

F I N I S.

